



Tujetsch Historia dalla scola tujetschina



Tujetsch

Historia dalla scola tujetschina

La scola veglia

L'instrucziun

Scolas e scolasts/as

da Sedrun

da Rueras

da Selva/Tschamut

da Camischolas

da Cavorgia

La scola nova

La scoletta

Ina documentaziun da

Tarcisi Hendry

2023

Cuntegn

1	La scola veglia	5
2	Las midadas	9
3	L'instrucziun	16
4	Las scolas ed ils scolasts da Sedrun	26
5	La scola e scolasts dil vischinadi da Camischolas	
6	La scola e scolasts da Rueras	
7	Scola e scolasts per Selva e Tschamut	
8	Scola e scolasts da Cavorgia	
9	La scoletta	
10	Il cussegl da scola	
11	Studis per ina fusiun dil scalem ault cun Mustér	
12	Ina cronologia dils baghetgs da scola	
13	Ina cronologia da midadas, eveniments, giubileums, abdicaziuns, projects ed auter tenor ils rapports annuals dalla vischnaunca (1979 – 2020)	
14	Scolasts e scolastas, mussadras da Tujetsch	
15	Conclusiun	
16	Fontaunas	
17	Fotografias	
18	Documentaziun Protocols dil cussegl da scola 1847 – 1901 Ord ils cudischs da protocols da vischnaunca dils onns 1838 entochen 2005	

La scola el Grischun

Las empremas scolas el Grischun neschan denter 1650 e 1700. Quei ei tier nus il temps che las caplanias ein vegnidas fundadas. Igl uestg veva la controlla da quellas ed ils plevons e caplons era obligai d'instruir quasi gratuitamein. La scola cuzzava da principi da s. Catrina, ils 25 da november, entochen Pastgas.

Igl onn 1846 survegn il cantun igl emprem uorden da scola che declara la scola obligatoria. Las vischnauncas vegnan obligadas da formar corporaziuns da scola. Sco roms obligatoris vegnan declarai: ductrina, leger, scriver / calligrafia, quens a scert ed a bucca, lungatg e cant.

Naven digl onn 1867 cuoza la scola 24 jamnas. Igl uorden da scola da 1904 ordinescha 28 jamnas per scolas elementaras da 8 onns e 26 jamnas per quellas da 9 onns. Dapi 1976 valan lu 36 jamnas e 9 onns da scola.

1. La scola veglia

La Val Tujetsch ei vegn colonisada da el decuors dil 10avel, forsa per egl 11avel tschentaner. Gl'emprem tierm marcant ella val ei l'erecziu d'ina baselgia a Sedrun per l'entira vallada. La consecraziun da quella ei stada igl onn 1205.



Plirs concils dalla Baselgia catolica han concludiu ch'ei seigi l'obligaziun dils plevons d'instruir ils affons ella pleiv. Ei setractava oravontut d'ina scolaziun ella ductrina cristiana.

Gia duront il 15avel tschentaner vegneva ei erigiu ellas pleivs grondas "caplanias da scola". La pleiv da Tujetsch ha gia baul retschiert in gidonter pil plevon che veva l'obligaziun da dar scola a Sedrun. Pli exacta informazion dat il document dalla visitaziun episcopala digl onn 1643.

Denter las obligaziuns dil plevon vegn era nudau sut nr. 5:

Ei vegn punctuau ch'il plevon stetti avon e detti scola ed hagi la lubientscha da retrer persuenter, sco ei plai ad el, per affon e per meins treis bazs e sch'ei schabegiass ch'in affon u l'auter frequentass inaga mo 3 - 4 dis la scola en in meins, sch'eis ei lubiu al plevon da retrer la taxa sco per in entir meins.

(Urbari dalla pleiv da Tujetsch.)

Il basegns d'ina persuna che sededicheschi principalmein alla scola e levgieschi la lavur al plevon vegn culs onns pli e pli urgents.

Aschia survegn il plevon dalla val el decuors dil 17avel tschentaner primissaris ni caplons. La caplania

da Rueras pren sia entschatta cugl onn 1645 e per Sedrun vegn igl emprem caplon numnaus 1666. La caplania sezza a Sedrun vegn erigida cun lubientscha digl uestg da Cuera per igl onn 1749 sco "in'atgna caplania da scola". Denter sias obligaziuns descrettas manedlamein secloma ei:

Il caplon sto u el sez dar scola, u mirar per in um adattau che sappi far quei; persuenter dueigi el u siu substitut obtener empau lenna, dapli ch'ils vischins ston ira per tut, pinar, far ora e caveglier.

(Copiau da treis feglis pupi vegl, tagliai ord igl urbari vegl da Sedrun, probabel cun p. 128-131, che sesanflan ussa egl archiv episcopal a Cuera, senza datum. – Tenor pader Baseli Berther setract'ei dalla scartira da R. D. Joannes a Castelberg plevon a Sedrun 1730-1736.)

In'altra notizia precisescha che la principala obligaziun dil caplon seigi:

.... far duas ga per di scola.

(Notizia da pader Baseli Berther, ella Biblioteca romontscha dalla claustra da Mustér.)

Meinsvart vegnevan plevons e caplons era susteni da gidonters laics. Il plevon pledeva in "magistri" ch'el stueva sez indemnifar. In magister Risch vegn numnaus el cudisch da battens da 1664.

Il plevon da Sedrun noda sut ils 12 d'avrel 1692 la naschientscha dalla feglia Maria Magdalena da "magistria" Risch e Durgiai Victoria.

In secund "scolast" ei registraus ils 26 d'uost 1708, il magistri Joannes Soliva che veva maridau la Durigiet Maria.

(El cudisch da batten nr. 1:

1692, 12 Aprilis: Maria Magdalena filia magistria Risch et Durgiai Victoria;

1708, 26 augusti: Maria Catharina filia magistri Joannes Soliva et Maria Durigiet legitimae uxoris.)

Igl onn 1700 dumbra il diember da naschientschas 31 affon, igl onn 1740: 28 affons, gl'onn 1745: 38 affons e lu 1750: 42 affons.

La survesta dils caplons dils emprems onns lai sminar ch'ei fuva buca lev d'anflar caplons che funcziunavan sco scolasts ed instruevan bugen ils affons. En gliez cass stueva il plevon supreender ni surdar la lavour a laics.

Quei verifichescha fetg bein ina brev dils Tuatschins, scretta ils 28 da matg 1679, agl uestg da Cuera. Cheu secloma ei denter auter:

Sur Jacob Anton de Gonda plevon a Sedrun ei sedecidius quei onn da supreender el sez la scola a Sedrun, aschinavon ch'ei seigi aschi pupratscha stabilitad "so schlechte Beständigkeit" culs caplons, mo stoppien ins schar la libertad ad el d'encurir in caplon tudestg ni talian che gidi el. La vischnaunca hagi supplicau el ditg persuenter, entochen ch'el hagi dau suenter e secret la caussa a Cuera.

(La copia da quella brev sesanfla ella Biblioteca romontscha dalla claustra da Mustér.)

Alla fin dil 18avel vegneva la scola sustenida dil cumin dalla Cadi che selubeva era d'intervegnir en cass delicats en fatgs da scola.

Ei ordenau ch'ils signurs geraus da Tujetsch en preschientscha dil Herr Farrer dueigien far clamar Andriu Beer e sia casada e quel admonir ch'el muossi ed entruidi ses affons meglier e cumandar ch'el quels flisiameing tarmetti a scola e ductrina. Aschiglioc resalva in Ludeivel Oberkeit da dar il dueivel castitg per sia malobedientscha, cun el leutier obligar da tener ses affons ella vischnaunca da Tujetsch.

(Protocol da Cumin 1 sut "Anno 1790, ils 22 da Nov. Lud. Oberk. dil Cumin ..")

Pader Placi a Spescha presenta era la scola tuatschina en sia descripziun dalla val digl onn 1805 e dat aschia in maletg dalla situaziun:

Quei uffeci ei adossaus als caplons da Sedrun, da Rueras e da Selva. Ils affons san serender en casa-caplania e retscheiver leu instrucziun en leger e scriver en romontsch e latin. Beinduras vegn era in laic admess. Las scolas entscheivan il november e cuozan entochen dumengia da palmas.

Pader Placi manegia ch'ei fusi pli cunvegnent da surschar la scola a persunas laicas d'omisduas schlatteinas. Al spiritual duess vegn surdau ina lavour d'instrucziun pli correspondentia a siu caracter, numnadamein l'instrucziun en religiun e moralia ed en auters arts e scienzias e quei mo alla giuentetgna masculina. Il cuntrari duessen versadas giuvnas sils onns instruir mattatschas pli grondas ella moralia, en cuschinat, cuser e filar ed el tenercasa. Egl urbari da Sedrun noda el 1814:

.... dil rest: Tgi che vegli tarmetter lur affons tier auters a scola, possien ei sez secunvegnir cun quels tals e pagar particularmein.

(Urbari dalla caplania da Sedrun p. 245, scret 1814 dil maun da pader Placi a Spescha.)

Il caplon veva l'obligaziun d'instruir ils affons. Ei deva pari era scolasts ch'ins saveva tarmetter ils affons cun pagar. Carteivel schazegiava pader Placi quella varianta cun schizun mo buns scolars ed aschia astgava el plitost ughegiar da scappar ora ella natira.

La scola era da principi da tempra religiusa ed ha cuzzau plirs tschentaners. Alla testa steva igl oestg. Quella pratica ha cuzzau entochen amiez il 19avel tschentaner.

Cun l'entschatta dalla secunda mesada dil 19avel tschentaner entscheiva en Tujetsch ina nova epoca dalla scola. Piuniers sco Heinrich Pestalozzi (1746-1827), Gregor Girard (1765-1850) ed auters exponents dalla scola populara, han dau novas directivas e novs accents all'instrucziun dils affons en scola. Il patertgar dad introducir ina scola populara ni scola primara sco ozildi, ha entschiet a semadirar el spért tuatschin. Igl onn 1841 sentaupa la cumissiun da scola dil cumin dalla Cadi culs responsabels della scola tuatschina. Ei basegni in grond engaschi da promover il migliurament dallas scolas en Tujetsch. Cun in scriver sedrezza il cumin als signurs geraus da vischnaunca cun l'incumbensa da consultar ils amitgs dalla scola ed il sur plevon e confruntar cullas suandontas damondas.

Sch'ei seigi necessari da fundar aschi bein a Sedrun sco era a Rueras meglieras scolas ni sch'ei seigi forsa avunda da promover ina scola centrala en in liug plascheivel alla vischnaunca, laschond a mintga liug las scolas presentamein existentes cun la pli necessaria refuorma.

Sche la vischnaunca füssi cuntenza, da cun cunsentiment digl Ordinariat, prender ord las rehas capluttas dalla farria per vegnir tier las necessarias fundaziuns, sco era per baghegiar els dus menziunai loghens casas da scola.

Sch'ils beneficiats che han l'obligaziun da far scola, füssien cuntents da contribuir in ton al salari per las scolas, sedeliberond els cautras dalla sura grevezia.

Sch'ei füssi d'anflar auters avantatgs, sco per exempl a Ruera,s entras unir la scola cun la calustaria, per cheutras vegnir ton pli tgunsch tier la necessaria fundaziun etc.

Ils Tuatschins sededestan ils onns 1840 e 1850 cun promover l'instrucziun da lur affons. In maletg dalla scola da quels decennis leu porschan las notizias dil vegl scolast Gion Antoni Soliva (1832 - 1915) da Sedrun. Quellas secloman:

Dil temps denter 1840 e 1850 vegneva clamaui giud scantschala la dumengia avon s.Catrina (25-11), che la scola vegni da quei temps entschevida e cuntuada tochen la jamna sontga. El medem temps recumandava il sur plevon da vuler tarmetter ils affons sauns e tafers dad otg onns vegliadetgna tochen ils da dudisch onns inclusiv, flissiamein a scola. - Quei daventava aber sut negin strof e controlla.

Ils anno 1840 tochen 1845, che jeu mavel a scola, deva il sur Giachen Martin Camenisch, caplon a Sedrun, scola als pigis digl ABC en sia casa privata. (Quei era la casa dil Muggli Grond, capitani Sep Antoni Muggli) - Als auters affons che savevan ina gada leger deva il sur plevon, decan Giusep Antoni Hetz, scola en sia casa pervenda. A Rueras deva il sur beneficiat sur Vigeli Venzin da Gonda scola ed a Selva ha il sur beneficiat sur Gion Giusep Deplaz dau tochen anno 1850 era en casa pervenda, ton sco jeu sail. - Naven dils anno 1845 tochen ils 1849 ha Stiafen Monn dau scola a Sedrun en sia atgna casa.

Cudischs da scola eran:

1. In sempel ABC.
2. Suenter quel il sempel cudisch dil cuntegn da cuortas fablas e praulas.
3. In cudisch pli volum, cuntenent enqual descripzion dalla natira ed enqual raquintaziun ord il temps vargau, che vegneva numnaus "il cudisch da steilas", sco era il cudisch dil Veder Testament".
4. Il cudisch d'uffeci latin ed il cudisch da ductrina. En quels vegneva legiu ed enqual caussa empriu a memoria e raquintau.

(Partenent ils divers "cudischs da scola" duvrai per l'instrucziun en nossas scolas romontschas da quei temps, mira: Gion Deplazes: "Schulbücher im romanischen Rheingebiet", disertaziun a Friburg.)


El scriver: concepts negins mobein exercezis ella calligrafia. A mintga scolar scriveva igl instructer sez sisum in fegl pupi ina lingia e suenter quella haveva il scolar da scriver igl entir fegl schi bein sco'l saveva.

El quen vegneva mussau successivamein las quater specias cun special risguard e far quen cun renschs, rizzers e bluzchers; mo quei naturalmein, quellas quater specias, senza risguard sin quens pratics per la veta. Quen a tgau negin exercezi.

Ariguard las absenzas dils affons da scola duront il temps da scola vegneva teniu negina controlla.

La disciplina era empau munghusa, malgrad ch'ils affons eran bein sensibels e beinduras empau da scharfs (tazzas cun ina gronda e ferma lingiala treis e quater en ina gada; star mesas uras enschanuglias cun bratscha aviarta e lu aunc beinduras sin in plèder git).

Duront scola vegneva bein savens scumandau scadin tschintschar denter ils scolars ed era buca mirar ord il cudisch. Per quei intent metteva il scolast secretamein in scolar sco survigilader e tgisader da quels, mo quei tgisader ch'era il bia gia enconuschents als affons da scola, vegneva ord scola hassiaus e persequitaus da tuts affons da scola, en particular da quels che tal tgisava al scolast. In relavont spért e fliss fuva tiels scolars gronds che scrivevan sin pupi, il scolast metteva giu ils scolars ina ga per meins en retscha cun nr. 1, 2, 3 ed aschia vinavon, secund sco lur scartiras eran bein ni malfatgas.



Emprova da scriver da Teresa Monn 1885

Emanuel Deragisch (1846 – 1924), il bab dils dus missiunaris caputschins, pader Placi (1875-1934) e pader Theodosi (1888 – 1944), ha mess a secret la suandontas notizias sur dalla scola tuatschina. El ha frequentau la scola dil temps che Gion Antoni Soliva e Placi Bisquolm devan scola a Sedrun.

Jeu sundel ius a scola 1851 da 5 onns e vevel aunc en rassa. Ei era gia obligatori d'ir a scola. (Dapi 1846!) Mo buc aunc fixau con ditg e schebein ins stueva far ora in tons onns, mo ira mavan tuts. Scolast era Placi Bisquolm da Disla, prima scolast en tuts graus. Ha stuui ceder pervia da Gion Antoni Soliva che deva lu scola enta Rueras. Bisquolm deva era scola la stad en casa dil caplon; giu bass en ina stiva habitava el. Cudischs vevan nus igl ABC ed il "cudisch da steilas" per las classas aultas. Avon Placi Bisquolm deva sur Giusep Maria Camenisch scola.

(Davart sur Camenisch mira: Guglielm Gadola, sur Giusep Maria Camenisch, biografia, Glogn 1931, 5avla annada, p. 74-99. - Las sura notizias manuscrettas sesanflan ella Biblioteca romontscha da Mustér.)

2. Las midadas

Ils onns 1840/50 sesviluppescha l'idea per novas scolas en las vischnauncas dalla Surselva. La "Societad per ameglieraziun dallas scolas catolicas dil Grischun", fundada 1832, ha propagau e susteniu in svilup innovativ en favur dallas scolas.

(Mira: Gedunkschrift, 1. c. p. 106 e ss.)

La pressa renfatscha en general ch'ins hagi entochen ussa fatg plitost pauc per il progress dallas scola dil vitg e che las viaschnauncas astgassien entscheiver ad interpretender enzatgei en favur dall'instrucziun. La Nova Gasetta Romontscha nr. 16 da 1840 s'exprima ualti clar cun scriver:

Aber tgei ei vegniu fatg per las scolas! Confesseien sinceramein: nuot, dil tut nuot.

Quei vegn ualvess ad esser stau la verdad per l'entira regiun dalla Surselva. Tujetsch veva tochen lu aunc neginas casas da scola. La gasetta rapporta d'in stemprau digl onn 1839 che hagi derschiu massa plontas e la vischnaunca duessi patertgar da baghegiar cun quella lenna casas da scola. Ils vischinadis duessien dar gratuitamein ils suloms. Quei fussi buca fatg da memia per la scola. A Camischolas duessien ins insumma ereger ina casa da scola per l'entira val.

La cumissiun da scola dil cumin dalla Cadi intervegn en caussa scola ed il resultat da quella sesida scriva ella alla vischnaunca da Tujetsch da calonda december digl onn 1841:

Mustér, igl 1. da december 1841

Havend la cumissiun da scola dil ludeivel Cumin dalla Cadi sil sura di teniu confereza cun ils signurs geraus dalla ludeivla vischnaunca da Tujetsch e vesend ord informaziuns dadas dils medems signurs geraus, d'ina vart ils gronds basegns da promover il megliurament dallas scolas leu schon existentes, sco era da l'autra vart las abuldontas resursas pecuniaras da quella vischnaunca, sche ha la cumissiun da scola invitau ed incumbensau ils respectivs signurs geraus da tener en lur vischnaunca conferenza cul revendissim signur farrer ed auters amitgs da scola per seconsultar:

- a) Sch'ei seigi necessari da fundar, aschibein a Sedrun sco era a Rueras, meglarias scolas, ni sch'ei seigi forza avunda da promover ina scola centrala en in liug plascheivel alla vischnaunca, laschond a mintga liug las scolas presentamein existentes cun la pli necessaria refuorma.
- b) Sche la vischnaunca fuss cuntenza, da cun cunsentiment digl ordinariat, prender ord las rehas capluttas dalla farria il superfluum per vegnir tier las necessarias fundaziuns, sco era per baghegiar els dus menziunai loghens casas da scola.
- c) Sch'ils beneficiats, che han l'obligaziun da far scola, fussien cuntents da contribuir in ton tier il salari per las scolas, sedeliberond els cheutras dalla sura grevezia.
- d) Sch'ei fussi forsa d'anflar auters avantatgs, sco per exemplu a Rueras entras unir la scola cun la calustria, per cheutras vegnir ton pli tgunsch tier la necessaria fundaziun.

La cumissiun da scola viva dalla dultscha speronza, ch'il signur farrer dil liug, ensemble culs respectivs signurs geraus ed auters buns amitgs da scola, vegnien en buna entelgentscha ed accord ton per in liug sco per l'auter, secund lur meglier saver e puder, promover il megliurament dallas scolas da lur vischnaunca.

Vegnend la vischnaunca da Tujetsch suenter a quei senza dubi gest e sogn desideri d'in ludeivel magistrat ed en particular dil cussegl d'educaziun, sche pudein nus quella era certificar, ch'ella vegni secund ils progress era contonscher ils commensurai premis ord la cassa cantunala.

*Serecamondan alla buna vulentscha d'ina ludeivla vischnaunca, ils suttascrets
Paulus Benedictus Berther, farrer*

*Al. la Tour
F. Cabernard*

La gasetta "Il Romontsch nr. 10 digl onn 1847" sto denton far la sequenta objecziun alla Val Tujetsch:

... Era en Tujetsch spetgav' ins in meglier regulament da scolas, denton par'ei ch'ei seigi vegniu refretg pia vinavon plaunsiu?!

Tredisch gassetas pli tard, en numera 23 digl onn 1847, secloma ei lu tuttenina en favur dalla scola tuatschina.

La vischnaunca da Tujetsch ha ils 30 da matg 1847 unitamein tschentau si in fondo da scola da 11'000 flurins, ditgel endisch melli. In bi e zun legreivel progress e segiramein mai s'udius ellas annalas tuatschinas suenter la mort dil glorius Pieder de Putnengia.

Ils emprems status da scola vegnan tschentai si d'ina cumissiun. La finanziaziun fuva impurtonta e decisiva per il prosperar della scola, ton che quella stat el center dallas statutas.

Status da scola – 1847

Sin stimulaziun dil revendissim segnerfarrer, sco era entras insinuaziun dallas autoritads cantunalas ed era muort igl aspect d'autras vischnauncas ed en particular per era nus survegnir enzatgei ord la cassa cantunala, sche ha la vischnaunca sco enconuschent ei, decretau ch'ils signurs geraus dueien cun agid d'ina cumissiun seconsultar co ins savessi stabilir ina fundaziun per vegrir tier scolas nizeivlas e bunas per nossa vischnaunca. Differentas gadas ha quella cumissiun giu palaz e finalmein projectau il sequent. Ordavon secrei quella cumissiun da metter en egl a tuts vischins, che buca interess privats, u zuppadas miras, hagien muentau tier quei conclus, sonder la totala perschuasiun dil bien general; che buca mo ils pli beinstonts sappien spargnar bia daners, sonder era ils paupers sappien cheutras vegnir instrui da maniera, che era a quels seigi dau ils mettels da semetter en stan da puder e saver gudignar lur paun.

Plan co la fundaziun duei vegnir stabilida

1. Ord las capluttas vegn priu ora il capital, cumpriu en ils tscheins rimnai:	fl 4200.-	porta tscheins annual
		fl. 210.-
Tscheins rimnau da tuttas capluttas	fl. 800.-	
Capitals ord la caplutta da s. Nicolaus	fl. 150.-	
Capitals ord la caplutta da s. Bistgaun	fl. 500.-	
Capitals ord la caplutta da Nossadunna	fl. 800.-	tenor approbaziun dalla
Capitals ord la caplutta da s. Giusep	fl. 100.-	Curia croda tscheins annual
Capitals ord la caplutta da s. Antoni	fl. 830.-	ord las capluttas 194 fl.
Capitals ord la caplutta da s. Leci	fl. 1000.-	

Ils signurs geraus cun il segnerfarrer han la cumissiun d'immediat corrispunder cun la Curia ed aschigleiti sco la lubientscha ei, zavrar ora ils capitals e dar enta maun al cussegli da scola.

2. Ei duei vegnir schau segar pastiras mintga onn per fl. 50.-, numnadamein las sequentas: Pala Gronda, Crappa Grossa dadora, Grep Tgietschen, Sur Tscheinghels, Caschlè da sum en ed ora suenter il solit, las Fontaunas da Malamusa, ils Bruis, Ruosna, Crap Gelgia, Puzza Pintga, Riva da Surpalits, in ton sin l'Alp Tschamut, Plaun Viradas, Val Ruinatsch, els Pardatschs suenter il solit, Paliu Crap ed in ton en la Val Gierm.

L'entschatta vegn segau a Surpalits ed allura mintg'onn mess en ingant in ton da quellas, da maniera ch'ins po ver speronza, d'avon ch'ei seigi entuorn, cuoza ei onns – e duei vegnir vendiu annual per fl. 50.-

aschia tscheins annual fl. 50.-

3. La vischnaunca pren sin jarva 26 tiers per onn, ils quals vegnan reparti sin ils vischinadis sco suonda:

Bugnei, Sedrun e Gonda 7, Camischolas e Zarcuns 4, Rueras 4, Selva 3, Tschamut 3, Surrein e Cavorgia 5. Mintga vischinadi ei responsabels per igl arver digl importo da fl. 3 e 20 x per tier, quels tiers duei mintga vischinadi procurar che buca pli che dus da quels tiers vegnien mess u schai ad in – per raschun che las pastiras dalla primavera vegnan aschi uliv sco pusseivel gudidas, outras grevezias da pustretsch ein quels tiers suittaposts sco il nos.

renda in tscheins annual fl. 86.40 x

4. Ei vegn projectau ch'igl oberkeit duei per treis onns prender si l'administraziun d'economia da vischnaunca senza ver entgina recumpensa per quella, quei s'entelli tuts fatgs d'economia – quei che regordescha correspondenza cun autoritads u per materialias da quellas varts, duei vegnir bonificau, per il qual ei vegn teniu quen e quei ed auter quen dau giu alla vischnaunca, cass nunprovedi e particularitads ei adina reservau.

Ins ha cheutras buca l'idea che la giustia, ni nos fatgs economis vegnien periclitai, sonder ferm perschuadi dalla buna affecziun che nus veien bein patertgau. Umens che hagien premura per nies bien, sche mo in bien exempl ed enqual sacrificci, ch'els rendien affecziun al pievel, e ton pli ch'ins ha ferms fastitgs, ch'igl oberkeit present, vegni pigl onn futur a sacrificar quest. Sche han ins era speranza che per dus auters onns sappi quei daventar. Il gentar da Tschuncheismas ei dismess – per il gentar ch'il segnerfarrer deva agli oberkeit, paga quel alla scola fl. 7.- per onn ed igl oberkeit survegn negin, perencunter paga la vischnaunca alla scola per quels treis onns mintg'onn fl. 100.-

aschia tscheins annual fl 100.-

fl. 446.40 x
quei fuss pia tscheins franc annual per
quels 3 onns, dil qual negin vischin
vegn la minima caussa engreviaus -

Igl oberkeit ei aber incumbensaus da ton pli gleiti tschentar si in regulativ u uorden da vischnaunca commensurau als basegns administrativs, sco enconuschenet quel, rapportar alla vischnaunca.

Resuras arbitrandas

5. Tgi che seghi fein a pastg el Cuolm Bass paga per um 20 x e femnas che segan 8 x.
calculau che pudess vegnir en per onn fl. 60.-

6. Tgi che marida en vischnunca paga fl. 1 e 40 x tochen fl. 6 e 40 x. Tgi che marida ord vischnaunca paga fl. 1 e 40 x tochen fl. 10. Quei s'entelli era vieus e vieuas. Igl arbitrar il pagament ei surschau al cussegli da scola, quei vul dir da pagar dils fl. 1 e 40 x tochen la pli aulta summa.

7. Finalmein duei vegnir tschentau in cussegli da scola, che consista en otg personals ed ha da cuzzar treis onns. Il segnerfarrer ei president da quels, ils auters siat dueien esser seculars, ils quals la vischnaunca legia ora en mintga vischinadi silmeins in, quels han l'incumbensa da rugalar ensemens ils fondos, mirar ch'ils capitals seigien segirai, recavar dalla cassa sco dretg ei per ils premis, procurar per locals da scola aschigleiti sco pusseivel. Trer en il stipulau tscheins ed outras resursas, cun quei far capital u pagar quei che croda, e mintga onn render in specificau quen alla vischnaunca dil prender en e dau ora – sco era da lur operar.

Las scolas lontanadas en ils vischinadis dueien ad interim vegnir fatgas sco tochen ussa e pagadas secund basegns, quellas nua ch'ils caplons fan, vegn schau era sco ussa – quei duei aber buca puder vegnir prolunghiu pli che dus onns, da leu naven vegn allura en scadin liug a vegnir fatg silmeins ina scola rurala, ed ord il fondo pagau a proporziun e

sinaquei che mintgin sappi cul temps seprofitar dallas scolas centralas. Aschiditg sco ei retracta da regulaments d'interess, localitads, stabilliments da fundaziuns, duei mo il sura cussegli vegnir clamaus, cura aber ch'igl ei da secussegliar dalla instrucziun dils affons ed examinar mussaders; sche dueien tut ils spirituals vegnir clamai en. - Ils commembers dil cussegli ein obligai da seradunar aschi savens sco il president cloma en e quei tut gratis, u per negina pagaglia.

Per quei mument manegia la cumissiun da star tier quei, recamonda il cussegli da scola, sch'el anfla cul temps ch'il basegns damonda pliras resursas, sche vegn el a projectar u seprofitar, dils pli adequats e migeivels mettels, per augmentar la fundaziun, sco era per il manteniment dallas casas.

Approbaus ils 30 da matg 1847 ed eligiu il suandont cussegli da scola:

Sedrun:	signur scarvon Monn, substitut Stiafen Monn, Hans Giachen Beer
Rueras:	signur mistral Gieriet (- 1853), statalter Paul Wenzin,
	statalter Hans Giachen Decurtins
Camischolas:	statalter Gion Andriu Berther
Dadens gl'Uaul:	statalter Vigeli Wenzin
Da Maun Sut:	statalter Lezi Mucli e statalter Sep Antoni Mucli

La cumissiun da scola digl onn 1847 propona la construcziun d'ina scola centrala per ils vitgs dador il Dutg Grond (Zarcuns, Camischolas, Gonda, Sedrun, Bugnei, Surrein e Cavigria) e noda ils 27 da zercladur en siu protocol:

Ha la cumissiun da scola concludiu il sequent: numnadamein da baghegiar ina casa vin Dulezi che dueigi survir per scola centrala dall'entira vischnaunca. La casa dueigi vegnir baghegiada cun giufuns duas stivas grondas a pèr e lura trer giebel da maniera ch'ei possi aunc en zatgei cumachs. Ils da Camischolas dueigien sedecider, sch'ei veglien s'eunir cun ils da Sedrun en termin tochen ils 29 dil present senza neginas cundiziuns, oreifer sch'ei duess vegnir il cass ch'els havessen stgisas sufficientas da sedevidir separadamein. Cass vegness ei lura fatg ina regurdientscha co gidar zatgei vid lavour cuminia. Sco era sch'ei duess vegnir mess spesas pecuniaras, dueigi era vegnir ad els a proporziun. Als da Rueras ei schau sura als vischins da tschenttar sia casa suenter lur beinmanegiar, bein entelgiu aschi spargnusamein sco pusseivel, bein ch'ei vegni fatg in local adatteivel per ina scola.

Il svilup ei mo staus pusseivels cul grond sustegn dalla baselgia, da ses plevons e caplons. Era ils onns, nua ch'il moviment per la promozion dalla scola vegn fatga dil cantun e cumin, ein oravontut ils plevons stai alla testa dalla promozion e quei cun plaid e fatg. Da quei dat era il suandont document perdetga:

1847, ils 12 d'uost ha igl Ordinat episcopal da Cuera lubiu da prender dallas capluttas da Tujetsch sequentas summas per fundar in fondo per las scolas ruralas:

Caputta da s. Clau, Tschamut	180 fl.
Caputta da s. Bistgaun, Giuv	580 fl.
Caputta da Nossadunna, Zarcuns	860 fl.
Caputta da s. Giusep, Bugnei	100 fl.
Caputta da s. Antoni, Surrein	860 fl.
Caputta da s. Leci, Cavigria	1300 fl.
	3880 fl.

Quasi tuttas capluttas dalla val han dau in bien exempel e susteniu finanzialmein l'erecziun da baghetgs da scola e l'instrucziun. Ei cintinuescha cun ina admirabla curascha ed in engaschi endinau. Il prosperar dalla scolas pren ina legreivla entschatta.

La gasetta "Il Romontsch", ina gasetta conservativa, rapporta en nr. 15 digl onn 1848:

"Sin Cadruvi a Sedrun duei vegnir baghegiau in stupent casament per las scolas da Sedrun.
Per treis autras casas da scola, eis ei schon ussa lenna sil plaz. Tujetsch sestauscha pia cun
honur vinavon."



Casa da scola Cadruvi: M.G.B.D.R Meister Gion Benedetg Deragisch, Rueras 1848

Dus onns pli tard cumpara ella gasetta Amitg dil pievel nr. 13 digl onn 1850:

.... Alla giumentetgna s'auda igl avegnir e sche la vischnaunca da Tujetsch ha dacuort
baghegiau treis casas da scola ed ha presentamein emploiau treis scolasts, gl'emprem cun ina
paga da 350 flurins, il secund cun 80 ed il tierz cun 50 flurins (ils dus davos mo pigl
unviern), sche sa mintgin concluder, ch'ella hagi il dretg quitau per l'educaziun dils affons
...

Treitschentschunconta flurins era da gliez temps ina tschecca paga per in scolast che deva
gl'entir onn scola e gliez fuva plitost ina raritat singulara. Era ils 80, respectiv ils 50 flurins
per tschun meins scola fuva pagau fetg bein.

(Dr. J. Ulrich Maier en sia "Geschichte des bündnerischen Volksschulwesens in der ersten Hälfte des 19. Jhs.", scriva p. 107: ".... ja die Gemeinde Tavetsch, die in Schul- Strassen- u. Forstwesen den übrigen Gemeinden als Muster aufgestellt werden kann, gibt ihrem Lehrer einen Gehalt (1852) von 300 fl. nebst Wohnung und Heizung!"

Co fuva ussa la situaziun da scola ils onns dallas grondas midadas en Tujetsch, ils onns 1849/50? Il cantun Grischun ha ediu in rapport ufficial dallas scolas grischunas dils onns 1849/50. Quel porta era ina interessanta survesta dil scolaresser dalla vischnaunca da Tujetsch. Il rapport dat in bien attestat dalla scola tuatschina e tuna zun bein:

Nr. 252 Tujetsch-Sedrun

Circuit da scola catolic. Cun ils uclauns ed uclivas: Gonda, Salins, Camischolas, Zarcuns, Surrein e Bugnei.

Local da scola: in agen, niev e cuntenteivel.

Cussegli da scola: Per tut las fracziuns da scola dalla vischnaunca politica da Tujetsch che consista ord 8 commembers; il plevon dil liug a Sedrun ei president ord uffeci.

Fondo da scola: Per l'entira vischnaunca politica 2400 flurins en capitals hipotecars, dils quals ina part ein aunc uni cul fondo da caplania. Ei exista neginas ordinaziuns legalas arisguard igl augment dil fondo, encuntercomi ei priu en egl in'augmentazion sin autra via.

Scola d'unviern: Da s. Martin entochen Pastgas; 36 uras ad jamna. Obligaziun d'ir a scola. Quella entscheiva cun 6 onns; finiziu da scola tenor veglia.

Remarca: Anno 1847 ei la vischnaunca veginida premiada dil cussegli d'educaziun cun in premi da 400 flurins per lur fundaziun dil fondo da scola da 2000 flurins.

Nr. 253 Tujetsch-Cavorgia.

Cuminanza da scola Cavorgia cun l'ucliva Cavorgia Sura. Affons obligai dad ir a scola: 18 en ina scola cun classas. Local da scola: in agen, cuntenteivel.

Quei che pertucca ils auters uclauns, mira Tujetsch-Sedrun.

Nr. 254 Tujetsch-Rueras

Cuminanza da scola catolica. El cirquit 14.

Affons obligai dad ir a scola: 40 en ina scola cun classas.

Local da scola: Vegin baghegiau in niev. Il "canzler" (=caplon) tegn scola. Gl'auter mira Sedrun.

Nr. 255 Tujetsch-Selva

Cuminanza da scola catolica: El cirquit 14 cun l'ucliva Tschamut.

Affons obligai d'ir a scola: 27 en ina scola cun classas. Local da scola: Ei vegin baghegiau in niev. Il caplon tegn scola. Gl'auter mira Sedrun."

(En: Zweiter öffentlicher Bericht des Erziehungsrates. Darstellung des Zustandes sämtlicher Gemeindeschulen Graubündens im Jahr 1849 auf 1850. Chur 1850, p. 152/153.)

Il fondo da scola formava la basa finanziaria per las scolas e muossa igl onn 1863 la suandonta situazion:

Ils fondos da Tujetsch cun 5 scolas

(Nova Gasetta Romontscha, nr. 11 dils 12 da mars 1863.)

1847 ha la vischnaunca fundau tras arvers ellas alps e fein a pastg ...	3400.- frs.
Premi cantunal pella sura fundaziun ...	680.- frs.
Priu cun lubientscha episcopala ord la facultad dallas capluttas capitals che veginan aunc administrat dals resp. ugaus da quels	596.- frs.
Premi cantunal per 3 casas da scola, a Sedrun, Rueras e Cavorgia ...	425.- frs.
Camischolas ha uss era in'atgna casa da scola ed a Selva vegin uonn medemamein baghiau ina. La caplania da Sedrun paga annual alla scola 51.- frs., che representa in capital da	1020.- frs.
En bonis dalla scola ha il ludeivel oberkeit resignau sin ina annuala gastaria tiel signur plevon, persuenter paga quel annual alla scola 11 fr. 90 cts. in capital da	238.- frs.
1863, schaner, purtava aschia l'entira facultad	12 279.- frs.

Ils vischins da Zarcuns e Camischolas che fuvan aunc uni cun la scola da Sedrun, han en mira in'atgna scola. Cun ina collecta voluntaria da 393.63 frs. han els fundau lur agen fondo per la scola.

Dus onns pli tard han dus uclauns dalla val puspei caschun d'augmentar lur fondos da scola:

Premis fixs per casas da scola ni alzament dil fondo ei vegniu partiu ora 5240 frs.... denter auter a Selva 400, Camischolas 350 ...

(Nova Gasetta Romontscha 1865, nr. 27.)

Ils onns 1860 vegnan las scolas da stad ni scolas tudestgas propagadas. Ellas ein las antecessuras dalla scola reala e secundara dad oz.

La vischnaunca da Tujetsch introducescha scohemai la scola tudestga. Gia 1868 secloma ei ella Gassetta Romontscha:

Las novas scolas per la giuventetgna buc obligada pli da frequentar la scola elementara, per las qualas il davos cussegl grond ha decretau in subsidi cantunal, han ils vischinadis da Ruera. Sedrun. Segnas. Mustér-S.Gions e Surrein entschiet a menar en.

(Nova Gasetta Romontscha 1868, nr. 48.)

La scola grischuna fa quels onns in grond svilup. Il cantun prolunghescha 1868 il temps da scola da 22 sin 24 jamnas e diesch onns pli tard, igl onn 1878, vul il cantun schizun far frequentar ils affons nov onns la scola elementara. Encunter quella midada han era ils Tuatschins protestau.

(Nova Gasetta Romontscha 1868, nr. 14, 1878, nr. 7 e 1878, nr. 12.)



Document d'ina donaziun dil cantun

Las midadas el sectur da scola pretendan era dapli dils scolasts e scolastas. Il cantun pretenda da dar dapli paga allas persunas d'instrucziun. Quei plai denton gnanc tec allas vischnauncas sisum la Cadi.

(Nova Gasetta Romontscha 1863, nr. 43 e Nova Gasetta Romontscha 1863, nr. 49 e 50: "Protesta dallas vischnauncas Mustér, Sumvitg, Tujetsch e Medel.")

Il temps semida ed igl onn 1874 cu il cantun ha puspei alzau las pagas dat ei neginas protestas giu dalla Surselva, era buca dils Tuatschins.

(Gassetta Romontscha 1874, nr. 22 e G. R. nr. 25 dil medem onn.)

Ella Bassa ein ils scolasts pagai bia meglier e quei ha sias consequenzas. Biars scolasts han bandunau vischnaunca e patria romontscha per grond donn dallas scolas e dalla cultura romontscha. Las scolas novas, ils cussegls da scola culs plevons fetg engaschais e progressivs, han buca gidau a frenar quei moviment.

(Aschia ha era el scolast tuatschin Jacob Martin Muggli bandunau la patria. Da quei relata la Gasetta Romontscha 1867, nr. 18 il sequent: "Gl'avrel 1867 ei morts a Galgenen, Cantun Sviz, il giuven scolast J.M. Muggli da Tujetsch, nua ch'el veva dau 3 onns scola cun bien success. Sco la Gasetta da Glaruna scriva, era el leu generalmein stimaus e carezaus sco bien e fideivel instructer e bab da famiglia.")

3. L'instrucziun

A Tujetsch era la scola buca megliera e buca mendra ch'enzanua auter. La scola dependeva e dependa sco oz dallas persunas d'instrucziun.

(Pli detagliau davart la scola d'avon 100 onns, mira: Gedenkschrift, 1. c. p. 102 e ss.)

Plirs scolasts dil temps dall'entschatta dalla scola obligatoria han relaschau a nus notizias che documenteschan lur laver.

Aschia noda Placi Biscuolmche ha instruiu da 1849 tochen 1853 a Sedrun:

Observaziuns sur la scola a Tujetsch 1849/50.

Jeu hai uonn 76 scolars en scola.

La 3. classa exercitescha en ils quens dallas 4 specias cun cefras numnadas.

La 2. classa exercitescha els quens dallas 4 specias buca numnadas.

La 1. classa el quen a tgau e scriver cefras.

Fliss: En scola buca fetg gronds generalmein, bein aber el frequentar la scola: il progress ei da ludar.

1852, ils 12 d'avrel examen. - Stau tonta glieud, ch'ei ha buca giu plaz en scola: stuevan star on zuler. - Era dus scolasts da Mustér ein stai presents.

(Gadola, G., Placi Antoni Bisquolm. Glogn 1939, p. 126 e ss. e Gadola G., Ord il diari d'in scolast da tschels onns. Glogn 1938, p. 4-24.)

Nr.	Namen der Schüler.	Heimath.	Alter. (Geburt.)	Eintritt.	Verspätun- gen.	November & Dezember.		Januar
						November	Dezember	
1	Silvana M. Chiffina							
2	Mön Hans Giacchen							
3	Schmet Margreta Chiffi							
4	Deragisch Maria							
5	Mön M. Giusepa							
6	Berther Barbela Tarte							
7	Deragisch Barbela Catrin							
8	Mön Barbela Catrina							
9	Mön Giacchen Antoni							
10	Schmet Giacchen Martin							
11	Schmet Paul							
12	Casanova Klausin							
13	Mön Gion Christ							
14	Deragisch Leeli Antoni							
15	Berther Vigili Joseph							
16	Berther Vigili Pas ilgin							
17	Deragisch Giacchen Ank							
18	Mön Gion Antoni							

Tabella d'absenzas dils 5 da novembre 1852 entochen ils 11 d'avrel 1853

Igl emprem contract da laver dall'istoria della scola tuatschina, fatgs cun Placi Biscuolm il settember 1848, relata bia interessant davart l'instrucziun d'amiez il 19avel tschentaner.

Denter ils suttascrets, numnadamein: il president e cussegli da scola dalla lueivila vischnaunca da Tujetsch d'ina vart e scolast Placidus A. Bisquolm da Sumvitg da l'autra vart, ei sil di dead oz serrau giu in'entelgientscha ed accord sur dil schar far e sur dil suprender ina scola ella vischnaunca e vitg Sedrun, e zuar sco suonda:

1. Surpren scolast Placi Bisquolm da far scola el sura predetg vitg e vischnaunca cun in diember da 50 - 70 affons senza in auter agid.
2. Da dar instrucziun als mats (giuvens carschi) in miez di per jamna.
3. D'instruir ina u duas gadas per jamna e zuar la sera duront igl unviern el cant pella baselgia.
4. Da tener scola duront 3 onns ella sura vischnaunca e vitg; 10 meins per onn entochen 6 uras da lecziun per di.
5. Tuttas dumengias, fiascas e firaus cumandai, sco era in auter miezdi (sco per vacanza dall'jamna) ein exceptuai da far scola.
6. Per indemnisiun per la sura instrucziun, paga e s'oblighescha il cussegli da scola annualmein a scolast Placi Bisquolm:
 - a. 350 furins, scriwel treitschien e tschunconta renschs.
 - b. Loschament en casa da scola e lenna da cuschinari.
 - c. dad esser libers da tuttas lavurs ed expensas communalas.
7. Ils dus meins da vacanza vegnam reparti sin ina vacanza dalla primavera ed ina digl atun. Il con ditg per liug, sco era cura ch'ella entscheiva e finescha, vegn mintga gada destinai e s'entelgiu dil cussegli da scola e dil scolast.
8. Sur dils materials ch'ein da duvrar tiellas lecziuns en scola, sur dils cons dils objects, e con lunsch quels dueigien vegnir doci, deigi adina vegnir s'entelgiu denter il cusselg da scola ed il scolast.
9. Tuts cass de malentelgientscha denter las parts pervia da quest accord, deigien, buca savend vegnir perina denter ellas, vegnir fatgs ora definitivamein mo entras il signur inspectur da scola da nies district.
10. Sur dalla sura entelgientscha ei vegniu scret dus medem plidonts originals, da medema scartira e maun, e da mintga part dau in, suttascrets dallas parts cun agen maun.

*Il cussegli da scola, en num da quel
Johan Jacob Beer
Placidus Bisquolm, scolast*

Tujetsch, ils 23 da settember 1849

Denter ils suttasorets, monnadeinein: Il Präsident e Cusseg'l della scola della lud. Visch'z pe Tujetsch dnia vande Lehrer Placidus A. Biscuolm pe summtg de lautra vard, ei sil' di dedoz vereaujvin' entelgientseha ed aaccord sun dil'schaf far e sur dil'schaf suspende ina scola ella lud. Visch'z e Vitg. Sedran'e zuar ses suona:

- 1^o Surpren Lehrer Pl. Biscuolm de far scola el sara predetg Vitg e Visch'z ad in Tambe de 50-70 affors senz' in autre agid.
- 2.^o De per instruzion als mats l. giavens corschi, / in miz di per jamma.
3.^o Di strair 1 a 2a gadas per per jamma e zuar la sera Durant il comuniun el cant nella baselgia.
- 4^o De tener scola ella sara predetg Visch'z Durant 3 ons; Monins per on e taeken 6 uras de lezioni per di.
- 5^o Tuttas domengias, fiastas e fiaus comondai, sia or' in miz di sument miz di gaudi per vacanza dell'jamma / een exceptui de far scola.
- 6^o Per indemnizazion pella sur instruzion paga e seobligheesk il cusseg'l de scola annualmein a Lehrer Placidus Biscuolm
a. 350 fl. scriueit heitschein e tschanconta'rensch.
- b. Loschament: Lazi en casa de scola e lena de caschinas
c. Ded esser libers de tuttas lavers ed expensas comunablas.
- 7^o Ils pas meins de vacanza regnen reparti sin una vacanza delle primaria e digl'atior. Il conditg per liq, sos era una ch'ell'enticheio e finesche, uega mintga pada sentelgiu del cusseg'l de scola e dal Lehrer.
- 8^o Sur dils materials, ch'een de turras tiellas lezioni en scola, sur dils conts dils object, e con lunsch quels Zeigen uegnir docci, deigi ei adina uegnir sentelgiu denter il cusseg'l de scola ed il Lehrer.
9. Tuttas cas de malentelgientseha denter las parts, perais de gae accord, Zeigen, bencu savent uegnir purina denter ellas, uegnir fatg ora definivamein mo entrar ils Sigr' l'aspectuar de scola de nies district.
- 10^o Sur Della sur'entelgientseha ei uegniu soret d'us madema gelidouts originals, de madema scartira e manu, ed a mintga part d'eu in suttasorets dellas parts cum agien manu.

Cusseg'l de scola, en nua de quel

Jean Jacob Biscuolm

Placidus A. Biscuolm Lehrer.

Tujetsch ilz 23 pe September 1849.

Igl onn 1850 retscheiva la suprastanza e cussegli da scola in brev digl inspectur Placi Condrau:

"Gl'inspectur de scola alla ludeivla Prestonza de Tujetsch era per mauns dil ludeivel Cusseilg de scola de leu"

Stimatissims Signurs,

Cheutras fetschel jeu da saver ad Els, chil cussegli d'educaziun hagi approbau nossa cunvenziun fatga leu ils 5 da november en ina radunonza dil cussegli da scola e dils geraus, che plaida:

1. La vischnaunca augmentescha il salari dils scolast a Sedrun per fr. 30 e dat ad el 200 fr. Paga ultra la habitaziun e lenna; al scolast da Rueras dat ella sco onn 120 fr.
2. Sinaquei che las elecziuns dils scolasts daventien dacheudenvi cul necessaris risguard, sche vegn la suprastanza dil cussegli da scola a far lur pusseivel da perschuader la vischnaunca da surschar l'elecziun al cussegli da scola, sco igl ei il cass en auters loghens.
3. Ils spargns, che vegnan fatgs tras la sbassada dalla pagaglia dil scolast a Sedrun, duein buca curdar tier alla cassa da vischnaunca, sonder al fondo da scola.
4. Gl'inspectur da scola vegn a metter avon quei fatg al cussegli d'educaziun e supplicar el da far pella paga dil scolast a Sedrun in'excepziun dalla lescha fatga uonn dil cussegli grond ariguard il salari scolastic.

Jeu stoiel aschia supplicar il cussegli da scola, che quella cunvenziun vegni messa en siu protocol.

Ariguard mia inspecziun fatga d'in temps nua ch'il cussegli da scola era senza president, il qual vegn speronza buca ad esser pli il cass, saiel ni stoiel jeu far al cussegli da scola sequenta remarca.

Oravon hael jeu stuiu observar cun grond displascher ch'ils affons obligai tiella scola ein vegni per part fetg tard a scola, ferton ch'en autras vischnauncas ein schon gl'emprem di quasi tut ils affons vegni a scola. Per lura schar pli ditg la scola da Cavorgia orfanila, hael jeu cun consentiment digl emprem gerau (en riguard la paga) e cun cussegli dil signur Janer (en riguard il personal) pladiu leu in scolast sut las condiziuns sco onn. Il cussegli d'educaziun vegn tenor empermischun a schar vegnir tier ad el in susteniment de 40.- fr.

La scola da Sedrun drova pella classa aulta in auter cudisch da leger; il cussegli da scola duei pia mirar ch'ils affons cumprien per quei intent la historia biblica; pils paupers eis ei aunc entginas biblas a Rueras che vegnan buca duvradas e ch'audan alla scola. Sedrun ei la suleta scola denter las 26 scolas dalla Cadi, nua ch'ins anfla buca la bibla. Sco jeu hael observau legevan ils affons senza capir, senza saver raquintar enzatgei dil legiu. Han els ina gada la bibla, sche vegn quei nuscheivel mechanismus a calar si.-

Jeu hael milsanavon era sesmarvegliau zun fetg, d'anflar la scala dalla casa casa da scola a Rueras el medem miserabel stan sco avon in onn. Jeu hael speronza d'anflar quella l'autra ga en meglier uorden, silmeins ina provisorica, ch'ins sappi ira en ed ora senza temer da stuer rumper las combas.

Ella ferma speronza che la suprastanza ed il cussegli da scola vegnien dacheudenvi en buna harmonia a cooperar pell'educaziun dalla giuventetgna e prevegni ad in memia grond diember d'absenzas, restel cun aultza stema

Placi Condrau, inspectur

(Archiv communal Tujetsch, Scolaresse)

Buca pauc interessant il meini pertuccont las casas da scola! Da quella da Sedrun scriva scolast Placi Biscuolm 1851:

Ils 12 da fevrer dat il sulegl per l'emprema ga en stiva da scola ed ella stiva speras en dallas finiastras sura. Il sulegl va giu ussa pér allas 4 dalla sera, q.e. ils 12 d.q. e leva $\frac{3}{4}$ sillas 8 dalla damaun. En stiva encunter damaun dat il sulegl per l'emprema ga ils 16 da fevrer e stat schon $\frac{1}{4}$ ura il di.

Rudolf Cavelti da Sagogn vegn eligius cun mo quendisch onns scolast a Sedrun. El daventa pli tard canoni residenzial e domcantor. Pader Baseli Berther ha giu supplicau el igl onn

1905 da far aschi bien e scriver sias reminiscenzas da scolast a Sedrun e Selva ils onns 1860 - 1863.

Entuorn 1860 era ei aunc gronda munconza da scolasts. Professer Placi Condrau era inspectur. Rudolf Cavelti veva fatg la scola primara a Sagogn. Condrau ei vegnius sin inspecziun leu e viu che Cavelti saveva stupent sias caussas e secret igl atun ad el da veginir a Sedrun e surprender la scola pintga. Ed el ei vegnius a Sedrun sco scolast cun 15 onns, senza negina preparaziun. Plevon Durgiai ha lu presentau Rudolf Cavelti a Lucas Cavegn e lez ha detg: "Quel bettan ei del Run giu!" - Denton veva lunsch entuorn buc in soli scolast quei uorden e quella disciplina sco Rudolf Cavelti! - Siu salari fuva frs. 120.-. Nua prender cuost per ch'ei tonschi? Ei han cussegliau ad el dad ir en casa dalla caplania e far sez il percasa; han mess en in letg e dau in per cazzettas ad el. "Jeu survegnevel fetg bia dils purs", raubas da cuschinat etc.. Suenter scola metteva Rudolf Cavelti si scussal e fageva il percasa: pulenta, broda, suppa da frina ... Era ils ses tarmettevan si dabia da casa. Il mender era che negin lavava siu resti; siu scussal era tschufs e tut steris dil cut!

Rudolf Cavelti era staus pladius per la scola pintga, mo ha lu dau la gronda a Sedrun. Vegneva ora fetg bein cul sur caplon: la sera era el quasi adina si tier lez - per spargnar la cazzola! Alla fin da quei emprem onn da scola ha professer Placi Condrau giu detg: "Cavelti ei ualti nauschs en scola!"

L'auter onn va Rudolf Cavelti scolast a Selva per 150.- frs. Leu ha el fatg scola en ina casa sper la caplutta, casa dubla dils Flurins, ella stiva encounter la caplutta: cuschina davos mun e combra da maner cun tgaminada. El stueva era scaldar pegna per la scola - cun caglias striauna. La sera fuv'el adina si tier pader Sigisbert Monn, um fetg serius, che sunava fetg bein clavazin e mussava gronda simpatia per la claustra! - Fetg bien fageva la famiglia Venzin cun el. L'Onna Rosa Martina Venzin ha schizun gidau el pli tard a schar studegiar! - Il secund unviern a Selva ha ei dau massa neiv. Veginiu giu la lavina da Rusas e Rudolf Cavelti ha stuiu far tunnels per che ses affons sappien veginir a scola.

A Selva fageva el mai caffe, el bueva adina latg mulsch; insumma pintgas u neginas expensas. El ha tarmess l'entira paga a casa! Perquei veva Lucas Cavegn, commember dil cussegli da scola giu detg: "Quels tg'on nuet, tarmettan la paja a tgësa: quels tg'on enzatgei fon se daivets!"

Ils scolasts da Tujetsch mavan adina a conferenza. Quella veva liug il bia a Mustér ella "Cruna". Quei eri dis da biala poesia e da pign cuost. Caffe cumplet tiella "Veva" per 60 raps e pil "surmeister pign" custav'ei aunc meins!

"Leger stuevan mes scolars fetg bia. Buca bustabiar pli; nus vevan la fibla. Gruppas da plaids; alla fin adina "vianter" e "costas". - Jeu vevel dus differents cudischs da scola cun lien differentas caussas zun capeivlas. Las classas superiuras havevan il cudisch da professer Placi Condrau. Il principal era denton la "bibla", il scriver ed il quen.

(1863 igl atun ha Cavelti frequentau il cuors da repetiziun a Cuera ed obtenui l'admissiun. Lu eis el vegnius eligius scolast a Surcasti per 220 frs. plus 20 dil cantun. Staus leu a cuost tier sur Caviezel, dus unviarns. Quei stupent um ha giu gronda influenza sin Cavelti ed ha animau el da studegiar vinavon. Duront las vacanzas ha el pia studegiau latin tier plevon Lain a Lags. Plev. Caviezel ha lu priu in di Cavelti ed ei ins cun el a S. Pierer (Feldkirch) e giu quittau ch'el survegni "costags" el marcau. El ha entschiet cheu cun la II. latina e perfin dau uras privatas ad auters ed aunc fatg la quarta leu. Lu han ils paders gesuits piars leu il gimnasi e salvau ina casa sco scola privata; avon vevan els scola statala. Cavelti fa perquei la 5avla el gimnasi dil stadi, la sisavla a Sviz; suenter va el ad Innsbruck cun Simeon, Augustin e pres. Wellinger. Leu ha el studegiau la filosofia; teologia a Cuera. Morts lu a Cuera sco domcantor.)

Il collega da Rudolf Cavelti a Tujetsch fuva lezs onns Fidel Caderas da Ladir. Era quel ha, sin giavisch da pader Baseli Berther, relaschau interessantas notizias davart la scola tuatschina da gliez temps. Sco um vegl metta el a secret igl onn 1907 las suandontas notizias:

Jeu hai entschiet a far scola a Sedrun 1859/60 e teniu ora 14 unviarns. Per tut ils affons hai jeu fatg scola - sch'jeu sbagliel buc - ils 8 davos unviarns; las notizias ch'jeu vevel giu secret da lezzas uras davart la scola a Tujetsch ein barschadas. Sper la scola superiura, fuv'ei ina scola inferiura, tenida 1859/60 da Tumaisch Jacomet; 1861/62 da Rudolf Cavelti, ussa canoni

a Cuera; 1862/65 da Lucas Cavegn da Rueras. Suenter vegneva teniu a Sedrun sper la scola elementara ina scola tudestga per tgi che leva, mo quella era buca obligatorica. Quell'ei veginida tenida da scolast Gion Antoni Soliva e dils caplons sur Casanova e sur Tuor. Avon che jeu vegni a Sedrun veva Gion Antoni Soliva quella scola e suenter mei scolasta Onna Maria Deplazes. - Jeu hai entschiet a far scola a Sedrun cun 200.- frs. - l'autla paga da quei temps. La mesadad, 100.- frs., pagavel jeu pil cuost. Suenter han ins lu, empau per onn, alzau entochen sin 300.- frs.

Malcumententscha regeva a Tujetsch, cura che jeu sundel vegnius leu, pervia dils fondos da scola, ils quals la vischnaunca veva priu e pagava als divers vischinadis, tenor scolas e diember d'affons; e quei ei era stau il motiv da duas scolas a Sedrun. Camischolas ha eregiu ina scola mo per buca stuer schar vegnir ora a Sedrun e collectau per in agen fondo da scola etc.

Sgr. Bernhard, president dil cussegli d'educaziun cantunal da lu, ha cun caschun ch'el haveva visitau la scola claustral, era visitau las scolas da Sedrun e dau a quellas grond laud, cunzun alla romontscha, specialmein el quen. -

Diesch onns, unviarns, hai jeu, ultra dalla scola dil di, era dau scola la sera, a pigns e gronds. -

Da quei temps schavan ins buca scriver cun plemas d'itschal! Dallas dudisch a l'ina vevel jeu adina da tagliar ora plemas. Ins haveva lu era negins carnets da quen. Mintga damaun avon scola stuevel jeu scriver quels sin las tablas grondas per mintga classa.

Havevel perquei mez cumponiu pensums per mintga classa. Hai fatg biaras translaziuns per auters scolasts che savevan buca tudestg, e quasi mintg'onn purtau in referat sin ina u l'autra conferenza scolastica. Visitavel era bugen las scolas dils auters scolasts.

(Interessantas ein era las sequentias notizias davart ses inspecturs: "Miu emprem inspectur ei stau professer Placi Condrau, staus miu professer a Mustér; suenter sur canoni Huonder, medemamein miu professer a Mustér ed era il sur Maurus Desax, plevon a Sedrun da quei temps e lu Gion Mathias Pfister da Schlans, staus miu scolar a Schlans, nua che jeu hai entschiet a far scola.

Notizias manuscrittas transmessas a pader Baseli Berther per la biblioteca romontscha Mustér.)

Maria Caplazi ha dau scola diesch onns suenter Fidel Caderas. Ellaha medemamein relaschau ina partida interessantas notizias davart las scolas da Tujetsch.

Da 1873 - 74 entochen 1879/80, siat unviarns, hai jeu fatg scola a Sedrun; igl unviern 1881 a Camischolas, sperond che lezza pli leva lavur cun 23 scolars, seigi pli favoreivla a mia sanadad.

Il diember da scolars a Sedrun variava denter 50 - 60; in onn 61 ed in onn 48, reparti sin 7 classas. L'instrucziun ed educaziun da quels carezai affons cun aschi promta obedientsha e sumission, zun attaschai e dalla pli buna veglia enten suandar admoniziuns, cussegls e giavischs, era miu grond legherment. Favori intragliauter cun talents mesauns, han ei levgiau mia lavur, gidau suenter mia inhabilitad entras ualtri general buna diligenza, premurada activitat en scola ed a casa. La pli gronda indulgenza e toleranza han tuts cars, buntadeivels cooperaturs dalla scola demussau a mias biaras munconzas e mendas.

Igl emprem onn hai jeu giu 400.- frs. pagaglia, ils quater suandonts 500.- frs. ed ils dus davos onns aunc habitaziun e lenna tiels 500.- frs. Il local da scola era en casa da caplania; per la numerusa populaziun ina stiva bassa, pintga e stgira. Laschond il ludeivel cussegli d'educaziun miserar in onn ils locals da scola e prescrivend el 4,5 qm³ plaz per affon, ha ei resultau ch'ils mes vevan mo 0,8 qm³ plaz.

Miu antecessur ei sgr. scolast Fidel Caderas da Ladir staus, miu successur scolast Anselm Capeder, avon a Camischolas. Sch'jeu seregordel endretg, ha era Camischolas pagau mia lavur cun 430.- frs. Lezs affons, meins occupai a casa, han demussau cun pintga excepziun ina nunstunclenteivla activitat e diligenza. - A Cavorgia hai jeu fatg scola ils treis unviarns 1898/99 e 1900 cun 8, 7, 6 scolars pulit talentai e zun diligents, mo pauc sviluppai, per gl'auter denton oreifer buns affons."

"Cert, ei ha dau en tutti onns bia anecdotas da rir, mo sai jeu oz buca pli seregurdar da tuttas aschibein e co ellas ein seconstituidas. - D'ina tscheivora recreaziun sai jeu far menziun Havend il ludeivel cussegli da scola, sco era buns geniturs lubiu in communabel divertiment, havein uns seprofitau da quella lubientscha per gliendisdis-tscheiver. Suenter messa ein tutti

scolars vegni en scola, per spitgar ils associai da tscheiver: revendissims signurs farrer Desax e caplon sur Augustin, cussegli da scola, plirs babs e president communal Luregn Jacumet. Cantau ina canzun sil plaz, ei la cumpignia semessa sin viadi a Rueras, cantond e giubilond e menada dils dus pli pigns scolars sco capitani e portabandiera. A Rueras essan nus sereuni en baselgia, cantau ina canzun. Sin nies retuorn fatg il medem a Zarcuns ed a Camischolas. Ils vischins da scadin liug ein separticipai da quella affonila legria, sepustond sin finiastra, sper via per veser ed udir la legra societad. Arrivai a Sedrun circa allas 12, han 2 - 3 siets da buis beneventau la cumpignia. Spir appetit essan nus i ella Cruna per satisfar a quel cun in bien refrestg. Duront quel han ils affons sedivertiu cun cantar e declamar. In pulit diember da vischins formavan igl auditori. Memia gleiti eis ei stau sera e la legra societad ha stuiu sesparter e sespatitschar.

In onn hai jeu giu in principiant, paupers da talent, e quel hai jeu ditg buca saviu perschuader da far scriver - ord spir buna fei. Aschigleiti che jeu bandunavel el, metteva el greffel e tabla d'in maun, mo steva tut ruasseivels e quiets. Dumandond pertgei el scrivi buc, ei la risposta stada: "Ju stu fa scu la schulmeistra: lezza scriva era bètg!"

(Las notizias da scolasta Maria Caplazi, ha pader Baseli Berther ugliau da scriver l'autura. Quella cuorta memoria da scolasta Maria Caplazi, ei vegnida scretta ils 24 da december 1901.)

Davart las absenzas vegneva menau ina seriusa contolla. Silla emprema pagina dalla controlla digl onn 1871/72 dalla scola romontschs secattan las indicaziuns perv la moda da nudar las absenzas. La scola ha cuzzau quei onn naven dils 25 d'october entochen igl emprem d'avrel 1872.

<u>Moda de nudar en.</u>
Absenzas d'avon miez di
" de suenter miez di
" digl entir di
" per malsogna
" urgents basegns
" cun lubientscha di folast
" cun lubientscha d'president

Moda de nudar en.

- Absenzas d'avon miez di
- Absenzas de suenter miez di
- Adsenzas digl entir di
- Absenzas per malsogna
- Absenzas per urgents basegns
- Absenzas cun lubientscha dil scolast
- Absenzas cun lubientscha dil president

Egl archiv communal Tujetsch sesanfla il program da scola digl onn 1873/74.

Program dalla scola da Sedrun

La scola da Sedrun ha entschiet ils 20 d'october 1873 e finescha ils d'avrel 1874. Quella ha dumbrau 49 scolars parti giu en 7 classas. A quels ei vegniu cumpartiu instrucziun en sequents roms: ductrina, lungatg, quen, calligrafia, historia, geografie, contabilitat e cant.

I Classa

Ductrina

Lungatg. Legiu el cudisch d'ABC ed ils exercezis el cudisch secund entochen exercezi 50. Scret silbas, plaids e construcziuns tenor exercezis dalla emprema secziun el cudisch secund. Analisau silbas, plaids e construcziuns.

Memorisau las historias 8,9,10,11,12,13,14 el secund cudisch ed in per autras.

Quen. Dumbrau 1 – 30 mettend vitier 1,2,3,4,5 e targend giu 1,2,3.

Cantau la scala, igl accord e 4 canzuns

II Classa

Ductrina. Priu atras la ductrina el cudisch entochen tiella penetienza.

Lungatg. Legiu el cudisch secund las historias 1 – 26.

Memorisau tuttas. Scret construcziuns tenor ils exercezis dil cudisch secund. Fatg descripziuns dil: greffel, la lingiala, la tabla, il cudisch, la suppia, la meisa, la pegna, il paun, la tscherescha, il meil, la camischa, il gat, la gaglina, la nuorsa, la caura e memorisau a tabla las historias 8,9,10,11,12,13,14,15.

Quen. Dumbrau ensemes, tratg giu e multiplicaui 10 – 100 a tgau ed a tabla cun nominaziun.

Calligrafia. Scret sin pupi en lingia dubla.

Cant. Cantau la scala, igl accord e 4 canzuns.

III Classa

Ductrina. Priu atras tenor il catechismus pign entochen tiella penetienza.

Lungatg: Legiu exercezis e historias el cudisch secund, el tierz cudisch legiu historia bibla entochen las historias da David e las historias egl appendix.

Memorisau quellas tuttas, secret construcziuns tenor exercezis el cudisch secund e tierz entochen exercezi 20. Fatg descripziuns dil: cudisch, la trucca, la pegna, il paun, la tscherescha, la casa, il tgau, la caura, il cavagl, il tgiet, la merlotscha, il falien, il luschard, il stgirat, igl elefant, paregliau il meil culla tscherescha, la nuorsa culla vacca, Cain cun Abel e secret e memorisau las historias legidas egl appendix.

Quen. Fatg las quater specias dils numers denter 10 – 10'000 cun nominaziun a tgau ed a tabla.

Calligrafia. Scret sin duas lingias.

Cant. Cantau la scala, igl accord e 4 canzuns.

IV Classa


Ductrina. Priu la ductrina el cudisch pign entochen tiella penetienza.

Lungatg. Legiu historia bibla el Veder Testament entochen la secunda part, ed el niev entochen historia 48. Memorisau ed applicau ellas sin nus sezzi. Scret construcziuns tenor ils exercezis dil cudisch tierz entochen exercezi 25. Fatg descripziuns e paregliaziuns dils tiers dumastiis, segal, dumiec e truffel, descret l'occupaziun d'in pur, ils quater temps digl onn, memorisau a tabla historia bibla, fatg ord quella paregliaziuns da Cain ed Abel,

Abraham e Noe, David e Moses, Jesus e Josph e secret 4 semplas brevs. Legiu e raquintau la historia svizra el cudisch tierz e quart entochen Heroismus.

Quen. Fatg las quater specias dils numers entirs da 10 mellis cun nominaziun a tgau ed a tabla.

Cant. Cantau la scala, igl accord e 4 canzuns.



Emprova da scriver en scartira tudestga dad Ulrich Wigilius Cavegn 1896

V Classa

Ductrina. Priu atras 4 capetels dil catechismus

Lungatg. Legiu bibla e Veder Testament entochen: la secunda part, el Niev Testament entochen: Jesus dat la vesida al tschiec da naschientscha. Memorisau ed applicau ellas sin nus sezzi. Scret construcziuns tenor exercezis dil cudisch 3 e 4 entochen exercezi 32. Fatg descripziuns da tiers, dalla fiasta Daniev, temps d'Advent, da Cureisma. Paregliaziuns dils temps digl onn, dil segal e dumiec, ord la historia biblica, descret: tgei ins sto haver e far per survegnir il paun, raquintau a tabla: ils Diablerets, il Grond S.Bernard, ils viandonts claustrals ed il tgaun Barry e secret entginas semplas ... e l'obligaziun sempla.

Quen. Fatg las quater specias da numers entirs e fracziuns ordinarias cun nominaziun a tgau ed a tabla.

Historia svizra. Legiu e raquintau: Co la tiara vesev'ora dil temps vegl, ils Rets, S.Leci, S.Placi e S.Gallus.

Geografia svizra. Cunfins, surfatscha, Muntognas digl Jura, alpinas e cadeina septentrionala dallas alps.

Calligrafia. Scret en lingia dubla e sempla.

Cant. Cantau la scala, igl accord, tuts intervals e pliras canzuns.

VI Classa

Ductrina. Priu atras 4 capetels dil catechismus.

Lungatg. Legiu historia bibla el Veder Testament entochen la secunda part ed el niev entochen historia 48. Memorisau ed applicau sin nus sezzi.

Scret construcziuns tenor exercezis da cudisch 3 e 4. Fatg descripziuns: digl Advent e fiasta Nadal, dalla schubradad, obligaziuns d'in flissi scolar, reverenza en baselgia, raquintaziuns ord la historia e geografia svizra, paregliaziuns ord la historia bibla, applicaziuns dalla historia da Cain ed Abel, da Joseph e dallas vertits d'Abraham sin nus sezzi, secret obligaziuns, quitanzas e divers contracts.

Quen. Priu atras las quater specias dils numers entirs, dallas fracziuns ordinarias, cun nominaziun, fatg quens d'unitad e priu atras la mesira da praus e corps quadrats.

Historia svizra. Priu atras tut la historia svizra egl Eberhard.

Geografia. Priu atras tut la geografia Svizra egl Eberhard.

Contabilitad. Scret diaris, quens currents, da casada, da cassa.

Calligrafia. Scret en lingia dubla e sembla.

Cant. Cantau la scala, igl accord, tutts intervals e pliras canzuns cun 2 e 3 vuschs.

VII Classa

Ductrina. Priu atras 4 capetels dil catechismus.

Lungatg. Legiu historia bibla el Niev ed el Veder Testament. Scret construcziuns tenor exercezis grammaticals el cudisch 3 – 4, analisau ellas, secret diversas brevs e contracts, applicau historias biblas sin nus sezzi, fatg cumposiziuns cun ils temas: l'oraziun, reverenza en baselgia, geniturs ed affons, luvorusadad e marschadetgna, obedientia, schliats cumpogns, misericordia e ranveria, humilitonza e luschezia, fideivladad e perinadad e Dieus il tut sabi e pussent.

Quen. Priu atras cun nominaziuns las 4 specias dils numers, entirs, fracziuns ordinarias, decimalas, la regla d'unitad, il miserar planiras da diversas fuormas, corps quadrats e rodunds e quintar ora las mesiras ed il quen da societat.

Historia svizra. Priu atras tut las historias egl Eberhard, la separaziun dalla baselgia, igl avat Cristian de Castelberg e cardinal Carli Boromeo el cudisch instructiv da Condrau.

Geografia svizra. Priu atras tut la geografia egl Eberhard e la descripziun dil cantun Grischun ed Uri el cudisch instructiv da Condrau.

Contabilitad. Scret diaris, quens currents, da casada e cassa.

Calligrafia. Scret en lingia dubla e sempla.

Cant. Cantau la scala, igl accord, tuts intervals e pliras canzuns cun 2 e 3 vuschs.

6 n. 886 folij
Katal. Kofli
Jfb. 2.



Program della scola de Sedrun.

La scola de Sedrun ha entschiet il 20 d'October 1873 e finescha il 7 d'Avrel 1874.

Quela ha dumbran 49 scolars partigui en 7 Classas. A quels ei vegnuu compartir instrucziun en sequentia roms: Doctrina, Lungatg., Quon., Callegrafie, Historia, Geografie, Contabilitat e Cant.

I Classa

Doctrina.

Lungatg. Legiu el audisch d'A, B, C et ils exercezis el audisch secund entsochen exercezi 50. Scret silbas, plaidos e construcziuns tenorils exercezis della emprema secundiun el audisch secund. Analisan silbas, plaidos e construcziuns. Memorisan las historias 8, 9, 10, 11, 12, 13, 14 el secundiudisch et in per autras.

Quon. Dumbran 1-30 mettent utier 1, 2, 3, 4, 5 e tergend qui 1, 2, 3. Cantau la scala, egl accord e 4 canzuns.

4. Sedrun e Gonda - scola e scolasts

Las localitads da scola avon igl onn 1849

Avon igl onn 1800 ei la scola da Sedrun, ch'era quella per Sedrun, Gonda, Salins, Camischolas, Bugnei, Surrein e Cavorgia, vegnida dada en casa pervenda. All'entschatta han ils plevons e suenter ils caplons instruiu entochen igl onn 1848.

La populaziun crescha all'entschatta dil 19avel tschentaner. Igl onn 1835 dumbra la populaziun tuatschina 1116 persunas e da quei fuvan 505 persunas ni 43% sut 20 onns. Rodund 200 persunas stueven encuir laver ordvart las scheinas da vischnaunca.

Quella carschen ha sfurzau d'instruir en stivas pli grondas da casas privatas. Aschia ei vegniu instruiu a Sedrun en "Tgès'alva" ed en "Tgèsa dels Monns". Ils plevons e caplons dumignavan buca adina lur pensum d'instrucziun ed ins ha meinsvart stuiu pladir scolasts ni surdar a buns scolars. Avon 1850 vegnan ils suandonts scolasts numnai:

- Duri Monn da Sedrun,
- statalter Tumaisch Beer da Camischolas e
- Stiafen Monn da Sedrun.

Suenter igl onn 1849 han ils plevons e caplons buca pli dau scola. Il davos caplon che ha dau scola a Sedrun ei stau sur Giusep Maria Camenisch.

(Mira: Gadola G., sur Giusep Maria Camenisch, Glogn 1931, p. 126 e ss.)



Seniester la casa da scola
da 1848

Scola Cadruvi

Las instanzas da cumin e la cumissiun da scola motiveschan dad ereger ina casa da scola centrala a Dulezi. Ils vischins vegnan denton buca perina. Il grond impediment per la varianta centrala ein ils vischins da Camischolas e Zarcuns stai. Ins pren en mira la construcziun la scola enesemen cun ina habitaziun pil caplon sin plaz Cadruvi. Ch'ils da Cavorgia han giavischau ina atgna scola ei muort la distanza capeivel.


Per saver ton pli spert entscheiver cun l'erecziun, cumpra la vischnaunca per 255 flurins la casa veglia da statalter Cristian Walentin Caveng sin Cadruvi.

... Numnadamein statalter Walentin venda e surdat sia casa ch'el ha sin Cadruvi cun tut quei ch'ai vid la casa: sco tablegiaus, eschas, finiastras e ferradira. Dapli dat el ils tschalers, numnadamein la fravia ed aunc in auter tschaler pign suten, mo resalva il gang sper la stizun en, per communicar cun ses nuegls. Dapli conced'el da schar baghegiar tenor sco quei ch'ins anfla per basegns ella alzada sura, sura da sia talina ora. Era ha el empermess da dar per la alzada sura plaz per la commoditat dapersei, dapersei dalla commoditat dalla part sut, num ch'ai seschass buca senza grond pregiudezi da far auters baghetgs. ...

Igl emprem document da quella scola fuorma il contract d'accord fatgs cun scrinari Gion Benedetg Deragisch.



Accort

Ei daventau in contract, denter la cumissiun da scola e meister signur sechelmeister de Ragisch. Il detg sechelmeister de Ragisch interpren da baghegiar si la casa da scola e caplon cheu a Sedrun tenor "Abreiss". La altezia dils cumahs dalla emprema alzada dueigien restar. L'altezia denter ils plantschius tredisch quartas e mesa, la secunda alzada dueigi ver e restar l'altezia da bein dudisch quartas. El giebel l'altezia dallas combras sco ei po en. Ei dueigi vegniu mess si isiarchels a canals e tablegiau las grundas sut si con aissas per "Schirm dil Luft", sco era encunter las lattas dueigi vegnir tablegiau cun aissas. Igl "Überschuss" dueigi vegnir fatgs ch'in sappi metter silatten. Per la sura lavour paga la cumissiun al detg meister in capital da 320 flurins, treitschien e vegn rischuldis, il qual capital dueigi vegnir pagau duas tiarzas sin d'atun proxim, ed ina tiarza dueigi vegniu dau empau peda, sche la cumissiun fuss buca el cass da saver pagar tut. Il meister ei obligaus da far la lavour sco ei s'auda.



Tujetsch ils 3 de Avrell 1848

Joseph Ant. Durgiai Farrer
Johan Jacob Beer, Actuar
Gionbenedeig de Ragisch



La skizza per l'erecziun dalla scola

Ei era scart, pertgei igl onn 1848 ha la vischnaunca saviu pagar mo duas tiarzas dalla summa da cumpria. L'autra mesadad ei vegnida repartida sillla vischnaunca ed il fondo, la cassa da scola e pagau igl onn 1949.

Giusep Steiner da Cumpadials ha dau scola plirs onns en Tujetsch e quei en differents loghens. Aschia descriva el la casa da scola sin Cadruvi a Sedrun:

L'emprema casa da scola da Sedrun ei vegnida baghiada 1848. Sia fatschada mira encunter il hotel dalla Cruna. Quella era casa da scola e caplania. Gronds tschalers per caplon e lennas. La stiva gronda da scola ei dil maun encunter sera, gronda e spaziosa, mo baul stgir la sera e

tard clar la damaun; ella ei era memia bassa ed aschia en plirs graus malemporneivla. L'autra stiva per la scola pintga, ha, pon ins dir, negin sulegl. En quella devan ins ils davos onns "scola tudestga". (Cheu fa el aunc la remarca: "Gl'emprem ei la scola tudestga vegnida fatga per treis onns da sur caplon G. Gieri Tuor.") Era il president da vischnaunca veva cheu siu local ufficial.

Il tschaler encunter damaun duvravan ils vischins per metter en la lenna pil caplon. Cu sur Rageth ha giu baghegial sia casa odem Sedrun ha el aunc deponiu leu sia cotgla da scaldar. Il tschaler encunter sera ha surviu als pompiers sco magazin ed in baghetg per las sprezzas steva entochen 1932 egl ost dalla casa da scola a Sontget.



Scola Cadruvi entuorn ils anno 1930

Ils scolasts en scola Cadruvi

Scola gronda (entochen 1859 la suletta)

1850-1854 Placi Antoni Bisquolm (stad ed unviern)

1854-1859 Gion Antoni Soliva

1859-1873 Fidel Caderas, Ladir

1873-1880 Onna Maria Caplazi

1880-1887 Anselm Capeder

La scola pintga da Sedrun han dau:

Avon 1859:

1859-1861 Tumaisch Jacomet

1861-1862 Rudolf Cavelti

1862-1864 Lucas Cavegn

Suenter: Stiafen Schmed

Gion Antoni Soliva

La scola tudestga han dau:

Avon 1868: Gion Antoni Soliva

1868-1870 sur Casanova Anton

1870-1873 sur Gieri Tuor

1884-1886 Josef Schuoler, Danis

Scola da lavur

1883/84

«Era ina scolasta per la scola da lavur ha il cussegli da scola pladiu per la scola da Sedrun, numnadamein la giuvna Eleonora Caveng da Sedrun, cun ina paga de fr 18.»

Cun l'erecziun dalla secunda casa da scola a Sontget giudem Gonda, piarda la scola sia funcziun primara. Vinavon vegn la scola duvrada entras la suprastanza communal, sco biro dil president e per sedutas dalla suprastanza. Meinsvart ha la casa Cadruvi aunc fatg survetsch da scola; ei muncava il plaz en scola nova a Sontget. Ina classa ni l'autra, mo oravontut la scola da lavur han savens aunc anflau albieret sut ses tetgals. Ins segidava sco ins pudeva e saveva e la casa Cadruvi ha per culla scola nova da 1962 piars sia funcziun sco scola.

Igl onn 1948 vegnan ils tschalers baghegiai ora en duas localitads. Igl october 1949 affittescha la suprsatonza communal quel encunter sera a Placi Beer, Gonda, cusunz, per in tscheins annual da 415.- frs. pil cuoz da treis onns. Dil reminent vegnan las empremas monduras dalla Societad da musica Sedrun cusidas en quella localitat igl unviern 1950/1951. Duront la sesiun 1951/52 ha Placi Berther da Camischolas luvrau ensemes cul Placi Beer. La vart encunter ost surpren calger Alexander Schmid, Zarcuns, medemamein pil cuoz da treis onns cun in tscheins annual da 250.- frs. Cun 1952 s'installescha Teofil Schmid-Venzin ella localitat da siu frar calger e drezza en ina fatschenta da sport, oravontut pil sport da skis. L'Installaziun electrica Sedrun ha giu priu a tscheins l'auter local da 1957 entochen 1959. Silsuenter han omisdus locals surviu a Teofil Schmid.

Vischnaunca e pleiv han a sias uras baghegiau la casa sco scola cun sisum la habitaziun dil caplon. Zazu ha ella era survegniui il num Casa Caplania. Co ell'ei lu per propri daventada facultad dalla pleiv, san mo ils aunghels. En scadin cass ha la vischnaunca cumprau ella dalla pleiv igl onn 1965 per la summa da 190'000.- frs. Cun las suschnas vidlunder ei la summa aunc carschida per 23'000. - frs. La vischnaunca e pleiv eran tochen 1973 in esser, ins prendeva nua ch'ei era e metteva nua ch'ei muncava. La pleiv era gest vidlunder da baghegiar ina nova casa pervenda.

La habitaziun dil caplon ei vegnida duvrada dils caplons tochen sur Rageth. Cu lez ha baghegiau sia casa odem Sedrun, eis el setratgs en quella. Naven da lu ha la famiglia dil Placi Soliva habitau en quella duront 37 onns entochen tier la reconstrucziun d'ina nova casa Cadruvi igl onn 1977.

Culla cumpra entras la vischnaunca ha ella surpriu ina casa isada e sgurdinada. Donn pil bi plaz! Per saver far zatgei emperneivel e bi ordlunder ha la vischnaunca cumprau las cumparts e las suschnas annexas. Per ussa ha ella saviu disponer digl entir baghetg.

Ils 16 da mars 1977 ha la radunanza da vischnaunca approbau in project e concediu in credit da frs. 420'000.- per l'erecziun d'ina nova casa Cadruvi. La stad 1977 ei il venerabel edifeci svanius. Pli che in tschentaner ha el dominau e controllau il Plaz Cadruvi. El ha viu nos antenats che caminavan a scola e che fagevan el liber vischnaunca. El ha viu fiastas pompusas e persequitau radunonzas burasclusas. Bia eveniments han legrau el da cor, auters han contrastau el.



Casa Cadruvi ils onns 1970

La scola a Gonda/Sontget

Il baghegiar ina casa da scola per Sedrun e contuorn dat bia da discussionar e las ponderaziuns e preparativas cuozan plirs onns. Danovamein stat il liug nua pazzar ella en discussiun. L'iniziativa per l'erecziun vegn dil cussegl da scola. Il motiv pesont ei la scartezia da plaz. Ils 24 da zercladur 1880 vegn prelegiu sin vischnaunca ina ordinaziun dil Cussegl d'educaziun Grischun, ch'il local da scola sin Cadruvi stoppi vegnir engrondius. Ins dueigi denton ponderar, schebein ins vegli alzar la casa vedra ni baghegiar ina nova. La radunanza da vischnaunca pren il conclus da far plaunsiu cun quella caussa e schar sura alla cumissiun da scola, ensemble cun ils geraus, da ponderar, tgeinina seigi la megliera sligiaziun per la vischnaunca.

Ins ha veramein buca fatg prescha culla caussa. La radunanza da vischnaunca digl uost 1882 anfla primarmein per bien da sligiar il problem da plaz cun nudar aschia el cudisch da protocols:

Sin la brev vegnida tier dil cussegl d'educaziun, ariguard la casa da scola a Sedrun, eis ei concludiu da rispunder ch'ins vegli mirar da saver ira cun ina classa affons naven da Sedrun e tarmetter a Camischolas e lura mirar sch'ei seschassi buca seregular sin quella moda.

Quella sligiaziun ei u buca secumprovada ni buca vegnida acceptada. Cugl onn 1883 entscheivan las preparativas per ina nova scola ed il protocol dil cussegl da scola dat plaid e fatg davart la lavur dil cussegl e d'ina cumissiun.

Ils 7 d'october 1883. La vischnaunca era differentas gadas vegnida fatga attenta ch'ella stoppi baghiar ina nova casa da scola per il vischinadi da Sedrun, essend la veglia tuttavia buca sufficienta. La vischnaunca ha aber era adina fatg nuot stem sur da quei e concludiu da baghiar mo cu ella stoppi, schegie che mintga carstgaun cun sauna raschun stueva veser en ch'ei era fetg necessari, muort biaras raschuns da baghiar ina casa.

Ils 18 d'uost ha il cussegl d'educaziun tarmess tier al cussegl da scola in memorandum, nua ch'el stimulescha ed obligescha il cussegl da scola da luvrar ch'ei vegni fatg enzatgei pervia dalla casa da scola. Sin quei ha lura il president da scola purtau avon quella caussa alla vischnaunca e quella ha lura legiu ora ina cumissiun consistenta ord il cussegl da scola ed aunc sequents signurs:

1. Vigeli Deragisch da Bugnei
2. Giachen Antoni Soliva da Sedrun
3. Bruno Soliva da Gonda
4. Gion Paul Berther da Camischolas
5. Giachen Antoni Venzin da Rueras
6. Wigielo Venzin da Selva
7. Sep Antoni Hendry da Surrein
8. Luis Hendry da Cavorgia

Quella cumissiun duegi lura luvrar ora in pareri, nualein tschenttar la casa e co far.

Ils 27 d'october 1883. Suentermiezdi ei la cumissiun pervia da baghiar la casa da scola a Sedrun stada radunada a Sedrun en casa da caplania.

Buca stai cumpari ein

1. Gion Antoni Cavegn
2. Giachen Antoni Venzin
3. Vigeli Venzin
4. Hans Giachen Decurtins

Suenter quei ch'il president ha giu mess avon la raschun u motiv, pertgei la cumissiun seigi oz cheu, ei la debatta vegnida aviarta sur dalla damonda: Nua ei seigi bein il pli adattau plaz per baghiar ina casa da scola a Sedrun, sinaquei che las scolas da Sedrun e Camischolas savessien vegnir unidas.

Sur da quella damonda eis ei vegniu plidau bia e ditg e differents meinis ein vegni purtai avon.

Tgi leva baghiar la casa da scola en Camischolas e concentrar leu en quella casa lura tuttas scolas, aschia che l'entira vischnaunca savessi prender part vid quella.

Tgi leva tschentar ella a Mira, sinaquei ch'ils affons da Camischolas vessien buca memia lunsch e memia ruh, essend ch'il viadi da Camischolas a Sedrun seigi igl unviern in fetg ruh pass.

Tgi leva baghiar la casa da scola a Sontget e zuar da maun sut dalla via. Quei füssi il pli adattau liug, sch'ins vegli era risguardar ils affons da Bugnei e Surrein. – Era il pli adattau liug muort caussas che stoppien vegrif risguardadas, cura ch'ins vegli baghiar casa da scola. E quei segi:

- a. La scola duegi esser cun la baselgia
- b. Survigilonza. Igl affon duegi far termagl sut survigilonza
- c. Muort la doctrina. Ins sappi buca metter si la grevezia als spirituals d'ira en Camischolas, ni Mira a far doctrina
- d. Muort l'aua
- e. Muort scaldar pegna ed etc.

Suenter ina liunga debatta eis ei vegniu votau giu e concludiu cun 11 vuschs encunter ina da tschentar la casa da scola vi Sontget. – Quella ina vusch leva baghiar la casa da scola en Camischolas.

Bein aber fan ils 2 commembers dil vischinadi da Camischolas la remarca, che quei duegi esser negin pregiudezi al vischinadi da Camischolas e ch'els vegnien mo stuend ni zunghegiai a Sedrun cun ses affons.

Suenter esser perina sur dalla damonda nua tschentar la casa da scola ei la discussiun vegnida aviarta sur ina autra damonda, numnadamein: Co ni tgeilein baghegiar vi Sontget? Essend aber il temps s'avanzaus, ed essend quei ina damonda da gronda impurtonza, sch'eis ei vegniu concludiu da refierer quella sin ina autra sesiun, sinaquei ch'ins vagi temps e peda da patertgar e meditar sur da quella caussa.

Ils 4 da november 1883 ei la cumissiun puspei stada seradunada a Sedrun en casa da caplania.

Absents eran:

1. R. D. Farrer, buca bein disposts
2. Hans Giachen Decurtins
3. Bruno Soliva
4. Luis Hendry
5. Wigeli Wenzin

Oz ha la cumissiun giu da seconcluder sur dalla moda e maniera, co baghiar la casa da scola. Sur da quella caussa regevan era differentas ideas e meinis. Tonaton era ei ualti general meini, da baghiar enzatgei scoiauda, che survessi per tuts basegns, ton per la scola, sco era per auters basegns dalla vischnaunca.

Ina part dalla cumissiun leva unir cun la casa da scola aunc la caplania, sinaquei ch'ins savessi lura vender l'entira casa vedra da scola, ed aschia trer in grond daner. – L'autra part, ch'era la gronda part, leva buca quei, essend che quei vegni in memia grond baghetg, cuosti memia bia e sappi struschamein baghiar solit avunda. – denton ha la cumissiun anflau per bien da schar purtar avon alla ludeivla vischnaunca domisdus meinis e quella sappi lura decider quella caussa sco ella anfli per bien.

Unitamein ha la cumissiun concludiu da baghiar ina casa da scola cun sequentas stanzas:

1. Giufuns ina stanza per far il turnen; davostier tschalers
2. I^{ma} alzada, da maun sut 2 stivas per las scolas romontschas. Davostier ina stanza per la sprezza e 2 talinas per lenna ni 2 combras secund sco ei drova
3. II^{da} alzada da maun sut ina stiva per la scola tudestga, ina per il "Civilstand" ed ina per igl "Oberkeit" da vischnaunca. Davostier ina cuschina ed ina combra per il scolast e lura aunc igl arsenal per disposiziun dil gerau militar.

Ina part dalla cumissiun leva aunc baghiar ina III^{za} alzada per la caplania, sinaquei che la vischnaunca savessi lura vender l'entira vedra casa da scola e trer en grond daner ordlunder e stuessi buca mantener 2 tetgs e baghetgs.

L'autra part ch'era la part gronda, ha buca vuliu quei ord motiv che quella casa vegnessi memia gronda, custassi memia bia etc.

Denton ha la cumissiun concludiu da schar purtar avon alla ludeivla vischnaunca domisduas proposiziuns, sinaquei che quella sappi decider.

La damonda, baghiar ord crap ni lenn, ha la cumissiun era schau sura da decider alla ludeivla vischnaunca. – Alla finala eis ei vegniu surdau al president da luvrar ora in rapport sur dil tractar per mauns dalla ludeivla vischnaunca.

Ils 18 da november 1883. Ei il rapport, daus en dalla cumissiun da scola davart baghiar la casa da scola vegnius purtaus sin vischnaunca, ha aber tuttavia buca saviu cumentar la vischnaunca. Quella ha manegiau, che quei drovi tuttavia buca in aschi grond baghetg e buca schi bia cuost. Il conclus ei staus, la cumissiun duegi turnar ensemes e ponderar quella caussa aunc inaga ed ins duegi refierer per oz quella caussa.

Ils 29 da november 1883. Aschinavon sco la ludeivla vischnaunca ha nuota giu vuliu saver dil rapport che la cumissiun veva giu luvrav ora, sondern garegiau da turnar a luvrar ora in niev, sch'ei quella vegnida suenter a quei giavisch e luvrav ora in niev. La cumissiun ha concludiu da buca ira vi Sontget cun la caplania, schar quella tscheu neu e las stivas da scola schar per ils differents basegns da vischnaunca. Tonaton duegi vegnir baghiau vi Sontget enzatgei scoiauda. – Igl ei vegniu concludiu da baghiar las medemas stanzas e combras sco igl ei vegniu stau concludiu en la II. sesiun, mo dar auters nums.

Per luvrar ora quei rapport ei signur Gion Andriu Berther vegnius destinaus.

Ils 16 da december 1883. Ei il niev rapport, daus en dalla cumissiun da scola, davart baghiar la casa da scola, vegnius purtaus avon alla ludeivla vischnaunca, la quala ha anflau quella ga aunc suenter enqual remarca, da dar l'approubaziun. Sin quei ha la ludeivala vischnaunca lura legiu ora ina cumissiun da treis commembres: R.D Caplon Thomas Berther, sco president, signur Gion Andriu Berther e Duri Berther, Zarcuns, meister e surdau a quella tut il menaschi.

Ils 10 da schaner 1884. La sera ein ils 3 commembres, als quals la ludeivla vischnaunca ha schau sura il baghiar la casa da scola, stai radunai a Sedrun. Igl ei vegniu concludiu da far pinar la lenna il fevrer. - Davart il plan per la casa da scola han ils 3 commembres buca pudiu vegnir perina, essend che Gion Andriu e Duri Berther manegiaven d'esser sufficient cun in plan che nus fagein giu, caplon aber era cun quei tuttavia buca cumentis e garegia ch'ei stoppi vegnir fatg in plan bein e scoiauda, ch'ins sapi tgei ins vegli e tgei ins vagi da far. Suenter liunga e viva debatta eis ei vegniu concludiu da ver plaid e cussegli en quella caussa cun signur inspectur Disch.

Ils 25 da schaner 1884. Ei vegniu dau ora la lenna per baghiar la casa da scola. Era ei quei di schon ed il di suenter vegniu pinau lenna.

1884. Davart il baghiar la casa da scola ei vegniu tractau e plidau bia. Il destinau comite ha giu schau far in plan suenter il conclus da vischnaunca. Mo staus quel inaga, sche eis el sin luvrar d'entgins malvugli, puspei vegnius bess per il tempel en. Sinquei ha il president da quei comite dau giu sia demissun e sedeclarau ch'el vagi marveglia nuot pli.

Igl ei lura vegniu puspei ina nova cumissiun e fatg novs plans differentas ga. Aber la cumissiun ha puspei priu ina demissiun ed aschia eis ei iu pliras ga. Ils plans ein era puspei vegni bess. Finalmein ei vegniu mess ella cumissiun:

1. Duri Baptesta Berther da Zarcuns
2. Statalter Gion Paul Berther da Camischolas
3. Statalter Stiafen Beer da Gonda

Quels han perinaga acceptau lur nomina ed era luvrav vid in plan. Co e tgeinin ei aunc oz buca enconuschnet al president da scola.

Els protocols dil cussegli da scola calan las indicaziuns pertuccint la casa da scola. La cumissiun gest avon numnada, dil reminent la quarta, vegn plaunsiu a frida cun lur lavur

da preparaziun e la radunonza da vischnaunca decida ils 28 da settember e lu ils 12 d'october 1884:

28 da settember 1884. Ei concludiu da bagheggiar la casa da scola sco quella da Mustér e far ella da lenn tenor vegls conclus ed il destinau comite dueigi mirar che la lavour mondi vinavon.

Ils 12 d'october 1884 ei vegniu il rapport dil comite dalla casa da scola, che la casa da scola da Muster hagi negina cuschina e habitaziun per il scolast; ei oz concludiu a Rueras che la casa da scola dueigi veginir fatga da lenn, las stivas tschentadas ina sur l'autra ed ils necessaris cumahs per habitaziun da scolast cun cuschina etc. dueigi il comite metter tier tenor commoditad e basegns.

Igl architect cantunal Nescher ha presentau in plan che preveva da bagheggiar ina casa da crap. In auter plan prefereva ina casa da lenn. U crap ni lenn? - quella damonda ha caschunau gronda discussiun sin pliras vischnauncas. La pluralitat fuva dil mein, ch'ina casa da crap seigi memia freida. Ins vul la casa da lenn e sedecida la finala da far mir mo dalla vart dil stradun per segirezia encunter fiug. La casa duei obtener duas stivas da scola ina sur l'autra e da l'autra vart las commoditads, duas cuschinas e habitaziuns per ils scolasts. La construcziun dil tett era previda da setener vid la pratica usitada en la val cun duas alas tett drizzadas viers sid nord. Il co vegni surschau alla cumissiun.

Il scrinari e meister Gion Battesta Schmid ha denton tschintschergnau si in tett da crusch alla cumissiun ed aschia ei naschiu in tett buca gest unitars cullas casas da Tujetsch. Tochen igl onn 1908 han slondas cuvretg il tett. Quellas ein lu veginidas cuvretgas ina secunda gada cun slondas ton ch'ei ha dau in tett dubel da slondas. Gia tschun onns pli tard offerescha il cantun 30% subvenziun per remplazzar las slondas cun stuors. Schegie ch'il tett vess aunc surviu 20 tochen 30 onns, ei la lavour veginida execuida. Tgunsch ha la segirtad encunter fiug motivau a quella midada.

Igl onn 1886 vegni ei finalmein entschiet a bagheggiar e pigl onn da scola 1887/88 ei il niev baghetg preparaus.

La lavour da lenn ha scrinari Gion Battesta Schmed, oriunds da Mustér, mo sesents ad Andiast, giu supriu. Tuttas lavurs han custau las suandontas summas:

Ils cuosts per baghiar la casa de scolla de Sedrun en ils suandonts

<i>Pil plan della sura casa</i>	<i>fr.</i>	200.00
<i>Pil sulom – fests 80 a 7 fr porta</i>		560.00
<i>Per 84 salmès caltschina a 8 fr porta</i>		652.00
<i>Per resgiadiras per 3 onns</i>		302.70
<i>Per Lavurs de Maridurs</i>		1474.00
<i>Per Tett</i>		200.00
<i>Per Lavurs de Maisters</i>		3450.62
<i>Per Glas e faradira</i>		767.70
<i>Per Lavurs de spenglers</i>		225.60
<i>Per las 4 peginias</i>		380.00
<i>Per Lavurs de Malters</i>		276.00
<i>Per Lavurs de fravis</i>		154.30
<i>Per manadiras de glas, faradira etc</i>		155.76
<i>Tutta lena duvrada tier la sura casa</i>		1440.00
<i>820 manadiras sco lavurs Cumina, per mana tier lena, crapa etc. a fr 5 per um e bof fa</i>		100.00
<i>Tuttas schurnadas, sco lavurs cuminas senza bos a 2.40</i>		3185.00
<i>Lavurs de taglia crapa</i>		70.00
 <i>Total</i>		 17'593.68



Il zennet dalla scola Sontget

Inscripziun: GEGOSSEN VON GEBRÜDER GRASSMAYR
FELDKIRCH 1874

Reliev: Sogn Marcus, evangelist

(Sesanfla oz en sala biala dalla Tgèsa communal.)

Co sepresentava ussa la nova casa da scola

El sutterrano sesanflavan la sala da teater ed ina cella cun garter per eventuels sfarfatgs. El plaunterren ed ell'emprema alzada ecunter sid las duas stanzas da scola. Encunter nord duas habitaziuns pils scolasts, consistent d'ina stiva, combra da durmir, cuschina e tualettes. El plantiu sesanflavan treis combras da durmir pils affons dils scolasts. Pli tard ein las duas habitaziuns vegnidas baghegiadas entuorn en stanzas da scola. La cuschina el plaunterren ei vegnida mantenida vinavon e vegneva duvrada dil talper. Quel habitava ina combra el plantiu. En scola veva el era il depot da fallas e tut siu inventari da mistregn. Duront onns ein las talpas stadas ina vera crusch e mulesta. Il talper vegneva eligius dalla vischnaunca e veva ina ordvart impurtonta funcziun.

Igl emprem onn da scola a Sontget

Dumengia, ils 16 d'octobre 1887 ei la nova casa da scola vegnida benedida e collaudada.

Suenter viaspas ein ils affons, alla testa la musica e cullas duas bandieras dils affons entuorn igl ornau crucifix, tratgs dalla vedra casa da scola vi ella nova e leu ha giu liug la ceremonia della benedicziun sut participaziun digl entir pievel cun in commensurau plaid dil president da scola e cun concert da cantadurs e musicants.

Aschilunsch plaida il protocol dil cussegli da scola. L'auter di, ils 17 d'octobre 1887 ha igl emprem onn da scola entschiet en quella casa.

Quei onn possedeva la vischnaunca tschun scolas cun sis partiziuns, a Sedrun duas e mintgamai ina a Cavorgia, Camischolas, Rueras e Selva. La scola romontscha a Sedrun dumbrava 46 scolars e la tudestga 20. L'entira vischnaunca dumbrava en tut 129 scolars e scolaras. Il cussegli da scola viseta silmeins sis gadas las scolas dalla val; la scola tudestga cun la participaziun digl entir cussegli e tuts scolasts! Suenter ei vegniu teniu in referat da scolast Josef Schuoler. Ils 26, 27 e 28 da mars 1888 han giu liug ils examens.

Mars 28: Avonmiezdi examen en la scola romontscha a Sedrun, suentermiezdi ella tudestga, sut participaziun dil cussegli da scola, dil plevon e biars geniturs.
Dapertut cumenteivlas prestaziuns.

Il baghetg duvrava fetg bia lenna per scaldar las stanzas da scola e quei fagevan ils gronds burers lenna dadens scola endamen ni las uras da lavour cumina. Cons scolars han sevilau inaga u l'autra da stuer purtar lenna da pausa enstagl saver sturnegiar. Per spargnar cuosts fuva era il scuar la sera las stanzas ina pauc emperneivla lavour per las scolaras. Conta puorla che beinenquala ha laguttii cun quels plantschius vegls e conta da quella che restava sternida tscheu e leu aunc per l'auter di! Per igl onn 1931/32 ei vegniu pretendiu dil scauldapegnas d'era scuar ils locals. La suprastonza communal surdat quella lavour igl onn 1949 a Sebastian Monn, che ha fatg quella caussa duront decennis. Il nuder dalla suprastonza noda en quei connex:

La suprastonza ei denton dil mein da far cun signur Sebastian Monn in contract, el qual ins fa attents el da spargnar lenna, da buca duvrar petroli, sco era da calar da sgiavlar e zundrar. Vegr signur Sebastian Monn buca suenter a quei contract, vegn tratg giu ad el 40.-frs. e restass mo 300.-frs.



Scolast Gion Antoni Deragisch cun la scola superiura da 1893/94

Igl onn 1917 havess ins denton gleiti fatg dar ensemens la casa da scola. En la sala suten havevan ins giu tschentau gia all'entschatta ina detga petga amiez la sala per sprunar e francar quella. Mo quella fuva specialmein en peis per las producziuns da teater. Perquei han ins priu ora ella. Gia quei unviern, mo principalmein 1918/19, han las nevadas mudergiau il baghetg da tala maniera, ch'ins ha stuiu surdar a scrinari Vigeli Beer da rinförzar e segirar puspei il baghetg avon ch'el sfrachi ensemens. Signur Vigeli Beer ha capiu stupent da far quei, aschia che la casa ei restada entochen 1975 senza caschunar disgrazias. Mo da quei temps derivan era las sluppadas e caneras ch'ins udeva beinduras suenter en quella casa. Da cheu derivan era las praulas ch'eis seigi striegn en quei baghetg e beinenqualin ha giu tema da notg en quella casa.



Scolast Toni Hendry e sur Giachen Antoni Fetz cun la scola superiura

Ils dus locals da scola fuvan per da lezzas uras ualti gronds. Tuttina ein els era vegni in di stretgs. Igl onn 1914/15 haveva scolast Gion Antoni Schmid 60 scolars en las empremas

quater classas e paga - circa 500.- frs. Il diember dils scolars ei culs onns carschius ch'ins ha cul temps era aunc duvrau ils dus locals da maun sura per stanzas da scola. Sco habitaziuns per ils scolasts fuvan elllas vegridas duvradas da paucs scolasts. Dad in scolast vegn ei raquintau ch'el havevi mess si ina damaun castognas da cuer. Quellas fuvan lu ina rara spisa. Mond in ni l'auter scolar mintgaton sin cuma, hagi el cumandau d'ir en cushima e metter in lenn ni dus en la platta. Vulend denton da miezdi derscher giu las castognas, hagi el anflau paucas da quellas pli en la cazzetta. Suenter hagi el adina cushima persuls. Quater onns, da 1896 - 1900, ha Signur Adolf Cavegn giu la habitaziun suten duront ils onns ch'el ha baghegiau sia casa.

Il pli malemperneivel e malcumadeivel local fuva bein la sala suten, pintga e freida. E tonaton ein numerusas producziuns da teater vegnidias dadas en quella e cun fetg bien success. Specialmein il capavel regissur Gion Felici Monn ha cun ses giugadurs exercitau e schelau tschiens e tschiens uras en quella "tauna". El ha produciu cheu impressiunonts dramas, schi stretg e malengrazieivel sco ei fuva en quella sala. Per ses tocs teater sco Garcia Morena, ils Heroxs da Nidwalden, la Garda svizra, Venanzius ed aunc auters tocs, stueva el mesirar giu beinduras sil centimeter il plan per las roschas giugadurs che fuvan inaga u l'autra sin la tribuna.

15 d'avrel 1962. Per il project baghegiar ora la casa da scola veglia a Sedrun en casa da vacanzas vegn dau il necessari credit e cumpetenza alla suprastonza da schar far in plan surlunder. Il meini ei denton sch'ins vul baghegiar duei ins far quei endretg. La caussa ei denton pli tard da rapportar alla vischnaunca.

La casa da scola a Sontget, da sias uras in baghetg ch'astgava semussar. Dapi igl onn 1962, cu la novissima casa da scola ha aviert sias portas per tut il scolaresser da Sedrun, ha la casa a Sontget surviu naven da 1964 per biros e magazins dalla Installaziun electrica Sedrun ed all'Uniun da cura e traffic. – Igl onn 1975 vegn la Tgèsa communal erigida e la casa da scola vegn disfatga!

En 76 onns ha ina biala roschada d'affons empriu cun pli gronda ni pli pintga premura, ein segli entuorn ed han sturnegiau, ein sediverti e beinduras era sescagnai. La scola ha fatg plaz a parcadis e sut quel en sesanflan ils locals publics da schurmetg.



La scola a Sontget ils anno 1930



Barla Berther (1917-2005) ha giu descret suandontamein la scola a Sontget/Dulezi:

“Quei era ina scola sempla, fetg sempla. Ei era ina scola da pauca valeta, freida cun terments corridors. Da quels mav’ins igl unviern en palas viaden. Per l’autra veva ei scalas da lenn che fagevan ina enorma canera. En las stanzas da scola era ei en bauns ch’ins seseva en treis ni quater, buca sco oz dus. Sisum il baun era ina ruosna el baun per la tenta. En ina stanza eran circa 30 - 40 affons, il bia treis classas. Quei era fetg sempel, sch’ins vul dir la verdad.”

Ei suonda ussa ils numbs dils scolasts e dallas scolastas che hau dau scola duront quels 76 onns en la scola a Sontget. L’entschatta ei stada sufficienta cun dus scolasts, in per il scalem elementar e l’auter per la scola tudestga. Culs onns creschan il diember d’affons. Cugl unviern 1920/21 vegn creau ina secunda partiziu e plitard igl onn 1941 ina tiarza e lu 1961 ina quarta.

Scalem primar

Baseli Hosang, Segnas

Josef Schuoler, Danis

Gion Battesta Venzin, Mustér

Gion Antoni Soliva, Sedrun

Gion Antoni Deragisch, Bugnei

Giachen Antoni Pally, Camischolas

Anselm Capeder, Rueras

Jakob Camartin, Breil

Gion Benedetg Derungs

Eusebi Cavegn, Breil

Gion Battesta Durschei, Segnas

Duri Riedi e Stivet

Paul Livers, Breil

Gion Antoni Schmid, Cavorgia

Tumaisch Venzin, Sedrun

Cristian Bass, Sumvitg

Gion Michel Peder, Selva

Toni Hendry, Cavorgia

Felici Hendry, Cavorgia

Teofil Schmid, Sedrun

Leci Jacomet, Sedrun

Vigeli Venzin, Sedrun

Paul Deplazes e siu fegl

Pia Caviezel, Sumvitg

1887 - 1890	cun 46 scolars
1887 - 1889	cun 20 scolars
1891 - 1893	scola superiura
1891 - 1896	scola inferiura
1894 - 1898	superiura
1897	scola inferiura
1910 - 1912	puspei scola inferiura
1898	scola inferiura
1899 - 1906	scola superiura
1899 - 1902	scola inferiura
1903	scola inferiura
1904 - 1908	scola inferiura
1909 e 1910	scola superiura
1907 e 1908	scola superiura
1909	inferiura
1911 - 1916	scola superiura
1913 - 1928	scola inferiura
1917 - 1924	scola superiura
1929 - 1956	scola inferiura
1920 e 1921	scola mesauna
(stau mo quels dus onns treis scolas)	
1925 - 1928	scola superiura
1929 - 1945	scola superiura
1946 - 1961	scola mesauna
1941 - 1945	3. e 4. classa
1946 - 1956	scola superiura
1957 - 1961	1. e 2. classa
1957 - 1960	scola superiura
1959 e 1960	secunda mesauna
1961/62	scola superiura
1961/62	secunda mesauna

Scola reala, secundara

Ludivic Hendry, Cavorgia

1950 - 1958

La scola tudentga, pli tard (dapi 1908) la scola reala e quella han instruiu:

Josef Schuoler, Danis	1887 - 1889
Gion Antoni Soliva	1874 - 1875
Stiafen Schmed, Sedrun	1889 - 1890

Scola da lavur

Genoveva Bearth	1899 - 1901
Elisabeth Beer	1901/02 - 1907
Christina Soler	1909/10
Genoveva Monn	1916/17
Mariuschla Monn, Sedrun	1921/22
Cristina Pally	1922/23 - 1924
Barla Catrina Capeder	1928/29
Maria Urschla Berther	1929/30 – 1938
Jenal	-1961



Scolast Toni Hendry cun la mesauna 1950/51



Scola Sontget, igl onn 1968

La scola Sontget vegn spazzada 1975



nord/vest

sid/ost



sid/ost



vest/sid

Las novas casas da scola

La carschen dalla populaziun ha giu per consequenza ch'il baghetg da scola da 1887 ei tec a tec vegnius memia pigns. Mo era l'infrastructura metteva en damonda gl'entir baghetg. Ei muncava la sala da gimnastica, localitads per l'instrucziun da cuschinari e scola da lavur. Insumma la necessitat da far midada era pli che dada. A Camischolas fuva la reala, era cun problems da plaz, stuend untgir ora a Sedrun ni Rueras.

Dil svilup a l'ereczion d'ina casa da scola a Sedrun ed a Rueras plaidan il meglier ils protocols da vischnaunca. En numerosas radunonzas ei vegniu discussiunau e meinsvart ei quella tractanta stada ualti viva e liunga.

22 da schaner 1956. Sco quarta tractanda ha signur president da metter avon ina buca meins impurtonta caussa, numnadamein quella da reconstruir, baghegiar novas casa da scola a Sedrun e Rueras. Vid quellas damondas han ins patertgau gia avon onns, mo adina refretg per tema dil finanziar. Oz entras l'explotaziun dalla auas quentan ins haver ord quellas entradas annualas che lubeschan da finanziar e baghegiar novas casas da scola tenor basegns, senza stuer engraviar ils vischins.

Il president prelegia ina brev digl inspectur e dil cussegl da scola Tujetsch. Omisduas instanzas insinueschan seriusamein la vischnaunca da patertgar e dad el proxim temps prender a mauns la reconstrucziun, respectiv il baghegiar novas a Sedrun e Rueras. Scolast Tumaisch Venzin s'exprima en in pli liung exposé dalla necessitat da reconstruir casas da scola e da sche pusseivel tschentar quellas en loghens suleglivs. Mo era en ils locals da scola sco tals munglassi il sulegl dalla carezia scalarir.

Era ils auters votums, gerau Cristian Berther, ils cussegliers da scola Giusep Monn-Flepp e Giachen Martin Valier, gerau Benedetg Deflorin e Benedetg Valier recamondan a raschun dalla necessitat e dalla prevedida megliera situaziun finanziara dalla vischnaunca da el proxim temps reconstruir, respectiv baghegiar scolas novas a Sedrun e Rueras.

Principalmein a Rueras seigi grond basegns.

Era signur derschader Alfons Berther ei dalla medema idea. Gia avon entgins onns hagien ins entschiet a tschentar in fondo per quei intent. Quel vegni denton entochen oz buca ad esser sviluppaus fetg e munti probabel buca sin in grond capital.

Signur Baseli Monn recamonda che cura che quellas casa da scola vognen baghegiadas metter buns survigiladers dallas lavurs.

Signur gerau Teofil Schmid anfla ch'ei seigi per quella damonda necessari dad eleger ina cumissiun che studegia e ponderescha quella caussa sco era co e nua ins vegli baghegiar talas e rapportar surlunder alla vischnaunca. La vischnaunca va d'accord cun quella proposiziun e vogn eligiu per quei intent ils suandonts:

1. La suprastonza communal

2. Ils commembres dil cussegl da scola cun aunc trer tier ils signurs derschader Alfons Berther, Luis Hendry, capo-lingia e scolast Tumaisch Venzin.

23 da settember 1956. Il president Placi Jacomet dat rapport sur dil luvrar dalla cumissiun stada elegida en caussa baghegiar scolas novas a Sedrun e Rueras. Sin giawisch dalla cumissiun seigi ils 23 d'avrel 1956 signur cusseglie guvernativ Theus, schef dil departement d'educaziun cantonal e signur inschigner da baghegiar cantonal Lorenz cun signur inspectur da scola Bundi stai sils platzs preparai per ils suloms da scolas per dar giu lur pareris. Tenor lur rapport en secret seigi il sulom a Rueras adattaus. Quel a Sedrun recamondan els sin la squadra Dulezi.

Sin quei pareri vogn ina delegaziun tarmessa a Cuera tier monsignur uestg per secunvegnir cul Dulezi. Mo nuidis vogn monsignur suenter a lur giavisch e dat il consentiment da ceder giu 70'000 m² dil Dulezi per 10.- frs. il m² ni 70'000.- frs. Quei ei stau secunvegniu mo a bucca. Tenor rapport en secret pretenda el lu pli tard minimum 80'000.- frs. per quels 70'000 m². Il sulom a Rueras ei il frust da vieua Onna Maria Caduff viasi Las Sorts. Mesira circa 520 fests. Per quei marcau stattan treis variantas avon maun. Recumandau dalla cumissiun vogn varianta 3 nua ch'il frust cuosta 40.- frs il fest.

Ils vischins da Rueras pretendan entras ina iniziativa suttascretta da 64 vischins, che la scola reala vogni a restar sco entochen ussa a Camischolas. En ina brev da sexculpaziun per la radunanza dalla cumissiun dils 17 d.q. recamonda il president dil cussegl da scola, sur

Schuler, ina a Rueras.

Cun quei ei il rapport da signur president alla fin, ed el arva la discussiun en caussa, la quala ei fetg viva. Buca ils suloms dattan la gronda discussiun, mobein las scolas realas. Plirs signurs sustegnan l'iniziativa da Rueras. Era signur Felici Schmid sustegn tala, cun la moziun ch'il dretg sulom per la scola inferiura da Sedrun füssi sut la scola vedra, ed era füssi ei da studegiar da lu far ord la scola vedra cul temps ina casa per glieud veglia.

Signur Francesc Berther anfla la caussa buca aunc madira e propona da per oz refierer quella tractanda. La tscharcha decida denton da tractar oz vinavon ella.

Primarmein vegn il sulom per la scola a Rueras tractaus. Havend varianta 3 aunc l'annexa che di, ch'il vegl proprietari hagi vianvon il dretg da segar giu gratuit il regress entuorn scola, vegn quei strihau ed igl entir frust vegn entras tscharcha cumpraus per 40.- frs. il fest. Il tractar vinavon la caussa scola reala vegn concludiu dad ad interim refierer.

21 d'october 1956. Passan ins tier la davosa, denton delicata tractanda, il secunvegnir cun las scolas realas. Per orientaziun prelegia signur president la risposta dil departement d'educaziun cantunal, il qual sclarescha giu davart il subsidi. Tal per baghegiar vegn ei dau, sche las scolas realas vegnan omisduas baghegiadas ensemens a Sedrun ni a Camischolas. Per ina a Sedrun e l'autra enzanua auter vegn dau negin subsidi. Il subsidi per ils scolasts denton vegn dau nua ch'ellas vegnan.

Dapli prelegia el la proposiziun dils vischins da Camischolas, ils quals ein per tener la scola reala leu. Era ils vischins da Sedrun admettan lur conclus en secret e pretendan las scolas realas en in bloc a Sedrun. Vegness ei denton mo ina a Sedrun, sche pretendan els ch'ei vegni igl emprem sclariu giu nua ella vegni, e ch'ei vegni priu si avon che decider nua, ina calculazion dils cuosts per tuttas scolas novas.

Finidas quellas prelecziuns vegn aviert la discussiun en caussa. Signur president exprima ch'el mantegni siu emprem meini ed economicamein sco finanzialmein audien las scolas a Mira. Gerau Toni Hitz dat sclarament sur dil conclus dils vischins da Rueras, nua ch'els han concludiu da mantener la scola a Camischolas. Fuss quei buca il cass, sche giavischassen els ina a Rueras. Ils signurs Tumaisch Schmid e Christian. Berther, anflan era che igl adattau plaz seigi a Camischolas. Signur scolast Tumaisch Venzin ei per la scola a Mira e propona da refierer per saver vegnir suenter allas proposiziuns dils vischins da Sedrun.

Entras tscharcha vegn concludiu da refierer per ponderaziun dil sulom e dils cuosts.

9 da decembre 1956. Signur president orientescha la radunanza sur dil curriu e passau en caussa scolas novas. Sco stau schau sura seigi el semess en contractivas cugl inschigner cantunal Lorenz, per schar far in plan e calcul provisoric, il qual seigi momentan aber buca caussa pusseivla. Era la cumissiun per sulom a Camischolas hagi entochen oz aunc giu pauc success. La caussa vegn messa en discussiun, principalmein schebein ins vegli tractar oz vinavon e tgei. La discussiun tila uulti alla liunga e croda da tuttas sorts proposiziuns. Tgi da decider oz nua las scolas realas vegnien, auters da decider mo schebein ins vegli baghegiar ellas sut in tetg ed auters da concluder da far vinavon cun quella a Rueras. Il menar vinavon il baghegiar tala vegn dau la plenipotenza alla cumissiun, aschi gleiti sco ella hagi enta maun il pareri dils vischins da Rueras davart las localitads.

20 d'october 1957. Davart la moziun dil baghegiar scolas sclarescha signur president il semover d'entochen ussa. Ils plans en detagl per la scola da Rueras seigien tarmess en alla regenza per la damonda da subsidi. Ils schar far ina calculazion dils cuosts per las ulteriuras scolas seigi dau sura. En num dalla cumissiun engrazia signur Benedetg Valier per l'orientaziun.

12 d'avrel 1959. Signur president orientescha la vischnaunca sur dils projects da scola presentai da signur architect Maissen per Sedrun e Camischolas.

En disposiziun stattan 5 variantas. La scola reala a Camischolas custass 275'000.- frs. La scola primara a Sedrun 940'500.- frs. La scola reala e primara ensemens 1'171'500.- frs.

Havend orientau il sura, exprima signur president era il meini dalla cumissiun, la quala stetti en fetg per baghegiar la scola a Mira sur il stradun e la sala dapersei.

La discussiun tila fetg alla liunga ed ei per part fetg interessanta. Generalmein vegn il meini

dalla cumissiun sostenius ed ei vegn concludiu da tractar sin ina proxima radunonza da vischnaunca, nua ch'ei dueigi vegin fixau definitiv il plaz.

19 d'avrel 1959. Tenor conclus da l'antieriura radunonza da vischnaunca havein da decider oz nua plazzar la nova scola a Sedrun, sco era la scola reala.

Arvend signur president la discussiun, vegn fatg da tala stedi diever e principalmein proponiu da baghegiar a Mira sur via. Menond la discussiun empau en confusiu, vegn votau giu schebein ins vegli tractar oz quella caussa ni aunc inaga refierer per reponderaziun. La tscherna decida da tractar oz.

La secunda tscherna decida da baghegiar a Mira sur via en in bloc, scola primara e secundara e schar sura alla cumissiun da preparar entginas variantas cun prezi e mesira e lu metter avon sin vischnaunca. Empau discussiun dat la sala. Il cura e nua baghegiar stauscha bravamein encunter difficultads. Ei vegn concludiu da baghegiar ella sil pli tard igl onn che la scola nova va encunter la fin, il nua aunc ponderar.

14 da zercladur 1959. Sulom casa nova da scola Sedrun. La suprastanza sa presentar duas variantas da sulom. Ina dadens casa da Curschellas, Mira e l'autra sur la resgia da Heinric Schmid. Per sedecider vegn scrutinau. Sco dumbravuschs vegnan eligi: signur president Placi Jacomet, gerau Toni Hitz, Baseli Huonder, Sigisbert Giossi e Gaudenz Cavegn. Resultat dil scrutini: Dau giu 202 vuschs. Dadora 116 vuschs, dadens 86 vuschs. Aschia decida il pli da baghegiar la scola sur la resgia da Heinric Schmid.

28 da zercladur 1959. Concediu 12'000.- frs pil mobiliar dalla scola da Rueras. En la cumissiun per baghegiar casa da scola e sala a Sedrun vegn proponiu ed eligiu, ord la suprastanza communal signur president Christian Berther, vicepresident Gion Crisost Caduff. Plinavon: signur Flurin Caduff, Alfred Decurtins, Battesta Vinzens e Vigeli Beer, scrinari.

26 da fenadur 1959. Per las preparativas dall'erecziun dalla scola nova a Sedrun vegn dau alla cumissiun il dretg da far ils necessaris cuosts.

6 da settember 1959. Sulom sala da gimnastica Sedrun. Presentau vegnan treis variantas da sulom. Ina Drun, l'autra Dulezi e la tiarza Gonda, plaz casa da scola nova. Suenter entgina discussiun decida la tscherna da desister dil plaz sin Gonda nua che la casa da scola vegn baghegiada e refierer la damonda nua baghegiar sin pli tard per ponderaziun.

6 da december 1959. Essend il sulom cumpraus per la nova casa da scola Sedrun buca sufficients damonda la suprastanza per la cumpetenza d'astgar cumprar giu aunc circa 400 fests. Entras tscherna dat la radunonza da vischnaunca alla suprastanza e cumissiun la cumpetenza da cumpnar ils 400 fests dumandai, sco era aunc ulterior spazi per quei intent sch'ei fa basegns.

17 da schaner 1960. Signur president dat entgin sclariment sur ils cuosts per casa da scola Sedrun. Cumpriu sulom, mobigliar, vias ect. possi quella vegin sin circa 1 ½ milliun. Signur inschigner Merz declara aunc inaga tuts models e recamonda, sco era la suprastanza e cumissiun d'approbar il project nr. 12321. Dalla discussiun fan plirs vischins part cun differentas objecziuns. La suprastanza cun la cumissiun proponan ultra dil sura project aunc alla radunonza da vischnaunca in credit dad 1 ½ milliun. Signur Clemens Berther fa la proposta da creditar mo 1 milliun. Ins passa alla tscherna che decida per project 12321 e da dar in credit dad 1.5 milliuns. Damai ch'ils nums dils architects dils differents plans ein secrets, vegn la brev cun la numera 12321 aviarta e prelegiu il cuntegn. Cheu seresulta ch'il plan e model dalla numnada numera appartegn a signur architect Carl Beer, Turitg.

9 da matg 1960. Sulom sala da gimnastica Sedrun. Suenter in detagliau sclariment entras signur president vegn il conclus dils 6 da settember 1959, che plaida da buca baghegiar la sala sin il plaz dalla scola nova ruts entras ina tscherna quasi unanima. Secunda tscherna

decida da baghegiar sur il plaz scola cun schar sura alla supratsonza e cumissiun nua tschentar ella. Plinavon vegn era dau la libertad da sestuschar cun il sulom.

10 da fenadur 1960. Orientaziun sur dil project da scola nova a Sedrun. Signur president Christian Berther orientescha sur il volumen dils baghetgs, sco era sura dalla calculaziun dils cuosts che muntan oz ina summa da 2'600'000.- frs.

La cumissiun da baghegiar en uniun cun la suprastanza communal proponan alla radunanza da vischerna dad approbar il project sco mess avon.

Signur architect Beer engrazia per la confidanza demussada ad el sco burgheis da Tujetsch e dat ina clara ed entelgeivla orientaziun digl entir project, sur dalla calculaziun dils cuosts ed era daco quels ein carschi aschia dapi il schaner vargau.

Per la cumissiun da baghegiar plaidan ils signurs Schmed Aluis e Decurtins Alfred ed omisdus recamondan dad approbar il project sco el ei mess avon denton spargnar ton sco pusseivel enten dar vi las lavurs. Plinavon fan part dalla discussiun ils signurs Deragisch Placi, gerau Francesg Berther, gerau Schmid Teofil, Valier Giachen Martin e president Placi Jacomet il qual recamonda da buca strihar enzatgei vid il project presentau.

Vegn tras tscharna concludiu dad approbar il project dalla scola nova a Sedrun sco mess avon, cun ina calculaziun dils cuosts da 2'600'000.- frs, e da conceder il necessari credit.

3 da settember 1961. Orientescha signur president sur las lavurs e cuosts vid ils baghetgs da scola Sedrun. Entochen oz seigi vegniu surdau lavurs per la summa da frs. 1'434'176.75.

Per quellas lavurs seigien ton sco pusseivel nossas firmas e mistergners vegni risguardai.

11 d'avrel 1966. Signur gerau Gion Crisost Caduff dat in clar e stupent rapport sur dil quen final dalla scola Sedrun. Gl'entir cumplex ha custau la summa da frs. 2'545'713.80. Da quei han ins retratg subsidi per frs. 257'496.-, che resta in cuost effectiv da frs. 2'288'257.80. El engrazia alla entira cumissiun, en special al president da quella, signur Christian Berther ed a signur architect Beer, per tutta lavour e per il bien reussir da quei edifici. Oz ein omisdus vegni clamai tier l'armada gronda. Els ruauissien en pasch. Sco giu empermess da signur architect Beer, ein era ils artavels vegni suenter a siu giavisch e schenghegiau alla vischerna il prau cumprau entras el. Ultra da quei lai la famiglia dil defunct ereger quater maletgs che representan las stagiuns. Tala gesta cuosta la summa da frs. 30'236.-. Bien engraziament.

L'emprema sesida dalla cumissiun da preparaziun e studi entscheiva cun ils 5 da fenadur 1959. La gruppa preparatoria secumpona da Christian Berther sco president, Gion Crisost Caduff, Rueras, actuar, Flurin Caduff, Camischolas, Battesta Vinzens, Gonda, Vigeli Beer, Sedrun, Alfred Decurtins, Gonda e Battesta Soliva, Gonda. - Igl atun 1959 ha la vischerna da Tujetsch envidau en sis architects ad ina concurrenza per ina nova casa da scola a Sedrun. - Il schaner 1960 han ils derschaders e silsuenter la suprastanza communal decidiu da recumandar alla radunanza communal l'erecziun dil project d'architect Karl Beer a Turitg. - La radunanza communal concluda ils 10 da fenadur 1960 l'erecziun cun approbar il preventiv da cuosts da 2.6 milliuns suenter ch'il project ei sin giavisch dallas autoritads cantunalas vegnius engrondius cun ina halla da gimnastica.

Igl entir cumplex dalla casa nova da scola secompona ussa ord

- la part per l'instrucziun, scola primara, reala e secundara
- la casa dil pedel
- il baghetg per la scoletta
- e la halla da gimnastica.

Per l'erecziun dils numnai baghetgs steva in sulom da 5811m² denter via principala ed el sid dalla staziun da Sedrun. Cunquei ch'il sulom ei staus zun pigns ei buca vegniu en damonda in baghetg cun singuls tracts da scola; ei ha giu num restrenscher il menaschi da scola en in baghetg.

Il baghetg ei vegnius ruchegiaus dil tuttafatg al cunfin settentriunal dil sulom, sinaquei che la part meridiunala resti libra pil plaz da giug. Quei ei tonpli stau necessari cunquei ch'e

stueva, muort l'erecziun dalla halla da gimnastica, aunc star liber il plaz special per gimnastica.

Propri il baghetg da scola ei tenius schi bass sco pusseivel sinaquei ch'el sepresenti buca sco in monster disturbond il maletg dil vitg. Sco transiziu al vitg vegl ein la casa pil pedel e la scoletta vegnidias erigidas sco baghetgs independents per cheutras buca disturbar la construcziun cumprovada dil vitg.

La halla da gimnastica, che duei survir il medem mument sco halla da fiasta, ei aunc vegnida augmentada entras ina tribuna e siara giu en posizion verticala viers ils suranumnai baghetgs harmonicamein igl entir stabiliment.

La casa da scola – en detagls

En sut-plaunterren:

Cuschina da scola cun quater plattas da cuschinar, in local da magliar per schotg affons ed in magasin per material. El tract liung secattan ils locals da schurmetg per 300 persunas ed in local da sanitad cun dudisch letgs. Il scaldament cun dus preuls per scaldament central cun scaldament d'ielu cumbinau cun in stabiliment per aua caudia. Milsanavon secattan cheu la centrala electrica e la repartiziun dall'aua.

El plaunterren:

L'entrada principala che schai sin la vart orientala a vesta dil vitg ed ina secunda entrada sin la vart occidentala. Dall'entrada principala arriva ins en la gronda halla d'entrada ed en la sala da musica e cant dasperas. La halla d'entrada sa cun la sala da cant ensembe vegnir duvrada sco aula cun 200 plazas da seser. Sin la vart occidentala schai il local per la scola manuala cun in local per material.

Encunter il sid schai la gronda halla da pausa cun tetg ed avon quella il plaz da giug.

Ell' **1a e 2a alzada** schain mintgamai tschun stanzas da scola, milsanavon mintgamai ina stanza da scolasts en las qualas secattan la biblioteca da scola e material da scola. Schegie che la scola ha stuiu vegnir plazzada en in tract da construcziun, ein scola inferiura, scola superiura e scola secundara separadas ina da l'autra cun atgnas scalas. Las stanzas da scola schaian tuttas sin la vart meridiunala e mesiran 8.50 m sin 6.80 m. L'entira preit posseda retschas da finiastas ch'ein schurmegiadas encunter il sulegl cun storas da rullar d'alumini. Las mobilias dils locals da scola, sco mobiglias da scola, scaffas, tablas da preit ed autres tablas per l'instrucziun, corrispondan allas pretensiuns hodiernas. Els corridors ein las garderobas vegnidias plazzadas e sut ils bauns da seser ein ils portacalzers. Las commoditads necessarias per scolasts, buobs e buobas secattan en mintga alzada.

La casa da scola ei unida entras in corridor sutteran cun il sut-plaunterren dil pedel e la halla da gimnastica cun tuts ulteriurs locals, aschia ch'ils scolars arrivan era sut tetg cura chiei neiva e plova alla halla da gimnastica.

La **casa dil pedel** cuntegn el sut-plaunterren: local da schurmetg, tschaler, pistregn e luvratori; el plaunterren: biro stiva, combra da durmir pils geniturs, combra da durmir pils affons, cuschina cun plaz da magliar, bogn e commoditat.

La **scoletta** posseda ina atgna entrada sin la vart orientala. Ella ha negina communicaziun cun la casa da scola aschia ch'ils affonets san buca vegnir mulestai dils affons pli gronds da scola. Il local dalla scoletta ha ina mesira da 8.30 x 8.70 m. Ina terrassa per part cuvretga e per part aviarta survescha sco terrassa da giug.

La **halla da gimnastica** che duei el medem mument survir sco halla festiva contonscha ins neu dalla scola tras il corridor da communicaziun sco era directamein tras l'entrada principala sin la vart orientala. La halla da gimnastica ha ina mesira da 12.00 x 20.50 m. La tribuna ina tala da 16.50 x 7.00 m. Alla halla da gimnastica appartegn l'entrada principala cun garderoba per ils hospes da fiasta. Las garderobas dils scolars cun sis duschas, indrezs per bogns da peis ed il local pils requisits da gimnastica.

La **tribuna** che survescha per part per representaziuns da gimnastica, teatralas eav. ei provedida cun illuminaziun da soffitas, indrez pil suflader ed umbrivals ch'ins sa midar ora, respectiv umbrivals da decoraziun. In vast local survescha sco plaz da deposit per culissas ed auters indrezs da teater. Quei local posseda era ina extrada directamein el liber. Sut la tribuna ed uniu cun quella secattan las garderobas pils giugadurs e giugaduras cun commoditads. Sut l'entira halla da gimnastica ein tschalers che surveschan sco locals per requisits da pumpiers e sco locals per velos ed autos.

Avon la halla da gimnastica schai sin la vart occidentalala il plaz dir da gimnastica en ina mesira da 18.00 x 36.00 m cun il foss da siglir ed igl indrez da reiver. Il plaz ei curclaus cun asfalt tgietschen. Viers il sid siara ina prada da giug en ina mesira da 38.00 x 26.00 m giu igl entir stabiliment da scola.

La fiasta d'inauguraziun dalla scola nova

Dumengia, ils 25 da november 1962

Program:

I. Benedicziun:

1. 12.30 rimnada en baselgia - Veni Creator e benedicziun dils crucifixs
2. Til alla casa da scola
3. Benedicziun dil niev edifeci silla piazza avon casa da scola

II. Inauguraziun:

1. Salid e beinvegni
2. Producziun dalla Societad da musica Sedrun, direcziun signur scolast Teofil Schmid
3. Plaid da signur architect Karl Beer Turitg
4. Plaid festiv da signur president communal Berther Christian
5. Producziuns dils affons e dil Chor mischedau Sedrun
6. Giug humoristic da Placi Deragisch
7. Cuort discours da revendissim sur Stephan Schuler president dil cussegl da scola; dil representant dalla regenza e da signur inspectur Leo Bundi.
8. Cantata „Himni alla scola nova“ da revendissim sur Giusep Durschei cumponida e dirigida da signur scolast Giusep Huonder. Uniuns cooperontas: Chor da femnas, direcziun Alfons Schmet; Chor da vallada, direcziun Giusep Huonder; Chor d'affons, direcziun Leci Jacomet.
9. Producziuns dalla Societad da musica Sedrun

Repartiziun da regals als affons

Investa dalla scola nova



La casa da scola da 1962

Ella Gasetta Romontscha rapporta scolast secundar Leci Jacomet sur dalla benedicziun ed inauguriun dalla scola.

... Sedrun ha inauguru la scola nova e quei en moda festiva e solemna. In niev e beinreussiu edifeci amiez la cara biala Val Tujetsch argumentescha il spert progressiv da nossa entira populaziun. Vegl e giuven ein loschs da quella stupent'ovra eregida per il beinstar e prosperar da nos affons. Mo era a tuttas uniuns e societads porscha la scola nova ils cundrezs

necessaris per promover e cultivar la cultura en nies bi paradis terrester. ... Nies augsegner sur plevon Giusep Durschei benedescha la casa. Suenter quella ceremonia principala suonda la part festiva. Il comite d'organisaziun era gia pli baul sedecidius da far quella festivitat en sala. ... La suprastonza communal ha a caschun dall'inauguraziun partiu ora a tuts affons ina metga sco regurdientscha dalla fiesta. 500 affons han retschiert quei bi regal. ... Possi la nova casa da scola survir a nies pievel, a nossa giuventetgna ed a nos cars affons per il beinstar da tgierp ed olma.

Himni alla scola da sur Giusep Durschei

Scola nova bein postada
el sulegl dalla vallada:
Arva pia tes portals!
Ils affons la giuventetgna
han spetgau cun passadetgna
da guder tes novs locals.

Nus tschentein tei per adina
sut la protecziun divina.
Tut en tei sei benediu!
Possien biars en casa tia
prender in biglet sin via
per anflar albiert tier Diu!

Seigies ina mumma prusa
cun carezia generusa
per tes gronds e pigns affons.
Veglia bein sur la cardientscha
e diregia cun prudientscha
tes discipels tras ils onns.

Entginas midadas tiel sistem da scola

- 1904 Ils 9 d'october ha la vischnaunca decidiu da prolunghir il temps da scola per 4 jamnas sin 28 – la proposiziun d'accceptor 9 onns da scola cun 24 jamnas ei curdada atras.
- 1908 Ils 5 d'avrel ha la vischnaunca concludiu da menar en ina scola secundara pigl entir Tujetsch – naven da 1908 a Camischolas
- 1922 Tenor conclus da vischnaunca dils 8 d'october cuoza la scola elementara puspei 8 onns da 28 jamnas cun resalva dalla lubientscha dalla regenza.
- 1962 / 63 Decidiu d'entscheiver la scola reala la primavera e fixau sin 34 jamnas per la scola primara.
- 8-9-1963 Decidiu da pagar als scolars ils cudischs obligatoris.
- 22-11-1964 Otg onns scola cun 34 jamnas
- 21-2-1965 Niev regulativ da scola
- 15-12-68 Nova scola primara a Sedrun
- 30-10-1971 Nova scola primara pil proxim onn
- 15-12-1972 Vegg decidiu scola da 40 jamnas ed 8 jamnas vacanzas la stad. La finala resta ei lu tier 38 jamnas!
- 2-2-1973 Iniziativa cun 241 suittascripziuns per midar sin 10 jamnas vacanzas la stad.
- 22-12-1973 Secunda scola reala.
- 2008 Fusiuun dallas duas scolas Rueras e Sedrun

Midadas ed engrondaziuns dalla scola

Igl onn 1987 ei la casa da scola vegnida engrondida cun ina annexa el nord. Quella secumpona d'ina localitat sco luvratori cun magazin per la scrinaria, in luvratori per lavurs cun metal ed in local d'instrucziun en fisica e chemia. Las investiziuns ein stadas da quasi miez milliun. Igl anterius luvratori ei vegnius midaus en ina sala plurivalenta e pli tard en la stanza pil cerchel scolastic. Il local che ha surviu sco archiv da 1962 – 1975 ei daventaus il magazin per il luvratori. L'entrada diltut el vest ei vegnida serrada si ed endrizzada sco magazin da material d'instrucziun e per las maschinas da copiar.

El decuors dils davos onns vegn mintg'onn investau pil manteniment dil baghetg. Aschia ein tuttas finiastras vegnidas remplazzadas, il tetgs da tuts edifecis ein vegni sanai, las fassadas ein vegnidas isoladas, l'escha ei vegnida remplazzada ed auter bia. Era l'aula ei vegnida adattada cun trer agradi il plantschiu ed endrizzar mieds tecnicas ed ina megliera illuminaziun.

Il tetg plat denter sala e scoletta, previus sco piazza da termagliar e pausa per la scoletta, caschunava meinsvart donns d'aua. Igl onn 2006 ei vegniu fatg tetg ed endrizzau ina saletta plurivalenta. La fusiun dalla scola da Rueras cun Sedrun igl onn 2008 ha sfurzau d'anflar ina sligiazion per la secunda scoletta e quella stanza ei sepurschida sco excellenta sligiazion per ina stanza d'instrucziun pils pigns.

La sala da gimnastica ei vegnida adattada als giavischs dil temps present. Quei ei era succediu cun la tribuna. La tecnica moderna dat alla sala e tribuna l'infrastructura necessaria per tuttas occurrentzas dil temps dad oz.

Era ils platzs da pausa avon scola, insumma entuorn scola, han midau caracter ils davos trenta onns.

La cushima, per l'instrucziun da tenercasa ha igl onn 1996 retschiert in mobiliar conform al temps modern.

Las midadas necessarias han mantenui in bien standard da qualitad egl entir complex da scola. La construcziun da 1961/62 ei per cletg stada fetg innovativa. Las pretensiuns d'ina instrucziun moderna han denton pretendiu midadas. Las autoritads ein stadas d'in spért aviert per l'educaziun e scolaziun dils affons tuatschins ed ein mai senuspi dad investar els baghetgs ed egl inventari. Grazia a quella tenuta ei la scola dils anno 1960 aunc oz moderna ed actuala.

Ils scolasts dapi 1962 en scola nova a Gonda/Mira:

Scolasts/as primars/as:

1962-1974	Toni Hendry, Sedrun
1962/1963	Pieder Caduff, Lumnezia
1962-1970	Giusep Gieriet, Camischolas
1963-1966	Alfons Schmet, Sedrun
1964-1970	Baseli Berther, Rueras
1965-1967	Gion Antoni Derungs, Surcasti
1967-1973	Stiafen Berther, Camischolas
1968/1969	Angelica Condrau, Mustér
1969-1977	Rico Casanova, Mustér
1969-1975	Giusep Caduff, Rueras
1970-2011	Ciril Monn, Sedrun
1972-2015	Beni Hendry, Sedrun
1973-1998 e 2000-2002 e lu 2008-2014	Tarcisi Hendry, Sedrun
1974-1976	Judith Hendry-Bläsi, Sedrun
1975-1985	Ervin Cathomas, Sevgein/Rueras
1976-2019	Marcus Bearth, Rabius/Sedrun
1978-1981	Josefina Cadruvi, Ruschein
1981-1986	Ursula Cadalbert, Rueun
1985-1987	Jovita Valier, Camischolas
1986-1991	Miriam Berther, Sedrun

1987/88	Monica Pally, Rueras
1988-1995	Esther Decurtins, Trun
1996-1998	Vinzens Pally, Rueras
1997/1998	Alexa Giger, Surrein/Sumvitg
2004-	Ursula Cadalbert, Sedrun
2011-2022	Sandro Tomaschett, Trun
2014-	Carla Flury-Nay, Trun
2015-	Aurelia Albin-Flepp, Mustér
2015-	Doris Friberg-Loretz, Sedrun
2021-	Sabrina Suppiger, Sedrun
2022-	Naomi Deplazes, Sedrun

Scolasts/as secundars/as / Scalem ault:

1962-1985	Vigeli Berther, Camischolas
1962-1992	Leci Jacomet, Sedrun
1960/1961	Eugen Casanova
1985-2013	Ervin Cathomas, Rueras
1987/88	Miriam Sossai, Trun
1988-1990	Gion Battesta Spescha, Danis
1991-1996	Carli Degonda, Rabius
1992-1997	Peder Brenn,
1996-2004 e 2006-2011 e	
2013/2014	Katja Maissen-Spälti, Sedrun
1997/1998	Andri Vinzens
1999-2001	Ivo Berther
2002-2016	Manuela Schnoz-Flury, Mustér
1998-2010	Vigeli Jacomet, Sedrun
2013-	Ramona Livers (Decurtins), Trun
2010-2011	Kai Hinrichsen, Mustér/Sedrun
2013-2020	Gian Reto Nufer, Surrein/Rueras
2015-2021	Manfred Caviezel, Mustér
2016-2022	Corina Tuor
2010-	Nicolina Giossi Cathomen, Rueras
2012-2015	Gieri Spescha, Vella
2020-	Nadja Soliva, Sedrun
2021-	Maurus Suppiger, Sedrun
2022-	Kayleigh Brugger, Surrein/Sedrun

Promoziun da lungatg

2011	Nicolina Giossi Cathomen, Rueras
2022	Ursula Cadalbert, Sedrun

Scolasts reals:

1962-1964	Pieder Coray, Laax
1965-1994	Alfons Schmet, Sedrun
1974-2006	Norbert Vinzens, Sedrun
2001-2010	Hans Monn, Sedrun
2010-2015	Gieri Spescha, Vella
2011-2013	Adrian Cathomas, Sedrun

Classa pintga integrada a Sedrun:

1995/96-1999	Nicolina Giossi Cathomen, Rueras
1999-2001	Elmar Holzner
2001-2004	Doris Loretz (Friberg), Sedrun
2004-2008	Ursula Cadalbert, Sedrun
2006-	Lea Berther, Sedrun/Surrein
2015-	Doris Friberg-Loretz, Sedrun

Scola da lavur e cuschinar

1962-1967	Letizia Monn (Berther)
1962-1972	Giulianna Coray
1972 / 1973	Lisetta Candinas
1973 / 1974	Silvia Lombriser
1975-1977	Flepp Maria
1975-1992	Cavegn Margrit
1977-1978	Brida Caduff
1980-1985 e 1986-1992	Rosvita Schmid (Deplazes)
1984	Giuseppa Giossi
1985 / 1986	Claudia Cadosch
1985	Corina Casaulta (Defuns)
1989-1990	Gebharda Berther
-1992	Irena Flepp
1991	Gebharda Berther
1992-	Nicoletta Demund (Marino)
1992-1996	Gebharda Berther
1997-1998	Evelin Berther
1998-2000	Jolanda Monn
2001-2019	Barla Cavegn-Fry
2001-	Nicole Solèr-Krebs

Structras dil di

2020	Sonja Decurtins
2020	Amanda Levy-Caduff
2021	Rosvita Loretz-Lutz, Sedrun



Il Cerchel scolastic digl onn 1995

Davostier da seniester: Peder Brenn, Beni Hendry, Erwin Cathomas, Ciril Monn, Alfons Schmet, Norbert Vinzens; enamiez: Marcus Bearth, Tarcisi Hendry;
davontier: Nicoletta Marino, Carli Degonda, Esther Hendry



Igl onn da scola 2010/11

Davostier da seniester: Lea Berther, Katja Maissen; Nicolina Giossi, Uschi Cavegn. Retscha enamiez: Tarcisi Hendry, Gieri Spescha, Manuela Schnoz, Erwin Cathomas, Maria Venzin, Letizia Berther, Ciril Monn, Marcus Bearth, Barla Cavegn, Hubert Venzin, Gelgia Deplaz, Beni Hendry, Kai Hinrichsen; davontier: Ursula Cadalbert, Nicoletta Marino

5. La scola dil vischinadi da Camischolas

Baghegiar scola era caussa dil vischinadi. La vischnaunca segidava oravontut cun furnir la lenna. Vitier vegneva era il ver quitau per in scolast. Aschia eis ei stau ils onns entuorn 1850. Ils vischinadis ein sco emprem s'engaschai per in fondo da scola. La baselgia ei segidada, mo era bia privats han purtau grondas unfrendas per quei intent. Pli tard ei quei tut semidau en favur dils vischinadis. La Val Tujetsch culs vischinadis ein buca stai anavos culla promoziun dil beinstar dallas scolas, han mussau grond interess e sacrificau per l'instrucziun dalla giuventetgna.

La gasetta da 1847, il „Romonsch,” publichescha il suandont:

La Vischnaunca da Tujetsch ha ils 30 da matg unitamein tschentau si in fondo da scola dad 11'000 flurins, ditgel endisch melli renschs. In bi e zun legreivel progress e segiramein mai s'udiis ellas annalas tuatschineras suenter la mort dil gloriis Pieder de Pultengia!

Ord las numerusas e zun interessantas notizias da pader Baseli Berther, Rueras/Dieni, dat ei da nudar il suandont davart la scola e la casa da scola a Camischolas:

Sco auters vitgs dalla vallada ha Camischolas giu sia scola ditg avon ch'ina casa da scola vegni baghegiada. Vischins ch' eran stai empau naven a scola, ni che savevan in tec dapli ch'ils auters, sedevan sez neu ed instruevan temps d'unviern ils affons dil vitg. Aschia ha per exempl statalter Tumaisch Beer, in capavel e rutinau vischin che haveva giu studegiau tiels gesuits a Brig, dau plirs unviarns scola en casa d'Ignazi Beer sper caplutta. Aschia era in onn Gion Andriu Berther ella medema casa. Plaun a plaun suondan lu reguladamein scolasts e scolastas cun admissiun e patenta.

La casa da scola da Camischolas ei vegnida baghegiada dals vischins igl onn 1862. Avon vegnev'ei dau scola en casas privatas. Aschia raquintava per exempl scolast Mihel Maissen da Mustér-Cuoz ch'el hagi fatg scola leu en casa da Lorenz Jacomet odem il vitg sur via en la stiva dadens, encunter la baselgia.

(P. Baseli Berther, A Camischolas. Notizias cultur-historicas ord la Val Tujetsch. 1917)

La scola dils da Camischolas e Zarcuns ha gia priu sia entschatta entuorn 1845 cun la scola en casas privatas. En quei mument che Sedrun ha retschiert ina scola nova igl onn 1848, han ils da Camischolas insistiu sin in agen baghetg. Tutta breigia dils d'anora d'unificar il vischinadi per ina scola centrala, ha gidau nuot. Ils da Camischolas e Zarcuns han buca schau luc.

Ils 23 da fevrer 1861 cumpra il vischinadi da Camischolas il sulom per ereger sia atgna scola:

Tujetsch, ils 23 da fevrer 1861 eis ei daventau il sequent marcau denter Gion Battesta Berther da Camischolas sco vendider e statalter Gion Andriu Berther, era da leu e segnerfarrer Joseph Ant. Durgiai, sco cumprader en num e per cumissiun dalla cumissiun da scola pervia dil sulom dalla casa da scola da Camischolas.

Gion Battesta Berther dat e venda sias duas pendas prau ch'el ha leu el vitg Camischolas sut sia casa, dado la casa da statalter Gion Bistgaun Monn p.m. per tschentar e regress dalla casa da scola e zuar sut las sequentas cundiziuns: sur casa encunter la via sto ei vegnir priu tut, dapli sto ei era vegnir priu, ultra dil sulom dalla casa aunc per las grundas entuorn la casa; quei il qual aber che resta dado casa encunter siu clavau salva el per sesez, per en cass ch'el less baghegiar baghetg u nuegl, havessi il dretg da puder seruchiar anen, Lura s'oblighescha el da prender giu quei prau, che venzass sut casa che fuss stai dil Duri Deflorin, il qual ceda sia purziun perquei intent sco il Gion Battesta e zuar fest per fest. Perencunter s'obligheschan ils cumpraders da pagar per quest prau 2.50 frs. il fest, ditgel

dus francs e tschunconta raps il fest e per quei pagament ha era il Duri Deflorin empermess da dar sia penda.

Dapli vegn ei schu il dretg a Gion Battesta da egar entochen neutier la casa, sch'ei dat enzatgei, resalvond, sch'ei vegness lennau sisu, quei ei sch'ei vegness lennau sut las grundas da quels che stessen en casa.

Il pagament vegn fatgs sin d'atun da 1861 cun respectiv tscheins vitier, num ch'el savessi aunc per quest onn guder il fretg.

Che quest marcau seigi daventaus di ed onn sco sura e vegnius legius avon allas parts e da quellas confirmaus cun lur suittascripcziuns ed expendius en dus conforms originals, confirma

Joseph Ant. Durgiai, farrer

Gion Andriu Berther, cumissiunau

Gion Battesta Berther

Igl onn 1862 ei l'atgna scola vegnida eregida a Camischolas amiez il vitg. Il cantun ha lu regalau igl onn 1865 al vischinadi in premi da 350.– frs. Quels daners han ins saviu duvrar per pagar la scola ni per il fondo. Igl onn 1863 han els giu tschentau in fondo per lur atgna scola entras ina collecta voluntaria, che ha purtau 393 frs. 63 rps. Il vischinadi ha augmentau cuntuadamein e saviu pagar aschia onn per onn lur agen scolast.

Cun l'ereczin dalla scola a Sontget, igl onn 1886, vegn stimulau ils da Camischolas da schar vegnir a scola on Gonda. Els ein semess encunter ed ein stai vinavon el vitg. Per la decisiu dil Cussegl pign dil cantun Grischun digl onn 1892 ha dau la viulta. Quei onn e silsuenter han ils affons da Camischolas e Zarcuns stuiu serender a Sedrun a scola. Aschia eis ei vegniu concludiu sin vischnaunca. Inaga era memia paucs affons en quels dus vischinadis e lu per spargnar in scolast alla vischnaunca e forsa era perquei che la scola nova baghegiada a Gonda/Sontget igl onn 1886, era ussa pli damaneivel da Camischolas. Per Zarcuns e Camischolas eis ei pari tau ina frida da stuer tarmetter ils affons a scola o Sedrun. In recuors dils vischins da Camischolas tiel Cussegl Pign ei vegnius renviaus.

Tenor ordinaziun dil Cussegl d'educaziun vegn la scola da Camischolas muort sia pintga frequenza unida cun quella da Sedrun, che survegn cheutras dus scolasts, in per la scola inferiura ed in per la scola superiura.

Gasetta Rom. 1891, nr. 43.

Silla ferma opposiziun dalla beinstonta fracziun Camischolas

Gasetta Romontscha 1891, nr. 44.

Per illustrar l'entira procedura dil vischinadi da Camischolas e Zarcuns suondan ils protocols dallas radunonzas da vischnaunca che han giu da tractar quei tema difficil:

25 d'october 1891 Concludiu da schar la scola da Camischolas leu vinavon per adina sco entochen uss, sut la cundiziun ch'ils affons da quella, che gaudan negina almosna, paghien en cassa da vischnaunca annualmein 5.- frs. in, aschi ditg sco quella scola vegn buca frequentada da 14 affons, da leu naven han ei gratis la scola.

Medemamein ei vegniu concediu a Sedrun dus scolasts.

21 da fevrer 1892 remarca tiel protocol dils 25 d'october 1891, nua ch'ei settracta da schar exister la scola da Camischolas leu, ei il plaid „per adina“ buca vuliu vegnir approbaus. Essend aber che il cuntegn digl entir passus, che ha buca saviu vegnir snegau e di era senza plaid, che la sura scola dueigi exister leu aschi ditg sco gl'ei affons a Camischolas, seigi lura biars ni paucs, sche secrail il suittascret ch'el hagi giu il dretg da duvrar quei plaid, era ord motiv che quei vischinadi ei mai staus senza affons e vegn speranza mai a vegnir – e surlai ruasseivlamein a scadin che legia quest protocol senza simpatia – da giudicar sur quel.

10 d'avrel 1892 Che ils affons dalla scola da Camischolas stoppien vegnir a Sedrun a frequentar quella. Vesend Thomas Berther, ch'ei seigi per el buca pli cunvegnent da star sin sia posta vinavon sco gerau ha el admess la plazza anavos els mauns d'ina ludeivila

vischnaunca, essend ch'el sco ses vischnins da Camischolas, hagi l'obligaziun da sustener la scola leu e cunvegni ad in um d'honur buca da survir a dus patruns.

9 da matg 1892 *Ei vegniu legiu giu il recuors dils vischins da Camischolas e Zarcuns encunter la vischnaunca pervia da sia scola. Per rispunder a quei recuors ei tratg ora ina cumissiun consistenta ord ils signurs geraus en uffeci, Cristian Muggli, Anselm Capeder e Stiafen Beer.*

Da 1892 entochen 1907 ei la scola da Camischolas stada vita. Dalla casa da scola ha lu la finala l'entira val fatg diever, enaquelle ch'ins ha fatg lunderora la nova scola reala, secundara, dall'entira vischnaunca. Quei ei schabegiau igl onn 1908 e cuzzau entochen igl onn 1962, il mument che la scola nova ha aviert sias portas a Gonda.



Ina decisiun ch'ha fiers empau undas

27 d'avrel 1941. *Prelegia signur president il conclus prius dil cussegl da scola, che secloma sco suonda. Muort scartezia da plaz els dus locals da scola a Sedrun, concluda il cussegl da scola da far ira ils affons da Zarcuns tut, sco era quels da Camischolas, che van il quart onn ensi inclusiv, a Rueras a scola e quei entscheiva igl atun 1941.*

Las reacziuns pervia da quella decisiun ein stadas nuot auter che positivas. Oravontut ord las retschas dil vischinadi pertuccau ei vegniu fatg vehementa opposiziun. A Sedrun regeva denton manco da plaz. Il cussegl da scola raduna perquei ils geniturs da Sedrun/Gonda, Camischolas e Zarcuns per anflar ina sligiaziun ed empruar da sentelgir cun anflar relaziuns prospereivlas per la scola. Pusseivlas e nunpusseivlas propostas vegnan discussionadas e la finala vegn schau sura alla radunanza da vischnaunca da decider.

31 d'uost 1941. *Passan ins tier la actuala damonda da scola a Sedrun, che secloma sin la gliesta da tractandas sco suonda:*

- a) *da star dil conclus prius dil cussegl da scola*
- b) *eventualmein crear ina nova scola*

Suenter ina liunga discussiun en caussa, passan ins tier la votaziun e conclude la radunonza da star dil conclus prius dil cussegl da scola ch'era fixaus sco suonda: Ils affons da Zarcuns tuts, sco era quels da Camischolas, che van il quart onn ensi inclusiv, han dad ira a Rueras a scola per dus tochen treis onns d'emprova.

Sin la sura decisiun decidan plirs vischins da recuorer tier la regenza grischuna. La finala noda il protocol dil cussegl da scola dils 18 da settember 1941 il suandon:

1941. Ha la vischnaunca vuliu sfurzar ils affons da Camischolas e Zarcuns a Rueras a scola. Ils vischins han sinquei recurriu e gudignau il recuors.

En quella situaziun ei vegniu creau ina tiarza classa a Sedrun ed eligiu scolast Felici Hendry da Cavorgia per quella nova partizion.

La scola reala, secundara a Camischolas

5 d'avrel 1908 Sin moziun da Segnerfarrer e dil ludeivel cussegl da scola metta il president avon alla ludeivla vischnaunca, schebein ins vegli ereger ina scola reala per nossa vischnaunca a norma dil regulativ dil ludeivel Cussegl Grond dils 7 da matg 1907.

Igl emprem d'october 1908 ei stau gl'emprem di da scola ed avertura dalla scola secundara da Tujetsch. Igl emprem scolast ei Hans Giachen Decurtins cun 17 scolars ed ina paga da 1200.- frs. Las statutas per la scola secundara, approbadas dils Cussegl Pign ils 5 da zercaldur 1908, plaidan sco suonda:

Statuten für die Sekundarschule Tavetsch

1. Die Sekundarschule Tavetsch schliesst sich an den 6^{ten} oder 7^{ten} Schuljahr der Primarschule an und umfasst 2 – 3 Kurse.
 2. Es werden an ihr die von der Kantonalen Verordnung für die bündnerischen Sekundarschulen vorgeschriebenen Fächer gelehrt. Als Fremdsprache wird hier im ersten Kurse das Deutsche bahandelt, in den folgenden Kursen entweder Französisch oder Italienisch.
 3. Die Sekundarschule Tavetsch dauert 30 Wochen, jede Woche in der Regel mit 33 Unterrichtsstunden.
 4. Die Aufnahme der Schüler in die Sekundarschule geschieht jeweilen vor Beginn der Schule auf Vorschlag des Lehrers der Oberschule und auf Grund einer Prüfung vor dem Schulrathe.
 5. Der Schulrat der Primarschule ist zugleich Sekundarschulrat; Schulbesuche durch denselben finden in der Regel monatlich statt.
 6. Unentschuldigte Schulversäumnisse werden mit 1. fr. pro Tag bestraft.
 7. Die Besoldung der Sekundarschullehrer geschieht durch die Beiträge des Kantons, der Gemeinde und das Schulgeld der Kinder (10 – 15.- fr.). Unbemittelten wird das Schulgeld erlassen.
 8. Die Schüler sind verpflichtet die Schule bis zum erfüllten 16^{ten} Altersjahr zu besuchen, sofern sie nicht in eine höhere Lehranstalt übertreten; vor Schluss eines Kurses ist der Austritt nicht gestattet.
 9. Im Übrigen gelten die Bestimmungen der neuen Verordnung für die bündnerischen Sekundarschulen und der Schulordnung des Kantons Graubünden.
- Vorstehenden Statuten erteilt der Kleine Rat seine Genehmigung.
Chur, den 5. Juni 1908.



Scola secundara cun scolast Sep Mudest Nay, seniester sur Giachen Antoni Fetz e dretg sur caplon Luregn Rageth, ca. 1923.

Secunda scola secundara

Igl onn 1949 intervegn igl inspectorat da scola Reinanteriur-Glogn cugl inspectur Albert Spescha en caussa casa da scola e situaziun a Camischolas.

En occasiun dall'inspecziun da Vossa scola secundara dils 25 d'avrel o.c. havein nus enderschiu, che quella vegni a dumbrar sin d'atun proxim buca meins che 40 scolars. Nus essan en vertid da nies uffeci obligai dad opponer cheu encunter. Ins vegn a capir ch'igl ei nunpusseivel d'haver 40 scolars en ina scola secundara. L'instrucziun pitescha sensiblamein; il donn han ils scolars. Sche nus havein ina scola secundara ed ils geniturs mettan peisa da saver tarmetter lur affons en quella, il qual ei en sesez segiramein fetg legreivel, lu stuein nus era far pusseivel alla scola da satisfar a siu grev pensum.

Mo era raschuns higienicas lubeschian mai e pli mai da plassar 40 scolars egl existent local da scola. Quei fuss ina malprecauziun inperdunabla che savess haver grevas consequenzas per la sanidad da scolars e scolast. Ina tala responsabludad astgein nus buca surprender sin nusezzi.

Nus deplorein grondamein, che la damonda ha avon temps buca anflau ina autra sligiazion. Mo en vesta al factum che nus havein d'atun 40 scolars en scola secundara, il qual fuva da lezzas uras aunc buca enconuschent, stuein nus insister, che la ludeivola vischnaunca tracteschi danovamein la damonda da crear ina secunda plaza alla scola secundara.

Mo per igl onn 1949/50 savess la damonda vegnir sligiada en quei senn, ch'in scolast menass la 2. e 3. classa a Camischolas ed il secund scolast secundar havess mo la 1. classa a Sedrun.


Eventual pudess ins surdar a quel per igl onn proxim aunc la 8avla classa primara per levgiar la scola superiura.

Nus vulessen milsanavon aunc far attents Vossa ludeivola vischnaunca sin la necessitat d'introducir l'instrucziun manuala per ils buobs dalla scola secundara ch'ei perscretta en artechel 7 lit. 4 dalla ordinaziun cantunala per las scolas secundaras.

Ils plans dils anno 1950

Igl onn 1949 vegn scaffiu ina secunda scola secundara. Ussa maunca il plaz en casa da scola a Camischolas. Ins untgescha ora a Sedrun. Cheu nescha ussa l'idea dad engrondir la scola a Camischolas, ni schizun bagheggiar leu ina casa da scola nova. Davart quella nova idea plaidan il meglier ils protocols dalla radunanza da vischnaunca.

28 da schaner 1951. Vegr purtau avon alla radunanza la reconstrucziun ed engrondaziun della casa da scola Camischolas. Tras signur president vegn dau sclariment dil plan per ingrondaziun della casa vedra fatgs tier signur lennari Vigeli Beer. Signur Vigeli Beer presenta in plan per alzar la casa cumpriu en tuttas lavurs da 14'000.- frs. La discussiun vegn aviarta ed en la quala mintgin sto seperschuader ch'ils vischins han empau tema da prender a mauns e far pli gronds cuosts, el mument, ch'ei ha caschunau tons donns e destrucziuns tras lavinas en nossa vischnaunca. Suenter haver giu tedlau giu ils differents meinis, vegn concludiu, sin proposiziun da signur vegl president Placi Jacomet, da aunc refierer per in onn igl engrondir quella scola.



Plan per la casa da scola a Camischolas 1951

11 da matg 1952. Renovaziun ed engrondaziun casa da scola Camischolas.

- Orientescha signur president sur dils plans e cuosts da signur Vigeli Beer fatgs per engrondir la existenta casa da scola a Camischolas.
- Sur dils plans e cuosts tarmess tier dil departement da bagheggiar cantunal, per engrondir la casa a Camischolas, ni eventualmein bagheggiar la scola reala e quellas da Sedrun denter Camischolas e Sedrun sin sulom niev.
Suenter in clar e detagliau sclariment, arva signur president la discussiun, dalla quala ei vegn fatg diever. Ils signurs Valier Giachen Martin e Soliva Battesta tschentan la proposiziun da schar mo ina scola reala per ils buobs e crear ina scola per il tenercasa per las mattatschas.
Signur scrinari Vigeli Beer motivescha da calar cun il cuntschergnar il veder e far quei ch'ins sto far da niev ed endretg. Suenter che la discussiun ei stada alla fin e la radunanza era arrivada tier negin resultat, vegn sin proposiziun ord il miez concludiu dad aunc ina gada radunar la cumissiun gronda sinaquei che quella sappi preparar ina sligaziun e purtar quella sin la proxima radunanza da vischnaunca.

25 da matg 1952. Sco secunda principala tractanda dalla hodierna radunonza, ei il baghegiar la casa per la scola reala a Camischolas.

a) Vegg prelegiu il conclus e la proposiziun dalla cumissiun gronda.

b) Dat signur president cuortamein orientaziun sur las ideas e meinis che ein curri ella cumissiun gronda.

Suenter vegg aviert la discussiun, dalla quala numerus oraturs fan diever ed ord la quala ils meinis dad entscheiver cun far in fondo per baghegiar nossas scolas ei ualts generals. Suenter che la discussiun ei stada alla fin, vegg tras tschenna unanimamein concludiu dad immediat entscheiver a far in fondo da baghegiar nossas scolas, per lura, cura che quel lubescha baghegiar nossas scolas sco ei semuossa il basegns.

La regenza cantunala, il Cussegli Pign, retscheiva posta giu da Tujetsch. Placi Jacomet, il president communal scriva:

Ault stimau signur cusseglier guvernativ!

Partenent secunda nova scola reala a Camischolas

Suenter ina madira ponderaziun partenent nos baghetgs da scolas, e quei en duas sesiuns dalla cumissiun gronda da vischnaunca, sco era en duas radunonzas da vischnaunca ein ins vegni finalmein tier il suandont resultat.

Sin fundament d'in plan provvisoric elaboraus entras il schef cantunal da baghegiar, signur Lorenz, ei la vischnaunca desisitida dil plan da signur Vigeli Beer tarmess tier a Vus il december 1951 e priu posiziun sco suonda.

Protocol dalla radunonza da vischnaunca dils 25 da matg 1952

Tras unanima tschenna vegg concludiu dad immediat entscheiver cun in fondo da scola, per lu cura che quel lubescha finanzialmein baghegiar nossas scolas sin sulom niev.

Cundiziuns

a.) Per aschi ditg sco in baghetg niev vegg buca en damonda da baghegiar, resta ina scola reala a Camischolas cun treis classas e l'autra a Sedrun era cun treis classas.

b.) La scola reala a Sedrun duess tenor register haver entgins scolars dapli che quella a Camischolas, mo ston las scolas onn per onn vegnir ulivadas entras la sort.

c.) Dapli seoblighescha la vischnaunca sin fundament dil sura conclus prius da far uonn ina gronda reparatura vid la casa da scola Sedrun, numnadamein engrondir il local scola reala, sco era finaistras e plantschiu en tala. En ina scola primara a Sedrun plantschiu, sco era quels dils piartis, scalas etc.

d.) Quellas lavurs ein unidas cun in grond cuost e perquei level cun quella caschun dumandar sch'ei vegni era gidau cun subsidi, per il qual nus fussen fetg engrazieivels.

e.) Per saver entscheiver cun in fondo da scola 1952 ei eligiu ina cumissiun la quala prepara in plan cun ina nova taglia da vischnaunca extra per quei fondo da scola.

24 da zercladur 1952. Cun la remarca da signur president, ch'il conclus da vischnaunca ariguard il baghegiar la scola reala, sco era il conclus dad immediat entscheiver cun in fondo per baghegiar, seigi vegnius approbaus dallas instanzas cantunala a Cuera. Dapli vegnien las scolas realas sin il davegnir scola entira a Sedrun e scola entira a Camischolas. Semusass ei ina differenza da scolars en ina u l'autra scola, sto quella vegnir ulivada tras reparter ils scolars ni eventual tras sort. Ils scolars da Rueras e Camischolas audan en emprema lingia a Camischolas. Quels da Sedrun ed anora aschi lunsch sco il diember survarga buca a Sedrun.

Cugl onn 1952 vegg tschentau il fundament per l'erecziun da casas da scola en Tujetsch. Lu savev'ins aunc nuot dalla construcziun dallas ovras hidraulicas en Tujetsch e che quellas portien numerusas entradas alla val. Pér la garanzia d'haver bunas finanzas ha allura possibilitau la construcziun dallas casas da scola dad oz.

Cheu suonda la gliesta dils scolasts e dallas scolastas a Camischolas.

Da 1850 circa	statalter Tumaisch Beer, plirs onns.
entochen 1859	Gion Andriu Berther da Camischolas, in onn.
1859-1862	Mihel Antoni Maissen, Mustér-Cuoz, 3 onns, en casa Berther odem il vitg en stiva dadens encounter la baselgia.
1863-1866	Josef Steiner, Cumpadials, emprem scolast ella scola nova, baghegiada 1862, paga 125.- frs.
1866-1868	Elisabeth Huonder, Mustér-Disla; paga 350.- frs.
1868-1869	Duri Riedi, Rueras,
1869-1870	Vigeli Giusep Berther, Camischolas, cun ina paga da 150.- frs.
1870-1872	Rosa Berther, Selva,
1873-1875	Sigisbert Monn, Mustér-S. Gions, paga frs. 240.-.
1875-1876	Maria Ursula Desax, Mustér-Gonda. Ha dau scola mo entochen Nadal e lu ida culla brocca. Suenter han ils affons stuiu ir a Sedrun per quei onn e persuenter ha Camischolas giu da bonificar als da Sedrun.
1876-1880	Anselm Capeder, Mustér-Rueras,
1880-1881	Onna Maria Caplazi, Surrein-Sumvitg, in onn, 23 scolars, paga 430.- frs.
1881-1891	Sigisbert Monn, S. Gions/Mustér, per la secunda ga cun ina paga da frs. 430. Quei era la paga minimala dil cantun. El ei staus dus onns in suenter l'auter. Sigisbert Monn fuss turnaus bugen, sche la scola havess cuzzau vinavon. El era fetg cuntents cun affons e geniturs.

Da 1891 entochen 1908 ha giu liug negina scola a Camischolas. Igl onn 1908 ei la scola reala vegnida creada per tuts affons dalla val en casa da scola a Camischolas. Sco scolasts reals han ils suandonts instruui leu:

1908-1915	Hans Giachen Decurtins-Agosti, Sedrun
1915-1918	Benedetg Bundi, Surrein
1918-1920	Albert Cadalbert, Rueun
1920-1944	Sep Modest Nay, Danis
1944-1960	Ludivic Hendry-Venzin a Sedrun
Naven da 1949	duas scolas realas.
1949-1962	Vigeli Berther, Camischolas
1961/1962	Eugen Casanova a Rueras
1961/1962	Leci Jacomet, Sedrun a Rueras

Ins astga maneivel metter vitier il suandont. Camischolas ha giugau ina rolla tut speciala tier l'erecziun dallas scolas. Gia avon 1850 han els refusau da s'unir cun Sedrun. Tier l'erecziun dalla scola da 1886 han els medemamein fatg oposiziun. La finala ha il cantun ordinau igl onn 1891 dad ira o Sedrun. Ils onns 1950, tiel project d'ina scola secundara a Camischolas, han els era giu in ferm plaid en caussa. Quella posiziun cuntnuescha ils onns 1950 e 1960 cun vuler la scola secundara mo a Camischolas. Pér cun la decisiun per la scola a Mira pren quei patertgar finalmein ina buna fin.

6. La scola da Rueras

Rueras ha suenter Sedrun las pli veglias notizias d'ina scola. Cul temps ha ei semussau che la baselgia e la scola a Sedrun persulas eran buca sufficientas per la pastoraziun ed educaziun dall'entira val. Perquei han ins baghegiau a Rueras ina baselgia ch'ei veginida consecrada digl uestg da Cuera igl onn 1491, ils 4 da december.

(P. Baseli Berther, Baselgias, capluttas e spiritualessa da Tujetsch, p. 16 e ss.)

Havend quella baselgia all'entschatta il caracter da filiala da Sedrun, eis ei ualti probabel aschia ch'il gidonter dil sur plevon da Sedrun deva era scola a Rueras.

Dapi 1643, igl onn che Rueras daventa ina "caplania da scola cul caplon el liug", ei quei caussa segira. Aschia plaida in document da 1677 partenent Rueras e la scola da leu:

*Auf den 15 Tag Augusti Anno 1677 ist alhier notiert Mit tags: Pacten und Conditionen wie man einen Caplon aufnimmt zu St. Jakob.... Zum Triten, allen Werktagen ohne kein Beschwerrnuss oder Lohn 2 Mallen zum Tag Schuol halten
Dies bekehn ich Ludwig Jagmet mit meiner eigner Handt.
(Urbari da Rueras)*

Sco in document da 1765 plaida stat ei tschien onns pli tard aunc adina pressapauc tuttina pertucccont l'obligaziun da dar scola a Rueras:

*Decretum novum: Betreffend die Schuldigkeit eines jeweiligen Herrn Kaplans alljährlich an gewöhnliche Zeit schul zu halten, hat es nun eine unwiedersprechliche richtigkeit, nachdem die löbliche Nachbarschaft sambt die Nachbaren von Giuff (Giuv dumbrava aunc 1768 tschun fiugs cun 22 personas. 1805 ei il davos habitont da Giuv, Tschimun Decurtins, setratgs a Rueras.) durch einhähliche bemehrung sich declariert und verobligiert hinfiro auf jeden feyerstatt (feyerstatt = fiug, casada) ein beyführende Gutte (Gutte, vul dir ina vaulta) Holzfueder oder anstatt jenes 5 batzen aufgelegt zu haben. Dieser beyderseits verbündete Vertrag ist gleichfalls von unsren Hochwürdigsten Ordinariat gnädiglich bestetiget worden, und zugleich verordnet, es solle alhier zur aller richtschnur fleissigt eingeschrieben werden. So geschechen den 17ten April. Anno 1765. –
Per me Jacobum Antonium de Gonda, Secretarium Capituli, ac loci Paroch.
(Urbari da Rueras, p. 12)*

En ina brev dils 20 d'uost 1804 scretta agl uestg da Cuera dils signurs "statthalter Ulrich Venzin, Deputierte und Johannes Gieret Landa. Deputierte", suppliceschan els ch'igl uestg duessi dar uorden ch'il caplon legi mintgadi messa a Rueras

.. und das der Capellan in winterzeit kein anlas habe die schuol zu unterlassen, und also die jugend mehr unterwiesen werde ...

Igl uestg ha correspondiu al giavisch dils da Rueras. Tenor brev da sur plevon Josef Schmidt, (Chur, den 4. Jäner 1806) e concernent "officia generalia" dueigien era ils da Selva guder quei privilegi, sinauei che

die Schul nicht zu oft versäumt werden müsste

Anno 1811 dat ei novas, ch'il caplon da Rueras hagi da far scola, ni d'haver quitaui che zatgi instrueschi:

*.... Doch soll die Gemeinde ... falls kein Caplan daselbst wäre, um einen anderen Schulmeister umzusehen gehalten werden. –
Chur, den 23 April 1811 - Carl Rudolph de Buol. Episc. Cur.
(Ord Decretum novum, p. 14. 57)*

Cul temps mav'ei lu tuttina buca pli da pagar il caplon mo cun "vaultas lenna". Il suandont conclus fa honur als da Rueras:

Igl onn 1837 ils 19 de Mars a Rueras ha in ludeivel Vischinadi en Preschientscha da sgr. *Farrer, et Caplon concludiu unittameing de far aung per 6 onns, chan da vegnir igl Uffeci de Caluster en Roda et aplicar il vanzament del Intrada vid la Scola u wid Bageigs ne Cudischs, ne salari dil Schulmeister, suenter sco ina Comission traj ora dil Vischinadi afla per bien, la quala dei ses Projects a quel metter avon a sco'l Vischinadi aprobescha dei el ver valur, tonaton adina per Nez della Scola.* – Christ Venzin p. t. Gierau.
 (Urbari da Rueras)

Tgei ei insumma enconuschent dalla scola veglia da Rueras? Igl ei segir che quella vegneva dada en casas e stivas privatas. Dil temps avon che la casa da scola vegni baghegiada igl onn 1850 a Rueras, plaidan las suandontas notizias ord la cronica da Rueras.

("Cronica da Rueras" scretta da Giachen Antoni Venzin (1839 - 1918), Rueras, sin fundament dalla tradizion dalla fin dil 18 avel tschentaner.)

Dapi da vegl enneu ha la scola de Rueras entschiet sut sur Vigeli Venzin. Quel ei staus caplon a Rueras varga 40 onns. Gl'unviern devi el scola sut la medema taxa de 30 renschs (51 frs.). Quei sur caplon ha baghiau la casa sper baselgia ch'auda a Gion Mathias Monn. El hagi baghiau quella per spargnar la lenna (leugiu duvrava el duas peggas), la quala el procurava sez. Ils vischins stuevan dar ina vaulta lenna ni miez rensch. - En quella hagi el dau biars onns scola. Ei vegneva mussau empau da leger e scriver ed il quen; las 4 specias. Allas buobas vegnev'e mussau plitost mo da leger. Ils davos onns, nua ch'el era vegnius empau fleivels, ha Gion Fidel Berther (cantadur) surpriu de dar scola. Quel mussavi de scriver ils bustabs gronds avon ch'ils pigns. Il sur decan Hetz hagi ina gada visitau la scola sut quel ed hagi detg ch'ins stoppi mussar ils pigns avon ils gronds. - Suenter ha assistent Muggli fatg scola in unviern en la stiva da Gion Ludovic Pally (nossa casa, stiva dadens). Suenter ha pader Martin Andreoli fatg la scola en la casa pervenda aschiditg ch'el ei staus caplon leu; e lura sur Lorenz Riedi, era en casa pervenda, e siu vognentsuenter ei stau sur Bistgaun Beer. La taxa della paga era da quels sura scolasts (caplons) 80 renschs, entochen 1850

Cun anno 1850 ha la scola da Rueras cun sias stivas ambulontas priu ina fin. Il vischinadi ha baghegiau sia emprema casa nova da scola.

Tujetsch ils 8 de Maitg eis ei daventau in Marchau denter las sequentas parts, numnadamein Sigr. Mistral Gieriet, Sigr. Str. Paul Wenzin, Sigr. Str. Hans Giachen Decurtins, en Num della Comission de Scolla, e de l'autra vart Meister lezi Muclj e zuar sco suonda:

Meister Lezi Muclj interpres de baghegiar si la Casa de Scolla de Rueras, la quala deigi vegnir baghegiada sin quella moda. L'emprema alzada ina Stiva de oitg bratscha sin mintgia maun, et in Stebli dasperas de oitg bratscha en lungizia e tschun en ladezia, num ch'ei massi memia grond pregiudezi per via de memia cuorta lena. La altezia sto ristar terdisch quartas. Dapli sto ei essre ella emprema alzada mez en ischenchels per plantschius dubels. La secunda alzada veng il madem, resalvont la altezia de mo dudisch quartas senza plantschius dubels. Tier il gang e cuschina della emprema alzada veng ei faitg ella emprema alzada mo rigelspan, ella secunda cun preit et aung ina preit per miez en che sparti il zule della combra u cuschina sura. Il gang e cuschina deigi esser en lunghezia sco stiva e stebli e largezia de quarta bratscha denter las preits, aschia ston las otras sura masiras era esser denter las preits.

El giebel sto ei aung vegnir manau en ina combra, sco quei chei po en. Finalmein sto el aung meter si ils Jserchels, Canals e tablegiar sut si entuorn la Casa sin mintgia quater mauns, et avon lasfatschadas tschentar en las schlondas dilig teitg.

Per quella lavour eis ei schau adel temps de baghegiar enten ilg onn present ner per ilg onn 1849, bein che en cass che lessi bucca baghegiar en quest onn sappintonaton la lena vegnir surdada e messa ensemene per saver meter sut teitg.

Per quella lavour sura paga la comission de Scolla 230 et 10 f ramess, scrivel duatschien e trenta renschs et ina bubla ramess. Duess el mo surdar la lena quest onn, sche veng ei faitg il pagamen mo proportiun de quella lavour, baghegiel aber si sche veng ei din Datun de anno 1848 pagau tiarzas, et in tiarza sto el dar peda.

Cun quei pagamein deigi lura esser compilau en tut e la comissiun de Scolla resalva de ver neginas autras obligatiuns u gravezias encunter il sura. Depli eis ei aung resalvau sin la Comissiun de Scolla de aprobar ner refusar.

En fide de quei suttascriven las Parts

Joseph Ant. Durgiai

Paul Jos. Wenzin

Hans giachen Decurtins

NB: eis era aung schau adel in di las Stiallas senza pagamen

Lezi Antoni Muccli

1850, ils 23 da November pagau la sura suma 230 f ei aung de far ora la dubla ramess et per ina crusch piarsa.

Il vischinadi da Rueras ha saviu mantener sia atgna scola mo cun purtar gronds sacrificis. Pli tard han ils subsidis cantunals susteniu e gidau. Aschia secloma in exempl nudaus egl urbari da Rueras co ins stueva meinsvart agir arisguard las finanzas:

Anno 1861, ils 19 da Marz hal vischinadi, en preschientscha da mei Suttascret, legiu ora il Giachen Maculin per 2 onns caluster, cun la paga da 104 frs., digiel tschien e quater francs per onn, cun la Condiziun ch'el laschi tut lautra entrada della Calustria agli vischinadi, e quei tut per aplicar tier il Benefeci della Scola, e tier nuot auter, e ch'el, Giachen, stoppi lu orda quei pagar nuot, ni Spenda, ner enzitgei auter, sonder el hagi de trer il sura 104 frs. blut, per siu survetsch. - Vigilius Venzin, caplon.

Entochen 1910/11 ha la gronda stiva da quella, il stebli e la cumadeivla cuschina tunschiu per scolast e scolars.

3 d'avrel 1910 Metta il signur president avon alla ludeivla vischnaunca ina petiziun dils vischins da Rueras, en la qualla numnai vischins damondan dalla ludeivla vischnaunca duas scolas per siu vischinadi, essend il diember dils scolars memia gronds mo per ina scola. Suenter haver tedlau giu ils differents meinis ed aviert la discussiun generala en caussa, conclud'ins cun pintga participaziun da votants da dar als vischins da Rueras duas scolas per aschiditg sco il diember da scolars survarghi 35 scolars ed ei vegni buca outras relaziuns.

Pigl onn da scola 1910/11 ha Rueras survegniu duas scolas, scola pintga e scola gronda. La scola pintga ha puspei stuiu viandar. Ella ei vegnida instruida en casa da Sep Maria Giger, stiva dadens; la scola gronda en casa da scola-veglia.

5 da fevrer 1911 Metta il signur president avon alla ludeivla vischnaunca la damonda, schebein ins vegli, ni ei cunvegni dad arranschar en la casa da scola a Rueras, sinaquei ch'ei seigi plaz en quella per duas scolas, a raschun che la ludeivla vischnaunca ha sut datum dils 3 d'avrel 1910 concludiu 2 scolas al vischinadi da Rueras. Suenter haver tedlau giu ils differents meinis en caussa ed aviert la discussiun generala en caussa, concluda la vischnaunca dad arranschar la casa da scola a Rueras, ch'ei seigi plaz en quella per duas scolas.

Primavera e stad digl onn 1911 han ins alzau omisduas alzadas dalla casa da scola, fatg en finiastras novas e drizzau en per duas scolas sigl unviern 1911/12. Il spitg dalla casa ha survegniu in'atgna curiosa fuorma. Quei ha lu dau empau ina curiosa cumparsa ed in schliet attestat al construider cun pauca capientscha per in bi estetic baghetg da scola.

Cun piarder igl nn 1959 la funcziun da scola ei il baghetg staus zatgei onns vits. Igl onn 1966 decida la vischnaunca da baghegiar ora la casa sco camp da vacanzas per gruppas e scolas. Igl onn 1980 succeda la vendita dalla casa a privats cun la cundizion che la casa astgi buca vegnir tenida vinavon sco casa da colonias.



Scola cumplessiva a Rueras

Cheu suonda il rodel dils scolasts e scolastas che han instruiu ed eduau en l'emprema scola da Rueras.

Scolasts primars

1844/46	Vigeli Venzin, caplon, 40 onns
1846/47	Duri Monn da Sedrun, en casa pervenda
1847/48	Gion Fidel Berther da Rueras, en casa Giachen Antoni Venzin
1848-1850	Gion Rest Muggli da Rueras, en casa da Sep Lurenz Venzin
1850-1854	Silsuenter ei Gion Rest Muggli vegnius eligius secretari dalla canzlia cantunala a Cuera e morts leu il fevrer 1860.
1854/1855	Revendissim pader Martin Andreoli, caplon
1855/1856	Vincens Cyprian Andreoli, Mustér
1856/1857	Giachen Lurenz Riedi, caplon
1857-1864	Gion Battesta Bisquolm, Sumvitg
1864/1865	Gion Antoni Soliva, Sedrun
1865-1867	Leci Berther, Disla
1867	Stiafen Beer, Sedrun, entochen Daniev
1868/1869	Michel Simonett, Disla
1869-1882	Vigeli Giusep Riedi, Mumpé-Medel, maridaus a Segnas
1882-1884	Sep Fidel Berther, Mumpe-Tujetsch
1884-1887	Sep Bigliel, Mumpé-Tujetsch
	Anton Schmed, Mumpe-Medel
	Sep Bigliel, Mumpe-Tujetsch
	Maria Barla Pally, Rueras
	Gion Battesta Derungs, Breil
	Baseli Hosang, Segnas

1887-1889	Stiafen Schmed, Sedrun
1890-1898	Anselm Capeder, Mustér-Rueras
1899-1903	Giachen Antoni Pally, Camischolas
1904-1910	Aluis Venzin, Platta-Medel



Cun igl unviern 1910/11 ha Rueras obteniu duas scolas: «scola pintga» e «scola gronda». Scola pintga han dau:

1910-1913	Augustin Schuoler, Cumpadials
1913/1914	Josef Antoni Muoth, Breil
1914-1917	Placi Sigisbert Giger, Curaglia
1917-1922	Bistgaun Fidel Cathomen, Dardin

Scola gronda han dau:

1911-1913	Aluis Venzin, Platta-Medel
1913/1914	Silvester Simeon, Lonsch
1914-1917	Josef Antoni Muoth, Breil
1917-1920	Barclamiu Coray, Laax
1920-1922	Lurenz Casutt, Falera

Cun 1922/23 puspei mo ina scola

1922/1923	Leci Coray, Laax
1923-1925	Giusep Cavegn da Surcuolm
1925-1929	Barclamiu Peder da Selva

Cun 1929/30 ha Rueras puspei survegniua duas scolas, essend ch'il diember da scolars era carschius per in bienton ed ins haveva buca plaza pli mo en in local.

Scolasts dalla scola pintga:

1929/1938	Gion Mihel Peder da Selva
1938/1939	Pieder Cavigeli, Siat
1939-1959	Giusep Gieriet, Tujetsch

Scolasts dalla scola gronda:

1929-1938	Barclamiu Peder da Selva
1938-1950	Gion Mihel Peder da Selva
1950-1956	Leci Jacomet, Surrein-Tujetsch

Scola da laver

1883/84	«Ils da Rueras han buca vuliu ina scolasta per la scola da laver.»
1905/06	M. Berther
1906/07 - 1910	B. Cath. Caduff
1913/14 - 1929	Anna Maria Muggli, Rueras
1939 - 1975	Catrina Berther

La scola da 1959

La scola veglia fuva daventada pintga, memia pintga per la carschen d'affons. La sligaziun da quei problem vegn refretga onns ed onns. Cugl onn 1956 cumpara la tractanda sin vischnaunca. La situaziun ei daventada autra ed en vesta stattan buns onns fianazials cun l'erecziun dallas ovras hidraulicas entras la ORA. L'explotaziun dallas auas porta novas entradas e lubeschan da baghegiar las casas tenor basegns e quei senza stuer engreviar ils vischins. Gia igl onn 1952 fuva vegniu fundau in fondo a posta per l'erecziun da casas da scola ella val. Ils vischins elegian ina cumissiun che prepara e studegia variantas per casas da scola. Gia gl'atun 1956 sa la cumissiun rapportar da sias preparativas e studis. Oravontut ei vegniu fatg studis pertuccont ils suloms e quei cun las instanzas cantunalas ed igl inspectur da scola. Il plaz a Rueras seigi zun adattaus ed a Sedrun vegn recumandau la squadra da Dulezi.

Il vischinadi da Rueras sefatschenta secapescha intensivamein cun l'erecziun da lur scola. Il protocol dil vischinadi dils 2 da fevver 1956 dat plaid e fatg:

1. *Sgr. Gerau Toni Hitz arva la radunanza e fa in cordial beinvegni a tuts stimai vischins ed en special a nies revendissim augsegner, sur Bajer. El orientescha sur dil curriu e passau en fatgs baghiar casa da scola.*
Igl intent dalla radunanza ei da'udir in bien mein ord il miez, nua ch'ei fuss da survegnir in bien plaz adattau per baghiar ina nova casa da scola.
2. *Signur gerau Toni Hitz surdat il plaid a nies revendissim augsegner. Nies preziau augsegner fa valer il grond basegns ch'igl ei per baghiar casa da scola. Ariguard il sulom manegia el, ch'el seigi buca aschi enconuschents cun nossas relaziuns. El ei denton dil mein ch'ins duessi haver duas variantas, schon pervia dil prezi. El exprima era aunc il giavisch ch'ei fussi da mirar da survegnir ina scola reala a Rueras. Otg scolars fussi sufficient per crear ina scola.*
3. *Differents vischins expriman lur meinis ariguard il sulom. Plirs loghens nua ch'ei fuss la pusseivladad da baghiar, vegnan menziunai, mo che ein tuttina buca adattai per certi prighels ed era memia pauc sulegl. Ins vegn tier la resoluziun ch'odem il vitg, sillas Sorts, fussi il pli sulegliv ed adattau liug per baghiar la scola. En principi ein tuts vischins persuenter.*
4. *Ord il miez vegn ei aunc proponiu da tschentar si ina iniziativa per la scola reala, nua che tuts vischins ein supplicai da suttascriver, cun aunc trer tier ils vischins da Selva e Tschamut. Tier sura proposiziun vegn ei concludiu da votar e la tscharna decida unanimamein da star en per l'iniziativa.*

29-06-1956. Sut sura datum ei stau radunanza da vischins e tractau il suandon.

2. *La cumissiun da baghiar, signur gerau Toni Hetz e signur Leci Brugger, orienteschan sur il curriu e passau en fatgs da scola a Rueras.*
3. *Vegn fatg la proposiziun. Ein ils vischins en principi da baghiar la scola orasisum il vitg. Ei vegn fatg si la tscharna e quella decida unanimamein da baghiar ella ora si las Sorts.*
4. *Ei vegn concludiu dad ira entuorn cun la iniziativa sin la quala ils vischins da Rueras e Dadens gl'Uaul pretendan che la scola reala vegni baghiada a miezliug a Camischolas. Sin quei conclus vegn ei era votau e peggia il pli.*
4. *Vegn aunc tratg ora dus umens per ir entuorn cun l'iniziativa. Ils suandonts signurs vegnan elegi: Leci Brugger e Francesg Berther.*

Cun in'iniziativa pretendan 64 vischins da Rueras che la scola reala resti a Camischolas. - Ella radunanza da vischnaunca dils 23 da settember 1956 vegn il frust ora si las Sorts

cumpraus. - In meins suenter, igl october 1956, han ils vischins da Rueras concludiu da mantener la scola a Camischolas. - Sche quei füssi buca il cass, giavischassen els ina Rueras.

18 d'october 1956 ... Signur gerau Toni Hitz presidiescha la radunanza cun slontsch e capaciad. El arva la discussiun sin la secunda fetg impuronta tractanda: scola reala. El surdat il plaid a nies rev. augsegner sur Baseli Albin. El exprima ils avantatgs e disavantagts per la scola reala a Rueras. Persunalmein füssi el per la scola a Rueras. El vegli aber influenzar negin persuenter. El plaudi persuenter sco augsegner e per fatgs da pastoraziun. Cu ins hagi ils affons enta maun, ed hagi la confidanza dad els, seigien ins segir da realisar tut. Plirs vischins, babs da famiglia expriman siu votum e vesessen bugen la scola reala a Rueras. Auters ein denton per la scola a Camischolas. Essend ils vischins buca units, nua baghiar la scola reala, vegn ei fatg duas proposiziuns.

1. Lein nus la scola reala a Rueras

2. Lein nus la scola reala a Camischolas

Sin domisduas proposiziuns vegn ei votau e la tscharna decida cun il pli dallas vuschs per Camischolas.

Duess ei denton vegnir decidiu sin la radunanza da vischnaunca, che omisduas scolas realas vegnan baghiadas a Sedrun, sche pretendan ils vischins da Rueras, che ina scola vegni a Rueras.

19 da december 1956. Signur Toni Hitz metta avon sco ins duessi baghegiar la scola e stanzas sufficientas: 2 stanzas da scola, 1 stanza da reserva, 1 stanza da lavurs manilas ed ina sala.

Signur gerau surdat il plaid a nies rev. augsegner. El metta avon fetg bein co ils locals dalla scola duessen vegnir baghegiai. Ina sala cun combrettas e spartidas, duas stanzas da scola, ina stanza da reserva, ina stanza da lavurs manilas, eventualmein cuschina

Suenter liunga ponderaziun han ils vischins aunc maniau dad eleger ina cumissiun d'ir e mirar la casa da scola a Segnas. En la cumissiun ei vegniu eligiu ils suandonts: sur rev. augsegner Baseli Albin, signur gerau Toni Hitz e signur Leci Brugger.

Cun la fin digl onn 1956 vegn decidiu da perseguitar vinavon il baghegiar la scola a Rueras e dau la plenipotenza alla cumissiun. Aschia ein las preparativas avanzadas zun fetg. Vinavon plaidan ils protocols da vischnaunca davart l'entira procedura.

14 d'avrel 1957. Passan ins tier la principala tractanda, il project per la scola nova a Rueras. Essend ils plans exponi, sclarescha signur president els detagliadamein, sco era ils cuosts ed il secunvegnir cun architect Maissen.

La scola persula custass	308'100.- frs.
La sala cun scoletta	132'500.- frs.
Il ruglar ora il plaz da giug	11'500.- frs.
Total tenor project	452'700.- frs.

En sura summa ei il sulom, sco il mobigliar las stanzas da scola e sala buca cumpriu. Giud sura summa mass aunc il subsidi giu, circa 70'000.- frs. sco era 6 – 7000.- frs. sco entelgiu honorar architect. Arvend la discussiun crodan da tuttas sorts meinis e proposiziuns. Gerau Toni Hitz exprima il conclus dils vischins da Rueras. Signur gerau cassier declara empau ils cuosts e vegn sin l'idea che la scola vegni aunc adina sin 500'000.- frs.

A signur Clemens Berther cuntenta igl agir dalla cumissiun buca diltut. Bien füssi ei stau d'eleger duas cumissiuns per quei intent, aschia ch'ellas havessien saviu pareglier lur conclus ina cun l'autra. Era il buca trer en informaziuns tier auters architects e star mo tier in, plai buca ad el. Da quella opiniu ein era aunc auters signurs. Signur Benedetg Valier fa sevaler che la sala seigi memia gronda en quella dimensiun e tschenta la proposiziun da far

ella en ina dimensiun da silpli 100 m². Il baghetg per la scoletta seigi da schar naven e persuenter far ils locals per ils teatrists sut la sala en, denton mantener il subsidi. Dapli propona el da sclarir giu schebein ins vegli star tier igl architect Maissen ni eleger in auter. La proposta d'eleger in auter architect vegn sustenida da pliras varts, aschia era da signur Gaudenz Loretz, il qual declara puplicamein ch'ils cuosts che architect Maissen hagi giu entochen ussa per tal project, surprendi el.

La proposta da far la sala pli pintga e schar naven la scoletta vegn sustenida da signur Sigisbert Giossi.

Signur Baseli Monn anfla che la sala audi sut las scolas en. Era plai igl architect mo empau ad el, manegiond che mo la cumissiun hagi gronda simpatia per tal.

Signur Leci Antoni Cavegn propona dda aunc refierer quella tractanda per pli madira reponderaziun. Da pliras varts vegn la proposiziun dalla cumissiun era sustenida.

Per vegnir alla fin vegn passau tier la votaziun. L'emprema tscharcha vegn fatga sin la proposiziun dalla cumissiun e cun la medema tscharcha era elegiu igl architect signur Venanzi Maissen. Secund il decider da quella tscharcha, vegn votau giu sin las ulteriuras proposiziuns fatgas.

La tscharcha decida dad approbar il project e baghegiar tenor tal, senza schar curdar il subsidi ed aschia ei era igl architect eligius. Tenor questa approbaziun crodan las ulteriuras proposiziuns e signur president declara la radunanza per serrada.

10 da zercladur 1957. Dat signur president ina orientaziun sur dil project casa da scola Rueras, nua ei glei previu da sminuir la sala per 1 meter sil maun liung, denton mo sch'il subsidi mondi buca a piarder e tuts ils vischins seigien cuntents. Damai che negin fa giudlunder oposiziun ei tala caussa acceptada.

20 d'october 1957. Davart la moziun dil baghegiar scolas sclarescha signur president il semover d'entochen ussa. Ils plans en detagl per la scola da Rueras seigien tarmess en alla regenza per la damonda da subsidi. Ils schar far ina calculaziun dils cuosts per las ulteriuras scolas seigi dau sura. En num dalla cumissiun engrazia signur Benedetg Valier per l'orientaziun.

20 d'avrel 1958. Essend ils plans definitivs dalla scola nova da Rueras exponi en sala, dat signur president giudlunder sclariment, sco era dils cuosts da tala. Cun schar naven la scoletta e differentas caussas ei vegniu spargnau en 60'600 frs. per mantener il subsidi, principalmein dalla sala e 3% alzament dils cuosts eisi carschiu per 26'300 frs., aschia ch'ei stat oz avon maun in project da 418'400 frs., giu dil qual ei mass aunc il subsidi da 60'000 frs. Arvend signur president la discussiun, fa gerau Toni Hitz menziun dil schar curdar la scoletta, sperond che la vischnaunca vegni in di in encunter als da Rueras sin ina moda ni l'autra sch'ei semuossa in di in basegns per ina tala.

La tscharcha decida da baghegiar tenor project.

Sigl onn da scola 1959/60 ei la scola baghegiada e preparada. La Gasetta Romontscha nr. 83 dils 16 d'october 1959 porta ina pintga notizia ed annunzia la festivitat d'avvertura dalla scola da Rueras:

Avon in pèr onns ha la ludeivla vischnaunca da Tujetsch concludiu da baghegiar ina nova casa da scola a Rueras. La primavera digl onn vargau han ins priu a mauns las lavurs ed ussa eis ei aschi lunsch:

Odem il vitg stat en parada
La nova scola baghegiada
E mira giu sin il vischins
E fa sustar ils pelegrins.

Dumengia proxima, ils 18 d'october suentermiezdi ei la benedicziun ed inauguriatiun dalla nova casa da scola en rama d'ina mudesta fiastetta. Per oz schein nus cun quella cuorta notizia ed enviein ad in pli detagliu rapport che vegn a suandar il proxim temps ella "Romontscha".



Deplorablamein suonda negina
menziun ella gasetta davart la fiasta.
Pil di da fiasta ed inauguraziun ei
vegniu presentau in giug recitativ ord
la plema da gerau Gion Antoni
Venzin, Rueras.

Nies vitg Rueras

Chor recital d'affons per l'inauguraziun dalla nova casa da scola a Rueras, ils 18 d'october 1959 suentermiezdi.

Buobs	Gl'ei tendas e tendas Uaul en stgiraglia.
Buobas	Mo scartas las sendas Tras quella spessaglia.
Tuts	Mo bein el süegli situada schai cheu la largia vallada.
6 buobs	Nos babuns cattan regl da restar e runcar la cuntrada.
6 mattatschas	Baghegian sin muotas, sin crests e sin cons Casettas pintgettias sin plauncas e vons.
Tuts	Ils purs da Lignai, da Plaz e Curtin, Da Dieni, Nurschei e quels da Flurin, Pazzola, Rueras e quels da Mila; Ei runcan las gravas e slargan gl'englar.
Buobs	Mulestas e prighels smanatschan spel tetg, Da bestias selvadias, da tun e cametg.
Buobas	Els van tier il Segner e fan oraziun.
6 buobs	Ei maunc'in local per enqual devoziun.
Buobs	Al Giuncher Putneng'in casti han baghiau, La casa da crap a Rueras postau.
Buobas	Al Segner eregian ei er'in baghetg, Per dar en lur miez in undreivel suttetg.
Tuts	Tgi vegn culla crappa, tgi drova palutta, Tgi resgia, tgi dola – gia stat la caplutta.
6 buobs	Gl'apiestel sogn Giachen il Grond Dil niev sanctuar ei patrun.
6 mattatschas	D'in zenn tingalin mintgaton La selva reporta il sun.
Buobs	Il tschespet spervau da munglusa pastira Vonzei ha lu dau in di biala cultira.
Buobas	Ils purs han baghiau cun lur atgna manutta Modestas avdonzas entuorn la caplutta.
Tuts	Dus tozzels de casas lu fuvan daveras En fogas e gravas – il vitg da Rueras.
6 mattatschas	Ed en la Desertina in pader lu vegneva,

	La messa matutina e ton dil bien fageva.
6 buobs	Ei fan in di parvenda, per ver en permanent In bien caplon che spenda ils duns dil salvament.
Buoba	Ils babs han dau cunzina dad alla feglialonza Er aunc tier la ductrina mussar la demanonza; Da leger e da scriver ed er in tec quintar. E quei en casa sia gl'augsegner duei mussar.
6 buobs	In di relai il stadi per tuts la nova lescha Ch'ins stoppi ir a scola sco ei cunvegn e descha.
6 mattatschas	Perderts e tups serendan a scola finadin Tenor camond dil stadi naven da quei termin.
Tuts	Baghiar ston en furtina La casa per la scola. Da far lavour cumina Negin lu aunc sedola.
6 buobs	Ed en buca ton ditg, La stiva pli biala el vitg, Ha il meister Mangit Fatg chezer pulit.
6 mattatschas	Gl'ei uss varga tschien onns, che la cas'a dau canorta Als giuvens perdavons. Fai curvien sch'el'ei macorta.
6 buobs	Sch'ell'ei ussa sgurdinada Sco tut vegl e rufidada.
Tuts	Mo ductrina e scola gudida Schi ditg sco ti vivas mai, mai ti emblida!
Buobas	Nos babs spir premuras, Inspectur e parsuras Fan plans ed uatgas E fors'aunc sestratgas.
Tuts	Cumissiun e cussegl che sedrova Per la casa de scola resch-nova.
Buobs	Muments han giu tschaveras Culla scola de Rueras.
6 mattatschas	Ils raps fagevan pazia als vegls da baghiar ina scola; Mo l'aua senza fadia meina daners e daners sco sin mola.
6 buobs	Ch'els seigien er bein impundi, Quei ditschien speronza in di!
Tuts	Odem il vitg stat en parada La nova scola baghegiada E mira giu sin ils vischins E fa surstar ils pelegrins.
6 mattatschas	Tgi vess sminau ch'in tal baghetg Oz stessi cheu aschi anetg?
6 buobs	Ils temps semidan portan bia; Il bien da quei lein nus salvà.
Buobas	La scola ei uss eregida, A tuts vischins l'ei bein vegnida.
Buobs	Tut che selegr'en giubilonza Sco sch'ei fuss oz cheu perdanonza, Cunzun la cara giuventetgna Els onns da flur e da fadetgna.
Tuts	E nus affons lein porscher flurs A nos carissims geniturs, Che han cun niebel ideal Dau quella scola per regal.
Buobas	Ed er da cor sei engraziau A quels che han tut planisau,

Buobs	E dis ed jamnas cheu luvrau, E lu a tgi che ha pagau. La scola duei sveglier legria, El senn per buna cumpignia, Per tradiziun e per cultura, Tut en survetsch da quel sisura.
Tuts	A nos vischins lein far honur Ed engraziar a Diu Signur, Ch'el detti aunc benedicziun Per cruna della finziun.

Sin la fassada dalla casa da scola ha igl artist Albert Wider concepiu igl aunghel Rafael cun Tobias cun in pèsch enta maun e l'inscripziun "Nossa scola". La figura fa paleis il giavisch dils da Rueras da metter lur affons e la scola sut la protecziun digl aunghel pertgirader.

Il baghetg cuntegn quater stanzas da scola ed ina sala da gimnastica. Plirs onns ha la scola era funcziunau duront la stad sco camp per scolas dalla Bassa. El decuors dils onns ei vegniu fatg diversas midadas vid il baghetg. Igl onn 1997 succedan midadas dalla entrada principala ed el plaunterren dil baghetg. El sutterrano dalla sala ein tualettas e stanzas da sescumiar vegnididas endrizzadas, . Quei ei succediua ils onns 199 e 2002.

Il plantiu egl ost ha surviu sco stanza da zambergiar. La stanza ei stada ton sc'in local plurivalent, per l'instrucziun da musica e local d'emprova per il chor mischedau da Rueras. El ei vegnius partius en duas localitads ed ina da quellas ei stada a disposiziun per l'instrucziun en rama dalla classa pintga integrada. Pigl auter survechesha ils plantius aunc oz sco magasins per differentas uniuns culturalas. Secapescha ha era il tetg retschiert ina nova cuvrida e las finiastas ein per gronda part vegnididas remplazzadas.

L'entschatta ei vegnida dada cun duas classas primaras ed ina classa scola secundara dalla val. Enten baghegiar ora las auas entras la ORA ei ina scola tudestga sefatga a Rueras. Quella ha scolast Alfons Schmet instruiu da 1959 tochen 1963. Cun 1962 ei la scola secundara serendida a Sedrun. La carschen d'affons ha sfurzau igl onn 1965 da crear per in per onns ina tiarza classa. Cun la fundaziun dalla scoletta igl onn 1966 ha quella obtenuiu ina stanza en scola.

Ils onns 1990 neschan patratgs da fusiu cun Sedrun. La digren dils affons da Rueras crescha ad in crescher. Entgins onns, aschia 1995 e 1996 vegn instruiu a Rueras ina classa cun scolars dall'entira val. Da 1998 ei il scalem bass, 1. 3. classa, dall'entira val a Rueras. Naven da 2004 instruescha mo pli in scolast l'emprema e la secunda classa primara. Quei scolast vegn sustenius d'ina scolasta parziala per la classa pintga integrada e d'ina scolasta cun lecziuns da levgiament per l'instrucziun per dar ina buna qualitat all'instrucziun.

Cugl onn da scola 2007/08 va l'istoria dalla scola da Rueras sco scola a fin. Duront tschunconta onns ha il baghetg surviu a siu intent, in edifeci ch'ei a sias uras staus concepius internamein fetg modern. Empau discussiun ha la cumparsa exteriura leventau. Ils da Sedrun han meinsvart titulau la scola da Rueras sco "gagliner". Actualmein survechesha la scola sco albiert per las diveras uniuns culturalas e da sport da Rueras. Dalla stanza da scola egl emprem plaunterren fa la gruppa da Pluscheins diever.

In'impurtonta decisiun en ina brisanta radunanza da vischnaunca, ils 11 d'avrel 2012

Il president communal Pancrazi Berther presenta la fatschenta:

La casa da scola a Rueras ei vegnida erekida igi onn 1959. Ils onns 1997, 1999 e 2002 ein differentas lavurs da manteniment pli grondas vegnididas exequidas per la summa da rodund in milliun (rinforzau fundament, sanau foyer, gardarobas, duschas e tualettas el plaunterren/novas finiastas e storas per la fassada sid/isolau e curclau niev il tetg, isolau ordadora la fassada nord/il tetg e la fassada dalla halla ein buca vegni isolai.

A caschun dalla votaziun all'urna dils 4 da matg 2008 ha il pievel tuatschin decidiu dad integrar la scola Rueras (scoletta, 1. e 2. classa) a Sedrun. Dapi l'entschatta digl onn da scola 2008/2009 vegn la casa da scola Rueras aschia buca pli utilisada entras la scola. Pliras uniuns e gruppaziuns fan denton diever dallas localitads e dalla halla polivalenta.

El messadi per la votaziun all'urna dils 4 da matg 2008 (integrazion scola Rueras a Sedrun) ha la suprastanza communalia denter auter fatg menziun dalla finamira da nezegiar la casa da scola Rueras e siu contuorn per in project turistic. La finamira da realisar a Rueras in project cun in nez durabel — seigi quei el sectur turistic ni commercial - ei aunc adina actuala.

Duront la sesiun dunviern 2011/2012 (miez december 2011 — miez avrel 2012) vegn la gronda part dallas localitads en casa da scola a Rueras utilisada sco camp entras la Casa Nual GmbH.

Suenter il barschament dalla Casa Spinatscha a Sedrun han la Casa Nual GmbH e la vischernaunca saviu secunvegnir sin quella sligiazion provisoria che ha lubiu da cuntentar la clientella. Ei exista in'opziun da prolunghir il contract d'affittaziun sin la sesiun da stad 2012 e tenor basegns sin la sesiun d'unviern 2012/2013. Sin fundament da quei svilup ha la Spinatscha GmbH signalisau interess dad acquistar igl object e realisar in camp per rodund 100 persunas. Per quei motiv ha la suprastanza communalia decidiu da scriver ora igl object per eruir sch'ei ha aunc ulteriurs interessents. Sin fundament digl inserat ha la Spinatscha GmbH inoltrau in'offerta concreta. Ulteriuras offertas ein buca entradas.

La suprastanza communalia ha contactau la Casa Soldanella per sclarir sche la casa da scola Rueras fuss in'opziun. La Casa Soldanella ha denton signalisau ch'igl object seigi memia voluminus per siu intent.

Interess da sviluppar in project a Rueras (casa da scola cun parcellas cunfinontas) ha la firma Prime Elements AG signalisau. In project concret ei denton buca avon maun. Plinavon vegn la Prime Elements mo a sengaschar sch'ella sa era segirar cun in dretg da cumpra e sviluppar las uiteriuras parcellas en possess dalla vischernaunca (sut Bogn Sedrun, center Dulezi), quei ch'ei ord vesta dalla suprastanza communalia negina opziun. In'offerta per la casa da scola ha la Prime Elements buca inoltrau.

La vendita dalla casa da scola impedescha buca da realisar pli tard in project sil terren che sesanfla ella zona da construcziun futura.

Entras in camp dat ei nova veta a Rueras, dalla quala era las stizuns eav. san profitar. Era exempels ord autras vischernauncas (p.ex. Siat e Vignogn) muossan che novas utilisaziuns da casas da scola han in effect positiv sin la veta en vischernaunca. Biaras persunas che han imaga passentau in camp en nossa regiun tuornan pli tard puspei. Tier il camp a Rueras settractass el d'ina purschida unica, essend ch'ei sa vegnir purschiu ina halla polivalenta integrada. Entras realisar in camp cun 100 letgs vegn plinavon il diember da letgs caulds augmentaus considerablamein. La Casa Spinatscha purscheva plaz per 60 persunas. Quel ei legreivel damai che mintga letg cauld ei megliers che letgs freids.

Las experientschas fatgas cun il camp duront la sesiun d'unviern actuala ein en general bunas. Ils disturbis da canera ein minimals ed ils resuns dils hospes ein buns. Ils 14 da schaner 2012 ha giu liug in di dallas portas aviartas nua che mintgin ha giu la caschun da prender investa dil niev endrizzau camp en casa da scola Rueras.

La Spinatscha GmbH offerescha in prezi da frs. 1'100'000.00 per la parcella nr. 1339 (casa da scola cun 2'410 m² surfatscha digl edifeci, cuort, parcadi, access e regress).

El sid digl object sesanfla in stabiliment dil schurmetg civil sutterrano. Il stabiliment ed il terren che cuviera tal fuorman buca ina part digl object da vendita. Quella surfatscha vegn parcellada giu e fuorma silsuenter ina parcella che resta en possess dalla vischernaunca. La Spinatscha GmbH retscheiva denton il dretg da far diever dil terren e dalla via che cuviera il stabiliment dil schurmetg civil (servitut).

Per che la publicitat sappi era vinavon far diever dalla senda el vest dalla parcella ei la Spinatscha GmbH promta da conceder alla vischernaunca in dretg da passadi public.

Tenor schazetg ha la casa da scola ina valeta da frs. 1'706'000.00 (valur actuala). L'offerta ei pia rodund frs. 600'000.00 sut la valur actuala digl object. Cun in prezi da frs. 1'100'000.00, il qual ei in prezi da fiera, ein las investiziuns dils onns 1997, 1999 e 2002 denton curcladas. Plinavon sa la vischernaunca sedescargar entras ina vendita da cuosts annuals da rodund frs. 40'000.00 e da futuras

investiziuns che vegnan ad esser necessarias (scaldament eav.). Cun las entradas ord la vendita ed ils respargns annuals eis ei pusseivel da finanziar resp. capitalisar investiziuns per projects che figureschnan el plan da finanzas.

Actualmein vegn la casa da scola utilisada sco camp. Las uniuns/gruppaziuns san denton far diever dalla halla polivalenta. El cass d'ina vendita ei la Spinatscha GmbH promta da schar far diever las uniuns dalla halla duront ils proxims 5 onns gratuitamen. Tenor basegns exista l'opziun da prolunghir quei diever encunter indemnizaziun. Concret pertucca quei il vischinadi da Rueras, il Chor mischedau Rueras, la grappa da teater Rueras, la musica da tscheiver Rambus, l'Uniun sportiva Rueras e las mummas cun affons pigns. Las numnadas uniuns san vinavon duvrar la halla polivalenta per lur exercezis. Muort la munglusa segirtad, ord vesta dalla polizia da fiug, vegn ei denton buca ad esser pusseivel da menar si tocs da teater e dar concerts ella halla. La tribuna en casa da scola Sedrun, la quala el vegnida sanada igl onn 2011, ei denton predestinada per talas occurrentzas.

Per la grappa da termagliar "Pluscheins" ch'ei era s'installada a Rueras, vegn la vischnaunca a metter a disposiziun ina stanza en casa da scola a Sedrun. Il mument ein ils Pluschein en ina stanza provisoria en casa da scola Sedrun.

Per saver menar atras differents cuors ed occurrentzas (sentupada mummas, cuors da preparaziun per dunnas en speronza eav.) che han oz liug a Rueras vegn meademamein mess a disposiziun localitads en casa da scola a Sedrun.

La parcella sesanfla ella zona per stabilitments publics. Per saver realisar in camp basegna ei ina midada da zona (revisiun parziala dalla planisaziun locala). Ina preeexamaziun entras il cantun ha mussau che la midada dalla zona per stabilitments publics en ina zona dil vitg ei pusseivla. Ei basegna ina revisiun parziala dalla planisaziun locala che sto vegnir approbada all'urna (ils 29 d'avrel 2012) ed entras la Regenza.

La Spinatscha GmbH ha previu da realisar in camp sin la parcella. L'erecziun da habitaziuns secundaras ei sclausa. Quella restricziun vegn impurtada el cudisch funsil.

Ord vesta dalla suprastonza communalha ina vendita dalla casa da scola suandonts disavantatgs ed avantatgs.

Disavantatgs

La vischnaunca sa buca pli metter a disposiziun localitads/stanzas allas uniuns da Rueras.

Potenzials investurs han buca la caschun da sviluppar la parcella cun la casa da scola en cumbinaziun cun las parcellas vischinontas. Actualmein dat ei denton negins interessents concrets.

Avantatgs:

Il vitg da Rueras (surtut las stizuns eav.) profiteschia dalla nova veta entras in camp.

La halla polivalenta stat duront ils proxims 5 onns vinavon a disposiziun allas uniuns da Rueras.

Quei diever sa vegnir prolunghius tenor basegns encunter indemnizaziun.

La vischnaunca sa spargnar cuosts annuals da rodund frs. 40'000.00 e cuosts per investiziuns da cumpensaziun.

La vendita porta ina entrada unica da frs. 1'100'000.00 che sa vegnir impundida per realisar differents projects che figureschan el plan da finanzas communal.

Ina fatschenta privata indigena ha la caschun da sesviluppar.

Risguardond ils numnai puncts ei la suprastonza communalha dil meini da far il pass e vender la casa da scola Rueras. La vischnaunca basegna buca exnum igl object per saver ademplir ses pensums ed ina buna caschun da desinveststar ei avon maun.

Sco menziunau exista il mument negin interess concret davart d'in potenzial investur da realisar a Rueras in project pli grond cun far diever dalla parcella cun la casa da scola. Aunc sche quei fuss il cass cuzass ei plirs onns entochen ch'ins savess quintar cun in project concret. Sch'il potenzial investur vul lu supreender la casa da scola ei in'autra damonda. En mintga cass savess ins lu buca quintar cun in'entrada da frs. 1'100'000.00.

Il cass ch'ins vegn alla conclusiun da buca vender igl object dat ei l'opziun da vinavon ir alla tscherca d'investurs ch'ein promts dad era supreender la casa da scola. Sin fundament dall'iniziativa davart la restricziun da habitaziuns secundaras vegn quei buca ad esser sempel.

Ils 14 da mars 2012 ha il cussegl da vischnaunca tractau l'emprema gada la vendita dalla casa da scola. Il cussegl ei buca entraus ella fatschenta cun surdar alla suprastonza communalala l'incarica d'organisar ina sera d'informaziun e discussiun denter il cussegl da vischnaunca, la suprastonza communalala e la Prime Elements AG avon che decider davart la vendita.

Quell'informaziun ha giu liug ils 21 da mars 2012. La medema sera ha la suprastonza communalala orientau davart la finamira dalla Banca Cantunala Grischuna dad ereger in object el center Dulezi. La direcziun ed il cussegl dalla banca decidian entochen il davos d'avrel 2012. Medemamein ha la suprastonza communalala informau davart igl Interess d'ina grupper d'investurs (Baulink) da sviluppar la parcella sut il Bogn Sedrun sin atgna resca.

Ils 26 da mars 2012 ha il cussegl da vischnaunca decidiu da vender la casa da scola Rueras alla Spinatscha GmbH per in prezi da frs. 1'100'000.00 cun la cundiziun ch'il diever dalla halla a favur dalla vischnaunca vegni francaus a liunga vesta cun in contract da servitut impurtaus el cudisch funsil.

El messadi alla populaziun ei vegniu menziunau ch'ei vegni orientau davart il resultat dallas contractivas cun la Spinatscha GmbH a caschun dalla radunanza da vischnaunca.

Sin fundament da quellas contractivas presenta la suprastonza communalala suandonta proposta:

- Vender la casa da scola Rueras (parcella nr. 1339) alla Spinatscha GmbH per in prezi da frs. 1'100'000.00.
- Il diever dalla halla a favur dalla vischnaunca vegni francaus per in cuoz da 5 onns cun in contract da servitut impurtaus el cudisch funsil.
- Il diever dalla halla suenter quels 5 onns sedrezza tenor ina declaranza d'intenziun che fuorma ina part dil contract da cumpra. Quella secloma sco suonda: Sil pli tard 6 meins avon la spiraziun dil diever da 5 onns declaran las partidas la veglia da prender si las contractivas per ina pusseivla prolongaziun dil dretg da diever dalla halla.
- Las partidas declaran lur intenziun da tschercar ina sligiazion en enteligentscha. Ils interess ed ils basegns dils possessurs per saver menar cun success il menaschi/object e sviluppar vinavon quel, han prioritat. El cass ch'il diever dalla halla impedescha quei svilup ei ina prolongaziun dil dretg da diever sclausa.

Il vischin René Epp propona da stuschar la tractanda, ina cumissiun duei definar in maletg empalont ed in strategia d'investiziu. Tadeus Giossi ei surstaus dalla prescha che la vendita hagi tuttenina. El ei dil meini da tener la scola els agens mauns e sustegn la proposta da Rene Epp. Guido Friberg dalla cumissiun da gestiun s'exprima aschia alla fin da siu votum: *La radunanza da vischnaunca duegi prender ina decisiun — tgeinina stoppi mintgin giudicar persunalmein. La proposta dalla suprastonza communalala, sustenida dalla gronda part dil cussegl da vischnaunca, seigi ina buna ed acceptabla soluziun.*

Marcus Schmid manegia ch'ei vegni tschintschau da memia da camps ed aschia neghligiu en Tujetsch la construcziun da hotels da qualitad. Vigeli Giossi ha bia dubis e bia damondas e sustegn il votum da spustar la tractanda. Plinavon propona el da decider la vendita cun scrutini. Era Martin Cavegn e Gergia Deplaz sustegnan la proposta da stuschar quella tractanda.

Votaziun finala

La radunanza da vischnaunca decida cun 88 encunter 70 vuschs (2 cedels vits) da buca vender la casa da scola Rueras (parcella nr. 1339) alla Spinatscha GmbH per in prezi da frs. 1'100'000.00.

La casa da scola suenter la decisiun digl avrel 2012

Gl'unviern 2012/2013 vegni la casa da scola Rueras utilisada sco camp entras la Casa Nual GmbH.

Da 2017 naven ei la Casa Soldanella secasada el foyer ed en pliras satnzas da scola. Els fan diever dallas localitads per l'instrucziun e per zambergiar cun lur cussadents e lur cussadentas.

Las uniuns dil vitg fan vinavon diever dalla sala per lur activitads culturalas e sportivas.



Scola primara a Rueras cun la scolasta Valentina Deflorin

Scolasts e scolastas en scola nova da 1959:

Scolasts primars

Classe Primaria	
1959-1996	Vinzens Pally, Rueras
1959-1962	Giusep Gieriet, Camischolas
1962-1963	Catrina Schatz-Cavegn, Cazis
1963-1964	Valentina Deflorin, Segnas
1965-1966	Rest Martin Bundi, Peiden
1965-1975	Norbert Vinzens, Trun
1974-1975	Mengia Schmid, Rueras
1976-1977	Corinna Bearth, Rabius
1978-1981	Armin Caduff, Lumnezia
1981/1982	Yvonne Derungs, Tavanasa
1982-2001	Hans Monn, Sedrun
1995/1996	Beni Hendry; 6. classa
1996/1997	Marcus Bearth, Sedrun, 4. classa
1998/1999	Tarcisi Hendry, Sedrun, 1 e 2. classa
1998/1999	Vinzens Pally, Rueras
1999-2002	Nicolina Cathomen Giossi, Rueras
1999-2002	Alexa Giger, Surrein/Sumvitg
2002-2004	Flurin Foppa, Favugn
2002-2008	Tarcisi Hendry, Sedrun

Scola secundara a Rueras

Scoala secundara a Racilor

Leci Jacomet
Eugen Casanova

Scola tudentga
1959-1963 Alfons Schmet

Classa pintga integrada
2006 - 2008 Lea Berther, Sedrun / Surrein

Scola da lavur
1975 - 1989 Giuseppa Giossi



Scola primara da Rueras cun ils scolasts Norbert Vinzens e Vinzens Pally (dretg)

7. Scola e scolasts da Selva e Tschamut

La caplutta da Selva ei veginida consecrada igl onn 1630 entras Giusep Mohr, uestg da Cuera. Cugl emprem caplon Pierer Callemburg da Schlans, igl onn 1664, ha carteivel era la scola entschiet pils affons da Dadens igl Uaul. Avon ein ils affons carteivlamein vegni instrui da persunas privatas. Il diember d'affons dils dus vischinadis ei staus mudests. Entochen caplon sur Gion Giusep Deplaz, da 1818-1859, han buca meins che 32 caplons surpriu l'instrucziun dils affons e dil pievel. La casa pervenda fuva pia era stanza da scola. Sco els auters vischinadis han era ils vischins da Selva e Tschamut giu quitau per l'instrucziun da lur affons. Il spiritual ni caplon fuva per ordinari pagaus nuot per dar scola, ni quasi nuot.

Era a Selva prescriveva ina obligaziun dil beneficiat, la quala datescha senza dubi aunc digl urbari vegl, sco suonda:

... *Sechters. Soll Er ohne weiteres Interes Schull halten, und die Kindern unterrichten.*

Empau pli originala fuva la scola da Selva. Aschia raquenta la tradiziun che sur Gion Giusep Deplaz fagevi scola a Selva en stiva dalla casa pervenda e ch'el schevi enqualga als affons da Selva:

Vus haveis en truffels enstagl tschurvi,

ed als da Tschamut:

e vus pelletschas.

Ils adattai cudischs d'instrucziun ed ils necessaris indrezs muncavan ed aschia era l'instrucziun stentusa. Sur Gion Giusep Deplaz deva scola en sia casa paterna e quella cuzzava per ordinari da sontga Catrina, ils 25 da november, entochen la dumengia da palmas. El entschaveva mintgamai ualti marvegl e fageva scola tochen mesa las endisch e pér lu celebrava el la sontga messa. El mussava da leger, scriver e far quen. Ei era in um pign, curteseivel, temprau e tuttavia versaus ellas scienzas. El haveva giu fatg il gimnasi e ses studis da teologia a Salzburg ed era cunzun bein da casa ella historia.

In cudisch d'ABC deva ei aunc buca ed il caplon segidava cun tagliar ora quels cun in conti sin schlondas plattas cun fuorma da palutta ch'ils affons purtavan da casa. Era Gion Gaudios Riedi da Tschamut, bab da sur Gion Evangelist, capeva bein da tagliar ora quels bustabs ed era aschia per bein enqual affon il furnitur digl ABC da lenn.

Il caplon mussava, innstrueva e schava dir si ils bustabs. Suenter haver fatg in temps quei exercezi, prendev'ins in cudisch da mussaments, da ductrina ni d'oraziuns ed entschaveva a bustabiar ed arrivar aschia tier il leger.

A Bregenz ei cumpariu gia igl onn 1805 in ABC en lungatg sursilvan, mo tier nus ha pér igl ABC da pader Beat Ludescher giu in esit desiderau. Era la bibla da pader Sigisbert Frisch, cumparida 1823, ei stada da grond néz per la scola egl emprender da leger. Mender era ei propri cul scriver! Sur Gion Giusep Deplaz encureva ensemen plattas, tablas da scriver per ses scolars e cun gronda breigia tagliav'el ora greffels ord toccanaglia da plattas ch'el parteva ora en sia scola.

Arisguard il quen existev'ei gia dus cudischs, in da Christian Jodocus Steinhauser (1808) e l'auter da pader Beat Ludescher (1809). Quels cudischs fuvan denton darar els mauns dils scolars. Pli da vegnev'il quen fatgs a tgau e nudaus si cun in conti sin buccadas lenn alla moda dallas stialas da latg. Aschia deva ein aunc quels onns leu vischins che han purtau la mesira d'in toc prau en bratscha e quartas, tagliaus ora sin ina stiala lenn.

Las scolas da Selva

Ils onns entuorn 1850 ei l'idea nachida da dislocar il vitg da Selva cumpleinamein el pli segir e quei a Sut Crestas. La finala ein pliras casas vegnidas construidas, mo ins ha lu decidiu da serender mo il temps prigulus a Sut Crestas.

La primavera 1852 han ins entschiet a baghiar a Sut Crestas la caplutta culla casa pervenda e cun ina stanza da scola. Igl unviern 1853/54 ei sur Deplaz serendius per l'emprema ga a Sut Crestas per habitar e tener survetsch divin leu.

La scola en casa pervenda a Sut Crestas ei denton buca stada emperneivla ed idealia per l'instrucziun e perquei ei vegniu instruiu en ina casa privata. Plirs onns ei vegniu dau scola en casa da Flurin Venzin gest sper la caplutta. Leu veva il scolast era siu tenercasa e combra da maner.



Seniester la caplutta cun l'emprema scola sa Selva.

Igl onn 1863 ei la casa da scola vegnida baghegiada. Per quella han ils vischins da Selva e Tschamut survegniu l'auter onn sissu, 1864, in premi cantunal da 400.– frs. Il fondo da scola a Selva ei vegnius carschentaus cun unfrendas privatas e cun vender gia igl onn 1854 el mises vi Surrein/Selva in bien ton pastira per schar far praus ordlunder a Franz Giusep Loretz ed a Giachen Venzin.

Puspei ei vegniu dau scola en casa dalla caplania a Selva. Ils habitonts da Selva ein culs onns restai il temps d'unviern a Selva e buca pli serendi el refugi da Sut Crestas. Entras l'erecziun da lavineras e la plontaziun digl Uaul da Rusas fuva il vitg da Selva vegnius pli segirs da lavinas.

Denton semuossa era la casa caplania memia pintga e meins qualificada. La vischnaunca sto ponderar d'ereger ina casa da scola als Dadens igl Uaul.

Cun igl onn 1901 entscheiva ina liunga dispeta pertucont la casa da scola da Selva e Tschamut cun la vischnaunca. La casa da scola era en in schliet stan ed ultra da quei vulevan ils da Selva la scola ora el vitg. Ils protocols dattan perdetga da quei vi e neu che sesplegia duront varga quendisch onns.

10 da fevrer 1901 En vertenta questiun dils vischins da Selva e Tschamut ei da signur president vegniu mess avon alla ludeivla vischnaunca ch'ils vischins da Selva e Tschamut petiziuneschien,

1.) che lur casa da scola vegni reparada ed ultra da quei petiziuneschan

2.) ils vischins da Selva sulets che la scola vegni cun quella caschun translocada naven da Sut Crestas e baghegiada ora Selva.

Encunter quei petitum protestan ils vischins da Tschamut. Cheutras ei naschiu disuniun denter ils sura vischinadis e mess avon per decisum la vertenta damonda alla ludeivla vischnaunca sco emprema instanza cumpetenta en caussa: schebein la casa da scola duei

restar a Sut Crestas ni transferida a Selva. Suenter haver udiu ils motivs e las raschuns dallas respectivas parts, ein vegni dumandai giu ils meinis, ils quals han plidau tuts unitamein en in senn, numnadamein che ils vischins da Selva hagien neginas raschuns sufficientas tier lur pretensiun secundaria sco era en risguard dallas relaziuns, dalla situaziun e dalla experienza denter las numnadas fraciuns seigi negina cunvegnientscha da transferir la casa da scola naven da Sut Crestas. La vischnaunca ha sin quei concludiu da rugalar la casa da scola da Selva-Tschamut e zuar aschi gleiti sco ils vischins da leu seigien perina nua tschentar quella. Pil cass che la casa vegni transferida tegn la vischnaunca ora il sequent: Ils vischins da Selva ston sin agen donn e cuost procurar

- 1.) per in segir sulom
 - 2.) tuts transporst dalla casa da scola.
- Cun quei ei stau finiu.

1. d'october 1905 Sin ina brev dalla regenza, nua che quella damonda si la vischnaunca, tgei pass ella intenziuneschi da far pervia dalla casa da scola a Selva, la qualla seigi tenor rapport dil signur inspectur buca pli sufficienta per dar scola, conculda la vischnaunca da rispunder, che la casa dil caplon a Sut Crestas, nua ch'ins hagi dau scola ils davos onns, sequalificheschi tenor rapport dil signur scolast per in oreifer local da tener scola e ch'ella, la vischnaunca, secreigi dad ad interim buca stuer baghiar casa da scola.

5 da fevrier 1911 Fa il signur president enconuschen alla ludeivla vischnaunca ch'ils vischins da Selva hagien, sut datum dils 28 da november 1910, dau en alla ludeivla vischnaunca ina petizion en la qualla numnai vischins garegian la construcziun d'ina casa da scola el vitg Selva.

Suenter haver mess en discussiun la damonda da baghegiar ina casa da scola el vitg da Selva ed udiu ils differents meinis en caussa conculda la vischnaunca

- 1.) da buca corrissunder alla petizion dils vischins da Selva.
- 2.). da rugalar si la casa da scola a Sut Crestas tenor sco ils basegns damondan per ils vischinadis Selva e Tschamut ensemes, sco stau entochen da cheu.

Ina corrispondenza scetta da Gion Antoni Peder, da Selva, pil vischinadi da Selva alla vischnaunca, per preleger alla radunanza, emprova d'argumentar nua che la scola duei vegnir baghegiada.

Nua s'auda la casa da scola da Selva, a Selva ni a Sut Crestas?

La ludeivla vischnaunca da Tujetsch ha da baghegiar als da Selva ina casa da scola, la vischnaunca havess creiel jeu il dretg da fixar il liug per tala casa, mo essend ils da Selva e Tschamut buca perina denter els, sche ha la vischnaunca dau plaid da baghegiar aschigleiti ch'els hagien fixau in adattau plaz.

La presenta casa da scola ei a Sut Crestas denter Selva e Tschamut ed ei vegnida baghegiada leu dil temps ch'ins era vidlunder da translocar il vitg Selva a Sut Crestas. Quella translocaziun ei aber vegnida menada atras mo per part e mo per temps d'unviern. Avon quei temps vegneva ei teniu scola a Selva en casa pervenda pils affons da Selva e Tschamut. Ils temps e circumstanze ein semidai. La ludeivla vischnaunca ha cun gronds cuosts plantau uaull silla Val da Plaun da vart da mesanotg, mess en mellis pals e fatg biars e fermis mirs ed aschia segirau il vitg da Selva da lavinas e bovas. Da l'autra vart da miezdi ei la Val Ruinatsch cun siu prighel, era quel ei savnius entras tagliar ora la draussa e bostga, aschia che la neiv vegn giu dafertontier tochen ch'igl ei aunc pauca. Selva ei aschia totalmein ord prighel da lavina, aschia ch'ins sa baghegiar a Selva senza negina tema da quellas varts. In secund motiv che Tschamut vul la casa a Sut Crestas, ei il prighel da lavina dad ir e turnar als affons. Denter Selva e Sut Crestas vegn giu lavina e denter Sut Crestas e Tschamut eis ei era buca diltut segir e gnanc a Sut Crestas eis ei senza prighel. Da metter il local da scola a Sut Crestas ein tuts affons exponi al prighel, ei la scola a Selva, sche ein mo 1/3 dils affons en prighel. Plinavon ei Sut Crestas in liug isolau, nua che negin habitescha pli ni stad ni unviern. Dallas siat casas stadas eregidas leu, ein duas transportadas naven, 12 autres ein schon en plan da venir naven, pia in liug bandunau, aschia che la scola auda buca pli a Sut Crestas, bein aber a Selva, nua che ¾ dils habitants ed affons ein. Sut Crestas ei plinavon in

liug quasi senza sulegl, in terren bletsch e humid, schegie sin in crest eran las habitaziuns adina bletschas ed ils plantschius surtratgs cun stellas cura ch'ins habitava leu, pia in liug malsau.

Da plidar sur da moral a lein nus surschar als augsegners, sche els anflan per indicau, nua che mattatschs e mattatschas da 15 – 16 onnns ein en in liug isolau e sturnegian in denter l'auter. Ins astga era menziunar che quels umens da Tschamut, (igl ei atgnamein mo in) che vulan la scola a Sut Crestas ein sez perschuadi che la scola audi a Selva, vulan aber buca dar suenter e secreian che quel che possi grir il pli fetg, hagi la megliera raschun e dat ei cass da prighel, sche ei negin obligaus da semetter sin via, seigi ch'ils affons ein a casa lur ni ch'els seigien a Selva a scola. En gliez cass ha la vischnaunca da dar sufficient uorden e vegn era a far. Era ei igl entir cusegl da scola, igl inspectur e tuts raschuneivels umens perschuadi, che la scola s'audi a Selva. La medema caussa ei avon onns stada messa avon allas autoritads e stau decidiu per Sut Crestas. Quei ei stau ina faulsa decisiun. La caschun da tala decisiun ei il da lezzas uras omnipotent Capeder staus, buca ch'el ei perschuadius che la scola s'audi a Sut Crestas, bein aber perquei che Selva veva da lezzas uras buca s'adressau tier el per agid e cusegl.

Ord ils sura arguments seresultescha clar e bein che la scola s'auda a Selva, nua ch'il pievel ed ils affons ein ed il prighel il pli pign.

Cun in per remarcas secartessel da saver metter vitier: Ha igl ault ludeivel Cussegl Pign fixau Sut Crestas sco liug miez, il qual ei denton tuttavia buca il cass, essend nunhabitau, ei aschia mo in punct miez ; ei dat tier nus negin liug miez.

Jeu secartess ch'ins astgass cun tut dretg pretender ch'ina scola vegni messa sper enzatgi. Vegr la scola cheutras dis da malaura totalmein negligida; e la survigilonza sin nos affons ei ordeifer las uras da scola era buca suenter giavischs. Ei cass empruau, ch'in scolast cun habilitad, vegn mai a supreender ina scola desertada e tagliada giu da tutta glieud sco Sut Crestas ei.

Serecumandein a Lur beinvulentscha sco car convischin e cumpatriot

Cun cordials salids e schon ordavon nies engraziament

Peder Joh. Ant.

La decisiun dil Cussegl Pign, tarmessa tier allas autoritads communalas, ils 16 d'uost 1912, en fuorma d'in stampat da treis paginas, decida: "Die Beschwerde des Schulrates Selva wird im Sinne der Erwägungen abgewiesen." Cheu suonda in extract da parts da quei scriver:

"Für das Schuljahr 1911/12 seien 22 Schulkinder. Der Hauptgrund aber, weshalb in Selva der Bau eines Schulhauses verlangt werde, sei die grosse Lawinengefahr, der die Kinder auf dem Schulwege nach Sut Crestas ausgesetzt seien."

Ils protocols da vischnaunca datta perdetga dil svilup en caussa casa da scola per Selva e Tschamut.

1. d'october 1912 Prelegia il signur president la sentenzia digl aultludeivel Cussegl Pign en caussa recuors vischinadi Selva, contra la vischnaunca Tujetsch, pervia dil translocar la casa da scola da Sut Crestas a Selva, la quala sentenzia ei vegnida dada ora en favur dalla vischnaunca, da buca translocar la scola.

27 da fevrer 1916 Arisguard la casa da scola a Selva vegn concludiu da star sil sulom veder.

17 da fevrer 1918 Tals che vulan supreender las lavurs dalla casa da scola a Selva, san dar en lur offertas entochen il davos d.q. al signur president, nua ch'ins sa era prender investa dils plans.

Il contract, per l'erecziun dalla nova casa da scola a Sut Crestas dallas autoritads communalas culs surprendiders, vegn tschentaus si il december 1918.

Contract per baghegiar la casa da scola Selva-Sut Crestas

Sut il sut indicau datum ei serrau il suandont contract denter ils interessents contrahents :
1. *La vischnaunca paga ina summa da 6150.- frs. (sismelli e tschientschunconta frs.) il qual importo vegn pagaus totalmein aschigleiti sco la casa ei baghegiada ora e colaudada dallas autoritads cantunalas, silmeins 80 % vegn pagau il november 1919 tenor sco las lavurs ein finidas.*

2. *La vischnaunca metta tut material sil plaz, metta a disposiziun in local sut tett a Sut Crestas per luvrar e sco loschi e lenna da cuschinat, dapli la stiva da scola vedra a Sedrun per las lavurs vid quella casa.*

3. *Tuttas lennas da quadrar vegnan aschilunsch sco pusseivel resgiadas ora entiramein sin mesira dada en.*

4. *Tuttas necessarias lennas per eschadiras, petgas da posts finiastras e las necessarias aissas per tablegiaus überhaubt lenna per las lavurs che vegnan fatgas a Sedrun, vegnan dalla vischnaunca pridas giud resgia ni rabbitschadas dils respectivs privats che dattan aissas seccas e messas sil plaz per secentar ni sper il luvratori a Sedrun, sco ils meisters anflan per bien, dacheu naven ei lavour dils mesiters.*

5. *Per mesirar aissas da privats vegn bonificau 1.- frs. per ura.*

Ils surprendiders declaran :

1. *Da far tenor plan tuttas lavurs da lennari e scrinari e schnizler pinau ora fixum fertig las clavs enta maun che ston vegnir fatgas vid quei edifeci, priu ora quei da miradur e vid fundament.*

2. *Da dar en ina giesta per las empustaziuns da ferradiars, glasa, cons ziaghels grevs da Turitg.*

3. *Da dar en sin resgia las mesiras dalla lenna da resgiar ora en diember e qualitat.*

4. *Da finir las lavurs tochen igl 1. october 1919 totalmein, sche ton pusseivel, bein aber sil pli pauc la stiva da scola, il zemmer dil scolast ed il gang, aschia ch'ei sappi vegnir dau scola.*

5. *Ils surprendiders stattan negina garanzia per calarvia da plantschius e tablegiaus.*

Per vigur dil sura contract, suttascrivan las parts

Tujetsch, ils 22 da december 1918

per vischnaunca contrahenta

Per ils surprendiders

Beer Vigeli Jos. fegl

president communal

Beer Vigeli, bab

Gion Andriu Berther

Deragisch Emanuel

Plazi Schmid

Igl onn 1919 ei la nova casa da scola finalmein vegnida baghegiada a Sut Crestas. Il suandont artechel ella Gasetta Romontscha plaida dalla malcontententscha dils da Selva. Ils onns e las lutgas dils onns precedents han schau anavos fastitgs.

Correspondenza dil pei dil Badus. Ils vischinadis da Selva e Tschanmut han survegniu uonn ina stupenta casa nova da scola. Ella ei baghegiada a Sut Crestas sper l'enconuschenta caplutta da «Maria digl agid» ni «Maria Hilf». Igl ei ina casa da lenn bein luvrada e stupent decorada dadens e dado cun bials ornaments tagliai ora en preits e plantschius. Ella porscha pilver igl aspect d'ina nobla villa.

Ils cuosts ein stai considerabels. Grondas difficultads ha principalmein il rabbitschar il material sil plaz dau. Quel han ins numnadamein stuiu spedir cun agid d'ina suga dil stradun tochen sin il plaz da baghegiar. Il vitget da Sut Crestas, che schai denter Selva e Tschanmut, ei vegnius baghegiaus els emprems decennis dil davos tschentaner suenter la gronda catastrofa dalla lavina da Selva d'anno 1808. Igl emprem, ch'ei vegnius sil patratg da tanslocar il vitg pli anen en in liug segir da lavina ei stau pader Placi a Spescha. Siu plan ei vegnius realisaus en quei senn, ch'ins ha laschau las casas a Selva leu e fatg si a Sut Crestas casas novas. Cura ch'igl unviern tarmetteva l'emprema neiv, lura emigrava igl entir vischinadi a «Maria Hilf» e habitava leu entochen la primavera. Quei descriva nies poet Giusep Steiner en sia poesia sur la Val Tujetsch sco suonda :

*Ed in quart ura pli anen
 Eis ei in vitg cun tgèses lenn.
 Cu ei smanatscha la lavina
 Leu ei la mumma digl agid
 Che dat ad els fetg grond cunfiert.*

Ussa succeda l'emigraciun a "Maria Hilf" buca pli. Ins ha gia transportau pliras casas anora e gleiti restan leu mo caplutta e casa da scola pli. Il vitg da Selva ei numnadamein buca pli exponius al prighel da lavina. Dad ina vart vegn quella impedita entras in spess uaul, plantaus avon circa 50 onns e da l'autra vart han ins pinau ora il cagliom videifer, aschi che la neiv seleischna giu dafertontier ch'ei neiva.

Essend las relaziuns el decouors dil temps semidadas sin tala moda, han ils vischins da Selva anflau per cunvegnent, ch'ins vegni era cun la scola a Selva. Lur pretensiun pareva era d'esser giustificada muort la circumstanzia, ch'il viadi da Selva a Sut Crestas ei buca senza prighel da lavina. Era ei la cuorsa da Tschamut a Selva buca per pli che duas minutias pli liunga, che da Tschamut a Sut Crestas, aschia ch'ei emporta pauc ch'ils da Tschamut van giu Sut Crestas ni giu Selva a scola. Mintgaga, cu ei dat neiv, ston ils affons da Tschamut rumper via per ir a scola, ferton che da Tschamut a Selva eis ei adina ina buna via da slusada. Plinavon havess la casa da scola udiu a Selva, essend leu la casa pervaenda ed il grond diember dils affons, quei vul dir duas tiarzas da quels. Cun quei che la casa da scola ei aschi allontanada dils vitgs habitai, vegn la scola tier mintga nevada interruttta per enzacons dis. Sche nus havessen a Selva la casa da scola, vegness quei buc avon.

Ins ha denton dau negina ureglia alla bein motivada pretensiun dis vischins da Selva. Nus vulein cheu tuttavia buca passar si encunter la sentenzia d'aultas autoritads e nus astgein era buca dubitar sur la gestadad da quella, schegie che nus vesein buc en ella, essend nossas enconuschientschas giuridicas cumpatg memia pintgas. In motiv principal ch'ins ha buca dau la scola a Selva ei bein quel, ch'ins temeva d'allura era stuer dar als da Tschamut in'atgna scola e quei vuleva ins ord interess evitar. Basta, la casa da scola ei ussa baghegiada a „Maria Hilf“ e nuslein e stuein esser cuntents aschia e tarmetter viaden nos affons, quei vul dir exponer els al prighel, aschi ditg sco Dieus pertgira quels da disgrazias tras lavinas, las qualas ein en nossa val da larmas buca raras.

(Gasetta Romontscha, 1919, dils 9 d'october, artechel screts da scolast Tumaisch Venzin.)

Culs onns 1950 semida la situaziun demografica a Selva/Tschamut. Igl onn da scola 1958/59 daventa il davos onn da scola a Selva. Il schaner 1959 scriva il caplon sur Stephan Schuler alla suprastonza communal, fagend attent davart la situaziun actuala.

Cun questas lingias lessel far ina instanza supplica e damonda pervia dalla scola da Selva. En nossa scola vein nus uonn 6 scolars e quei tut buobas. Igl unviern ei grevs, pli grevs che quei ch'ins ha spetgau. Ed ussa vein nus propri in marteri pervia dalla via da scola. Pli baul eis ei stau pli lev: bunamein entochen la fin da fevrer han ils purs da Selva schau lur tiers a Sut Crestas ed aschia han els cun ir a perver automaticamein giu adina ina via passabla. Era il diember dils scolars era pli gronds ed aschia ha ei adina giu via. Ussa eis ei tut auter. Il davos pur vegn gia da Nadal orda Sut Crestas e lura va buca ina suletta comba pli anen. Pervia da quei ston las buobas mantener la via e da Selva eis ei mo treis buobas, da Tschamut era mo treis. Cun quei never e cufla eis ei daventau, che la via ei bunamein adina cuvretga. Jeu haniel gia supplicau ils habitants da Selva e Tschamut da vuler far via ed els fan era quei. Mo avon las nov va negin sin via e la scola duess entscheiver allas otg. Lu ston las buobas far via ni mirar co ellas vegnan tras las nevadas.

Mo era quei ei il cass, ch'ils umens han fatg via ed ei cufla gest puspei en. Savens han els fatg via e l'auter di, la damaun marvegl ei tut cuvretg. Jeu mez vegnel nunpusseivel tras quella neiv ed hai silmeins in'ura per vegnir atras tochen tier la scola ed aschia hai stuiu tralaschar pliras gadas la doctrina. Quei ei propri malemperneivel, fa cuntinuadamein quitaus e displaschers.

Lu haniel giu in idea e plidau sur da quella cun vies signur president. Jeu lessel supplicar, che la suprastonza communal, vegli lubir da far scola en la casa da Battesta Giger ch'ei vita. Ils

geniturs da Tschamut ein d'accord, pertgei ch'il stradun ei il pli savens aviarts e la via aschia pli leva e pli empernevla. Cun Battesta Giger hael sin giavisch da signur president Jacomet era plida; el ei d'accord da dar la stiva e la cuschina, sco naturalmein era la tualetta. La cuschina sto el dar, pertgei che leu sesanfla la pegna da scaldar. Tuttas autres combras restan serradas. Signur Giger pretendia persuenter la summa da 150.- frs. tochen la fin digl onn scola; naturalmein ston ins dar anavos la stiva e cuschina en bien stan.

Recamondel quella supplica instantamein a Vossa beinvulentscha. Jeu fuss leds e propri ventireivels, sche Vus, stimai signurs, savesses vegnir encunter e sedeclarar d'accord cun quella proposta. Ei setracta mo da quels treis meins tochen la fin digl onn scolar. Il proxim onn vegn ei buca pli en damonda da far scola a Selva, lura drova ei era buca pli il manteniment ni dalla scola ni dalla via.

Jeu sperel zun fetg, che vus veglies ponderar quei en in propri bien clima e buna luna e lura prender in conclus, ch'ei per mei e per las paupras buobas in grond levgiament.

In grond Dieus paghi ed ils mes il pli respectai salids

St. Schuler, caplon

Nota bene!

Liquidar san ins la scola da Selva aunc uonn buc. Pigl onn 1958/59 duvrein nus la scola da Selva, perquei che nus havessen mai anflau plaz per ils affons da Selva/Tschamut ellas autres classa e scolas. Tuttas classas da Sedrun e Rueras ein uonn propri fullanadas.

Igl onn da scola 1958/59 daventa il davos onn da scola pils vischins e vischinias da Selva e Tschamut. Cugl onn da scola 1959/60 serendan ils paucs affons da Dadens igl Uaul a Rueras a scola.

Vendita dalla scola

Ils 16 da fevrer 1964 venda la vischnaunca la casa da scola a Sut Crestas. La notizia el cudisch da protocols da vischnaunca ei cuorta e precisa.

16 da fevrer 1964 Signur president orientescha sur interessents e dils motivs pertgei ei cunvegni da vender la scola a Sut Crestas. Era han ils vischins da Selva e Tschamut sin incarica da signur president priu posiziun en caussa ed ein cuntents da schar vender ella. La radunanza da vischnaunca decida tras tscharcha da vender ella.

Ils scolasts

Suenter sur Deplaz, ni cugl onn da scola 1855/56, han scolasts ni scolastas surpriu l'instrucziun a Sut Crestas ni a Selva. Plirs han fatg quei senza gronda preparaziun ni ulteriurs studis, auter che giu frequentau la scola da vischnaunca, sco en biars auters loghens. Els havevan pintgas pagas, denton era pintgas expensas, essend ch'ils vischins gidavan ora generusamein ils «schuelmeisters» en lur tenercasa ch'els fagevan per ordinari sez.

Giusep Steiner, scolast a Selva da 1867 – 1870 noda il suandont sur dalla scola:

Con mal steva ei cun la scola pli da vegl, principalmein a Selva. Ins po dir ch'il bastun eri il "schuelmeister" e buca l'instrucziun. E lu san ins aunc dir, ch' avon la vegnida dil signur pader Sigisbert sco caplon, regeva ei buca il meglier uorden e schubradad en casa pervenda. Ella casa da lur spiritual era ei segir buca igl exempla che animava tier schubradad e bien uorden. Quei che la presenta generaziun vesa uss, ni quei ch'ei vesevan avon siatonta ni otgonta onns. Tgei differenza!

Quel, pader Sigisbert, ha lu buca vertiu la scola leu en sia habitaziun digl unviern, essend quei memia grond disturbi per in spiritual. La scola ei lu vegnida fatga entgins unviarns en ina stiva d'in pur leu sper baselgia e pli tard lu baghegiau ina casa da scola. Gia plirs unviarns ein ils caplons nuota ir a Sut Crestas per habitar leu.

Ils scolasts / as ch'ein stai a Selva:

1855/1857	Gion Paul Riedi da Tschamut
1857/1859	Balzer Anton Curschellas da Surrein-Tujetsch,
1859/1860	Gion Battesta Matiuet da Cumpadials, 120 frs. paga e 22 jamnas scola
1860/1861	Gion Giusep Monn, Cumpadials,
1861/1863	Rudolf Cavelti, Sagogn, haveva era da scaldar la pegna dalla scola, nua ch'ei vegneva duvrau bostga e striaunas. Cavelti, in giuven da 16 onns, ha giu scret inagada a casa sur da quei, per dar ina idea dall'altezia, enten la quala el sesanfli!
1863/1865	Gregori Capeder da Curaglia. Ei staus igl emprem che ha dau scola ella casa da scola nova.
1865/1867	Stiafen Albin da Mumpe-Medel
1867/1870	Giusep Steiner, Selva
1870/1872	Rosa Berther, Selva
1872/1908	Duri Riedi, Rueras, 36 unviarns
1908/1909	Onna Maria Caplazi, Surrein-Sumvitg
1909/1910	M. Blumenthal
1910/1915	Giachen Fidel Berther, Rueras
1915/1917	G. Salm, Mustér
1917/1919	Giachen Benedetg Venzin dad Acla-Medel (Scolast Giachen Benedetg Venzin dad Acla-Medel ei sedisgraziaus d'ir a catscha da camutschs enta Medel, ils 7 d'october 1919.)
1919/1920	Sivester Simeon, Lantsch
1920/1922	Anna Schuoler, Sumvitg
1922/1924	Pia Candinas, Sumvitg
1924/1925	Eusebi Cavegn da Breil (morts 1956 il davos d'avrel).
1929/1933	Maria Ursula Catarina Cavegn da Rueras
1933/1934	Josef Derungs, Camuns
1934/1939	Josef Gieriet, Tujetsch
1939/1943	Gieri Cavegn, Breil
1943/1944	Ludivic Hendry, Cavorgia
1944/1945	Vigeli Berther, Camischolas
1945/1946	Felici Hendry, Cavorgia
1946/1950	Mathilda Halter, Surcuolm
1950/1951	Giusep Giossi, Rueras, morts ella lavina dils 20 da schaner 1951
1951/1953	Alfons Schmet, Sedrun
1953/1955	H. M. Schlanser, Surrein-Sumvitg
1955/1956	Lorenz Paulin, candidat-scolast, Schluein
1957/1958	Albert Deplazes (seminarist)
1958/1959	Mario Gadola, Mustér
	Aluis Tuor, Cumpadials (seminarist)
	Luregn Carigiet, Breil/Dardin (seminarist)

Scola da lavur

1905/06	M. Berther
1906/07	Marg. Berther
1909/10	M. Jul. Berther
1921/22	Maria Berther, Rueras
1923/24	Pia Candinas
1930/31	Maria Ursula Cavegn



Scola cumplessiva da Sut Crestas cul scolast H. M. Schlanser

8. Scola e scolasts da Cavorgia

Surrein e Cavorgia fuorman ils dus sulets vitgs dalla vart dretga dalla Val Tujetsch. Cavorgia schai il pli giud via ed el lontan da Sedrun. Quei ei senza dubi stau il motiv essenzial ch'il vischinadi sez ha vuliu ina scola. Cun Sedrun enesemen ein els stai ils piuniers ed han eregiu lur scola igl onn 1848.

Decan e plevon da Sedrun, sur Giusep Hitz, sevolva cun in scriver agl uestgiu da Cuera. Ils 20 da schaner 1840 vegn la risposta digl «Ordinariats-Officium» da Cuera:

Tavetsch an Herrn Decan und Pfarrer Joseph Hitz

Auf das geziemende Ansuchen Namens der Einwohner des dortigen Filialhofes Cavorgia, es möchte demselben ein kleiner Beitrag aus dortiger vermöglichen Kapelle S. Lucii zur Haltung einer eigenen, wegen dem weiten und oft lebensgefährlichen Wege zur allgemeinen Pfarrschule, fast unentbehrlichen Hofschule bewilligt werden, erlaubt das Ordinariat, dass alljährlich ein Beitrag von fl. 20 aus benannter, dortigen Kapelle als Salarium eines Lehrers verabfolgt werden können gegen dem, dass

- 1. die Einwohner für die Nahrung des Lehrers selbst sorgen möchten,*
- 2. alle Kinder zur Schule, und allen Eltern derselben zum Unterhalt des Lehrers pro rata verpflichtet seien, dass*
- 3. Lehrer und Schule unter die Aufsicht des Pfarrers gestellt seien, und dass letzterer befugt sei, sowohl Materialien als Personalien der Schule zu entfernen, wenn sie den guten Sitten, oder der Reinheit der katholischen Lehre gefährlich werden sollten, endlich*
- 4. dass diese Bewilligung auf zehn Jahre beschränkt sei, indem man erwartet, dass bis dorthin andere Hilfsquellen für diese Schule ausfindig gemacht werden können.*

Chur, am 20. Jänner 1840

Das Ordinariat-Officium für Selbes Jac. Fr. Riesch, Cancellier.

(Archiv communal Tujetsch)

Ina interessanta notizia cumparida ella pressa romontscha, en igl Amitg dil Pievel (I) 1841, nr. 50., secloma:

"Cavorgia in hof da paucas casas en Tujetsch duei haver concludiu da baghegiar ina casa da scola. In exemplu che mereta imitaziun. Contas grondas vischnauncas dat ei, nua ch'ins ha negina casa da scola."

(Amitg dil Pievel (I) 1841, nr. 50)

Igl onn 1848 vegn la casa da scola finalmein erigida. El contract dils 3 d'avrel 1848, davart il baghegiar la scola a Cavorgia, stat ei scret:

Ei daventau in Contract denter la Comissiun de Scola dina wart e maister Gion Antoni Schmedt de lautra wart. Maister Gion Antoni Schmedt surpren da baghegiar ina Casa de Scola a Cavorgia en largezia denter las Preits 10 ½ bratscha en largezia de mintga maun, che duei vignir faitg ina Stiva, in Stebli de trei e miez Bratscha e la Stiva 7 bratscha sin mintgia maun, con aung ina Combra el Giebel, deigi lura vigniu mess si Isiarchels e Canals e tablegiau las Grundas sin tuts mauns sut si. La stiva e stebli deigien ristar l'altezia de 13 quartas. Per quella lavour paga la Comissiun al detg Schmedt in Capital de 85 fl digiel oitgiontatschun Risculdis, e dus Thalers remess. Il Capital veing pagaus duas tiarzas sin Datun proxim, et ina tiarza deigi vignir dau empau pli liung tems, nonessent el Cass de saver pagar tut. Il maister ei lura obligaus de far la Lavour sco ei auda. La Lenna deigi vignir dulada sco quella dil Mucli ei stada dulada.

Tujetsch ils 3 de Avrel 1848.

*Joseph Ant. Durgiai, Farrer
Johann Jacob Beer, Actuar*

(Archiv communal Tujetsch)

Era per il pinar ora e mobiliar la scola ei stau fatg in contract.

*Tujetsch, ils 23 de Avrel 1849,
eis ei daventau il sequent Accort de lavour denter Sigr. Lucas Caveng e Sigr. scarvon Monn
en Num della Comissiun de Scola e Meister Gion Antoni Schmed a risguart il pinar ora la
Casa de Scola de Cavorgia et ei sco suonda:
1mo Sto il Meister Gion Antoni far ella maldigiada Casa dus Plentschius perdius en Stiva e
Stebli castrai, e dus surengiu, dapli dus suren en il madem Stebli e Stiva. Item on cuschina
in plentschiu suten daven dilg Esch casa entochen dadens ilg Esch Stiva, e suren avon
Combra era il madem, sco era il plentschiu sura della Combra dilg Giebel.
2do In esch casa fatergiau, dus Eschs cun tablas sin la Stiva e Stebli et in cun arigels sin la
Combra. Tuts quels Eschs sto el anferar e meter si.
3to Ina Scalla per ira sin Combra, e far oitg barcuns e quels anferar e meter si els, item
tabliar entuorn la peginia e far ina fanastrel sut quella en.
4to Supias entuor la Stiva daven din Esch entochen lauter et era ina meisa, della Stiva
liunga. Sco era ina supia de quella lungezia. En Stebli in letg et ina meisa ordinaria e duas
supias pintgias cun artg. Fus ei era aung de basegns de meter en ischenschels sehe eis el era
tier quei obligaus.
Tut quella Lavour sto lura esser buna e solida. Per quella lavour paga la Comissiun de Scola, f
55 dico tschunconta tschun renschs, sin ilg atun proxim de quest onn. Duess aber la lavour
per munchoza dellas aissas buca saver vegrir fatgia entira en quest onn, sehe veng il
pagamen faitgs mo suenter della proportioni della lavour.
Per confirmaziun dilg Sura suttascrivien las parts contrahentas. Il Meister Gion Antoni
Schmed, nunsavent scriver fa si sia Noda Casa.
Lucas Cavegn
sco Comissionau de quella vard
(Archiv communal Tujetsch)*

Davart quella casa da scola scriva scolast Giusep Steiner:

*Baghegiada eis ella sin ina muota da grep, pressapauc a mesavia denter las casas dil vitg
Cavorgia e quellas dil Plaun s. Leci. Ella ha negin tschaler, mobein ina stiva, in stebli cun
ina combretta el giebel. La cuschina ei buca spartida si e vegrir duront 10-12 seras igl atun
squitschau ora ieli da semglion en quella cuschina. Grond disturbi pil scolast quellas notgs ...
Jeu vevel ils scolars dils davos onns che vevan tut lur geniturs ch'eran stai a scola tier mei.
(Ord las notizias da Josef Steiner. Quei scolast ei staus in original e schizun poet.)*

Sco ei para han ins era empruau in onn da metter si ina scola a Surrein.

*Sur Giachen Antoni Monn, nativo da Sedrun, naschius 1829, ha da giuven, forsa da
student, dau scola a Surrein en casa giudem da Luis Curschellas; denton probabel buca ditg.
El ei morts 1872 sco caplon da Laax.
(Notizia da pader Basel Berther)*

Cavorgia haveva carteivel gia giu avon 1848 scola zanua en ina casa privata. Sco emprem
scolast en la nova scola han ins elegiu il giuven Leci Antoni Balzart per 45 frs. Anflar
scolast era per Cavorgia buca sempel e quei ha cuzzau atras tut ils onns. Biaga ha ei dau
nuot auter che d'anflar cumpromiss, magari cun ir a Sedrun, ni ils davos onns, cu la scola
ei vegrinda menada cun agid da seminarists.

Gia 1850 scriva inspectur Placi Condrau:

*Per buca schar pli ditg la scola da Cavorgia orfonila hiel jeu cun consentiment dilg emprem
gerau (en riguard la paga) e cun cussegli dil signur Janer (en riguard il personal) pladiu leu
in scolast sut las condiziuns sco onn. Il cussegli d'educaziun vegr tenor empermischun a
schar vegrir tier ad el in susteniment de 40 frs.
(Archiv communal Tujetsch)*

Ils 7 da zercladur 1880 scriva il departament d'educaziun al cussegli da scola dalla vischnaunca da Tujetsch:

Aus den statistischen Tabellen des Schulinspektorate Kath. Oberland haben wir entnommen, dass der Lehrer der Schule in Cavorgia im letzten Schulwinter folgende Belohnung erhielt:

f 200 baar

f 100 in Naturalien

f 40 Wohnung und Holz

Sie werden hiemit eingeladen, sich beförderlichst unser vernehmen zu lassen, in was die Naturalien bestanden und wie dieselben gewerhet worden sind.

Der Vice-Präsident F. Manatschal

(Archiv communal Tujetsch)

Il pagar ils scolasts ina part cun naturalias era usitau era en outras scolas. Mo scriva il departament d'educaziun en in auter liug, ch'el seigi buca absolutamein encunter il pagar ils scolasts sin quella moda, stoppi denton pretender che quellas naturalias vegnien surdadas dil cussegli da scola al scolast, sinaquei ch'il scolast seigi buca necessitaus d'ir sez casa per casa per quellas.

La casa da scola a Cavorgia

da Cecilia Hendry-Schmid, Cavorgia

Aschi anavos sco jeu serecordel ha la casa sil grep sper la via denter la part sura digl uclaun da Cavorgia e la part sut, il Plaun s. Leci, surviu sco casa da scola. Jeu mezza hai frequentau mes onns da scola en quella digl october 1929 tochen igl avrel 1938.

La sempla casa da duas alzadas fuva tablegiada ordadora cun slondas. Damai ch'ella era tschentada sil grep havev'e negin tschaler. Atras in ferm esch-casa vegnev'ins en in pierti aschi grond sco circa ina tiarza dalla mesira dil plaun terren. Seniester steva ina scala per ir en l'alzada sura cun ina combra. Si cheu fuva tut il material vegl e buca duvreivel. Dretg el pierti fuva l'entrada per la stiva da scola. Gest speras era il tgamin cun la bucca pegna e davostier ina furnascha da mir per cuschinlar. Las preits e plantschiu sura fuvan stgir-brinas dil fem.

En quei pierti sesanflava da lezs onns in spezial indrez per struclar ora ieli semmlin. Sper la preit entadem il pierti fuva baghegiau si cun ferms quaders igl indrez per il torchel da smaccar. Giez vegneva fatg cun dar aigra cun in liung e ferm quader lenn. Quei quader da circa quater meters steva tut ils onns per liung dil pierti entochen ch'ins ha entuorn 1950 dismiss tut quei uorden. Ina finiastra entadem il pierti deva empau glisch.



crucifix. Sin ina preit pendevan duas cartas da geografia, ina dalla Svizra ed ina dil

La stiva fuva biars onns partida si en dus locals. Ord munconza da scolars ha ina famiglia viviu in cuort temps en casa da scola. Els onns ch'ei ha puspei dau scolars han ins fatg ordlunder mo ina stanza, fatg novs plantschius e tablegiau tut cun tablegiaus-tabla e fatg finiastras novas da treis varts.

La stanza fuva clara ed emperneivla. Sco decoraziun fuva mo in sulet maletg ed il

Grischun. Vid l'autra pendeven duas tablas da scriver, ina cun lingias, ina senza. Duas crunas vid la preit fuvan per metter si nos carnets da bi. Cul niev cudisch da tudestg ei vegnius daus a nus, havein survegniu in maletg da preit d'instrucziun. Pli tard ha enzatgi schenghegiau alla scola ina copia d'in maletg da Aluis Carigiet, la «vacca verda».

Il mobiliar da nossa stiva da scola fuva mudests. En in cantun ina meisa ed ina suppia cun pusal, plinavon in sempel pult per il scolast ed 8 – 9 bauns da scola. En dus da quels bauns havevan dus plazs, ils auters treis. Miez la meisa dil baun savev'ins volver si e davon il baun giu savevan ins tschentar giu la tabla da scriver da crap. Sut il plat dil baun haveva mintga scolar ina crunetta per sias caussas. Sin il suittapeis da gliestas savevan nus tener nos peis e schar luar la neiv giud nos calzers enguttai. Ils bauns eran magari bass, ils affons pli gronds havevan breigia da stender la membra. Ina gronda e buna pegna deva cauld a l'entira stanza. Il cauvitg ni in'autra persuna scaldava mintga damaun marvegl la pegna. Vid il plantschiu sura pendeva tochen 1957 ina ampla da petroli. Sch'ei fuva la damaun allas otg buca clar avunda, sche deva quella in tec clarezia, ni la sera sch'il scolast haveva aunc lavurs. Ina spina dad aua dev'ei era buca en casa. In scolar stueva ir per aua da lavar las tablas ord il begl sper il dutg. Avon casa fuva in laupiet, entadem quel in camberlet cun cumah schetg.


Nos onns da scola a Cavorgia

da Cecilia Hendry-Schmid, Cavorgia

Ils onns da mia affonza fuvan nus ina roschada affons el vitg da Cavorgia. Aschia fuva la stiva en casa da scola sil grep sper la via, duront biars onns emplenida bein cun scolars. En quella casa che stat aunc oz denter il Plaun ed enasi Cavorgia, sun jeu ida otg unviarns a scola. Nus fuvan vegn e dapli scolars en otg classas e mo in scolast. Uras da scola eran adina navenda las otg dalla damaun entochen las endisch cun ina pausa d'in quart ura. E lu da l'ina tochen las quater. Per tut las classas adina quei temps e la sonda suentermeizdi liber. La mesjamna suentermeizdi havevan ils buobs gimnastica ni schiglioc ina occupaziun ordaviert cul scolast. Las buobas havevan lu scola da lavurs manilas, cuser e far caltschiel. Ina ga ad jamna deva il caplon da Sedrun ductrina per in'ura e mesa a tuts scolars.

Suenter l'oraziun la damaun deva il scolast a mintga classa siu pensum da lavur. Per tuts, priu ora l'emprema, fuva ei ualts adina da far quen a scret entochen la pausa da mesa las diesch. L'emprema haveva d'emprender las cefras ed ils emprems quens. Denteren haveva scadina classa dapersei quen a tgau, negin vegneva da mitschar orasut.

Suenter la pausa, ch' era il scolast haveva veramein da basegns, mava nies studi vinavon. Las classas aultas, navenda la quarta tochen la tschunavla, survegnevan ils penusm per emprender tudestg. Quei deva a bein enqual da semudergiar, principalmein cun la grammatica, declinaziuns e verbs. Las classas cun pensums romontschs, leger e



grammatica romontscha en leger e scriver fuvan bein occupadas. Avon las endisch vegneva scadin aunc vidlunder da mussar ils pensums fatgs a casa. Leds ch'ei deva prest il gentar mavan nus a casa. Memia spert fuva ei l'ina e pauper quel che vegneva memia tard, per lez dev'ei in «strof», scriver giu a casa.

Suenter l'oraziun deva ils scolast a mintga classa siu pensum da far per tudestg u romontsch a scret. Quei fuvan concepts, geografia, historia dalla patria e historia naturala. Denteren vegnevan certs roms pri atras a tgau. Il scolast ch'ei staus en mes onns da scola deva bia peisa sin grammatica en romontsch e tudestg. Il cudisch da grammatica da pader Ursicin Simeon cun las colonnas da verbs regulars ed irregulars, conjugaziuns e

declinaziuns, savev'ins la fin dalla scola bunamein ordadora. Era il scriver bein e schuber fuva lu impurtont.

Cun ils scolars dallas empremas treis classas stuev'il scolast far bia exercezis a bucca. Perquei regeva gronda disciplina en scola. Mintgin stueva emprender da seconcentrar sin

sia laver e buca disturbar il vischin. Il scolast fuva attents e fageva endamen las consequenzas. Cant havevan nus buca cun regla, denton emprender poesias e da raquintar ualti savens.

Tut material da scola, per mintga classa siu cudisch da leger e quel da far quens e cudischs da tudetsg, stuevan ils geniturs pagar. Perquei artavan nus adina quels denter fargliuns. Aschia vesevan ils cudischs ora cul temps ualti mal. Da mes onns da scola havein nus duvrau la tabla da platta morta ed il greffel da crap tochen la davosa classa. Suenter las correcturas scrivevan nus in ton dils pensums en in carnet. En ils carnets scrivevan nus cun plemas da metal e tenta. Da temps en temps scrivevan nus certi pensums en tuts roms en il carnet da bi. E quei per saver tschentiar ora quels sin ina meisa, cura ch'ils geniturs vegnevan sin viseta duas ga per unviern. Igl inspectur visitava nus duas ga per onn. Ils emprems treis onns sun stada a scola tier miu aug Gion Antoni Schmed che fuva sils onns. Ina ga ha el per in motiv che jeu sai buca pli, dau a mi ina tazza cun la linguala sin miu maun aviert ora. Quei ha fatg aschi mal che jeu hai fatg il propiest da mai dar caschun pli per in tal castitg. In onn havein giu in scolast da Trun gest ord il seminari che ha giu pauca pazienzia e dau fridas a bein enqual scolar. Ils davos quater onns havein giu in scolast els megliers onns. Quel haveva buna disciplina en scola ed era buns sco in bab. Quel procurava che nus survegnevan mintga atun enzacons haras meila e parteva ora a mintga affon per purtar a casa. Sin Nadal mussava el a nus in giug e canzuns ed evidava en ils geniturs. Inaga haveva el perfin rimnau resti per ils affons e partiou ora. Tut che haveva giu grond plascher, ils geniturs ed affons. Nus havevan aunc mai enconuschiu tals benefacturs.

Tier quei scolast sun stada ils davos quater onns. Nus fuvan lu entuorn 22 scolars. Ei haveva num star cul tgau tier la laver e mirar mintgin da siu pensum. Jeu seregordei ch'ei regeva quietezia duront ch'il scolast fageva la ronda entuorn ils 7 – 8 bauns da scola. Ins udeva mo il sgarflem dil greffel da scriver sin la tabla e mintgaton ina pitgada da nos calzers enferrai cun guotas.

En las davosas classas dev'ei da suar cun igl emprender tudestg a bucca ed a secret. Nossas lecziuns da scola fuvan en las davosas classas pli e pli bia en tudestg. Aschia era il far quen, che era per nus grevs, muort las cefras zanistradas dil tudestg. Auters roms sco geografia e historia ed auter emprendevan nus adina sin romontsch. Exercezi da cant havevan nus mo inaga ad jamna circa mes'ura.

Essend nus a Cavorgia mo 2 – 3 scolars per classa, vegnev'ins mai suto en pensums a bucca. Nossas cameratas en la scola a Sedrun, cun partida affons per classa, raquintavan a nus da lur saver sefugir dallas damondas dil scolast.

Pensums a casa en quens ed auter survegnevan nus mintgadi cun paucas excepziuns, sco da Sontgaclau e Nadal. In miezdi il tscheiver raquintava il scolast en scola praulas ni ch'ins deva giugs. Inaga astgavan nus ira cul scolast a mirar teater ni a mirar in film mét a Sedrun.

Il di da fiera sogn Martin havevan nus liber. Ils buobs astgavan catschar ils tiers cul bab ensemens dallas Cavorgias oiragi tochen a Mustér e lu turnar la sera a pei a casa. In brav strapaz! Fuva la raccolta da truffels en retard, survegnevan ils scolars magari liber per gidar ils geniturs, sco era per gidar a scuder.

Cugl onn da scola 1967/68 ha la scola dil vischinadi da Cavorgia peggiau sia fin. Varga tschien onns ha quella casetta sil grep surviu sco scola e per l'instrucziun dils affons da Cavorgia. Silsuenter han ils affons da Cavorgia stuiu serender a Sedrun. (**a pei/cun bus**) Igl onn venda la vischernaunca la casa. Quella vegn midada en ina casa da vacanzas.

Ils scolasts e las scolastas

Cavorgia ha giu el decuors dil temps ils suandonts scolasts:

Avon 1855:	Muggli da Cavorgia Stiafan Beer, in onn Duri Riedi da Rueras Hermarina Fazendin da Danis Gion Antoni Soliva da Sedrun Sigisbert Monn da Mustér Genal da Surrein-Sumvitg
1856-1862	Giusep Anton Steiner da Cumpadials, cun ina paga da 100.- frs. per onn.
1862-1872	ston ils affons da Cavorgia, essend zun paucs, ira si Sedrun a scola.
1872-1874	3 onns ha Giusep Antoni Steiner dau scola a Surrein/Tujetsch, en casa da Giger per ils affons da Surrein e Cavorgia, essend ils biars da Surrein. Paga 100.- frs.
1876-1884	8 onns ha Giusep Steiner puspei dau scola a Cavorgia ed haveva retschiert ils davos onns entras beinvlentscha digl inspectur Disch la patenta d'admissiun.
1884-1894	ein ils affons da Cavorgia i a scola a Sedrun.
1894-1896	Adalbert Schuoler, Cumpadials
1898-1901	Onna Maria Caplazi, Surrein-Sumvitg
1901-1916	ein ils da Cavorgia puspei vegni a Sedrun a scola; la vischnaunca pagava in ton per affon.
1916-1917	Giachen Fidel Berther da Rueras (La primavera 1916 ha el stuiu ir schuldau; per el ha scolast Albin da Breil gidau ora a Cavorgia e finiu igl onn scolastic.)
1917-1920	Giachen Fidel Berther da Rueras
1920-1925	Silvester Simeon da Lonsch
1925-1928	Tumaisch Venzin da Sedrun
1928-1933	Gion Antoni Schmed da Cavorgia
1933-1934	Serafin Bundi, Trun
1934-1939	Gieli Cavegn, Breil
1939-1945	Teofil Schmed-Valier, Sedrun
1945-1946	Vigeli Berther, Camischolas
1946-1947	Rest Gieri Walder, Sevgein
1947-1950	Leci Jacomet, Sedrun
1950-1951	Carli Job, Trun
1951-1953	Albert Berther, Buretsch-Mustér
1953-1955	Rest Antoni Friberg, Danis. Morts duront il temps da scola.
1955-1956	Gion Giachen Steier, Lontsch
1956-1957	Jacob Baselgia, Lonsch
1957-1959	Curdin Cathomen, Breil (seminarist)
1959-1960	Mario Gadola, Mustér (seminarist)
1960-1962	Vigeli Venzin, Sedrun
1962-1963	Elsi Capeder, Pitasch (seminarista)
1963-1964	Lothar Bearth, Rabius (seminarist)
1964-1965	Tina Schatz-Cavegn, Cazis
1965-1966	Baseli Berther, Rueras (seminarist)
1966-1967	Julius Bucholzer, Rueun (seminarist)
1967-1968	Giusep Camenisch, Surrein/Sumvitg
	Gion Antoni Derungs, Surcasti (seminarist)
	Norbert Vinzens, Trun (seminarist)
	Norbert Vinzens, Trun
	Flurin Tschuor, Sumvitg
	Clara Deplazes, Rabius (seminarista)
	Rico Casanova, Mustér (seminarist)

Scola da lavur

1921/22

Barbara Capeder, Zarcuns



**Scolast Teofil Schmid-
Valier sin skis cun dus
scolars**

Il davos onn ein ils sequents scolars e scolaras aunc stai a scola a Cavorgia:

Hendry Justina	8. classa
Hendry Ida	8. classa
Hendry Cecilia	7. classa
Hendry Tresa	6. classa
Hendry Guido	3. classa
Schmid Ervin	3. classa
Peder Pia	3. classa
Peder Giusep	2. classa
Monn Cornelia	2. classa
Monn Rosmaria	1. classa
Peder Beatrix	1. classa
Schmid Jovita	1. classa

9. La scoletta

Sedrun

L'emprema scoletta en Tujetsch ei sefatga a Sedrun. L'iniziativa ei vegnida da privats e la fundaziun ha giu liug igl onn 1937. Ils iniziants, fundaturs e promoturs ein stai scolast Tumaisch Venzin da Sedrun, Placi Deragisch da Gonda e Francestg Berther da Rueras.

Cheu il protocol da fundaziun:

Sedrun, ils 15-11-1937

Radunanza per fundar ina scola da stad per affons pigns

Sut il datum dils 24 da schaner 1937 ein seradunai in tozzel umens, babs da famiglia sco era empau mummas, en casa da scola a Sedrun per fundar ina scola da stad per ses pigns. Avon dus onns havevan ualts iis medems, surdau a signur scolast Tumaisch Venzin la cumissiun da far iis necessaris pass per ina tala scola.

Sin quella radunanza dat signur scolast Tumaisch Venzin rapport tgei ch'ei seigi curriu e passau tochen uss en caussa.

Igl ei buc stau pusseivel da secunvegnir cun las muniessas ad Ingenbohl ord motiv ch'ellas pretendevan a nus da procurar per lavour per duas muniessas, il qual ei a nus buca stau pusseivel. Nuslein sperar da pli tard tuttina vegin perina cun ellas en caussa.

Igl ei lu s'annunziau ina scolasta cun diplom per da talas scolas, numnadamein la giuvna Irena Caduff da Razen. Ella ha presentau stupents attestats e recumondaziuns, aschia che signur scolast Venzin recamonda da prender ella per instructura da nossa scola.

Ils presents concludan cun il pli unanimamein da pia fundar ina tala scola. Els elegian ina suprastonza ellas persunas sco suonda: signur Tumaisch Venzin sco president, plinavon signur Lucas Cavegn-Pally, signur Albert Cavegn pasterner e sco accessurs las signuras Maria Soliva e Luisa Decurtins.

Ei vegin surdau alla suprastonza d'eleger la scolasta, da preparar statutas e procurar per il mobiliar e per iis locals.

Ins lai annunziar iis affons provisoricamein ed ei vegin annunziau circa 42 che frequentassen la scola. Recumandond quella biala ovra alla protecziun dil Tutpusseg siara il president la radunanza.



L'emprema scoletta era ina scoletta spirontamein da stad. Iis affons vegnevan tgirai ed instruiu naven dil matg entochen igl october.

L'instrucziun entschaveva allas otg e cuzzava entochen allas endisch da meizdi. Il suentermiezdi cuzzava lu naven da l'ina entochen las quater. Igl intent primar fuva surtut dad occupar iis affons e tener els giud las vias entras ina buna survigilonza. La scola veva da survir cun promover l'educaziun digl affon, esser gideivla als geniturs cun instruir enconuschienschas fundamentalas dalla baselgia catolica. Plinavon fuva ei pils pli biars geniturs in levgiament da saver occupar iis affons duront il pli grond temps da lavour sil funs.

All'entschatta variescha la vegliadetgna dils affons. Quella fuva buca fixada aschi exactamein, aschia ch'iis affons savevan ver denter treis e diesch onns.

Cugl onn 1940 surprendan las soras da Glion la scoletta a Sedrun. Quei mument ha ei dau ina midada essenziala dalla structura dalla scoletta, oravontut quei che pertucca il temps d'instrucziun. Naven dad uss era ei era scoletta igl unviern.

Las midadas cuntaschan. Ils affons da scoletta eran fetg fetg giuvens e caschunavan empaui dil tut problems e quitaus per las mussadras. Aschia fixescha il protocol da 1951 la vegliadetgna dils scolarets:

„Sin giavisch dalla sora vegn concludiu, da buca prender si scolars sut 2 onns e 10 meins.“



Igl emprem local da scoletta sesanfla en casa da scola a Sontget. Muort diever da quel per la scola sto la scoletta serender en casas privatas, aschia tier Onna Maria Derungs, en casa mulin a Gonda e lu tochen 1962 en casa da Giusep Jacomet a Gonda.

Cun la casa da scola nova a Gonda igl onn 1962 retscheiva era la scoletta ina grondiusa localidad el cumplex dil grond baghetg. Da siu dapersei egl ost han, ton las mussadras, sco ils affonets ina scoletta attractiva, gronda e sulegliva cun ils necessaris plazz da termagliar.

Igl onn 1971 obtegn Sedrun sia secunda scoletta. Quella vegn endrizzada en ina stanza da scola egl emprem plaunterren en casa da scola a Sedrun. Cun l'erecziun dalla casa Cadruvi igl onn 1977 vegn erigiu ell'emprema alzada ina stanza da scoletta e la secunda scoletta sesanfla dapi lu leu. Cun la vendita dalla casa Cadruvi vegn la secunda scoletta arranschada a Rueras. Entgins affons da Sedrun vegnan transportai a Rueras e quei succeda entochen la fusiun dallas duas scolas igl onn 2008.

La secunda scoletta sa far diever a Sedrun dil dentercumplex, in local plurivalent erigius igl onn 2006. Igl onn 2008 ei quel vegnius midaus entuorn en ina vasta scoletta. Cugl onn dat ei mo pli ina partizun da scoletta.

Localitads

1937 - 1940	Casa da scola Sontget a Gonda
1940 - 1941	Local da vieua Onna Maria Derungs
1941 - 1954	Casa Mulin a Gonda
1954 - 1962	Local da Gion Giusep Jacomet a Gonda
1962 -	Nova casa da scola a Gonda

Secunda scoletta

1971 - 1976	Stanza da scola en casa da scola nova
1977 -	Casa Cadruvi, Sedrun
- 2008	Casa da scola Rueras

Survesta

1937	Fundaziun dall'Uniun per scola dad affons pigns. Davart igl intent plaida artechel 2 dallas statutas da 1937: Ella ha igl intent da crear a Sedrun ina scola per affons da circa 3 – 10 onns duront entgins meins la stad. Entras la scola duein ils affons vegnir survigilai ed occupai ed aschia teni giud las vias. Ella duei prender giu il quitaú da casa. Quella scola duei era promover l'educaziun digl affon ed esser gideivla als geniturs d'instruir els en las enconuschienschas elementaras dalla suntga religiun catolica Promoturs e fundaturs ein stai: scolast Tumaisch Venzin, Placi Deragisch e Francestg Berther
1937-1939	Scola mo la stad; temps matg entochen october 08:00 – 11.00 e 13:00 entochen allas 16:00. In miezdi liber ad jamna.
1940	Las soras da Glion surprendan la scoletta a Sedrun, scola era il temps d'unviern
1944	Ord il protocol dalla radunanza generala: „De nos pignets l'educaziun Ei noss'emprem'obligaziun. Segidond nus en tuts graus, La benedicziun nus detschi Dieus.” Ei vegn recumandau, che tgi che ha buca la pusseivladad da far als affons en scola in per scalfins per schar scumiar, duei sespruar da tarmetter ils scolars cun calzers senza guotas. Quei daventa per schurmetg visavi las mobilias ed era per evitare caneras irritontas.
1951	Arisguard las vacanzas dat ei entgina discussiun. Havend negina scola gl'entir meins d'uost, para quei buca d'esser dil tut cunvegnent e zuar pervia dil traffic sin via etc. Las vacanzas vegnan fixadas suandontamein: Il meins da matg entir 15 dis igl uost 15 dis igl october Sin giavisch dalla sora vegn concludiu da buca prender si scolars sut 2 onns e 10 meins.
1971	Vegr aviert ina secunda scoletta a Sedrun
1972	Novas statutas
1973	Ils 12 d'avrel surpren la vischnaunca las scolettes da Sedrun e Rueras
1977	Scoletta en casa Cadruvi
.....	Secunda scoletta da Sedrun ensembe a Rueras
2008	Dapi la fusiun sesanflan omisduas scolettes a Sedrun
2009	Ina suletta scoletta a Sedrun

Uniun da scoletta Sedrun

Suprastonts dalla „Uniun da scoletta”

Presidents:

Tumaisch Venzin	1937 - 1939
sur Gion Antoni Fetz	1940 - 1947
sur Giusep Durschei	1948 - 1970
Melchior Decasper	1971 - 1973

Cassiers:

Lucas Cavegn	1937-1939
Thomas Curschellas	1940-1943
Giachen Hendry	1944-1949
Placi Deragisch	1950-1953
Giusep Flury	1954-1957

Tumaisch Cavegn	1958-1961
Ludivic Monn	1962-1963
Vigeli Hendry-Ber	1964-1970
Franzisca Cavegn	1971-1973

Actuars:

Albert Cavegn	1937-1939
Aluis Hendry	1940-1943
Christian Berther	1944-1949
Alfons Berther	1950-1955
Valentin Deragisch	1956-1959
Baseli Monn	1960-1963
Aluis Cavegn	1964-1968
Giachen Giusep Monn	1969-1973

Assessurs :

Maria Soliva	1937
Luisa Decurtins	1937-1939
Castgina Cavegn	1938-1939
Placi Soliva	1940-1943
Anna Berther	1940-1943
Maria Deragisch	1944-1957
Josefa Cavegn	1944-1954
Rusina Valier	1955-1969
Catrina Soliva	1958-1963
Rosa Hendry	1964-1970
Alexandra Curschellas	1970-1973
Battesta Monn	1971-1973

La suprastanza era responsabla per tut ils fatgs da scoletta. Mintga commember dalla suprastanza era responsabels per ina sparta dalla laver en favur dils affons ni dalla mussadra. En tutta cass era la scoletta ina caussa bein organisada.



Sora Paulina cun 48 affons

Mussadras da scoletta:

Sedrun

Irena Caduff	1937-1938
Maria Cahannes	1938
Sora Annunziata Scherrer	1940-1941
Sora Renata Deflorin	1942-1949
Sora Paulina Philip	1950-1964
Sora Geresina Candinas	1965-1979
Leonora Cavegn	1971 / 1972
Sora Ulrica Flury	1973-1998
Sora Adelina Demont	1979 / 1980
Michelina Cavegn-Schmet, Sedrun	1980-1986
Evelin Schnoz, Mustér	1986 / 1987
Wilhelmina Venzin, Rueras	1987 / 1988
Evelin Schnoz, Mustér	1988 / 1989
Riccarda Soler, Bugnei	1989-1994
Petra Berther, Camischolas	1994-1998
Manuela Monn, Sedrun	1999 / 2000
Sibylle Pfiffner, Camischolas	2000 / 01
Romana Deragisch-Hendry, Bugnei	2001 / 02-2005 / 06
Flavia Cantieni, Danis	2006 / 07-2008 / 09

Scoletta per l'entira vischnaunca a Sedrun

Letizia Berther, Camischolas	2009-2014
Gelgia Deplaz, Rueras	2009-2019
Romana Deragisch-Hendry, Bugnei	2014-
Flurina Manetsch, Mustér	2019-



Sora Geresina en scoletta a Sedrun

Scoletta a Rueras

Ils vischins da Rueras han spitgau ualti ditg sin lur scoletta Quella ei veginida aviarta igl onn 1966 per 25 affons sin iniziativa da Sep Fidel Berther. Probabel era il basegns per ina tala instituziun a Rueras buca aschi gronds. Las famiglias spirontamein purilas e numerosas vevan ord ils pli differents motivs tochen lu aunc buca giu basegns da quei sustegn. Forsa ha era la situaziun dil vitg contribuiu a quella tenuta – pli puril che Sedrun. A Sedrun derivavan numnadamein ina gronda part dils affons da famiglias buca purilas, silmeins tochen viaden els anno 1950. Ils vischins da Rueras han fundau in'atgna uniu per lur scoletta.

Localitat

Tier la construcziun dalla casa da scola a Rueras fuva la necessitat d'ina scoletta aunc buca dada. Ord motivs da spargn vegn la scoletta strihada ord il project. En quella radunanza da vischnaunca dils 20 d'avrel 1958 croda il suandont votum arisguard ina scoletta:

Arvend signur president la discussiun, fa gerau Toni Hitz menziun dil schar curdar la scoletta, sperond che la vischnaunca vegni in di encunter als da Rueras sin ina moda ni l'autra sch'ei semuossa in di in basegns per ina tala.

Aschia ha l'emprema scoletta da Rueras immediatamein anflau suttetg ella nova casa da scola, gl'emprem ella secunda alzada e pli tard ella emprema. Ils davos onns a Rueras ei la scoletta veginida engrondida cun far ora in esch cun access en l'autra stanza.

Mussadras a Rueras

Rita Berther, Rueras	1966-1970
Jazinta Giossi, Rueras	1970-1972
Rita Venzin, Rueras	1972-1982
Franzisca Gieriet, Rueras	1982-1988
Letizia Berther-Loretz, Camischolas	1988-1993
Gelgia Deplaz, Rueras	1993-2008



Scoletta da Rueras culla mussadra Rita Venzin.

La vischnaunca surpren

Ils 12 d'avrel 1973 ha la radunonza da vischnaunca decidiu unanimamein da surprender las treis scolettes existentes a Tujetsch: duas a Sedrun ed ina a Rueras. Cheutras ha ella confirmau la gronda muntada ch'ella attribuescha allas scolettes e documentau spért da solidaritad enviers las famiglias cun affons pigns.

•••••••

Oriundamein era la scoletta plitost ina levgera per las mummas suroccupadas. Beingleiti ein ins denton vegni cunsients dalla gronda muntada dalla scoletta per l'educaziun ed il svilup digl affon.

La scolaziun dallas mussadras e mussaders da scoletta ei semidada da rudien. La scolaziun ei daventada fetg professiunala e fa grondas pretensiuns als participonts / as.

Il pensum principal dalla scoletta ei da preparar igl affon per la veta da mintgadi, mo oravontut era per l'entrada en scola primara. Ils termagls ed il termagliar ei segiramein aunc fetg essenzial, denton tut igl auter ha oz priu en ina gronda ed autra dimensiun.

Aschia vesa ina mussadra il pensum dalla scoletta:

Nies pensum principal ei da promover surtut sis aspects. Quei ein inaga igl aspect cognitiv, promoziun dil lungatg e la percepziun dils senns, lu igl aspect social, che dueigi mussar agl affon co luvrar ensemble, co ir entuorn cul concarstgaun. Plinavon empruein nus da promover aunc igl aspect motoric, creativ,emoziunal ed igl aspect voluntativ, affon empren da dir ord atgna volontad tgei ch'el vul.

10. Il cussegli da scola

Ina cumissiun da scola vegn per l'emprema gada eligidas ils anno 1840. Las empremas incumbensas ein stadas il preparar l'erecziun dallas casas da scola. Mintga vischinadi veva ses responsabels.

Ina impurtonta caussa ei medemamein stada la fiananziaziun dallas scolas e dils scolasts. Aschia ei vegni fundau fondos. All'entschatta ein quels meinsvart vegni carschentai cun collectas els vischinadis, cun cotribuziuns dil cantun e schizun cun contribuziuns singulares da vischins. Pli tard ha ei lu dau in cussegli da scola che miarva sin tuttas scolas da vischnaunca. Igl emprem uorden en quei grau datescha digl onn 1866.

Uorden da scola da 1866

Per direger las scolas dalla vischnaunca els differents vischinadis, legia la vischnaunca mintga dus onns ora in cussegli da scola da 6 commembers, cun il signur farrer vitier, e quel legia ord siu miez in president.

Il cussegli da scola ha l'obligaziun e l'autoritat da cun entelgentscha dils appartenents vischins, pladir ils scolasts per tut las scolas en vischnaunca sco era leger ora in cassier u ugau, il qual ha da administrar il fondo da scola general, sco era da mirar che las casas da scola ed ils affects enten quellas vegnien manteni en bien uorden.

Il cussegli da scola 1935

L'administraziun dils fatgs da scola vegn exequida dil cussegli da scola, il qual consista ord ils spirituels dalla vischnaunca, il president communal e 5 cussegliers. Conform alla ordinaziun cantunala seconstituescha el sesez cun eleger in president ed igl actuar. Ultra dallas funcziuns surdadas ad el entras l'ordinaziun cantunala ha el aunc outras competenzas e funcziuns:

- a) cun trer tier la suprastanza communalala elegia el mintgamai per dus onns ils scolasts e scolastas sco era eventuala servitud necessaria,
- b) scolasts u scolastas che fan buca lur duer san sin conclus dil cussegli da scola da tut temps vegnir relaschai, pia era enteifer la perioda da dus onns. Per scolasts e scolastas novas ei igl emprem onn, onn d'emprova. L'elecziun duei vegnir communicada a scadin scolast ni scolasta en secret cun las condiziuns da survetsch,
- c) il cussegli da scola fixescha il diember da classas enteifer las scolas ed empeila e survigilescha las scolas en fatgs da disciplina,
- d) el viseta silmeins 3 gadas ad onn tut las scolas e tegn ina gada ad onn ina conferenza cun ils scolasts sur fatgs da scola e deliberescha cun quel schiglioc tut quei che fa basegns. Per promover bunas relaziuns da scola, bien contact cun las famiglias, cun scolasts e cussegli, eis ei recumandeivel da tener ina gada ad onn ina aschinumnada sera da geniturs,
- e) il cussegli da scola reponderescha tuttas moziuns e reclamaziuns ariguard fatgs da scola, fatgas dalla suprastanza, dalla vischnaunca ni da particulars e fa sin giavisch las resp. proposiziuns.

Il cussegli da scola 1964

L'administraziun e la survigilonza dils fatgs da scola e da cuors da perfecziun ei caussa dil cussegli da scola. Quel secumpona dil president communal e da 9 commembers. Sche pusseivel dueien ils spirituels dalla val vegnir elegi el cussegli da scola. El seconstituescha sesez cun eleger in president ed in actuar.

Cumpetenzas e funcziuns:

1. Ensemen cun la suprastanza communalala elegia e relai el ils scolasts e las scolastas. Las elecziuns vegnan fatgas mintga dus onns. Per scolasts e scolastas novas ei igl emprem onn, onn d'emprova. L'elecziun duei vegnir communicada a scadin scolast ni scolasta en secret cun las condiziuns da survetsch.
2. Controlla dil menaschi da scola e la preponderaziun ed erecziun d'in uorden da scola. Quel ha da vegnir approbaus dalla radunanza communalala.
3. El fixescha entschatta da scola, finiziu da quella e las vacanzas.
4. El procura per bien manteniment dallas localitads da scola e per mieds d`instrucziun.

5. El pronunziescha castitgs per grevs surpassaments disciplinars e polizials d'affons a norma dalla legislaziun cantunala e federala.

Il cussegl da scola 1965

Il cussegl da scola secumpona dad 11 commembers, incl. il president communal ed ils augsegners della pleiv che fan part dad el ex officio. Mintga vischinadi duei esser representaus sco tochen dachen. Il cussegl da scola seconstituescha sesez, mintgamai all'entschatta d'in bienni d'uffeci suenter las elecziuns communalas.

Cumpetenzas e funcziuns:

- a) Ensemens culla suprastanza communalia elegia e relai el ils scolasts e las scolastas. Las elecziuns vegnan fatgas mintga dus onns. Per scolasts e scolastas novas ei igl emprem onn igl onn d'emprova. L'elecziun duei vegnir communicada a scadin scolast ni scolasta en secret cun las conduziuns da survetsch.
- b) Controllescha il menaschi da scola e la prepoteraziun ed eredziun d'in uorden da scola. Quel ha da vegnir approbaus dalla radunanza communalia.
- c) El fixescha l'entschatta e finiziun da scola e la secunda jamna da vacanzas.
- d) El procurescha per bien manteniment dallas localitads da scola e per mieds d'instrucziun.
- e) El pronunziescha castitgs per grevs surpassaments disciplinars e polizials a norma dalla legislaziun cantunala.
- f) Pertuccond igl artechel 21 dalla lescha da scola cantunala promova il cussegl da scola contacts denter geniturs e scola e procurescha da temps en temps radunonzas dils geniturs ensemen culs scolasts ed il cussegl da scola.
- h) Il cussegl da scola elegia era il mieri da scola, il mieri-dentist per las scolas e survigilescha il survetsch da quels.

Il cussegl da scola 1973

La direcziun e survigilonza dils fatgs da scola e da cuors da perfecziun ei caussa dil cussegl da scola.

Quel secumpona da siat commembers e seconstituescha sesez. Elecziun vegn fatga dil pievel all'urna. En damondas che pertuccan l'instrucziun vegn in representant dils scolasts envidaus cun vusch consultativa allas sessiuns dil cussegl da scola. Il commember dalla suprastanza, incumbensaus cun la tgira dil scolarescer, appartegn d'igl uffeci anora al cussegl da scola. Scadin commember dil cussegl da scola che assista allas sedutas, ei obligaus da votar.

Cumpetenzas e funcziuns:

- a) elegia e relai ensemblamein culla suprastanza communalia scolastas e scolasts,
- b) controllescha il menaschi da scola, predeliberescha ils regulativs da scola per mauns dallas instanzas cumpetentas,
- c) fixescha l'entschatta e la finiziun dalla scola sco era las vacanzas,
- d) procura per bien manteniment dallas localitads e per mieds d'instrucziun,
- e) fixescha ils castitgs per grevs surpassaments disciplinars e polizials d'affons a norma dalla legislaziun cantunala e federala,
- f) propone onn per onn per mauns dil preventiv communal ils importos che duein vegnir resalvai per intents da scola.

Il cussegl da scola 1993

La direcziun e la survigilonza dils fatgs da scola e da cuors da perfecziun ei caussa dil cussegl da scola. Quel secumpona da 5 commembers e seconstituescha sez. Scolastas e scolasts dallas scolas communalas e lur parents tenor art.7 dalla constituziun astgan buca appartener al cussegl da scola. Il commember dalla suprastanza, incumbensaus cun la tgira dil scolarescer, appartegn d'uffeci anora al cussegl da scola. Scadin commember dil cussegl da scola, che assista allas sedutas, ei obligaus da votar.

Cumpetenzas e funcziuns:

- a) Elegia, relai scolastas e scolasts ensemen cun ils commembers dalla suprastanza communalia.

- b) *Sustegn e segida a moda cooperativa cun scolastas e scolasts.*
- c) *Controllescha il menaschi da scola, predeliberescha ils regulativs da scola per mauns dallas instanzas cumpentatas.*
- d) *Fixescha l'entschatta e la finiziu dalla scola sco era las vacanzas.*
- e) *Procura per ils mieds d'instrucziun.*
- f) *Fixescha ils castitgs per grevs surpassaments disciplinars e polizials d'affons a norma dalla legislaziun cantunala e federala.*
- g) *Propona onn per onn, en collaboraziun culs scolasts, per maun dil preventiv communal ils imports che dueien vegnir resalvai per intents da scola.*

Gia 1866 veva il cussegli da scola certi pensums ch'el stueva ademplir. Quels eran formulai clar e bein egl uorden da scola. In pensum dil cussegli da scola ch'ei mai semidaus ei d'eleger ils scolasts e las scolastas per la vischnaunca. Quei ch'ei era adina restau, ei l'obligaziun dil cussegli da scola da procurar per in bien manteniment dallas localitads e per mieds d'instrucziun. 1866 eran quei lu ualti tuts pensums dalla cumissiun da scola, sco quei ch'ella vegneva numnada pli baul.

Naven da 1935 ein las funcziuns dil cussegli da scola vegnidias slargadas. Ina nova funcziun ei la promozion da contacts denter geniturs e scola daventada. In'altra nova ei il sustegn ed igl agid per scolasts e scolastas e surtut, ch'il cussegli da scola ei era promts da collavurar culs scolasts.

Midadas

Quei ch'ei denton adina puspei semidau, ei il diember da commembers dil cussegli da scola.

Commembers/ras dil cussegli da scola

1847:

signur scarvon Monn
 substitut Stiafen Monn
 Hans Giachen Beer
 signur mistral Gieriet
 statalter Paul Wenzin,
 statalter Hans Giachen Decurtins
 statalter Gion Andriu Berther
 statalter Vigeli Wenzin
 statalter Lezi Mucli
 statalter Sep Antoni Mucli

1853:

Lucas Cavegn
 statalter Duri Monn
 statalter Vigeli Beer
 Gion Antoni Berther
 statalter Gion Rest Monn
 statalter Giachen Wenzin
 Era ils signurs spirituals e geraus dueigein
 esser leutier ed il segnerfarrer dueigi era
 esser elegibels sco president.

1865:

statalter Vigeli Giacumet
 Duri de Florin
 Gion Antoni Berther
 Giachen Antoni Deflurin

1855:

Vigeli Berther
 Gion Antoni Monn
 Gion Antoni Berther
 Giachen Martin Berther
 Fidel peder

1867:

Lezi Huonder
 Duri de Florin
 Gion Antoni Berther
 Giachen Antoni Deflurin

Martin Peder
Gion Antoni Curschellas

1877:
Gion Andriu Berther
Leci Huonder, Sedrun
Vigieli Deragisch
Tumaisch Schmed
Fidel Venzin
Gion Antoni Berther

1881:
Duri Venzin
Vigieli Venzin
Tumaisch Schmed
Gion Andriu Berther
Leci Huonder, Sedrun
Vigieli Deragisch

1885:
Signurs spirituals Farrer e caplon
Gion Antoni Peder
Gion Antoni Cavegn
Gion Pally
Tumaisch Schmed
Leci Huonder, Sedrun
Hans Giachen Decurtins

1889:
Sur Gion Antoni Venzin, Rueras, president
Augustin Riedi, Tschamut
Hans Giachen Decurtins
Giachen Martin Beer, Rueras
Leci Huonder, Sedrun
Gion Fidel Riedi, Zarcuns
Tumaisch Schmed, Cavorgia

1891:
Augustin Riedi, Tschamut
Giachen Martin Beer, Rueras
Gion Fidel Riedi, Zarcuns
Hans Giachen Decurtins
Leci Huonder, Sedrun
Tumaisch Schmed, Cavorgia

1895:
Leci Huonder, Sedrun
Gion Antoni Monn da Stiafen
Giachen Martin Beer
Felici Monn
Luis Hendry
Vigeli Venzin

1899:

102

Martin Peder
Gion Antoni Curschellas

1879:
Gion Andriu Berther
Leci Huonder, Sedrun
Vigieli Deragisch
Tumaisch Schmed
Fidel Venzin
Gion Antoni Berther

1883:
Signur caplon Berther,
president Signur Farrer
Fidel Venzin
Gion Antoni Cavegn
Tumaisch Schmed
Vigieli Deragisch
Leci Huonder, Sedrun
Gion Andriu Berther

1887:
Eduard Muoth, plevon
Augustin Riedi, Tschamut
Giachen Martin Beer, Rueras
Gion Fidel Riedi, Zarcuns
Tumaisch Schmed, Cavorgia
Leci Huonder, Sedrun
Hans Giachen Decurtins, Sedrun

1891:
Augustin Riedi, Tschamut
Giachen Martin Beer, Rueras
Gion Fidel Riedi, Zarcuns
Hans Giachen Decurtins
Leci Huonder, Sedrun
Tumaisch Schmed, Cavorgia

1893:
Leci Huonder, Sedrun
Gion Antoni Monn
Vigeli Berther
Gion Antoni Battesta
Tumaisch Schmed, Cavorgia
Vigeli Venzin

1897:
Sur Gaudenz Engler, plevon
Leci Huonder, Sedrun
Gion Antoni Monn da Stiafen
Giachen Martin Beer
Felici Monn
Luis Hendry
Vigeli Venzin

1901:

Signur farrer sur Venzin, president
Leci Huonder, Sedrun
Gion Antoni Monn
Felici Monn
Gion Martin Beer
Vigeli Venzin, Selva
Thomas Schmed, Cavorgia

Rev. sgr. farrer
Signur benifiziat da Rueras
Leci Huonder, Sedrun
Gion Antoni Monn, Sedrun
Felici Monn
Giachen Martin Beer
Thomas Schmed, Cavorgia
Vigeli Venzin, Selva

1903:
Sur Gaudenz Engler
Giachen Fidel Cavegn
Tumaisch Berther
Tumaisch Schmed, Cavorgia
Flurin Venzin, Selva
Leci Huonder, Sedrun
Gion Antoni Monn

1905:
Augsegners
Leci Huonder, Sedrun
Tumaisch Berther
Giachen Fidel Cavegn
Gion Andriu Monn
Flurin Venzin da statalter Fidel, Selva

1907:
Signurs augsegners
Leci Huonder, Sedrun
Gion Andriu Monn
Giachen Fidel Cavegn
Flurin Venzin da statalter Fidel, Selva
Giachen Giusep Deflorin

1909:
Augsegners
Leci Huonder, Sedrun
Gion Fidel Caduff, Rueras
Bruno Soliva
Giachen Giusep Deflorin
Flurin Venzin da statalter Fidel, Selva

1911:
Signurs augsegners
Leci Huonder, Sedrun
Gion Fidel Caduff, Rueras
Gion Andriu Berther, Camischolas
Gion Antoni Peder, Selva
Florentin Cavegn, Sedrun

1913:
Augsegners
Leci Huonder, Sedrun
Gion Fidel Caduff, Rueras
Florentin Cavegn, Sedrun
Vigeli Valier, Camischolas
Gion Antoni Peder, Selva
«..... elegia la vischnaunca sgr. Leci
Huonder per veta duronta sco commember
d'honur dil cussegl da scola.”

1915:
Signurs augsegners
Leci Huonder, Sedrun
Florentin Cavegn, Sedrun
Vigeli Valier, Camischolas
Gion Antoni Hitz, Rueras
Gion Antoni Peder, Selva

1917:
Rev. Sgr Farrer
Gion Antoni Peder, Selva
Gion Antoni Hitz, Rueras
Vigeli Valier, Camischolas
Florentin Cavegn, Sedrun
Leci Huonder, Sedrun
Giachen Martin Hendry, Cavorgia

1919:
Ils rev, sgr. plevons
Gion Antoni Peder, Selva
Gion Antoni Hitz, Rueras
Vigeli Valier, Camischolas
Florentin Cavegn, Sedrun
Leci Huonder, Sedrun
Giachen Martin Hendry, Cavorgia

1921:
Gion Antoni Peder, Selva
Baseli Berther, Rueras/Dieni
Vigeli Valier, Camischolas
Florentin Cavegn, Sedrun
Giachen Martin Hendry, Cavorgia
ed ils rev. augsegners

1923:
Gion Antoni Peder, Selva

1925:
Rev. signur farrer

Baseli Berther, Rueras/Dieni Vigeli Valier, Camischolas Florentin Cavegn, Sedrun Giachen Martin Hendry, Cavorgia ed ils rev. augsegners	Rev. signur caplon Vigeli Valier, Camischolas Florentin Cavegn, Sedrun Baseli Berther, Rueras/Dieni Vigeli Venzin, Selva Vigeli Hendry, Cavorgia
1927: Rev. signur farrer Rev. signur caplon Sep Antoni Schmed Florentin Cavegn, Sedrun Baseli Berther, Dieni Vigeli Venzin, Selva Vigeli Hendry, Cavorgia	1929: Rev. signur farrer Rev. signur caplon Sep Antoni Schmed, Zarcuns Hans Giachen Decurtins, Sedrun Baseli Berther, Dieni Vigeli Venzin, Selva Vigeli Hendry, Cavorgia
1931: Rev. signur plevon A. Fetz, president Rev. signur caplon Luregn Rageth Vigeli Venzin, Selva Baseli Berther, Rueras/Dieni Sep Antoni Schmed, Zarcuns Hans Giachen Decurtins, actuar Vigeli Hendry, Cavorgia	1933: Sur Giachen Antoni Fetz, president Sur Luregn Rageth, caplon Gion Antoni Loretz, Selva Baseli Berther, Dieni Sep Antoni Schmet, Zarcuns Hans Giachen Decurtins, actuar, Sedrun Giachen Hendry, Cavorgia
1935: Sur Luregn Rageth, president Sur A. Fetz, plevon Baseli Berther, Dieni, president communal Gion Felici Monn, Camischolas Duri Vigeli Soliva, Sedrun Duri Vigeli Cavegn, Rueras Gion Antoni Loretz, Selva Vigeli Schmed-Berther, Cavorgia	1937: Felici Monn, president communal Duri Vigeli Soliva, Sedrun Duri Vigeli Cavegn, Rueras Vigeli Schmed-Berther, Cavorgia Gion Antoni Loretz, Selva
1939: Sur G. Antoni Fetz, president Caplon L. Rageth Felici Monn, president communal, actuar Duri Vigeli Soliva, Sedrun Duri Vigeli Cavegn, Rueras Vigeli Schmed-Berther, Cavorgia Mechel Loretz, Selva	1941: Sur G. Antoni Fetz Duri Vigeli Cavegn Vigeli Schmed-Berther Mechel Loretz, Selva Benedetg Deflorin Vigeli Jacomet
1943: Benedetg Deflorin Ludwig Pally Gion Antoni Berther augsegners Vigeli Schmid-Schmid	1945: Rev. augsegners Signur president da vischnaunca Stiafen Cavegn, Sedrun Benedetg Deflorin, Camischolas Gion Antoni Berther Giusep Giger Hans Monn
1947: Rev. augsegners Signur president da vischnaunca Stiafen Cavegn, Sedrun	1949: Rev. augsegners Signur president da vischnaunca Stiafen Cavegn, Sedrun

Clemens Berther, Camischolas
Toni Gieriet, Rueras
Giachen Giusep Venzin, Selva
Hans Monn, Cavorgia

1951:
Rev. augsegners
Hans Monn, Cavorgia
Signur president da vischnaunca
Giachen Giusep Venzin, Selva
Clemens Berther, Camischolas
Leci Brugger, Rueras

1955:
Rev. augsegners
Benedetg Beer, Tschamut
President communal Placi Jacomet, Sedrun
Giachen Martin Valier, Camischolas
Leci Brugger, Rueras
Giachen Hendry, Sedrun
Gaudenz Hendry, Cavorgia

1959:
Rev. augsegners
President communal en uffeci
Benedetg Beer, Tschamut
Gaudenz Hendry, Camischolas
Victor Berther, Rueras
Christian Cavegn, Camischolas
Alfred Decurtins, Sedrun

1963:
Rev. augsegners
Benedetg Beer, Tschamut
Victor Berther, Rueras
Christian Cavegn, Camischolas
Gion Giachen Beer, Sedrun
Placi Hendry, Cavorgia

1967:
Sur. Steffan Schuler
Victor Berther, Rueras, president
Sur. Giusep Durschei, Sedrun
Sur. Martin Bearth, Rueras
Theophil Schmid, Sedrun, pres. communal
Leonhard Loretz, Sedrun
Martin Schmid, Camischolas/Zarcuns
Giusep Caduff, Rueras
Murezi Monn

1971:
Rev. sur. Giusep Durschei, Sedrun
Alexander Loretz, Rueras, president
Rev. sur. Martin Bearth, Rueras
Theophil Schmid, Sedrun

Clemens Berther, Camischolas
Toni Gieriet, Rueras
Giachen Giusep Venzin
Hans Monn, Cavorgia

1953:
Rev. augsegners
Leci Brugger, Rueras
Signur president en uffeci
Benedetg Beer, Tschamut
Clemens Berther, Camischolas
Gaudenz Hendry, Cavorgia
Stiafen Cavegn, Sedrun

1957:
Rev. augsegners
President communal Placi Jacomet, Sedrun
Leci Brugger, Rueras
Gaudenz Hendry, Cavorgia
Benedetg Beer, Tschamut
Giachen Martin Valier, Camischolas
Giusep Monn-Flepp, Sedrun

1961:
Rev. augsegners
President communal en uffeci
Benedetg Beer, Tschamut
Victor Berther, Rueras
Christian Cavegn, Camischolas
Alfred Decurtins, Sedrun
Gaudenz Hendry, Cavorgia

1965:
Rev. augsegners
Benedetg Beer, Tschamut
Victor Berther, Rueras
Martin Schmid, Camischolas/Zarcuns
Gion Giachen Beer, Sedrun
Ignazi Monn, Sedrun
Placi Hendry, Cavorgia

1969:
Rev. sur. Giusep Durschei, Sedrun
Alexander Loretz, Rueras, president
Rev. Sur. Martin Bearth
President com. Teofil Schmid, Sedrun
Leonhard Loretz, Sedrun
Giusep Caduff, Rueras
Murezi Monn, Sedrun
Luis Cavegn, Rueras

1973:
Lucas Cavegn, president, Rueras
Sur Martin Bearth, Rueras
Victor Berther, Rueras, ex. off.
Vigeli Berther, Rueras

Leonhard Loretz, Sedrun
Lucas Cavegn, Rueras
Gion Battesta Monn, Sedrun

1975:
Lucas Cavegn, president, Rueras
Victor Berther, Rueras, ex. off.
Rev. sur. Giusep Durschei, Sedrun
Vigeli Berther, Rueras/Dieni
Luis Curschellas, Sedrun
Nescha Cavegn-Giger, Sedrun
Mathilda Schmid-Halter, Rueras

1979:
Benedetg Beer, president
Sur Giusep Cathomas, Sedrun
Leci Brugger, Sedrun, ex. off.
Ervin Deragisch, Sedrun
Ludivina Loretz, Sedrun
Benedetg Deflorin, Camischolas
Paul Monn, Rueras

1983:
Conrad Berther, president, Rueras
Gion Beer, Sedrun, ex. off.
sur Giusep Cathomas, Sedrun
Ghitti Bearth, Sedrun
Paulina Cathomas, Sedrun
Baseli Hitz, Rueras
Giusep Riedi, Sedrun

1987:
Franz Schmid, president, Sedrun
Clemens Monn, Sedrun, ex. off.
sur Giusep Cathomas, Sedrun
Paulin Berther, Sedrun
Michel Loretz, Sedrun
Bernadetta Demund, Camischolas
Mario Hitz, Sedrun

1991:
Franz Schmid, president
Flurin Berther, Rueras, ex. off.
Aluis Cavegn, Rueras
Josefina Flury, Camischolas
Vigeli Hendry, Sedrun
Franziska Hitz, Rueras
Imelda Monn, Rueras

1996
Vigeli Giusep Berther, ex. off.
Gino Cavegn, Sedrun, president
Claudia Berther-Monn, Camischolas
Giusep decurtins, Sedrun
Eduard Meier, Gonda

1999
106

Nescha Cavegn-Giger, Sedrun
Luis Curschellas, Sedrun
Mathilda Schmid-Halter, Rueras

1977:
Venanzi Berther, president, Sedrun
Rev. sur. Giusep Cathomas, Sedrun
Tumaisch Monn, Sedrun, ex. off.
Paul Monn, Rueras
Nescha Cavegn, Sedrun
Flurin Monn, Rueras
Victoria Berther, Sedrun

1981:
Benedetg Beer, president
Gion Beer, Sedrun, ex. off.
Giusep Cathomas, Sedrun
Benedetg Deflorin, Camischolas
Ludivina Loretz, Sedrun
Conrad Berther, Rueras
Paul Berther, Rueras/Dieni

1985:
Conrad Berther, president, Rueras
Clemens Monn, Sedrun, ex. off.
sur Giusep Cathomas, Sedrun
Paulina Cathomas, Sedrun
Baseli Hitz, Rueras
Franz Schmid, Sedrun
Ghitti Bearth, Sedrun

1989:
Franz Schmid, president, Sedrun
Paulin Berther, Rueras
Bernadetta Demund, Camischolas
Michel Loretz, Sedrun
Mario Hitz, Sedrun
Imelda Monn, Rueras

1993:
Antonia Hendry-Loretz, presidenta, Sedrun
Vigeli Giusep Berther, Rueras, ex. off.
Judith Decurtins-Berther, Sedrun
Annamaria Monn-Tuor, Sedrun
Christian Monn, Rueras

1997
Toni Schmid, Camischolas, ex. off.
Gino Cavegn, Sedrun, president
Claudia Berther-Monn, Camischolas
Giusep Decurtins, Sedrun
Eduard Meier, Gonda

2002

Toni Schmid, Camischolas, ex. off.
Gino Cavegn, Sedrun, president
Gabharda Berther, Rueras
Giusep Decurtins, Sedrun
Eduard Meier, Gonda

2005

Toni Schmid, Camischolas, ex. off.
Bruno Berther, Rueras, president
Sonja Decurtins, Bugnei
Monika Flury, Camischolas
Eugen Degonda, Sedrun

2011

Eveline Soliva, Sedrun, ex. off.
Bruno Berther, Rueras, president
David Tuor, Sedrun
Daniel Cavegn, Sedrun
Claudia Monn-Bass, Camischolas

2017

Mario Hitz, Gonda/Sedrun ex. off.
Ronny Levy, president, Sedrun
Daniel Schmid, Gonda
Tanja Monn, Sedrun
Ursina Vinzens, Gonda

Toni Schmid, Camischolas, ex. off.
Gino Cavegn, Sedrun, president
Gabharda Berther, Rueras
Eduard Meier, Gonda
Walter Monn, Camischolas

2008

Eveline Soliva, Sedrun, ex. off.
Bruno Berther, Rueras, president
Sonja Decurtins, Bugnei
Monika Flury, Camischolas
David Tuor, Sedrun

2014

Mario Hitz, Sedrun ex. off.
Primus Deragisch, president, Bugnei
Nicole Giossi, Rueras
Pio Hendry, Sedrun
Pia Müller, Camischolas

2020

Daniel Schmid, ex. off., Gonda
Ronny Levy, president, Sedrun
Tanja Monn, Sedrun
Ursina Vinzens, Gonda
Gian Riedi, Gonda



Il cussegl da scola 2008 - 2010

Da seniester: David Tuor, Sedrun; Sonja Decurtins, Bugnei; Eveline Soliva, Sedrun, geraua ex. off.; Monika Flury, Claudia Monn-Bass, Camischolas; Bruno Berther, Rueras, president

Il cussegl da scola ha in niebel pensum – la tgira dall'instrucziun dils affons tuatschins. Buca adina ei il pensum da quei gremium levs. Tuts ein i a scola e tuts capeschian enzatgei dalla scola! Anflar la dretga via ei buca adina lev. Resumond la scola sur varga 150 onns, san ins dir senza seludar, ils cussegliers e las cusseglieras ein sestentai per ina buna scola e scolaziun.

Ils temps ein semidai e semidan. Geniturs ed affons ein sesviluppai cul temps modern

fagend autras pretensiuns a scola, cussegli e scolasts e scolastas. En tut quels onns ha ei dau bia problems da sligar, bia radunonzas, massada da protocols e scrivams e massa lavur el zuppaui enzugliai da bia quitaus e fastedis.

Las novas leschas han pretendiu midadas, nova lavur e bia auter. Novas directivas, novas spartas da scola han pretendiu engaschi da tuttas persunas involvidas cun l'instrucziun. La scola ei stada ed ei adina en in moviment e process da svilup. Buca tut ei adina stau per bien, era il moviment dils davos onns ha fatg sia scola ed enqual naufragi.

Dapi igl onn 2002 vegn il cussegli da scola levgiaus en sia lavur cun gl'engaschi d'in menader / ra da scola.

Menaders/as da scola per Tujetsch

Beni Hendry	2002 – december 2012
Manuella Schnoz	2012 – 2016
Marina Cavelti-Mathluet	2016 - 2017
Gian Reto Nufer	2017 - 2021
Sabrina Suppiger-Hendry	2021 -

11. Studis per ina fusiun dil scalem ault cun Mustér

Rapport da gestiun e quen 2013

Concept da collaboraziun per las scolas Sursassiala

Las suprastonzas communalas dallas treis vischnauncas da Sursassiala han incaricau il decembre 2012 in gruppa da lavour d'elaborar in project per ina collaboraziun dallas scolas Sursassiala. Sco cussegliader dalla gruppa da lavour ei signur Bernhard Wenger da Turitg vegnius elegius. Signur Wenger ha gia cussegliau pliras vischnauncas grischunas davart collaboraziuns sil sectur dil scolaresser. Ina collaboraziun futura sil sectur dallas scolas duei succeder sut il motto d'in dar ed in prender cun effectuar clars avantatgs concernent la qualitat dall'instrucziun sco era las structuras ed il menaschi dallas scolas. La gruppa da lavour, consistenta da mintgamai dus representants dallas treis vischnauncas, ha examinau las structuras existentes ed ha elaborau pliras variantas pusseivlas per ina collaboraziun futura dallas treis scolas da Medel, Muster e Tujetsch.

Gia el decuors dil meins da matg 2013 ha la gruppa da lavour saviu presentar allas persunas d'instrucziun, als parlaments communals ed alla populaziun dallas treis vischnauncas propostas concretas: fundar in consorzi da scola per las treis vischnauncas da Sursassiala, ina varianta cun centralisar il scalem superieur a Muster ed in'ulteriura varianta cun menar l'emprema e la secunda reala e secundara a Muster e la tiarza a Sedrun. Omisduas variantas prevedan da mantener l'instrucziun tenor il model C. Las scolettes sco era ils scalems primars duein restar vinavon eis loghens actuals e funcziunar sco tochen dachen.

Cun in scalem superieur communabel san ins tener meglier quen dil svilup negativ dil diember da scolars dil scalem superieur, l'instrucziun da nivel tenor il model C sin basa dallas qualificaziuns individualas dils scolars ei garantida ed ins sa offerir ina purschida pli multifara, p.ex. cun porscher dapli roms facultativs. Cun in scalem superieur communabel vegnessen las premissas per la recrutaziun da persunas d'instrucziun qualificadas megliuradas ed ils cuosts da menaschi vegnessen optimal.

Surprendentamein ha il departament d'educaziun cantunal midau l'entschatta fenadur 2013 las directivas concernent l'instrucziun da models pil scalem ault. La consequenza da quella midada ei che la varianta da menar il scalem superieur a Muster ed a Sedrun ei deplorablamein buca pli pusseivla. Quella varianta, presentada allas occurrentzas d'informaziun il matg 2013, ha deplorablamein stuiu vegnir satrada gia il fenadur 2013.

Ils resuns a caschun dallas informaziuns e buc il davos era ils resuns ord nossa populaziun han effectuau che la gruppa da lavour ha spustau in'eventuala realisaziun dil project per in onn. Aschia fuss ina realisaziun d'in consorzi da scola cun centralisar il scalem superieur a Muster pusseivla per igl uost 2015.

La gruppa da lavour ha surdau siu rapport detagliau davart in concept da collaboraziun per las scolas Sursassiala allas treis suprastonzas communalas per consultaziun. Quellas decidan el decuors digl onn 2014, schebein ellas vulan su ttametter il concept per in menaschi da scola communabel dallas scolas Sursassiala per votaziun al pievel.

Rapport da gestiun e quen 2014

Concept da collaboraziun per las scolas Sursassiala

A vesta dalla digren dil diember d'affons elllas treis vischnauncas Medel, Mustér e Tujetsch haveva ina gruppa da lavour giu presentau il matg 2013 differents concepts per ina collaboraziun dil scalem ault denter las treis vischnauncas. Cunquei ch'ins ei buca vegnius tier ina sligiaziun cuntenteivla per tuttas partidas, han ins stuschau ora la decisiun igl emprem per in onn. La primavera 2014 ha la suprastonza communalala lu decidiu da sistir per il mument quella collaboraziun.

Motivs:

- Il cantun ha midau il fenadur 2013 las directivas concernent il scalem ault.
- Las vischnauncas han buca s'avischinar.
- Las persunas d'instrucziun ein buca stadas fermamein davos la collaboraziun.
- Ella populaziun tuatschina ha la collaboraziun anflau fetg pintga acceptanza.

12. Ina cronologia dils baghetgs da scola

- 1848 Erecziun dalla casa da scola a Sedrun sin plaz Cadruvi
1848 Baghegiau casa da scola a Cavorgia
1850 Il vischinadi da Rueras survegn ina casa da scola
1852 Selva e Tschamut, scola a Sut Crestas. Stanza da scola en casa pervenda.
1862 Baghetg da scola a Camischolas
1863 Nova scola a Sut Crestas
1886 Nova scola a Sontget, Sedrun/Gonda
1911 Engrondiu la casa da scola a Rueras
1919 Nova casa da scola a Sut Crestas
1959 Nova casa da scola a Rueras
1962 Nova casa da scola a Sedrun/Gonda
1968 Serrau la scola da Cavorgia
1987 Engrondaziun dalla casa da scola da Sedrun cun ina annexa el nord: scrinaria, fravia e stanza da chemia
1996 Sanaziun a Sedrun:
 Tetg dalla scola
 Tetg dalla halla da gimnastica
 Cundrez da cametg
 Nova illuminaziun en stanzas da scola
 Diversas lavurs d'isolaziun
1997 Sedrun:
 Isolaziun da tuttas fatschadas
 Remplazzament da tuttas finiastras
 Adattaziuns internas
1997 Rueras:
 Rinforzau ils fundaments
 Reorganisau e sanau l'utilisaziun dil plaunterren
1998 Sedrun, tiarza etappa :
 Sanaziun dalla aula e cuschina
2000 Sedrun
 Aula, megliuraziun dall'acustica
2006 Construcziun dil dentertract denter casa pedel e scoletta sco local plurivalent. Ella scola da Sedrun ei il tract denter la sala da gimnastica e la scoletta vegnius baghegiaus ora sco sala da pliras funcziuns. Quella biala e clara stanza sa ussa vegnir druvada per il diever general dalla scola sco era per la cultura. Il tetg dall'aula ei vegnius isolaus e sanaus cun ina nova cuvrida d'iron. La cuschina ella habitaziun dil pedel ei vegnida remplazzada.
 Dapi 2008 survescha quei local alla secunda scoletta.
..... Scola Rueras, modificaziun tier l'entrada, novas localitads sanitaras per la sala ed ulteriuras midadas praticas.
 Modernisaziun dalla tribuna a Sedrun



La scola Sontget cun davostier il clavau dalla pleiv

13. Ina cronologia da midadas, eveniments, giubileums, abdicaziuns, projects ed auter tenor ils rapports annuals dalla vischnaunca (1979 – 2016)

- 1979 Emprem til da tscheiver mo culla scola da Tujetsch
- 1981 15 scolasts/as e 3 mussadras da scoletta.
- 1985 Giubileum per Vigeli Berther, 40 onns.
- 1986 Cugl onn 1985/86 va era il supplement da 5% resp. 2% alla fin. - Abdicaziun tier la scoletta da mussadra Michelina Schmet. - Negin til da tscheiver muort l'Uiara al Golf.
- 1988 Mort da scolasta Monica Pally. - La scoletta ha festivau il giubileum da 50 onns. - La scola da Tujetsch bandunan: Myriam Sossai, Franzisca Venzin-Gieriet
- 1989 Abdicaziun da Giuseppa Giossi e Wilhelmina Venzin. - Il mument examineschan las instanzas incumbensadas culs projects: fusiun dallas scolas, cumpra e scolaziun da computer e viadi denter casa e scola.
- 1990 Cun la cumpra d'in computer han ils scolasts il necessari mied per sescolar sesez per saver dar vinavon lur exprienzas a nos affons. - Leci Jacomet 40 onns scolast. - Cul patratg da mo haver vuliu fusiunar las scolas primaras surdundel quei pensum a miu successur cul ferm giavisch ch'el anfli la dretga via.
- 1991 40 onns scola per Alfons Schmet. - Cun la fin digl onn da scola banduna Miriam Manetsch la scola.
- 1992 A Sedrun han ins fusiunau la 3 e 4. classa. La 6avla classa da Rueras han ins priu a Sedrun per levgiar il scolast da Rueras. - Conclus da transportar ils scolars da Rueras, Bugnei e Surrein sur onn. - Creaziun d'ina tiarza scola secundara. - Rosvita Deplazes-Schmid ed Irena Flepp bandunan Tujetsch. - En rama d'in project preparan las classas bassas in musical cul tema «Circus».
- 1993 Igl atun 1994 ei la revisiun dalla lescha da scola vegnida approbada. - 1993/94 ei la jamna da 5 dis vegnida introducida. - Era la fusiun totala dallas classas primaras denter Rueras e Sedrun s'avonza. Igl onn da scola 1993/94 ein la 4. e 5. classa vegnidas fusiunadas. La 4. classa vegn frequentada a Rueras, la 5. classa a Sedrun.
- 1994 209 scolars/ras. - Abdicaziuns cun la fin 1993/94: Esther Decurtins, Riccarda Solèr ed Alfons Schmet.
- 1995 Introduciu la classa pintga integrada cun scolasta Nicolina Giossi. - Acquisaziun dad otg computers.
- 1996 Sin la fin 1995/96 abdicaziun da Carli Degonda. - Il schurmetg civil ha eregiu certs stabiliments sils platzs da pausa a Sedrun ed a Rueras.
- 1997 Engaschament d'ina ulteriura scolasta pil scalem primar. - Cun la fin digl onn 1996/97 banduna scolast Peder Brenn la vischnaunca.
- 1998
- 1999 Cun la fin 1998/99 va scolast Vincenz Pally en pensiun. - Sora Ulrica Flury, scoletta, banduna la val, medemamein era Petra Berther.
- 2000 Project: Prevenziun da drogas.
- 2001 Marcus Bearth, giubileum da 25 onns. - 2000/01 bandunan Ivo Berther, Elmar Holzner, Jolanda Monn e Sybille Pfiffner la scola. - Engles en scalem ault. - Giudicament cumplessiv dils scolars/ras. - 2001/02 carnet cul niev uorden disciplinar. - Viadi dil cerchel scolastic a Milaun.
- 2002 2001/02 abdicaziun da Nicolina Giossi ed Alexa Giger a Rueras. - Projects: Per l'Expo ha mintga vischnaunca dil cantun tarmess in capricorn cugl uoppen e quel han scolars/ras colurau. - Midada da classas. Ina classa da Bollingen ha visitau la val. - Scoletta ha zambergiau per la fiera d'Advent. - 4. - 6. classa: Presentaziun dil «Siemi da Nadal». Scolaziun interna pigl entir team da scola.
- 2003 4. - 6. classa: Project uaul - 1. - 3. classa a Rueras: Giug: Il retg che haveva piars il temps Scolaziun interna cun ina viseta a Tavau. - Project cun tuttas classas cul tema «aua» e tuttas classas han visitau la «Tgina dil Rein». - Scoletta e 5. classa: Giug da Nadal. - Hompage per la scola.
- 2004 Flurin Foppa, Doris Loretz e Kathia Maissen bandunan la lavur da scola. - 2004 ha

- il team digl inspectorat Surselva evalua las fleivlezias e fermezias dil menaschi da scola. - Di da scolaziun interna cun Reto Cadosch.
- 2005 Undraziun da Cyril Monn, 35 onns. - Di da sport per tuttas partiziuns. - Scalem superiur: Treis dis da scolaziun tematica - Program (luvratoris) per la festivitat dad 800 onns Pleiv Tujetsch - Giug da Nadal: 6. classa .
- 2006 Norbert Vinzens va en pensiun cun 2006. - Undraziun da Beni Hendry per 35 onns. - Emprema classa dil scalem superiur ad in camp da sport a Riazzino. - Emprerender sin distanza: Tabla virtuala (Smart Board) tiel scalem superiur - 3. classa dil scalem superiur: Cumedia criminala: La tatta ed ils laders. - Cussegls da scola e gruppia «Meisa rodunda» tematiseschan il tema consum d'alcohol e tubac.
- 2007 La discussiun pertucccont fusiunar il scalem superiur en Surselva ha cuntuau. - L'integraziun dalla scola da Rueras e Sedrun ei stada in punct central da nossa lavur. Quella succeda definitiv cugl onn da scola 2008/09. - Il scalem superiur fa in emprem pass, vulend tener pétg a certas pretensiuns e vegnan perquei ad introducir sin d'atun 2008 il model C. - Giubileums: 15 onns per Nicoletta Marino e 25 onns per Hans Monn. - Di da scolaziun culs cerchels scolastics da Tujetsch, Breil e Mustér. - Jamna da project dil scalem superiur. - Project communabel cun Mustér per la 5. e 6. classa. - Giug da Nadal a Rueras entras la 6. classa.
- 2008 Elavuraziun dil concept «Scalem superiur Tujetsch» entras Martin Mathivet. - Elaboraziun dils manuals «Cumpogn da viadi» e «Vademecum». - Giubileum da 35 onns per Tarcisi Hendry e 15 onns per Gelpia Deplaz. - Dapi igl atun 2008 ein omisduas partiziuns da scoletta ed il scalem primar integraus a Sedrun. - Jamna da sport e prevenziun dil scalem superiur.
- 2009 Musical «Sco tgaun e gat» entras la 3. - 6. classa. - Igl atun ha l'Assicuranza d'edifecis Grischuna envidau la 5./6. classa ad ina presentaziun dils elements fiug ed aua.
- 2010 Promozion dil moviment en scola cul motto: Scola e moviment. - Ils cussegls da scola da Tujetsch, Mustér e Medel ein a vesta dalla digren dil diember da scolars gia seradunai pliras gadas per ponderar e planisar eventualas collaboraziuns raschuneivlas. - Embellaziun digl act da perforaziun dil tunnel dalla NEAT. - Ig Advent ha rtr accumpagnau ils affons en lur acziuns d'Advent cun ina emissiun directa da Rueras. - Alarm ensemen culs pumpiers. - Giubileums: 40 onns per Cyril Monn e 35 per Erwin Cathomas.
- 2011 Giubileum: Marcus Bearth 35 onns. - Megliuraziun dalla infrastructura d'informatica. - Viadi dil cerchel scolastic a Schaffusa. - Di da sport d'unviern cun tuttas partiziuns. - Giug pigl Advent culla 1./2. classa: Sontgaclau ha piars la gnefia. - Fuffergnadi el contuorn da Glion per la secunda classa superiura. - Jamna da project «Scolas a Berna». -
- 2012 Las treis vischrauncas Mustér, Medel e Tujetsch han isntradau in project per in concept da collaboraziun per las scolas da Sursassiala. - Evaluaziun dalla scola entras gl'insperctorat Surselva. - Meisa da miezdi en Tgèsa s. Vigeli. - Ina gruppia da lavur ha analisau la situaziun dalla scoletta ed ei vegnida alla conclusiun da formar mo ina scoletta cun duas mussadras che partan il pensum. - Giubileums: 20 onns per Nicoletta Marino e 40 onns Beni Hendry. - Jamna da ssport dallas duas empremas classa dil scalem superiur. - « Vitality day » per las scolas tuatschin. - « Agid » in teater che ha tschaffau presentaus entras la 6. Classa. - Fiasta 50 onns casa da scola Sedrun. -
- 2013 Concept da collaboraziun per las scoals da Sursassiala. - Cun 2013/14 passa la nova lescha da scola en vigur. - Erwin Cathomas va en pensiun. - Giubileum da 40 onns scola per Tarcisi Hendry e 20 onns per Gelpia Deplaz. - Di da sport pil scalem superiur. - Project davart la segirtad ensemen culla 5. e 6. classa da Mustér. - Emprema e secunda classa superiura han passentau ina jamna el Centro sportivo a Tenero. - Scolars dalla davosa classa han passentau ina jamna tematica communabla. - Exposiziun alla fin digl onn da scola. - Igl Advent ei l'entira casa da scola vegnida decorada. - Il teateret «Las quater glischs da Simon» vegn presentaus entras la 4. classa. - Nova pagina d'internet: www.scolasedrun.ch
- 2014 La primavera 2014 ha la suprastonza communalia decidiu da sistir per il mument la

collaboraziun enteifer Sursassiala (mira sut 11.). – Tarcisi Hendry passa en pensiun. Abdicau han Katja Maissen e Letizia Berther. – Scolaziun interna dil cerchel scolastic cul tema «integrazion». – Di da sport dil scalem superieur ed entir scalem primar. – Preparau ina exposiziun speciala pil museum cul num « $11 \times 3 = 33$ ». – Camp pils giuvenils dil scalem ault. – Di da scolaziun da pumpiers per la 5./6avla classa a Tusaun. - Di naziunal dil futur per l'emprema classa dil scalem superieur. – L'entira primara ha presentau il giug da Nadal «Il siemi da Nadal». -

- 2015 Beni Hendry ha terminau siu pensum sco scolast. – Era Gieri Spescha ha terminau sia activitat en Tujetsch. – Scolaziun interna cul tema «promoziun integrativa». – Project sport d'unviern per l'entira scola. – Di da sport en collaboraziun cullas scolas da Sursassiala. - Project cul tema «uaul». – Participaziun al til da «commemoraziun da 700 onns dalla battaglia a Morgarten». – Project communabel avon las vacanzas da Nadal. – Project cul tema da sustener «affons fugitivs». – Presentaziun dil circus «Hallihalo» entras la scoletta. - Numerusas activitads singularas da mintga classa e partiziuns.
- 2016 La gronda sfida ei la realisaziun dalla nova lescha da scola. Il proxim project ei il plan d'instrucziun 21. Quel passa cugl onn da scola 2018/19 en vigur. - Manuela Schnoz-Flury banduna la scola da Tujetsch. – Giubileums: 15 onns per Barla Cavegn-Fry ; medemamein 15 onns per Nicole Solèr-Krebs e Marcus Bearth 40 onns. – La scola superiura cuschina culla scoletta. – Di da sport. – Occurrenza «Surselva Champions». – Plirs scolars han priu part al Maraton Engiadinès. - Jamna da project pil scalem superieur. – Emprema badelada per la halla plurivalenta a Dulezi. – Evacuaziun dalla scola en in exercezi dil schurmetg civil. – Exposiziun da scola. – Gottardino, in viadi da scola extraordinari. – Project da film culla phzh. -

14. Scolasts e scolastas, mussadras da Tujetsch

Beer Giusep	Gonda	SP
Bearth Genoveva		SL
Beer Elisabeth		SL
Beer Stiafen		
Beer Tumaisch		
Berther Alea	Camischolas	SP
Berther Baseli	Rueras	
Berther Catrina		SL
Berther Eveline	Rueras	SL
Berther Gion Andriu	Camischolas	
Berther Gion Fidel	Rueras	
Berther-Leupi Lea	Surrein	
Berrther Larissa	Camischolas	SP
Berther M.		SL
Berther M. Jul.		SL
Berther Margr.		SL
Berther Maria Ursula		SL
Berther Pius	Gonda	SP
Berther Rosa	Selva	
Berther Vigeli Giusep	Camischolas	
Berther-Berther Gebharda	Rueras	SL
Berther-Berther Rita	Rueras	SC
Berther-Cathomen Ivo	Rueras	
Berther-Jacomet Vigeli	Camischolas	SS
Berther-Loretz Giachen Fidel	Rueras	P
Berther-Loretz Letizia	Sedrun	SC
Berther-Monn Adalgott	Rueras	
Berther-Monn Letizia	Sedrun	SL
Berther-Monn Stiafen	Camischolas	
Berther Xenia	Camischolas	SP
Caduff Barla Catrina		SL
Caduff Renzo		
Caduff Riccarda	Sedrun	SP
Caduff-Gadola Giusep	Rueras	SP
Capeder Barla Catrina		SL
Capeder-Cavegn Anselm	Rueras	SP
Cathomas Adrian	Sedrun	
Cathomas-Schmid Ursula	Rueras	SP
Cavegn David	Sedrun	SP
Cavegn Eleonora	Sedrun	
Cavegn Lucas	Sedrun	
Cavegn Maria Ursula		SL
Cavegn Maria Ursula Catarina	Rueras	
Cavegn-Cavegn Margrit	Sedrun	SL
Cavegn-Fry Barla	Rueras	SL
Cavegn-Schmet Michelina	Sedrun	SC
Curschellas	Sedrun	
Curschellas Balzer Antoni	Surrein	
Curschellas Tatjana	Sedrun	SP
Decurtins Hans Giachen	Sedrun	SS
Deplaz-Candinas Gelgia	Rueras	SC
Deplazes-Schmid Rosvita	Zarcuns	SL
Deplazes Naomi	Sedrun	SP
Deragisch Gion Antoni	Bugnei	
Deragisch-Hendry Romana	Sedrun	SC

Frei-Deragisch Dania	Gonda	
Friberg-Loretz Doris	Sedrun	SP
Gieriet-Tuor Giusep	Camischolas	SP
Giossi Cathomen Nicolina	Rueras	SP
Giossi Gion Giusep	Rueras	SP
Giossi Jazinta	Rueras	SC
Giossi-Berther Giuseppa	Rueras	SL
Giossi-Caduff Nadia	Gonda	SP
Hendry Gion Felici	Cavorgia	
Hendry Sereina	Sedrun	SP
Hendry Tarcisi	Gonda	SP
Hendry-Bläsi Beni	Sedrun	SP
Hendry-Bläsi Judith	Sedrun	SP
Hendry-Monn Gion Antoni	Cavorgia	
Hendry-Venzin Gion Ludivic	Cavorgia	
Hitz Anica	Gonda	SP
Hitz Anja	Rueras	SP
Honegger Nora	Gonda	SP
Jacomet Corsin	Sedrun	
Jacomet Tumaisch		
Jacomet-Candinas Leci	Sedrun	SP
Jacomet-Deplazes Vigeli	Sedrun	
Jacomet-Lechmann Leci	Sedrun	SS
Maissen-Spälti Katja	Gonda	SS
Manetsch-Berther Miriam	Gonda	SP
Marino-Demund Nicoletta	Camischolas	SL
Marino Alissia	Camischolas	SP
Monego-Venzin Barla	Rueras	SL
Monn Dino	Gonda	SP
Monn Duri	Sedrun	
Monn Genoveva		SL
Monn Hans	Gonda	SP/M
Monn Irina	Sedrun	SP
Monn Jena	Camischolas	SP
Monn Jolanda	Rueras	SL
Monn Manuela		SC
Monn Maria Ursula	Sedrun	SL
Monn-Beer Ciril	Sedrun	SP
Monn Rawin	Sedrun	SP
Muggli	Cavorgia	
Muggli Anna Maria	Rueras	
Muggli Anna Maria		SL
Muggli Gion Rest	Rueras	
Pally Augustin	Camischolas	Vaz
Pally Cristina		SL
Pally Dina	Sedrun	SP
Pally Giachen Antoni	Camischolas	
Pally Maria Barla	Rueras	
Pally Monica	Rueras	SP
Pally-Brugger Vinzens	Rueras	SP
Peder Barclamiu	Selva	
Peder Gion Michel	Selva	
Pfiffner Sybille	Camischolas	SC
Pfiffner Marlene	Camischolas	SP
Riedi Duri	Rueras	
Riedi Gion Paul	Tschamut	
Schatz-Cavegn Catrina	Rueras	SP

Schmed Stiafen		
Schmed-Desax Gion Antoni	Cavorgia	SP
Schmet-Pally Alfons	Gonda	SP/M
Schmid Mengia	Rueras	SP
Schmid-Halter Matilda	Rueras	SP
Schmid-Valier Theophil	Sedrun	SP
Solèr-Krebs Nicole	Cavorgia	SL
Soliva Gion Antoni	Gonda	
Tuor-Valier Jovita	Camischolas	SP
Venzin Rita	Rueras	SC
Venzin Tumaisch	Sedrun	SP
Venzin Vigeli	Sedrun	
Venzin Wilhelmina	Rueras	SC
Venzin-Gieriet Franzisca	Rueras	SC

15. Conclusiun

Duront tschentaners ha la baselgia instruiu ils affons e priu oravontut en egl l'instrucziun religiusa. Dasperas ei era vegniu mussau il leger ed era il scriver. L'instrucziun ei stada fetg libra e tuts geniturs han buca viu la necessitat d'ina instrucziun per lur affons. Ils pli svegliae ein vegni promovi e tarmess en scolas aultas – oravontut cun la finamira da far daventar in muntg ni plevon. Las buobas ein plitost vegnidas alla cuorta.

Cun la fundaziun dalla Confederaziun igl onn 1848 semida era l'instrucziun dils affons. La baselgia sto ceder la scola al stadi. Il svilup al stan dad oz ei staus oravontut el 19avel tschentaner fetg progressivs ed innovativs. Las stentas dalla vischnaunca e populaziun per ina buna instrucziun dils affons e giuvenils, buobas e giuvnas, ein stadas ed ein aunc oz emplenidas d'in spert da gronda responsabladad pigl avegnir da mintga generaziun.

16. Fontaunas

Archiv dalla Vischnaunca da Tujetsch sut sectur 7 Scolaresser
Archiv dalla Vischnaunca da Tujetsch. Protocols da vischnaunca
Archiv dalla Vischnaunca da Tujetsch. Protocols dil Cussegl da scola
Archiv dalla Vischnaunca da Tujetsch. Rapports annuals della vischnaunca 1979 - 2016
Berther, pader Baseli. Numerusas **notizias** ella Biblioteca romontscha dalla claustra da Mustér
Berther Pius. **Sut Crestas – In liug da refugi e pelegrinadi da 1853-1959** Lavur da patenta el seminari scolastic Cuera 1988
Cudisch da Tujetsch. **Igl andament da sia historia**, Sedrun 1987
Gadola Guglielm. **Historia della scola rurala dalla Val Tujetsch** cumparida egl Ischi da 1957;
Gasetta Romontscha. **Tujetsch e sia scola**. 1962
Hendry Toni. **Il vischinadi da Cavorgia**. 1978
Hendry Toni. **Per regurdientscha dalla casa da scola a Sontget Gonda**. En La Tuatschina, nr. 34, 1975
Pfiffner Marlene. **Il svilup della scola tuatschina**. 1994
Hendry-Schmid Cecila. **Cavorgia ses vischnins e sias casa d'avon onns** - Ediu da Norbert Berther, Camischolas; 2007 entras Uniun da solaras e scolars Cavorgia

17. Fotografias

Archiv dalla Vischnaunca da Tujetsch, sut cultura
Cavegn Bruno, Sedrun
Berther Bruno, Rueras
Hendry Tarcisi, Sedrun

18. Documentaziun

Protocols dil cussegl da scola 1847 – 1901

27-06-1847 Ha la cumissiun da scola concludiu il sequent: numnadamein da baghegiar ina casa vin Dulezi che dueigi survir per scola centrala dall'entira vischnaunca. La casa dueigi vegnir baghegiada giufuns duas stivas grondas a pèr e lura trer giebel da maniera ch'ei possi aunc en zatgei cumachs. Ils da Camischolas dueigien sedecider, sch'ei veglien s'eunir cun ils da Sedrun en termin tochen ils 29 dil present senza neginas cundiziuns, oreifer sch'ei duess vegnir il cass ch'els havessen stgisas sufficientas da sedevidir separadamein. Cass vegness ei lura fatg ina regurdientscha co gidar zatgei vid lavur cumina. Sco era schei duess vegnir mess spesas pecuniaras, dueigi era vegnir ad els a proporziun. Als da Rueras ei schau sura als vischins da tschentar sia casa suenter lur bein manegiar, bein entelgiu aschi spargnusamein sco pusseivel, bein ch'ei vegni fatg in local adatteivel per ina scola. Ariguard co e sin tgei moda ei dueigi vegnir pagau per baghegiar ils locals, sa il cussegl da scola buca entrar en ad interim, bein che cura ch'ei vegn ad aquella, vegn la cumissiun suenter circumstanzias e proporziunadamein a dar uorden ch'ei vegni pagau da maniera da far neginas taglias. Era ch'ei dueigi vegnir fatg per la via dil miez e sin la pli adatteivla moda sco pusseivel.

Davart quels che mauncan tier las lavurs cuminas che van tier las scolas, ei mess si dalla cumissiun per castitg 50 xr per scadin di e mintga tgauvitg ni rotmeister ei constrenschius da far per senn e tener quen e nudar si e cunscienziusamein dar en ad in commember dalla cumissiun e quei schon la sera; il strof dueigi vegnir execuius sin gl'atun. Il strof dueigi vegnir repartius mintgamai tier ni alla classa ni vischins nua ch'il strof vegn tratgs en. Scadin dueigi esser la damaun las 8 sil plaz e la sera tochen allas 4.

31-05-1848 Ei la cumissiun seradunada a Selva ed ha approbau il sura accort. Era ha ella fixau da dar lenna per la casa da scola a Selva en Plaun Viradas ed endadens Sumsassi sut via, bein aber cun igl absolut camond da metter sut tetg la lenna schon pinada o Rueras. – Item ella fixau da scriver ora e schar promuliar ellas duas vischnauncas da Mustér e Sumvitg, che ils scalprins e charidurs, che havessien plascher da interprendre las lavurs da mir e pegas tier las casa da scola, dueigien sin in temps che vegn fixau cheu sepresentar per accordar. Las pegas dueigien vegnir fatgas ora si Calmut, ina giu Cavorgia per la casa da leu. NB: Dueigi vegnir teniu tier che ils interprenders da quellas lavurs laschien era tier nos miradurs.

03-04-1849 ha la cumissiun contractau da baghegiar si la casa da scola cheu a Sedrun tenor abriss, cun il meister signur sechelmeister de Ragisch per il capital da 320 fl e 20 remess. La casa da scola da Cavorgia ei marcadada cun meister Gion Antoni Schmed per il capital tenor brev da marcau da 85 fl e dus talers remess e zuar senza neginas otras ulteriuras expensas, sco marendas.

Cun ils meisters da Rueras eis ei buca saviu vegnir perina, giu purschiu als meisters per quella casa sco ultimatum 190 fl e 10 remess.

A Rueras dueigi vegnir fatg ina casa cun ina stiva ed in stebli dad in circa 12 – 13 bratscha la largezia da domisdus cumahs e lura trer giebel ed en quel lura aunc dus treis cumahs. A Selva dueigi era vegnir baghegiau ina sco a Rueras, oreifer enstagl in stebli, pon els far duas stivas a pèr, aber la casa dueigi vegnir baghegaida en Sut Crestas.

Cavorgia dueigi vegnir baghegiau ina casetta cun ina stiva ed ina combra suren.

06-02-1848 ei dalla cumissiun concludiu il sequent, che las lennas dueigien esser tratgas sil plaz tochen sin ils 12 dil present. Il commember da scola da Rueras dueigi vegnir numnaus silmeins provisoricamein tochen l'emprema radunonza da vischnaunca, essend ch'ei maunca in.

Alla giuvna Leci Vigieli Monn e Barbla Mucli ei mess si per obliga 5 per in bien exempl havess la cumissiun bugen 6 fl 40 xr.

Alla giuvna Leci Giachen Martin Bearth e Barbla Catrina Beer ei mess si dalla cumissiun da scola 1 fl 40 xr.

26-03-1848 ha la cumissiun concludiu da baghegiar casa da caplon tier la casa da scola e per quella fin dueigi vegrir fatg duas alzadas. Ei lura tratg ora ord meiz la cumissiun treis, numnadamein signur Lucas Caveing, statalter Lezi Mucli e Paul Schmed, quels dueigien mirar da comprar giu la casa vedra sin Cadruvi da statalter Valentin Caveing cun resalva che la vischnaunca anfla per adequat da baghegiar leu ella; davart il sulom fuss concludiu da pagar miez ord fondo da scola, l'autra mesedad dalla vischnaunca.

Ils da Rueras ein sentelgi da tschentiar sia casa da scola sper la casa dalla pervenda dadens. Davart las stialas ei concludiu da far pagar 30 xr per scadin um ni meister per di, ei lura era entelgiu che quels che prendan quellas da grob, ston era prender in di quellas da splauna e pagar per domisdus gir 30 xr en tut. Il meister ei lura obligaus da tener quen, tgi pren las stialas e lura dar en ad in dalla cumissiun.

En mintga vischinadi dueigi vegrir schau saver che sch'ei seigi enzatgi che havess plascher da contrahar da far si las casas da scolas, dueigi tochen sin venderdis proxim dar en agli segnerfarrer e lura dumengia sera presentar avon alla cumissiun da scola; il signur president ha decretau la radunanza dalla cumissiun sin dumengia, ils 2 d'avrel.

Remarca: vendiu la lenna dalla casa vedra agli Marti Wallier per 2 fl; Giachen Martin Berther per 5 fl; Gion Antoni Beer da Surrein per 20 fl; caluster Werth per 1 fl 12 xr ed a Giachen Fidel Beer las aissas per 18 fl.

29-07-1849 Concludiu dalla cumissiun da scola:

1. Davart las pegas ei concludiu da schar urentar il crap en Nual, ei quel buns ei la cumissiun cuntenza da schar luvrar ora ellus leu, sco er da far pinar las vias che meinan leutier, cun far ira enasi quels che han buca bos, sut tetel da lavour cumina.
2. Il baghegiar la casa da Rueras ha la cumissiun dau il cunsentiment da refierer tochen sin primavera proxima 1850.
3. Davart la casa da Selva eis ei ad interim refretg cun sentir lur pareri ariguard il vuler setrer en Sut Crestas.
4. Davart il premi empermess ei la cumissiun seschada en d'acceptar ed ira en las cundiziuns dil cussegl d'educaziun sco era dat la cumissiun da scola incumbensa da corrispunder al cussegl d'educaziun al signur president da scola segnerfarrer.
5. Ha la cumissiun incumbensau il segnerfarrer e signur assistent Schmed da dar uorden da procurar per in schulmeister permanent pigl onn futur.

16-09-1849 Conclusiun dalla cumissiun da scola. Ha concludiu da pladir il giuven Biscuolm per schulmeister cheu a Sedrun e da pagar ad el per 10 entirs meins far scola e 6 uras per di la summa da 350 fl netto, senza neginas outras obligaziuns ulteriuras. Las obligaziuns ch'el ha eis el obligaus da prender giu da maun dalla cumissiun da scola. El dueigi aber seschar en da vegrir per 3 onns. Ei era concludiu che quels vischins che tarmettan tier quei schulmeister ein obligai da pagar per quels che frequentan la scola temps d'unviern 30 x per affon e per quels che frequentan gl'entir on 2 fl 30 xr.

26-11-1849 Radunanza dalla cumissiun, fatg dalla cumissiun ina indemnisiatiun al meister de Ragisch, perquei ch'els han stuiu ira vi e neu e dular las lennas 20 fl. - Plinavon ha la cumissiun schau sura da pladir in schulmeister per Rueras al segnerfarrer e statalter Paul Wenzin. Per Cavorgia ei dalla cumissiun pladius per schulmeister il giuven Lezi Antoni Balzart ed ha fatg ora per pagaglia 45 fl e sto far la scola tochen la vacanza dalla primavera. - Ei era concludiu da far ina schulvisita tier mintga scola ina gada per meins ed ein destinai ils sequents: il farrer duei esser tier mintga viseta cun aunc in auter dalla cumissiun.

Statalter Paul Wenzin ei destinaus per Sedrun, signur Lucas Caveing ni Hans Giachen Beer per Rueras, statalter Lezi Mucli per Cavorgia. Ariguard far ira a messa ils affons da scola ei concludiu da far far messa in quart ura avon las 8 e scadin scolar seigi obligaus da cumparer en quella; ils firaus dispensai e dis da bara vegrir fatg messa las 10, nua ils scolars dueigien era esser obligai d'ira a messa.

Ei mess, ni vegriv legius ora sco cassier da scola signur gerau Paul Schmed.

Ei concludiu ariguard quels ch'eran maridai avon che rumper la lescha de pagar il stipulau fix alla scola, e vevan schon pagau, dueigi ei era vegrir pagau anavos a quels quei, il qual

quel che veva pagau.

Ariguard las materialias e cudasch da scola dueigi per tut la scolas vegnir fatg vegnir dil cussegl da scola anora e partiu ora en scadina scola ed a scadin scolar senza interess.

Ariguard la protesta da signur mistral Gieriet, vul far encunter la cumpetenza dil schulrath da spitgar giu e mirar nua era el vul cun quella protesta.

01-04-1850 Conclusiun dalla cumissiun da scola.

1. Ei concludiu da metter pils cudaschs duvrai, cudaschs instructivs 6 bl. Cudaschs secrets 3 bl. Cudaschs pigns da leger 2 bluzgers, ils cudaschs duegien restar vid la scola, vul dir per onn.
2. Dueigi la scola cheu a Sedrun e Cavorgia vegnir cuntuada aunc 15 dis, nunsavend luvrar eis ei reservau da schar far vinavon aunc ina jamna ei dueigi vegnir teniu in examen pils da Sedrun sin ils 13 dil present e pils da Rueras sin ils 6 dil present.
3. Ei concludiu da puspei turnar a muentar sin vischnaunca ariguard il far pagar ils affons ch'han frequentau la scola igl unviern, sco era per quels che frequentan cheu la stad sco era davart il segirar la casa da scola.
4. Nun impediments duei la scola dalla stad vegnida entschevida ils 13 da matg.

12-05-1850 1. Ei concludiu da schar frequentar la scola dalla stad fargliuns in per l'auter, temps per temps, vul dir in per l'auter, senza stuer pagar pli che la taxa da fl. 2. Buc aber in che ha entschiet a frequentar e cala lura si e metta buca in auter, quel ei obligaus da pagar ils 2 fl.

2. Ha la cumissiun acceptau il plan dil signur scolast, il qual ei s'obligaus da far duas gadas scola a Sedrun, ed ina enta Rueras, bein aber ch'ei vegni dau ad el ina raschuneivla indemnisiaziun, la quala el remetta alla cumissiun da scola presenta. La cumissiun ha lura schau sura da organisar en il temps ed uras al signur scolast ed al segnerfarrer cun, sch'ei fa da basegns, aunc in auter commember dalla cumissiun. 8 uras scola en tut per di.

3. Davart la lenna ei concludiu che mintgin dueigi stuer trer ina vaulta lenna per affon e schar urentar quella in commember dalla cumissiun da scola, il qual dueigi leutier esser destinaus. Quels che tilan buc la lenna ein obligai da pagar 50 x per scadina vaulta. La lenna dueigi esser tratga mintgamai cura che la scola digl unviern cala si. La restonza dalla lenna ch'ei stada anavos gl'onn 1850 dueigi sin Nadal 1850 esser tratga, a quella caschun ein quels era obligai da pagar ils 50 x per vaulta, quella regla dueigi survir per Sedrun e Rueras, insumma per tuttas scolas.

27-10-1850 Ein stai presents: segnerfarrer, sur Deplaz, sur Beer, assisten Schmed, statalter Paul Wenzin, Giachen Fidel Caveng, statalter Gion Andriu Berther, Hans Giachen Beer, scarvon Monn, Lucas Caveng, Stiaffen Schmed.

1. Ei vegniu dil signur president mes en enconuschietscha ch'ei seigi da basegns da procurar per in schulmeister a Rueras pigl unviern. Concludiu d'essend presents, dumandar sur Beer sch'el vegli supreender da far scola per quest unviern. Il qual dat giu la declaranza, allegond pliras raschuns, ch'el sappi per quest unviern buca supreender. Sin quella declaranza vegn sur Beer dalla cumissiun da scola unanimamein supplicaus da supreender da far la scola cun aunc dasperas seporscher da dar en cass da basegns dar in agid. Sin quei resalva signur sur Beer in per dis da patertgar – sin quei refretg per oz.

2. Damonda cura far entscheiver las scolas.

a) La scola da Sedrun: entschatta ils 5 da november e finir la primavera tenor sco il temps damonda. Aschia ha la cumissiun resalvau dad allura fixar cura schar calar si il cuors digl unviern.

b) Era a Rueras concludiu il medem.

c) Selva tenor usit.

d) Concludiu ariguard la scola da Cavorgia. Entras signur farrer e Lucas Caveng schar dumandar els cons affons ch'ei tarmettien a scola, sch'ei hagien enzatgi che fetschi scola e per con quel fetschi la scola e con ils vischins veglien sacrificiar ord lur sac, suenter ni entochen che quellas rispostas ein buca anavos prender neginas positivas conclusiuns.

3. Damonda ariguard l'indemnisaziun al schulmeister per la stad per haver fatg duas uras dapli scola, per ira a Rueras e far la scola. Concluiu da dar, essend stau remess alla cumissiun da scola, per quella breigia ultra sia obligaziun fl 20.

4. Damonda tgei dar a quels treis signurs, statalter Gion Andriu Berther, Hans Giachen Beer, Paul Schmed ch'ein stai a stigiar ora las pastiras, ein stai dus dis e concluiu da dar fl 1 per di e prender giu enzatgei spesas a Selva tier sur Deplaz. Ei era concluiu da dacheudenvi dueigi negin dar ni pagar papli per di ch'in fl per um che sto far breigias per la scola.

27-11-1850 Concediu dalla cumissiun per far la scola al signur G.B. Beer 65 fl e da pagar sin primavera e per il local da far la scola per Rueras 3 fl 20 x.

Quels che han da trer en per il fein a pastg e per ils affons che han frequentau la scola: per Sedrun: Stiafen Monn

Rueras: statalter Paul Wenzin

Selva e Tschamut: Stiafen Schmedt

Surrein: statalter Leci Mucli

Cavorgia: Gion Antoni Schmedt

Camischolas: Gion Battesta Berther

Sto esser tratg en sin S. Andriu.

Davart ils da Cavorgia ei concluiu da dar 25 fl cun cundizion ch'els mirien sez per in schulmeister che fetschi ina buna scola, sco era da purtar sin vischnaunca ch'ei vegni ... schau tier da prender si sin pastira da casa zatgei vadials, els ein aber era culponts da pagar alla cassa da scola quei ton per affon sco igl ei dalla cumissiun da scola mess si.

La cumissiun ha elegiu ora per cassier da scola il Tumaisch Schmedt da Camischolas.

11-04-1851 Ha la cumissiun da scola fixau da tener ils examens da scola per Rueras, gliendisdis dalla jamna sontga, ils 14 da quest, per Sedrun ils 15 e per Cavorgia ils 16 e dad entscheiver allas 10 uras avonmiezdi. Il cuors da scola digl unviern duei aunc cuzzar entochen la fin digl avrel, num che las lavurs dil funs vegniessen avon da far, en il qual cass lura la scola calar si. Era sur Gion Bistgaun ha tier quei s'obligau, resolvond per la jamna sontga. La vacanza dalla primavera dueigi cuzzar per in meins.

Dapli eis ei vegniu sbassau la taxa digl affon per la scola dalla stad cun far pagar quel mo 30 x enstagl ils 2 fl.

Davart il tener scola la stad a Rueras eis ei ad interim concluiu da schar vegnir ensemens ils vischins da leu per mirar tgei affons che vegniessen tier quella.

09-06-1851 Ha la cumissiun concluiu da schar accordar il mir dalla casa da Rueras. Dau cumissiun als cumissiunai da prender en augenschein ensemblamein cun ils miradurs Steger e soziali.

2. Davart la casa da scola da Selva ei sentelgiu da baghegiar en Sut Crestas ina casa tenor plan, numnadamein dueigi suten, sco en tschaler ina baselgia da maneira ch'ils divins uffecis temps d'unviern sappien vegnir fatgs. Nua tschentlar la casa ha la cumissiun incumpensau signur farrer, signur Lucas Caveing, Giachen Martin Berther e Thomas Schmedt. Las lennas dueigien vegnir duladas, messas a guvern sut tetg, ed el medem temps mirar da saver marcadar cun zatgi che surpren da baghegiar si quei da lenn.

3. Davart il moni fier da Gion Alexi ei concluiu da vegnir ni secunvegnir cun el tenor sco gest ei.

4. Ei serrau giu in accort cun Vigilius Beer e Lezi Mucli da pinar ora la casa da scola da Rueras, sco muossa igl accord.

21-09-1851 1. Ha la cumissiun da scola, damai che las voluntarias unfrendas dils da Selva ein en parts schon dadas en, concluiu da baghegiar la casa da scola, pervenda e baselgia tenor plan e da schar marcadar vi en cuort entras il numnau beschluss, cun igl exprimiu giavisch che quella sesprovi da risguardar ton sco pusseivel ils fleivels interess dalla scola, bein adina senza donn dil baghetg.

2. Eis ei vegniu cumissiunau quei, cun aunc ver tratg tier e supplicau il signur caplon Gion Bistgaun ed in dils signurs geraus u signur assisten Schmed ni signur Hans Giachen

Beer, da tschentar si ils necessaris instruments per collectar ton egl jester sco el cantun per basegns da quei edifeci e da quels lura anora far ils necessaris pass e tarmetter ora.

3. Ha la cumissiun sin declaronza da signur caplon, che el muort circumstanzias da sanadad sappi e possi buca far la scola da Rueras, danovamein exprimiu siu desideri e cumentientscha ch'el duessi far la scola vinavon, aber sin sia repatida declaronza decretau da dar part quei al vischinadi da Rueras e metter quel ella vera enconusclientscha e sentir da quel siu giavisch sur da quels fatgs che quel dueigi enteifer e sil pli ditg da 15 dis dar giu siu meini sur da quels.

4. Eis ei concludiu da schar finir damaun la scola dalla stad e lura da prender tier quei muncament da 12 dis ch'il scolast Biscuolm havess aunc da far per il cuors da stad, tier il futur cuors digl unviern, cun schar entscheiver per quei pli baul.

25-10-1851 1. Ha la cumissiun da scola, sin quei di seradunada danovamein, instanziau il segner signur caplon Gion Bistgaun da vuler interpreter la scola da Rueras, il qual lura ha finalmein seschau perschuader ad interim, cun la resalva che sche sia sanadad total lubeschi buca, che la cumissiun libereschi el era duront il cuors scolastic e miri per in auter, la quala resalva era la cumissiun ha acceptau e lura dau ad el il salari da fl 80 per il cuors digl unviern. Il scaldar la pegna ed il scuar la stiva da scola dueigein ils da Rueras interpreter.

2. Ha la cumissiun ordinau d'entscheiver la scola ils 27 da uost onn current.

3. Als da Cavorgia fixau da dar il sustegn per il scolast sco igl onn vargau.

28-10-1855 Ei seradunau la cumissiun da scola ed ein cumpari ils sequents signurs, numnadamein:

segnerfarrer, president

statalter Gion Andriu Berther

statalter Gion Rest Monn

Giachen Antoni Schmett

Stiaffen Schmett

Sep Antoni Deragisch

La raschun, la quala la cumissiun da scola ei stada radunada, ei per contractar cun ils schulmeisters. Sche essan nus unitamein vegni perina e contractau da far la scola da Sedrun per igl onn 1855 entochen 1856 che va ora cun la laver sin il feld e da leu naven dueigi vegnir fatg la scola da firaus e dumengias entochen igl emprem da november digl onn 1856, sco era dueigi el esser obligaus da scaldar la pegna, sco era far ora la lenna e resgiar ella, sche glei affons che san gidar resgiar e far ora, sco era sunar las orglas; cun il schulmeister Johann Anton Soliva, sche per far la scola da Sedrun cun las suras cundiziuns e per siu salari eis ei dau ad el per in onn frs. 250.-, sco era dueigi el esser obligaus da dar igl exercezi dil cantus dalla baselgia.

En num dalla cumissiun scolara

Joseph Ant. Durgiai, president

Scolast Joh. Ant. Soliva

28-10-1855 Eis ei serrau giu da far la scola da Cavorgia igl onn 1855 entochen anno 1856 entochen che va ora a luvrar sin il feld, cun Leci Antoni Balzart e per salari eis ei dau ad el frs. 68.-.

Per fede da quei

En num dalla cumissiun scolara

Joseph ant. Durgiai, president

Lezi Ant. Balzart

02-11-1855 Ei serrau giu tenor entelgientscha fatga ils 28 d'october cun il scolast Michel Simonet per far la scola da Rueras per igl onn da scola 1855 e 1856 entochen che las lavurs dalla primavera entscheivan ed igl ei dau ad el per salari frs. 125.- cun dasperas la lenna per cuschinlar per el quei temps ch'el stat leuen. Lura eis ei era concediu ad el 3 dis liber per basegns dad ira cun ils s.h. tiers a Disla e lura turnar cheu en Tujetsch, sco era turnar engiu cun els.

En fede da quei
Joseph Ant. Durgiai en num dalla cumissiun scolar
Michel Ant. Simonet

23-04-1859 Ei la cumissiun da scola stada seradunada e zuar en persuna dils sequents:
signur professer Condrau sco inspectur da scola
signur assistent Gion Antoni Schmet da Gonda
statalter Gion Rest Monn
statalter Gion Andriu Berther
statalter Sep antoni Muggli da Cavorgia
statalter Sep Antoni Muggli da Sedrun
Giachen Fidel Cavegn
Sep Antoni Deragisch
ed jeu Joseph Anton Durgiai, farrer.

02-06-1859 Ha la ludeivla vischnaunca legiu ora la sequenta cumissiun da scola:

president Joseph Antoni Durgiai, farrer

Commembers:

statalter Gion Andriu Berther, giuven

Stiaffen Monn

Giachen Fidel Cavegn

statalter Gion Antoni Peder da Selva

statalter Sep Antoni Muggli da Cavorgia

E lura duei ei era esser tier las solitas radunonzas silmeins in dils signurs geraus en uffeci.

22-10-1859 Ei la cumissiun da scola stada seradunada en las persunas da signur gerau Duri Wenzin, statalter Gion Andriu Berther, Giachen Fidel Cavegn e segnerfarrer Durgiai e priu las sequentas conclusiuns.

Als da Camischolas eis ei concediu per temps da dus onns, sche la vischnaunca ei da quei cuntenza, in scolast, sut la cundizion che lur scola seigi sutamessa alla cumissiun da scola, sco las otras scolas da vischnaunca. Quels dus onns fussen 1859/60 – 1860/61. Co aber pagar ils scolasts, duei vegrir rapportau sin vischnaunca, schebein quei solet cun ils auters, duei vegrir selaris aus en massa, ni suenter affons. Per ils scolast ei surschau al segnerfarrer per s'entelgir cun il scolast Mihael Maissen da Cuoz a Mustér.

Plinavon eis ei concludiu da prender en tuttas scolas ils medems cudischs da scola, sco quei che nus havein giu entochen dacheu, numnadamein

1. classa Cudisch da A.B.C

2. classa Il cudisch da leger ed Uffeci

3. La Bibla, Cudisch instructiv da signur Plazi ed Uffeci

Finalmein dueien las scolas entscheiver, sche pusseivel ei, ils 3 da november en la persuna dils scolasts:

Caderas da Ladir per Sedrun cun loschi e salari da 210 frs.

Wagieli Riedi da Mustér, Mumpe Medel, per Rueras cun loschi e salari 180 frs.

Monn da Cumpadials, Selva, cun loschi e salari 150 frs.

Steiner da Cumpadials per Cavorgia cun loschi e salari 100 frs.

Tumaisch Giacumet da Sedrun per ils pigns cun salari 51 frs.

Maissen da Cuoz, scolast a Camischolas 140 frs.

01-04-1860 Ei la cumissiun stada radunada ed ha concludiu da tener ils examens dallas scolas per Sedrun, mardis Pastgas, ils 10 d'avrel, ils 11 Camischolas avonmiezdi, suentermiezdi a Cavorgia, ils 12 a Selva avonmiezdi e suentermiezdi a Rueras, ni ils 13 a Rueras suentermiezdi, sch'igl inspectur da scola desiderass bugen.

Plinavon eis ei vegrui exprimiu dils commembers la cumpleina cumentientscha sur dils scolasts en general, ton en riguard lur morala conduita, sco era en riguard lur prestaziuns sur dalla instrucziun da scola e per quella fin incumbensau il president da scola d'exprimer ad els lur cumpleina cumentientscha ed engraziar cun recumandar dasperas, ch'ei veglien era per igl onn futur interpredar nossas scolas cun quella buna premura.

26-08-1860 Ei la cumissiun stada seradunada e priu las sequentas proposiziuns.

Ella deliberaziun eis ei seresultau dus meinis, numnadamein: gl'emprem ei staus da reparter ils fondos da scola, quei ei il tscheins annual, sin questa moda: la mesedad duei vegnir partiu sin sis scolasts, numnadamein, dus scolasts a Sedrun, in a Camischolas, in a Rueras, in a Selva ed in a Cavorgia, l'autra mesedad suenter affons che frequentan la scola. Tier il fondo ordinari duei era vegnir priu 85 raps per affon, resalvond ils affons da Bugnei e Surrein, che dueien pagar mo 40 raps.

Lura duei la vischnaunca schar vender in ton pastira per augmentar il fondo, il qual vegness era repartius sco sura. Duess aber in vischinadi ni l'auter survegnir pli che quei che lur expensas pertassen, sche curdass il surpli el fondo da scola. Quels vischinadis aber, che fussen entras las sura resursas buca cuvretgs per las expensas, sche ston els reparter quei manco sin lur affons.

Il secund meini aber ei staus da reparter igl annual tscheins dil fondo suenter la sura sis scolas communablamein e la vischnaunca duei schar satuer sin ina moda ni l'autra ina augmentaziun tier il fondo, u cun vender pastira ni vender pastiras da segar, ni dar in ton ord vischnaunca.

Ils affons aber dueien era pagar sco tier igl emprem meini.

Duess ei vegnir fatg dil vischinadi anora ni entras la carezia d'in u l'auter particular ina augmentaziun, sche duei quella augmentaziun restar sulet per quellas scolas da queste vischinadis.

Questas proposiziuns dueien vegnir admessas sin deliberaziun dalla vischnaunca. Dallas sura conclusiuns u proposiziuns ha la ludeivla vischnaunca, sco muossa il protocol da vischnaunca, acceptau igl emprem pareri, cun la modificaziun aunc da ponderar ina gada la cumissiun da scola ed entgins vischins ord ils vischinadis, per seconsultar sur la fundaziun dil fondo da scola, la quala cumissiun, cun ils leutier destinai particulars dils vischinadis ei stada radunada ils 16 da settember.

16-09-1860 Ed ha sentelgiu sur dallas sequentas proposiziuns:

1. Duei la ludeivla vischnaunca fixar certs tocs pastiras ord il Cuolm Bass en mintga vischinadi, sch'ei sa esser, che dueien lura vegnir serrai sco pastiras da pastg da biestga e lura quellas fatgas il verganten *ingantaus* per schar segar en in liug ni l'auter annualmein. Duess quei aber buca cumplascher, sche duei ei:

2. Vegnir schau tier da prender si 30 tiers sin la jarva.

3. Duei vegnir mess si ina taglietta sin la lenna che vegn pinada e zuar

- a) in lenn d'aissas ella schetga fria 2.50 frs.
- b) in quader ella schetga fria 1.50 frs.
- c) ina latta ella schetga fria 40 raps
- d) in lenn da clavau egl uaul cumin 30 raps
- e) in areisen egl uaul cumin 30 raps
- f) in lenn da punt 40 raps
- g) in lenn d'aissas per slondas egl uaul cumin 85 raps

4. Duei vegnir mess si per quels che segan fein a pastg sin la sequenta moda:

Dat la vischnaunca quels certs tocs pastiras nr. 1., sche duei ei vegnir mess si per in um per fiug che va el cuolm 50 raps, e quels che van pli ch'in per fiug, per mintga um 1.50 frs.

Duessen aber ils plats e loghens da nr.1 buca restar da vender ora, sche duei ei vegnir mess si in um per fiug 50 raps, quels che van sur pli ch'in per fiug dueien pagar per mintgin 3 frs. Las femnas che segan dueien pagar la mesedad ed ils paupers che retscheivan agid nuot.

5. Igl arvè dalla claustra duei vegnir pagaus e partius giu suenter ils tiers che pasculeschan en vischnaunca.

Quellas resursas che vegnan pia fixadas dalla vischnaunca, dueien restar per agen e lura ord da quellas vegnir priu ora annualmein per las scolas 250 frs., il surpli aber che quellas portan giu, restar per auters basegns dalla vischnaunca.

21-10-1860 Ei la cumissiun stada seradunada ensem e fixau da schar entscheiver la scola ils 6 da november e dasperas priu enconuschiantscha dalla correspondenza fatga denter il president da scola ed ils respectivs scolasts ed ha lura approbau sco suonda:

1. Sedrun, scolast Chrest Fidel Caderas da Ladir ha dumandau per siu salari sco onn, numnadamein 210 frs. Approbau.

2. Sedrun, scolast Gion Rudolf Cavelti da Sagogn, tenor correspondenza digl inspectur, ha dumandau 100 frs. e 20 frs. remess alla cumissiun cun quatier e lenna. Approbau.

3. Camischolas, scolast Maissen da Mustér 150 - 165 frs. Approbau.

4. Rueras, scolast Wigeli Riedi da Mumpé Medel 190 frs. Approbau.

5. Selva, scolast Gion Giusep Monn da Cumpadials tenor ultima informaziun dada ad el 150 frs. Approbau.

6. Cavorgia, scolast Steiner da Cumpadials 100 frs. e 20 frs. remess alla cumissiun. Approbau.

12-01-1861 Ei la cumissiun stada seradunada ed ha tratg ora ils sequents per schar marcadar il sulom per la casa da scola da Camischolas, sco era per schar marcadar cun ils meisters da lenna da crap per baghegiar si quella e da survigilar la lavur.

1. il president

2. signur Lucas Cavegn

3. statalter Gion Andriu Berther

4. inspectur professer Plazi Condrau

Quei di eis ei era sentelgiu da far las visitaziuns dallas scolas.

03-01-1864 Ei la ludeivla cumissiun da scola seradunada en casa da pervenda, consistenta ord ils sequents personals:

per Sedrun Stiaffen Monn

per Rueras Giachen Fidel Cavegn

per Selva Giachen Antoni Deflorin, absents

per Camischolas Wigeli Berther

per Cavorgia statalter Sep Antoni Muggli

El medem temps fuvan era presents ils dus signurs geraus da vischnaunca: Duri Wenzin da Rueras e Gion Antoni Muggli da Sedrun.

Questa cumissiun ha gl'emprem elegiu ora per siu president il niev farrer Maurus Desax e silsuunter priu il suandon conclus: Ina gada per meins dueien las scolas vegnir visitadas, priu ora Selva, dil segnerfarrer, dil commember dalla cumissiun dil liug, cun trer vitier in commember d'in auter vischinadi.

Per il meins schaner ei quella fixada viseta uonn vegnida cumbinada culla viseta digl inspectur da scola, sur Tumaisch Huonder, farrer a Trun.

Il meins da fevrer ei la viseta vegnida fatga a Rueras, Camischolas e Sedrun. Ils 21 da mars ei vegniu visita la scola da Selva.

28-03-1864 Ei la ludeivla cumissiun da scola stada seradunada; presents fuvan sequents: signur gerau Duri Wenzin, signur farrer Maurus Desax, Wigeli Berther, statalter Sep Antoni Muggli, per Giachen Fidel Cavegn siu fegl sco substitut. Absents il commember da Selva e Sedrun.

En quella sesiun ei vegniu concludiu da serrar igl onn da scola activ culs examens finals sco suonda:

1. Ils 31 da mars examen a Selva

2. Igl 1. d'avrel examen a Sedrun

3. Ils 2 d'avrel examen a Camischolas

4. Ils 4 d'avrel examen a Rueras

5. Ils 5 d'avrel examen a Cavorgia.

1864, igl 1. da november

Ei la cumissiun da scola seradunada, presents fuvan sequents personals: president Duri Wenzin, segnerfarrer, Wigeli Berther, statalter Gion Antoni Muggli, Giachen Antoni Deflorin; absents il commember da Sedrun e Rueras.

En quella sesiun ha gl'emprem signur gerau Duri Wenzin dau giu ni mess avon il quen fatg ora per pagar ils signurs scolasts d'anno 1863/64.
Silsuenter ei vegniu concludiu d'entscheiver las scolas d'unviern ella vischnaunca da Tujetsch pigl onn scolastic anno 1864/65, il proxim gliendisdis da quest, ils 7 da november 1864 e per quella fin notificar quei conclus als respectivs signurs scolasts che han da vegni.

1865, ils 29 d'october

Ei la ludeivla cumissiun da scola stada seradunada. Presents fuvan sequents signurs segnerfarrer, Stiafen Monn da Sedrun, Duri Deflorin da Camischolas, Gion Antoni Berther da Rueras, Giachen Antoni Deflorin da Tschamut e Gion Antoni Curschellas da Bugnei. Igl ei en quella sesiun vegniu concludiu da dar l'entschatta tiella scola hiemala per igl onn 1865/66 en tuts vischinadis da vischnaunca cun ils 6 da november 1865.

Il medem di ha era quest onn la scola privata tudestga, dada da signur scolast Soliva, priu sia entschatta a Sedrun.

1865, ils 6 da november

Vegniu visitau entras il segnerfarrer las scolas da Sedrun e Camischolas. – Ils 9 da november quella da Rueras. – El meins november era visitau la scola da Cavorgia.

1865, ils 6 da december

Han segnerfarrer e Giachen Antoni Deflorin visitau la scola da Selva.

1866, schaner

Han segnerfarrer e statalter Vigieli Jacumet visitau la scola da Sedrun; farrer, Gion Antoni Berther e Giachen Fidel Cavegn quella da Rueras; farrer, Duri Deflorin e statalter Gion Andriu Berther quella da Camischolas.

1866, ils 25 da schaner

Ha segnerfarrer visitau la scola da Selva.

1866, mars

Han il signur inspectur ed il farrer visitau, quei ei, inspectau las scolas da nossa vischnaunca. Las scolas hiemalas d'anno 1865/66 ein vegnidis serradas entras ils examens finals, ils 3, 4, 5 e 6 d'avrel. Ton ils signurs cussegliers da scola, sco era geniturs ed amitgs da scola han priu viva part da quels examens, ils qualis han en general cuntentau fetg bein nossas speronzas.

1866, ils 7 d'avrel

Ei vegniu teniu a Sedrun ella baselgia dalla farria ina biala fiasta da tut ils affons da scola en vischnaunca per solemna conclusiun entras in survetsch divin, cun la quala caschun ils emprems communicants ein i tiella meisa dil Segner. Era ei vegniu fatg quei di dils affons e dil pievel ina considerabla unfrenda per la confraternitad dalla s. Affonza en favur e per spindrament dils paupers affons e pagauns.

1866, ils 28 d'october

La cumissiun da scola ei seradunada a Sedrun e concludiu da dar l'entschatta culla scola hiemala romontscha e tudestga per igl onn 1866/67 ils 6 da november.

Quei di ei la scola era vegnida aviarta cun in survetsch divin en baselgia ed ina commensurada admoniziun dil segnerfarrer als affons.

1867, igl 1 da november

Ei la ludeivla cumissiun da scola stada radunada ed ei concludiu da dar l'entschatta cun la scola d'unviern per anno 1867/68, ils 5 da november, tenor il solit cun messa ella farria.

1868, ils 25 d'october

Ei la ludeivla cumissiun da scola seradunada ed ein stai presents ils sequents signurs: segnerfarrer, president, Leci Antoni Huonder, cusseglier da Sedrun, Gion Antoni

Curschellas, cusseglier da Bugnei, Gion Antoni Berther, cusseglier da Rueras, Giachen Antoni Deflorin, cusseglier per Selva e Tschamut. Muncau han dus cussegliers da Camischolas e Cavorgia. – Essend ch'ei fuss entras decret digl aultludeivel Cussegli Grond vegniu concludiu che las scolas elementaras d'unviern dueien ussa cuzzar 24 jamnas, enstagl mo 22; sch'eis ei en nossa cumissiun semanifestau generalmein il meini d'entscheiver gl'atun la scola per quellas duas jamnas avon. Denton era per igl onn present il temps schon memia avanzaus ed ei aschia concludiu da far l'avertura da nossas scolas da vischnaunca per igl unviern 1868/69, ils 3 da november, tenor il solit cun messa ella farria.

1868, ils 3 da november

Ein stai presents tiella avertura dalla scola a Rueras ils signur caplon, sur Florin Soler ed il cusseglier da scola da leu, Gion Antoni Berther. Ils 3 da november ha segnerfarrer fatg ina cuorta viseta alla scola da Camischolas.

1868, ils 4 da november

La scola romontscha a Sedrun ha entschiet ils 4 da november 1868. – Quei di tiella avertura han visitau quella scola sco era la scola tudestga a Sedrun, tenida da signur caplon Ant. Casanova, il segnerfarrer, president da scola e cusseglier da Sedrun, Lezi Antoni Huonder.

1868, ils 19 da november

Han segnerfarrer e cusseglier Gion Martin Peder visitau la scola da Cavorgia, suenter quei ch'il farrer veva fatg ina cuorta viseta alla medema scola schon ils 16 da november.

1868, ils 24 da november

Han president farrer Desax e cusseglier da scola Leci Huonder visitau la scola romontscha a Sedrun.

1868, ils 12 da december

Han signur caplon Ant. Casanova, scolast Caderas e cusseglier Duri Deflorin visitau la scola da Camischolas.

1868, ils 16 da december

Han signur inspectur e canoni Thomas Huonder, farrer a Trun e farrer Desax da Tujetsch visitau la scola da Selva, accumpaignai da sur Macolin, caplon dil liug. Il medem di han els visitau era la scola da Rueras, tiella quala ein aunc stai presents il signur sur Soler, caplon dil liug, Gion Antoni Berther, cusseglier da scola e Thumaisch Beer. – La sera ei aunc vegniu inspectau la scola da repetiziun da scolast Soliva a Rueras.

1868, ils 17 da december

Entras signur inspectur. Segnerfarrer etc. inspecziun dallas scolas a Sedrun etc. etc. L'inspecziun e visitaziun dallas scolas ei quest unviern vegnida fatga ulati regularmein.

1868/1869

Igl unviern 1868/69 ei era stau ina scola privata pils affons da signur Lucas Cavegn, dada entras tit. sora Ildefonsa Storch, sora da scola a Menzingen, cantun Zug, la quala scola vegn era centinuda duront la stad. La medema sora ha dau a Sedrun ina scola da lavur per buobas e mattauns duront igl unviern, dalla quala quellas han priu numerusa part.

1869, ils 11 d'avrel

Ei la cumissiun da scola stada seradunada; presents ein stai ils sequents signurs: farrer Desax, Lezi Huonder, Gion Antoni Curschellas, Martin Peder, Duri Deflorin, Gion Antoni Berther. Muncau ha il cusseglier da Tschamut Giachen Antoni Deflorin.

Quei medem di ei fixau da tener ils examens finals da nossas scolas sco suonda:

1. ils 12 d'avrel a Sedrun, scola romontscha e tudestga.
2. ils 13 d'avrel a Camischolas e Rueras, cheu era la tudestga e romontscha.
3. ils 14 d'avrel a Cavorgia e Selva

1869, ils 17 d'avrel

Ei stau la solemna fiasta dils affons per conclusiun dalla scola culla solemna communiu da 18 affons emprems communicants.

1869/70

Las scolas da vischnaunca han pigl unviern 1869/70 entschiet ina jamna avon Numnasontga ed ein vegnidas serradas ina jamna suenter Pastgas. – scolasts ein stai ils sequents:

- | | |
|--------------------------------------|-------------------------------|
| 1. Per la scola romontscha a Sedrun: | Christian Fidel Caderas, |
| per la scola tudestga a Sedrun: | signur caplon Anton Casanova. |
| 2. Per la scola da Rueras: | giuvna Barla Paly dil liug. |
| 3. per la scola da Selva: | <i>Giusep</i> Steiner |
| 4. Per Camischolas: | giuvna Rosa Martina Berther. |
| 5. Per Cavorgia: | giuven Duri Riedi. |

A Rueras e Camischolas ei vegniu fatg scolas da lavur allas buobas.

A Rueras, Camischolas e Cavorgia ei vegniu fatg scolas dalla sera, mo essend cheu tut scolasts novizs digl emprem onn, han els obteniu dil cantun negin premi. – Encuntercomi ha la scola tudestga a Sedrun, quels dus onns, obteniu in premi da 100 frs. ad onn sco "Fortbildungs-Schule".

1870/71

Per las scolas d'unviern da 1870/71 da 24 jamnas, ha Tujetsch pladiu sequents persunals.

- | | |
|--|--|
| 1. Per la scola romontscha a Sedrun: | signur scolast patentau Christian Fidel Caderas da Ladir cun paga 330 frs. e liber local e lenna. |
| 2. Per la scola privata tudestga a Sedrun: | igl aultreveriu signur caplon sur Gion Gieri Tuor. L'emprema scola entscheiva 1870, ils 26 d'october, l'autra 1870, ils 3 da november. |
| 3. Per la scola da Rueras: | Barla Paly, cun paga |
| 4. Per la scola da Selva: | Rosa Martina Berther cun paga |
| 5. Per la scola da Camischolas: | Duri Riedi cun paga |
- Quellas treis scolas entscheivan 1870, ils 25 d'october.
6. A Cavorgia ei quest'unviern muort munconza d'affons negina scola. Ils 4 – 5 affons da leu van a scola a Sedrun.

1883, ils 14 da matg

Gliendisdis Tschuncheismas ha la ludeivla vischnaunca legiu ora il cussegl da scola sco suonda:

president revendissim Thomas J. Berther, caplon a Sedrun

Commembers:

1. Lezi Anton Huonder da Sedrun
2. Hans Giachen Decurtins da Sedrun
3. Gion Andriu Berther da Camischolas
4. Gion Antoni Caveng da Rueras
5. Fidel Wenzin da Selva
6. Thumaisch Schmet da Cavorgia
7. Revendissim Thomas Beer, farrer, il qual auda, sco secapescha da sesez, muort siu uffeci el cussegl da scola, e duei vegnir dumandaus per plaid e cussegl en tutt fatgs da scola.

1882/83

Tier ils examens finals dalla scola 1882/83 haveva il cussegl da scola giu pladiu ils signurs scolasts sco suonda:

Per Sedrun: signur scolast Anselm Capeder da Mustér, cun ina paga da 440 frs.

Per Camischolas: signur scolast Sigisbert Monn da Mustér cun ina paga da 340 frs.

Per Cavorgia: signur scolast Joseph Steiner cun ina paga da 340 frs.

Per Rueras: ein buca stai vegni perina e suenter liungas e macortas malemporneivladads han ei lura ils da Rueras pladiu ils 6 da matg (di da cumin) puspei il veder signur scolast Gion Battesta Derungs da Breil per 340 frs.

Per Selva: ha president Fidel Wenzin e Lezi Huonder pladiu, ils 14 da matg, il veder signur scolast Duri Riedi da Rueras cun ina paga da 340 frs.

Per la scola tudestga ha il cussegl da scola turnau a pladir ina dumengia dalla stad il veder, signur scolast Gion Antoni Soliva da Sedrun cun ina paga da 340 frs.

Era ina scolasta per la scola da lavur ha il cussegl da scola pladiu per la scola da Sedrun, numnadamein la giuvna Eleonora Caveng da Sedrun cun in paga da 18 frs.

Ils da Rueras han buca vuliu ina scolasta per la scola da lavur.

1883, ils 7 d'october

La damonda, il baghegiar la casa da scola sin vischnaunca. La vischnaunca era differentas gadas vegnida fatga attenta ch'ella stoppi baghegiar ina nova casa da scola per il vischinadi da Sedrun, essend la veglia tuttavia buca sufficienta. La vischnaunca ha aber era adina fatg nuot stem sur da quei e concludiu da baghegiar mo cu ella stoppi, schegie che mintga carstgaun cun sauna raschun, stueva veser en ch'ei era necessari, muort fetg biaras raschuns da baghegiar ina casa.

Ils 18 d'uost ha il cussegl d'educaziun tarmess tier al cussegl da scola in memorandum, nua ch'el stimulescha ed obligelescha il cussegl da scola da luvrar ch'ei vegni fatg enzatgei pervia dalla casa da scola. Sin quei ha lura il president da scola purtau avon quella caussa alla vischnaunca e quella ha lura legiu ora ina cumissiun consistenta ord il cussegl da scola ed aunc sequents signurs:

1. Vigieli Deragisch da Bugnei
2. Giachen Antoni Soliva da Sedrun
3. Bruno Soliva da Gonda
4. Gion Paul Berther da Camischolas
5. Giachen Antoni Wenzin da Rueras
6. Wigiel Wenzin da Selva
7. Sep Antoni Hendry da Surrein
8. Luis Hendry da Cavorgia.

Quella cumissiun duei lura luvrar ora in pareri nua bein tschentar la casa e co far.

1883, ils 14 d'october

Ei il cussegl da scola staus radunaus a Rueras per mirar cura entscheiver la scola. Igl ei vegniu concludiu d'entscheiver la romontscha ils 24 e la tudestga ils 26.

Era duei ei vegnir lavau en las casas da scola e zuar vegn quei quintau da lavur cumina. Duront la stad eis ei levau si en Rueras e Bugnei ina partida, la quala garegia che la vischnaunca fetschi la lenna per scaldar la pegna da scola, sco la lescha pretenda. Jeu hai fatg purtar quei sin vischnaunca, mo cheu ha negin vuliu vegnir ora cul marmugn ed aschia eis ei vegniu concludiu da schar sco igl ei stau tochen dacheu.

1883, ils 24 d'october

Aertura dallas scolas. Ils 24 ein las scolas vegnidas aviartas. Tier l'avertura ein stai presents dils commembres dil cussegl da scola: revendissim farrer, revendissim caplon, signur Lezi Huonder. Hans Giachen Decurtins ei staus impediis, raschun sufficienta. La scola da Sedrun dumbra 42 scolars. Suentermiezdi sundel staus a Rueras, nua che Lezi Huonder ha accumpignau mei. – Leu ei signur Gion Antoni Caveng aunc vegnius cun nus. Revendissim caplon Riedi era staus avonmiezdi. Ils scolars eran cumpari tuts 30. Buca fatg ina buna impressiun sin mei, negina vivacitad, "eintonig" ed "unpractisch".

1883, ils 25 d'october

Sundel staus a Camischolas e visitau cun signur Gion Andriu Berther la scola. Il diember da scolars ei sco onn, 14, ils quals eran cumpari tuts.

1883, ils 26 d'october

Ei la scola tudestga vegnida aviarta, nua ch'igl ei cumpariu gl'emprem di mo diesch scolars. Quater muncavan tenor diember daus en. Cun mei ei aunc signur Lezi Huonder staus. Quels affons han fatg sin mei ina buna impressiun e tratgel che quei vegni ina pulita

scola. – Hai garegiau e cumandau ch'ei vegni plidau tudestg denter ils affons dil 2. – 3. onn, il qual sto era veginr execuius.

1883, ils 26 d'october

Al cussegli d'educaziun. Hai jeu era scret al cussegli d'educaziun pervia da nossa questiu dalla nova casa da scola. Hai scret che la vischnaunca hagi legiu ora ina cumissiun, la quala hagi da sedar giu cun quella damonda.

1883, ils 27 d'october

I. Sesiun davart la casa da scola. Suentermiezdi ei la cumissiun pervia da baghegiar la casa da scola a Sedrun stada radunada a Sedrun en casa da caplania.

Buca stai cumpari ein:

1. Gion Antoni Cavegn
2. Giachen Antoni Wenzin
3. Wigeli Wenzin
4. Hans Giachen Decurtins

Suenter quei ch'il president ha giu mess avon la raschun u motiv, pertgei la cumissiun seigi oz cheu, ei la debatta veginida aviarta sur dalla damonda: Nua ei seigi bein il pli adattau plaz per baghegiar ina casa da scola a Sedrun, sinaquei che las scolas da Sedrun e Camischolas savessien veginr unidas.

Sur da quella damonda eis ei vegniu plidau bia e ditg e differents meinis ein vegni purtai avon.

Tgi leva baghegiar la casa da scola en Camischolas e concentrar leu en quella casa lura tuttas scolas, aschia che l'entira vischnaunca savessi prender part vid quella.

Tgi leva tschentar ella a Mira, sinaquei ch'ils affons da Camischolas vessien buca memia lunsch e memia ruh, essend ch'il viadi da Camischolas a Sedrun seigi igl unviern in fetg ruh pass.

Tgi leva baghiar la casa da scola a Sontget e zuar da maun sut dalla via. Quei füssi il pli adattau liug, sch'ins vegli era risguardar ils affons da Bugnei e Surrein. – Era il pli adattau liug muort caussas che stoppien veginr risguardadas, cura ch'ins vegli baghiar casa da scola. E quei segi:

- a. La scola duei esser cun la baselgia
- b. Survigilonza. Igl affon duei far termagls sut survigilonza
- c. Muort la ductrina. Ins sappi buca metter si la grevezia als spirituals d'ira en Camischolas, ni Mira a far ductrina
- d. Muort l'aau
- e. Muort scaldar pegna etc. etc.

Suenter ina liunga debatta eis ei vegniu votau giu e concludiu cun endisch vuschs encunter ina da tschentar la casa da scola vi Sontget. – Quella ina vusch leva baghegiar la casa da scola en Camischolas.

Bein aber fan ils dus commembers dil vischinadi da Camischolas la remarca, che quei duei esser negin pregiudezi al vischinadi da Camischolas e ch'els veginien mo stuend ni zunghegai a Sedrun cun lur affons.

Suenter esser perina sur dalla damonda nua tschentar la casa da scola ei la discussiun veginida aviarta sur ina autra damonda, numnadamein: Co ni tgeilein baghegiar vi Sontget? -

Essend aber il temps s'avanzaus, ed essend quei ina damonda da gronda impurtonza, sch'eis ei vegniu concludiu da refierer quella sin in'autra sesiun, sinaquei ch'ins hagi temps e peda da patertgar e meditar sur da quella caussa.

Igl ei vegniu concludiu da seradunar ils 4 da november.

1883, ils 4 da november

II. Sesiun davart la casa da scola. Ei la cumissiun puspei stada seradunada a Sedrun en casa da caplania.

Absents eran:

1. Revendissim farrer, buca bein disposts

2. Hans Giachen Decurtins
3. Bruno Soliva
4. Luis Hendry
5. Wigiel Wenzin

Oz ha la cumissiun giu da seconcluder sur dalla moda e maniera, co baghegiar la casa da scola.

Sur da quella caussa regevan era differentas ideas e meinis. Tonaton era ei ualti general meini, da baghegiar enzatgei scoiauda, che survessi per tuts basegns, ton per la scola, sco era per auters basegns dalla vischnaunca.

Ina part della cumissiun leva unir cun la casa da scola aunc la caplania, sinaquei ch'ins savessi lura vender l'entira casa vedra da scola, ed aschia trer in grond daner. – L'autra part, ch'era la gronda part, leva buca quei, essend che quei vegni in memia grond baghetg, cuosti memia bia e sappi struschamein baghegiar solit avunda. – Denton ha la cumissiun anflau per bien da schar purtar avon alla ludeivla vischnaunca domisdus meinis e quella sappi lura decider quella caussa sco ella anfli per bien. –

Unitamein ha la cumissiun concludiu da baghegiar ina casa da scola cun sequentas stanzas:

1. Giufuns ina stanza per far il "turnen"; davostier tschalers
2. I^{ma} alzada, da maun sut duas stivas per las scolas romontschas. Davostier ina stanza per la sprezza e duas talinas per lenna ni duas combras secund sco ei drova.
3. II^{da} alzada da maun sut ina stiva per la scola tudestga, ina per il "Civilstand" ed ina per igl "Oberkeit" da vischnaunca. Davostier ina cuschina ed ina combra per il scolast e lura aunc igl arsenal per disposiziun dil gerau militar.

Ina part della cumissiun leva aunc baghegiar ina III^{za} alzada per la caplania, sinaquei che la vischnaunca savessi lura vender l'entira vedra casa da scola e trer in grond daner ordlunder e stuessi buca mantaner dus tetgs e baghetgs.

L'autra part ch'era la part gronda, ha buca vuliu quei ord motiv che quella casa vegnessi memia gronda, custassi memia bia etc.

Denton ha la cumissiun concludiu da schar purtar avon alla ludeivla vischnaunca domisduas proposiziuns, sinaquei che quella sappi decider.

La damonda, baghegiar ord crap ni lenn, ha la cumissiun era schau sura da decider alla ludeivla vischnaunca. – Alla finala eis ei vegniu surdau al president da luvrar ora in rapport sur dil tractar per mauns dalla ludeivla vischnaunca.

1883, ils 5 da november

Visitaziun da scola. Ei il president da scola staus a Selva per mirar co ei stetti cun la scola. Era Fidel Wenzin ei staus presents.

1883, ils 6, 7, 8 da november

Inspecziun da scola entras signur inspectur. Ei signur inspectur, professer Disch, staus a Tujetsch e visitau las scolas. Ils 6 avonmiezdi staus a Selva. Aschinavon sco jeu erel staus il di avon a Selva, sundel buca turnaus en. Suentermiezdi a Rueras, nua che jeu sundel era staus presents. Al signur scolast eis ei vegniu fatg la remarca da sepertgirar da dar si memia bia a casa. – Era duessien negins affons, che frequentien la scola romontscha, prender part vid la scola tudestga dalla sera, essend che quei seigi memia hefti.

Era fa signur inspectur attents che la scola da Rueras drovi ina instructa per scola da lavur allas buobas.

Ils 7, avonmiezdi a Cavorgia. Tumaisch Schmed ha muort esser malsauls buca saviu cumparer. Al signur scolast ei vegniu fatg la remarca, ch'el dueigi metter pli gronda peisa sin la grammatica.

Suentermiezdi a Camischolas. Stai presents president e Gion Andriu Berther.

Ils 8, avonmiezdi a Sedrun en la scola romontscha. Cumpari ein cheu revendissim farrer, signur Lezi Huonder e president. Suentermiezdi en la scola tudestga, era cheu ein ils signurs suranumnai cumpari.

Alla fin havein nus aunc visitau la scola da lavur. En tuttas scolas ha signur inspectur fatg attents ch'ins duei sepertgirar dallas absenzas.

1883, ils 18 da november

Rapport dalla cumissiun sin vischnaunca. Ei il rapport, daus en dalla cumissiun da scola davart baghiar la casa da scola vegnius purtaus sin vischnaunca, ha aber tuttavia buca saviu cuntentar la vischnaunca. Quella ha manegiau, che quei drovi tuttavia buca in aschi grond baghetg e buca schi bia cuosts. Il conclus ei staus, la cumissiun duegi turnar ensem e ponderar quella caussa aunc inaga ed ins duegi refierer per oz quella caussa.

1883, ils 29 da november

Scolast da Rueras avon il cusseg1 da scola. Sin repatidas lamentaschuns dils geniturs da Rueras, che signur scolast Gion Battesta Derungs, tracteschi memia groppamein e maltschecamein ils affons, ha president da scola schau vegnir il sura numnau scolast avon il cusseg1 da scola per intercurir quella caussa. Presents eran il president, Lezi Huonder, Hans Giachen Decurtins, Gion Andriu Berther, Gion Antoni Caveng e Thumaisch Schmed. Suenter ver mess avon il motiv pertgei il president hagi schau vegnir a Sedrun questa sera il signur scolast. Suenter ver tedlau las raschuns ed excussiuns da signur scolast; suenter quei che signur Gion Antoni Caveng, el num dils vischins, ha era giu mess avon sias lamentaschuns; suenter quei ch'cls auters signurs cussegliers da scola han giu dau giu lur meini ha president renviau anavos tuttas excussiuns e per part aunc manzegnas da signur scolast Gion B. Derungs e dau ina scharfa admoniziun e garegiau absolutamein, ch'el cali si da tractar ils affons sin quella moda, numnadamein da trer per las ureglas, per il nas e cavels, ch'ei segli il saung.

Sesiun davart la casa da scola. Suenter ver rugalau la sura numnada questiun, ha il cusseg1 da scola, cun ils auers commembers dalla cumissiun da baghegiar casa da scola, giu sesiun pervia dalla casa da scola. Aschinavon sco la ludeivla vischnaunca ha nuota giu vuliu saver dil rapport che la cumissiun veva giu luvrau ora, sonder garegiau da turnar a luvrar ora in niev, sch'ei quella vegnida suenter a quei giavisch e luvrau ora in niev. La cumissiun ha concludiu da buca ira vi Sontget cun la caplania, schar quella tscheu neu e las stivas da scola schar per ils differents basegns da vischnaunca. Tonaton duegi vegnir baghiau vi Sontget enzatgei scoiauda. – Igl ei vegniu concludiu da baghiar las medemas stanzas e combras sco igl ei vegniu stau concludiu en la II. sesiun, mo dau auters numbs.

Per luvrar ora quei rapport ei signur Gion Andriu Berther vegnius destinaus. Absents eran ils signurs Fidel Wenzin, Wigeli Wenzin, Bruno Soliva, Giachen Antoni Soliva e Luis e Sep Antoni Hendry, revendissim farrer era buca bein disposts.

1883, ils 16 da december

Rapport dalla cumissiun sin vischnaunca. Ei il niev rapport, daus en dalla cumissiun da scola davart baghiar la casa da scola, vegnius purtaus avon alla ludeivla vischnaunca, la quala ha anflau quella ga aunc suenter enqual remarca, da dar l'approubaziun. Sin quei ha la ludeivala vischnaunca lura legiu ora ina cumissiun da treis commembers: revendissim caplon Thomas Berther, sco president, signur Gion Andriu Berther e Duri Berther, Zarcuns, meister e surdau a quella tut il menaschi.

1883, ils 19, 20 da december

Ils 19 hai jeu visitau las scolas a Sedrun. Dils commembers ein cumpari revendissim farrer, Hans Giachen Decurtins. Ils 20 sundel staus a Rueras, Gion Antoni Caveng ei era cumparius. La scola ha buca cuntentau mei. Suentermiezdi visitau la scola da lavur leu.

1883, ils 27 da december

Visitau la scola da lavur a Sedrun.

1884, ils 8 da schaner

Tarmess al cusseg1 d'educaziun il conclus che la ludeivla vischnaunca ha priu en riguard il baghegiar la casa da scola.

1884, ils 10 da schaner

IV. Sesiun davart la casa da scola. La sera ein ils 3 commembers, als quals la ludeivla

vischnaunca ha schau sura il baghiar la casa da scola, stai radunai a Sedrun. Igl ei vegniu concludiu da far pinar la lenna il fevrer. - Davart il plan per la casa da scola han ils 3 commembers buca pudiu vegnir perina, essend che Gion Andriu e Duri Berther manegiavan d'esser sufficient cun in plan che nus fagein giu, caplon aber era cun quei tuttavia buca cuntents e garegia ch'ei stoppi vegnir fatg in plan bein e scuoiauda, ch'ins sappi tgei ins vegli e tgei ins hagi da far. Suenter liunga e viva debatta eis ei vegniu concludiu da ver plaid e cussegli en quella caussa cun signur inspectur Disch.

1884, ils 23 da schaner

Visitaziun da scola. Ha il ludeivel cussegli da scola entschiet la generala visitaziun da scola. Avonmiezdi eis el staus a Rueras. Presents ein stai: revendissim farrer, Thomas Beer, revendissim caplon L. Riedi, revendissim caplon Thomas J. Berther, signur Gion Antoni Caveng, signur Fidel Wenzin, signur Gion Andriu Berther, signur Lezi Huonder e signur Hans Giachen Decurtins.

La scola da Rueras ha fatg quellaga ina megliera impressiun ch'autras ga.

Suentermiezdi eis el staus a Camischolas, nua ch'ei era destinau tier la visitaziun aunc ina conferenza dils signurs scolasts, ils quals ein stai cumpari unitamein.

Tier il sura numnai signurs dil cussegli da scola ein aunc cumpari signur Thumaisch Schmed e signur Gion Paul Berther. Revendissim caplon Riedi ei buca staus.

La scola da Camischolas ha cuntentau tuts. Era ils signurs scolasts ein stai cuntents cun la moda e maniera che signur scolast Sigisbert Monn applichescha e dau ad el tut laud. Al president eis ei vegniu fatg la reproscha, ch'el seigi buca staus vid il conclus prius gl'onn vargau da schar prender tier quella conferenza mintgaga mo in "fach" atras, aber quel scoiauda, quel ha aber renviau anavos quella reproscha, essend ch'el ha alla entschatta dumandau si ils signurs scolasts, tgei ei plagi da schar prender atras.

Alla fin esi ei lura aunc vegniu purtau avon ina lavur: "Enzatgei sur l'educaziun entras la scola." Da signur scolast Gion Battesta Derungs. Quella lavur ei stada luvrada ora cun tut "flis" e premura ed ha cuntentau zun fetg tut ils presents. Nuotatonmeins han certi principis, ils quals eran tschentai si en quella lavur, levantau ina viva debatta, la quala ha mussau ora che signur scolast Derungs, seigi buca sin la dretga via. Unitamein eis ei vegniu engraziau a signur scolast Derungs per sia biala e fetg instructiva lavur.

Suenter haver rugalau quella fatschenta ha revendissim farrer Thomas Beer mess avon al ludeivel cussegli da scola sequenta proposiziun:

1884, ils 24 da schaner

Sedrun. Avonmiezdi ei il cussegli da scola staus en scola romontscha a Sedrun. Presents ein stai:

revendissim farrer Thomas Beer

revendissim caplon Thomas Berther

signur Lezi Huonder

signur Hans Giachen Decurtins

signur Gion Andriu Berther

signur Thumaisch Schmed

signur Gion Antoni Caveng

signur scolast Gion Battesta Derungs

La scola ha anflau tut laud.

Suentermiezdi eis el staus tier la tudestga. Dils sura ein buca stai Gion Andriu Berther e signur scolast Derungs. Bein aber ha signur scolast Anselm Capeder priu part. Era quella scola ha cuntentau il cussegli da scola.

1884, ils 25 da schaner

Selva. Suentermiezdi ei stau visitaziun a Selva. Quella scola ha cuntentau fetg ils leu stai presents: revendissim farrer Thomas Beer, revendissim caplon Thomas Berther, signur Gion Antoni Caveng e signur Fidel Wenzin.

1884, ils 26 da schaner

Cavorgia. Avonmiezdi staus a Cavorgia. Stai presents ein: revendissim caplon Thomas Berther, signur Lezi Huonder, e signur Thumaisch Schmed.

1884, ils 25 da schaner

V. Davart la casa da scola. Ei vegniu dau ora la lenna per baghegiar la casa da scola. Era ei quei di schon, ed il di suenter, ei vegniu pinau lenna.

1884, ils 3 da mars

Visitaziun da scola. Stau visitaziun da scola a Sedrun en scola romontscha. Presents ein stai: revendissim caplon Thomas J. Berther, signur Lezi Huonder, e signur Hans Giachen Decurtins.

1884, ils 8 da mars

Visitau la scola tudestga. Presents ein stai: revendissim caplon Thomas J. Berther e signur Lezi Huonder.

1884, ils 7 ed 8 d'avrel

Examens finals. Ein ils examens finals stai e zuar: ils 7 a Selva, nua che revendissim caplon Thomas Berther, Lezi Huonder, Gion Antoni Caveng e Fidel Wenzin ein stai presents. Era revendissim dr. Maculin ha priu part sco bia geniturs. La scola ha cuntentau fetg. – Il medem di ei scolast Riedi vegnius pladius puspei a Selva per 340 frs.

Suentermiezdi a Rueras: stai presents ils medems dil cussegl da scola. Bia geniturs.

Examens fetg schliats. Muort siu grop secuntener encunter ils affons, han ils geniturs buca vuliu pli scolast Gion Battesta Derungs.

Il medem di ei era stau examen a Cavorgia. Leu era ordinau dad ira revendissim farrer, Gion Andriu Berther, Hans Giachen Decurtins e Thumaisch Schmed. Revendissim farrer ei staus impediis. Gion Andriu *Berther* buca staus.

Suentermiezdi a Camischolas. Presents revendissim farrer, sulet, ils auters ordinai per marschadetgna buca cumpari. Scolast Sigisbert Monn han ei turnau a pladir per 340 frs.

Ils 8 ei stau examen a Sedrun. Cheu ein stai presents revendissim caplon Thomas J. Berther, signur Lezi Huonder, Hans Giachen, Gion Antoni Caveng, Thumaisch Schmed e bia geniturs. Ils examens han cuntentau zun fetg, scadin cass la megliera scola da tuttas.

Scolast Capeder ei vegnius pladius per 440 frs.

Suentermiezdi ei stau en la scola tudestga, nua ch'ils suranumnai signurs ein era stai, priu ora Gion Antoni Caveng.

Aschia fuss igl onn da scola 1883/84 finius. Igl ei stau en general in bi onn, malgrad enqual malemperneivladad, ch'il president dil cussegl da scola ha da star ora. – Curascha ed energia e lura va ei.

Thomas J. Berther

Onn da scola 1884/1885

Suenter quei ch'igl onn da scola 1883/84 ei staus finius, ha ei dau bein enqual malemperneivladad al cussegl da scola, essend che tut vul reger e cumandar e negin far. E sche quels che ston far, fan enzatgei, sche san ei buca adina far endretg a tuts e perquei vilentan ins e vegn lura malemperneivladads neunavon, las qualas ein adina malvegnidas e per igl operar disfavoreivlas. Denton laian ins quellas d'in maun.

Duront la primavera e stad ei vegniu pladiu aunc sequents "schulmeisters" u scolasts.

1. Per Rueras ei signur Baseli Hosang da Segnas vegnius pladius per ina pagaglia da 340 frs.

2. Per Cavorgia ei signur Gion Antoni Soliva da Sedrun vegnius pladius per ina pagaglia da 340 frs.

3. Per la scola tudestga, la quala ei, suenter 24 onns en Sedrun, vegnida a Camischolas, ei signur Joseph Schuler da Mustér vegnius pladius cun ina paga da 340 frs. e logis per unviern e stad.

Davart il baghiar la casa da scola ei vegniu tractau e plidau bia. Il destinau comité ha giu schau far in plan suenter il conclus da vischnaunca. Mo staus quel inaga cheu, sche eis el

sin luvrar d'entgins malvugli, puspei vegnius bess per il tempel en. Sinquei ha il president da quei comité dau giu sia demissun e sedeclaraus ch'el vagi marvegliaas da nuot pli. Igl ei lura vegniu legiu puspei ina nova cumissiun e fatg novs plans differentas ga. Aber la cumissiun ha puspei priu ina demissiun ed aschia eis ei iu pliras ga. Ils plans ein era puspei vegni bess. Finalmein ei vegniu mess ella cumissiun:

1. Duri Berther da Zarcuns
2. Statalter Gion Paul Berther da Camischolas
3. Statalter Stiafen Beer da Gonda
4. Assistent Schmet da Gonda

Quels han perinaga acceptau lur nomina ed era luvrau vid in plan. Co e tgeinin ei aunc oz buca enconuschent al president da scola.

1884, ils 12 d'october

Radunonza dil cussegl da scola. Ha il president da scola clamaa ensemens il cussegl da scola en casa pervenda a Rueras per mirar cura entscheiver la scola. Igl ei vegniu concludiu d'entscheiver ils 22 las scolas romontschas ed ils 24 la tudestga.

1884, ils 22, 23, 24 e 25 d'october

Avertura dallas scolas. Ein las scolas vegnidas aviartas. A Sedrun ei stau viseta avonmiezdi. Presents ein stai: revendissim farrer, revendissim caplon e Lezi Huonder. La scola dumbra 45 affons, ils quals ein tuts cumpari.

Suentermiezdi sundel staus a Selva. Fidel Wenzin era staus avonmiezdi. La scola dumbra 13 affons, ils quals eran era tuts cumpari.

Ils 23 avonmiezdi sundel jeu staus a Camischolas. Cheu eran 15 scolars, ils quals eran era tuts cumpari.

Suentermiezdi sundel staus a Rueras. Quella scola dumbra 29 affons, eran era tuts cumpari. Cavegn era staus il di avon.

Ils 24 ei la scola tudestga vegnida aviarta. Quella dumbrava l'entschatta siat affons, haveva aber aunc da mirar a vegnir in per. Tier l'avertura da quella sundel staus persuls.

Ils 25 sundel staus a Cavorgia. Quella scola dumbra 12 affons.

1884, ils 29, 30 e 31 d'october

Inspecziun da scola entras signur inspectur. Ils 29 d'october ei signur inspectur staus a Selva avonmiezdi. Suentermiezdi eis el staus a Rueras nua che jeu sundel era staus. Ils 30 eis el staus a Camischolas; avonmiezdi en scola tudestga, nua che jeu sundel era staus. Suentermiezdi en la romontscha, nua che jeu hai buca saviu esser presents, essend buca bein disposts.

Ils 31 avonmiezdi eis el staus a Sedrun. Presents ein stai revendissim farrer e Lezi Huonder. Revendissim caplon era absents muort la ductrina a Rueras. Suentermiezdi stau inspecziun a Cavorgia, nua che signur inspectur ei staus persuls.

Tier quella caschun, che signur inspectur ha visitau nossas scolas, ei era il comité dalla casa da scola staus ina sera tier quel per plidar sur dalla casa da scola.

1884, ils 13 e 15 da november

Ha revendissim caplon visitau la scola da lavur a Sedrun. Ils 15 quella da Rueras.

1884, ils 23 da november

Ha il president da scola clamaa ensemens il cussegl da scola per schar decider, schebein ins vegli prender si per ussa dus scolars en la scola tudestga. Presents ein stai: revendissim farrer, revendissim caplon, Lezi Huonder, Thumaisch Schmed, Gion Antoni Caveng e Fidel Wenzin.

President ha mess avon la questiun ed ei lura absolutamein staus encounter da prender si quels dus per suenter in meins. Ils auters aber ein unitamein stai dil meini da prender si els.

1884, ils 15, 17 e 29 da december

Visitaziun da scola. Ils 15 da december ei stau visitaziun dalla scola a Sedrun. Presents ein stai: revendissim farrer, revendissim caplon e Lezi Huonder. La scola ha cumentau fetg. Ils 17 ei stau visitaziun a Camischolas e zuar avonmiezdi en domisduas scolas. Presents ein stai revedissims farrer e caplon e Hans Giachen Decurtins. Las scolas ein en uorden. Ils 29 da december ha revendissim farrer visitau la scola da Rueras.

1884, ils 26,27,28 e 29 da december

Visitaziun generala da scola. Ils 26 ei stau visitaziun dalla scola a Sedrun, nua ch'ils commembers ein stai presents stediamein. La scola ha cumentau fetg bein. Stupent uorden e disciplina.

Suentermiezdi visitaziun a Cavorgia. - La scola ha fatg gronds progress d'onn enneu. Tonaton aunc adina buca sil pei sco ei duess esser.

27. En Camischolas. La tudestga lavura pulit, grond "iffer" e premura davart il signur scolast. La scola presta aber absolut buca quei ch'ins astgass pretender d'ina semeglionta scola. La raschun ei, ch'ils affons passan memia gleiti ord scola romontscha ella tudestga, san perquei buca il romontsch scoiauda e per consequenza san ins buca mussar quei ch'ins duess mussar.

La romontscha ei pulit.

28. A Rueras. Regia tut auter uorden e disciplina ch'onn vargau. Denton maunca ei bein enqual caussa. Principlamein el quen eis ella anavos.

29. A Selva e cheu ei stau uniu nossa usitada conferenza. Revendissim farrer ei buca staus. – Plirs geniturs han priu part vid la visitaziun e conferenza. Ils scolasts ein stai tuts. – La scola ei tut en uorden, regia in bien spert.

Tier la conferenza ha signur scolast Schuoler teniu in bi, nizeivel ed instructiv referat sur "Quals ein ils principals facturs educativs?". Suenter che signur Schuoler ha giu purtau avon siu referat, ei entrau ina viva discussiun tut en pasch e harmonia, aschia ch'igl ei stau veramein in bi ed emperneivel di. – Alla fin da nossa conferenza ei signur inspectur arrivaus, il qual ha era ludau e mess giu siu engraziament.

Suenter ha signur inspectur fatg sia visitaziun a nossas scolas.

Il cussegl da scola haveva aunc il senn da visitar inaga avon ch'ei seigi vargau il mars las scolas. Essend aber revendissim farrer vegnius malsauns e cheutras il revendissim caplon surcargaus cun lavur, sch'ei quella visitaziun buca vegnida fatga.

1885, ils 31 da mars ed 1. d'avrel

Ei stau a Selva e Cavorgia avonmiezdi, a Selva ei stau revendissim caplon, Lezi Huonder, Gion Antoni Caveng e Fidel Wenzin. – Bia geniturs. Ils examens han cumentau bein.

A Cavorgia ei stau revendissim farrer, Hans Giachen Decurtins e Tumaisch Schmed.

Suentermiezdi ei stau examen a Rueras e Camsicholas scola romontscha, quels ch'ein stai a Selva ein vegni a Rueras, quels da Cavorgia a Camischolas.

A Rueras ei stau pulit, priu ora quen. – In special laud mereta il cantar.

Igl 1. d'avrel ei stau examen a Camischolas, scola tudestga, per la quala ils signurs scolasts ein era stai. Cheu vala la medema remarca, ch'ins ha stuiu far tier la visitaziun generala.

A Sedrun ein ils biars commembers stai presents, era bia geniturs ed amitgs da scola. - Igl ei stau in bi examen ed en scadin cass ei la scola da Sedrun per lunsch en tut e pertut l'emprema.

Sigl avegnir ei vegniu pladiu scolast:

1. a Selva scolast Riedi cun ina paga da 340 frs.
2. a Cavorgia scolast Soliva cun ina paga da 340 frs.
3. a Rueras scolast Hosang cun ina paga da 360 frs.
4. a Sedrun scolast Capeder cun ina paga da 440 frs.

Aschia fuss ei puspei vargau in onn. Igl ei stau bi ed emperneivel, schegie era buca muncau las spinas. Denton alla fin d'in onn da scola vesan ins con ins sa cultivar ed educar in affon nua che buna veglia e premura regia e nua che tut va maun en maun. – La pagaglia dil mund ei zuar pintga – malengrazievladad – ton pli gronda vegn ella ad esser da Diu. –

Quei per consolaziun da mes successurs, als quals jeu lessel haver recumandau ils buns affons da nossas scolas.

Ina statistica sur da nossas scolas anflan ins egl archiv.

Thomas J. Berther

Sedrun, ils 13 d'avrel 1885

NB. Ils 17 d'avrel ha signur scolast Sigisbert Monn schau saver ch'el vegni puspei per 1885/86 per la paga da 340 frs.

Introduzziun dil cudisch da protocols 7.3

Simite parvulos ad me, talium est enim regnum coelorum. Marc 10.14

Mo ignoranza, ni strugeivla indifferenza u crassa renvaria ni tuttavia perversitat, san snegar e s'opponer ad ina cristianeivla educaziun dils petschens affons – e perquei han adina tut quels, ils quals eran penetrai d'in ver spert cristianeivel, sepriu en cun tutta premura per ina tala educaziun. Duei la religiun da Cristus tarlischar els cors dils carstgauns, ed esser per quels la via tier il parvis, sche sto il cor vegnir rugadaus si, cultivaus e bugnaus entras ina sanadeivla, buna, sontga educaziun ed instrucziun. Nua che la sontga baselgia, la scola dil spért sogn ha plantau si la crusch da Cristus, eis ella era sespruada da fundar instituts d'educaziun. Ni tgei ei bein la missiun dalla baselgia auter, che d'educar ils carstgauns per il parvis ed era per il temporal, aschilusch sco lur basegns damondan? – Cura ha ins udiu, ni legiu d'in pievel tier il qual ei flurevi religiun e beinstonza temporala senza che era leu flurevi ils instituts dalla educaziun. – Il carstgaun, senza quella migeivla flomma dalla religiun **salvadias** e curdass en sia veglia barbaria ed ignoranza.

Onn scolastic 1886/87

Commembres dil cussegli da scola:

1. Eduard Muoth, plevon
2. Leci Huonder da Sedrun
3. G. Giachen Decurtins da Sedrun
4. Tumaisch Schmet da Cavorgia
5. Gion Pally da Camischolas
6. Gion Antoni Cavegn da Rueras
7. statalter Gion Antoni Peder da Selva

Scolasts

a Sedrun
a Camischolas, scola romontscha
a Camischolas, scola tudestga
a Cavorgia
a Rueras
a Selva

Capeder Anselm
Sigisbert Monn da Mustér
Jos. Schuoler da Danis
Gion Antoni Soliva da Sedrun
Hosang da Segnas
Riedi Duri da Rueras

Diember dils scolars:

Sedrun	46
Camischolas romontscha	15
Camischolas tudestga	15
Cavorgia	12
Rueras	30
Selva	15 (12)
total	133

1886, ils 21 d'october

Avertura dalla scola. Repartiziun dalla regurdientscha dalla battaglia da Sempach.

1886, ils 15 da december

Han visitau la scola a Sedrun: signur farrer, Lezi Huonder e Hans Giachen Decurtins; ils medems e Gion Pally stai suentermiezdi ella scola tudestga ed anflau bunas prestaziuns.

1886, ils 29 da december

Visitau la scola a Cavorgia, Tumaisch Schmet e signur farrer.

1886, ils 23 da schaner

Concluda il cussegli da scola da visitar las sis scolas sils 25, 26 e 27 da schaner, finend las visitaziuns cun ina conferenza scolastica locala a Rueras ils 27 suentermiezdi.

1887, ils 25 da schaner

Han ils signurs Lezi Huonder e Hans Giachen Decurtins visitau la scola da Cavorgia; signur farrer e signur Gion Pally la scola a Sut Crestas: en questa biaras absenzas pervia da malsognas d'affons e per raschun dallas grondas nevada, da cuflas e smanatschontas lavinas.

Nuotatonmeins muossa la scola bialas prestaziuns d'attribuir alla premura dil scolast ed al talent dils affons.

Ils 26 da schaner, avonmiezdi, viseta alla scola da Sedrun tras il cussegli da scola en corpore.

Suentermiezdi alla scola tudestga, ella quala ins ha puspei constatau grondas prestaziuns, renconuschidas era da signur inspectur da scola J. Disch da Mustér, vegnius quels dis silla viseta da nossas scolas.

Ils 27 da schaner, avonmiezdi visitau la scola a Camischolas, suentermiezdi la scola a Rueras, anflond bunas prestaziuns.

Alla fin ha giu liug la conferenza scolastica locala sut participaziun da tut ils signurs scolasts, inspectur Disch, il cussegli da scola e plirs amitgs da scola.

Referent: signur scolast Hosang

Tema: Instrucziun vocala da lungatg romontsch

- a) il leger
- b) il declarar
- c) la reproducziun

Il referat ha denter auter revelau specialmein l'imperitonza digl exemplaric leger avon dil scolast e dalla explicaziun circumstanziala avon la sezza lectura.

La suandonta discussiun ha unitamein ludau il bi ed instructiv referat.

Ils 28 da schaner ha signur inspectur visitau las colas da Cavorgia e Sedrun.

1887, ils 9 da mars

Han visitau la scola da Sedrun, president da scola, Lezi Huonder e Hans Giachen Decurtins; suentermiezdi han ils sura e Gion Pally inspectau la scola tudestga ed observau legreivel progress.

Gronda malsanetschadad e per consequenza biaras absenzas.

1887, ils 4, 5 e 6 d'avrel

Avonmiezdi examen ella scola da Camischolas, suentermiezdi elllas scolas da Cavorgia e Selva, ils 5 d'avrel, avonmiezdi alla scola a Rueras, suentermiezdi ella scola tudestga a Camischolas; ils 6 d'avrel avonmiezdi ella scola a Sedrun.

Dapertut ei vegniu exprimiu tutta cuntentientscha cullas prestaziuns.

Onn da scola 1887/88

1887, ils 16 d'october

Dumengia ei la nova casa da scola veginida benedida e collaudada. Suenter viaspräs ein ils affons, alla testa la musica e cullas duas bandieras dils affons entuorn igl ornau crucifix, tratgs dalla vedra casa da scola vi ella nova e leu ha giu liug la ceremonia dalla benedicziun sut participaziun digl entir pievel cun in commensurau plaid dil president da scola e cun concert da cantadurs e musicants.

1887, ils 17 d'october

Avertura dallas scolas.

Commembers dil cussegli da scola:

Eduard Muoth, farrer

Lezi Huonder da Sedrun

Hans Giachen Decurtins

Tumaisch Schmet da Cavorgia

Gion Fidel Riedi, Zarcuns

Giachen Martin Beer, Rueras

Augustin Riedi, Tschamut

Scolasts:

a Sedrun Baseli Hosang da Segnas

a Sedrun, scola tudestga: Jos. Schuoler da Danis

a Cavorgia Gion Antoni Soliva, da Tujetsch

a Camischolas Sigisbert Monn da Mustér

a Rueras Stiafen Schmid da Tujetsch/Gonda

a Selva Duri Riedi da Rueras

Diember dils scolars:

a Sedrun, scola romontscha 46

a Sedrun, scola tudestga 20

a Cavorgia 11

a Camischolas 13

a Rueras 27

a Selva 12

total 129

1887, ils 24 da november

Farrer, Lezi Huonder e Hans Giachen Decurtins han visitau las duas scolas a Sedrun ed anflau bunas prestaziuns.

1887, 6, 7 e 12 da december

Farrer ed Augustin Riedi han visitau la scola a Sut Crestas – talentus affons. Ils 6 e 7 ha signur inspectur visitau las scolas. Ils 12 han farrer e Lezi Huonder visitau la scola a Rueras ed anflau buna disciplina, buna metoda e bunas prestaziuns.

1888, ils 24, 25 e 26 da schaner

Il cussegli da scola en corpore ha ils 24 da schaner visitau las scolas da Camischolas e Rueras observond bunas prestaziuns. Ina menziun da honour s'auda alla davosa scola pervia dil bi cant, ch'ins ha d'engraziar alla savida e premura da siu scolast.

25 da schaner. Viseta da scola a Cavorgia e Selva. La davosa scola mereta la nota fetg bien, in resultat ton dalla biala metoda dil scolast, sco dils veramein buns duns dils affons.

26 da schaner. Visitau la scola romontscha a Sedrun, observond en general prestaziuns cuntenteivlas. Suentermiezdi visitau la scola tudestga, sut participaziun dil cussegli da scola, da tutt scolasts. - Prestaziuns en general cuntenteivlas, per part fetg bunas.

Alla fin ha giu liug la conferenza scolastica locala.

Referent: signur scolast Jos. Schuoler

Tema: Situaziun dil lungatg romontsch ed obligaziun dalla scola visavi quel.

En in bi, eligiu romontsch, ha il referat dilucidau igl origin dil romontsch, numnau sia tresta historia el cumbat cul germanismus, dont ina cuorta survesta dalla sia litteratura, descret la presenta situaziun, d'in vast interess, tschaffen, rinforz intensiv, da l'autra vart indifferentad e disuniun; motivau l'obligaziun dalla scola da setener vid il romontsch, deplorau la munconza d'ina uniforma ortografia e da qualificai cedischs da scola – animau da cooperar cun perseveronza, che las resoluziuns e petiziuns da quellas varts pridas dil ludeivel scolastesser dalla Surselva vegnien exaudidas ed execuidas.

Il referat ha fladau in bi entusiassem per siu car lungatg matern ed ha anflau, sco meritau in general laud. Ella suandonta discussiun ei da vart dils signurs scolasts curdau bein enquala buna idea e remarca, co ins sappi ad interim en scola sez segidar cun sez e formar ina fibla, cun ella 3. e 4. classa trer en honur il beinscret cudisch dalla bibla da pader Placi Tenner. Bene! Fiat!

1888, ils 29 da fevrer

Han segnerfarrer e Lezi Huonder visitau la scola romontscha e tudestga a Sedrun ed observau en general in ludeivel progress.

Subsidi cantunal per la scola da laver per 1887/88 20 frs. Subsidi cantunal per la scola tudestga per 1887/88 175 frs.

1888, ils 26, 27 e 28 da mars

Examen a Cavorgia e Selva; a Cavorgia han assistiu als examens ils signurs Lezi Huonder, Tumaisch Schmed e Gion Fidel Riedi; a Selva ein stai segnerfarrer, Augustin Riedi, Hans Giachen Decurtins e Giachen Martin Beer; signur inspectur ha sez dumandau ed exprimiu sia cumentientscha. Suentermiezdi han tut ils sura frequentau ils examens dalla scola a Rueras.

27 da mars. Avonmiezdi examen ella scola romontscha a Sedrun, suentermiezdi ella tudestga, sut participaziun dil cussegli da scola cumplein e biars geniturs.

28 da mars. Examen ella scola a Camischolas. - Dapertut cuntenteivlas prestaziuns.

Onn scolastic 1888/89

1888, ils 26 d'october

Avertura dallas scolas

Cussegli da scola e personal scolastic sco onn vargau.

Diember dils scolars

Sedrun, romontscha	46
Sedrun, tudestga	13
Cavorgia	11
Camischolas	12
Rueras	25
Selva	11
Total	119

1888, ils 6 e 12 da december

Viseta da scola a Selva entras segnerfarrer. Viseta a tuttas scolas entras signur inspectur Disch. Ils 12 da december. Viseta alla scola romontscha e tudestga a Sedrun entras president e vicepresident da scola, Lezi Huonder.

1889, ils 20 da schaner

Ha il cussegli da scola fixau igl uorden dallas generalas visitaziuns dallas scolas, da far el decuors da questa jamna.

1889, ils 23 da schaner

President e vicepresident da scola han visitau avonmiezdi la scola romontscha a Sedrun: anflau bunas prestaziuns – admoniu tier megliera attenziun, meglier ruanus e plidar pli dad ault.

Ils signurs cussegliers da Rueras e Camischolas han avonmiezdi visitau la scola da Cavorgia e relatau da lur cumentientscha.

Suentermiezdi visitau da cuminanza la scola da Camischolas: fleivla en diember, mo buna entras prestaziuns – sedistingua tuttavia entras caligrafia.

1889, ils 24 da schaner

Avonmiezdi: il cussegli da scola “in pleno” visitau la scola a Rueras: anflau cuntenteivlas prestaziuns en riguard da plitost fleivels talents. Suentermiezdi, visitond la scola tudestga, observau bien progress.

Ha giu liug l'usitada conferenza scolastica.

Referent: signur scolast Sigisbert Monn

Tema: Co sa la disciplina en scola veginer mantenida?

Quintessenza dil referat: motivar la muntada dalla disciplina en scola, veginan allegai ils mieds da quella mantener.

I. sco indirectamein influenzonts

1. uorden da scola
2. plan d'instrucziun, urari
3. fixazion dallas plazzas dils scolars sco era dils objects da scola
4. scolast duei dar in bien exemplar entras uorden en tut sias caussas.

II. directamein influenzond

1. caracter e bien exemplar dil scolast sez
2. da camonds e scamonds
 - a) raschuneivels e ...
 - b) irrevocabels
3. execuziun da quels: canticada survigilonza
 Ordinaziun – smanatscha – castitg
4. buna occupaziun: adequata, clara, interessanta, sufficienta
5. tabellas da diligenza e depurtaments
6. visitaziuns da scola entras il cussegl da scola

La suandonta discussiun da cumpletond relevau la necessitat dalla preparaziun dil scolast – co quel sappi il mirar giu e raflar en (castigar – midar plazzas) ord scola (havend dubi schar dumandar 2 gadas) che tuts hagien ton sco pusseivel tut ils necessaris objects da scola (sco linguala) la discussiun ei sefatga viva el discours, schebein il scolast astgi e duei beinduras era applicar castitgs corporals (Adhur sub judice lis edt!)

1889, 25, 26 e 27 da schaner

Quater commembres visetan la scola a Sut Crestas: affons talentus, diligents e beindisciplinai. Ils 26 da fevrer. Visitau cun signur inspectur da scola J. Disch la scola romontscha a Sedrun e suentermiezdi quella da Cavorgia, observond en scadin liug cuntenteivlas prestaziuns.

Ils 27 da schaner. Item riguard scola tudestga.

1889, ils 10 d'avrel

Avonmiezdi examens finals ellas scolas da Selva e Cavorgia – cuntenteivlas prestaziuns. Suentermiezdi a Rueras, dito.

1889, ils 11 d'avrel

Examen a Camischolas: anflau fetg bunas prestaziuns – era pervia dils buns talents, admirau particularmein in Lezi Antoni Loretz. Suentermiezdi examens ella scola romontscha a Sedrun: en general bunas prestaziuns.

1889, ils 12 d'avrel

Avonmiezdi: examen ella scola tudestga: fetg bunas prestaziuns

1889, ils 21 da matg

Retschiert dalla cassa cantunala per la scola tudestga 175 frs., tarmess a scolast Schuoler.

1889, ils 21 da zercladur

Retschiert dalla cassa cantunala 19.80 frs. per la scola da lavur.

Onn da scola 1889/90

1889, ils 13 d'october

Sessiun dil cussegl da scola a Rueras. Conclusiun d'arver la scola il 17 da quest. Motivada abdicaziun dil president da scola. Sco niev president elegius: signur caplon da Rueras, aultreveriu signur Gion Antoni Venzin.

1890, ils 28 e 29 da schaner

Visitaziun dil cussegli da scola en corpore. Avonmiezdi alla scola a Sedrun, suentermiezdi a quella da Rueras.

Ils 29 da schaner. Visitaziun dil cussegli da scola in corpore. Avonmiezdi alla scola tudentga, suentermiezdi alla scola da Cavorgia, anflond dapertut cuntenteivlas prestaziuns, quei tonpli en consideraziun dalla dapertut pitida "influenza", che ha visitau a casa, scolars e scolasts e caschunau buca mo absenzas, mo era enqual extraordinaria, sfurzada vacanza.

Suenter scola ha giu liug a Cavorgia la solita conferenza scolastica locala.

Referent: signur scolast Anselm Capeder a Rueras

Tema: Impurtonza da clamada scolastica e la secultivaziun al scolast.

Lavur distinguida, ch'ei vegnida fetg appreziada ella suandonta discussiun.

1890, igl 1. da mars

Segnerfarrer, signur Lezi Huonder e Riedi visetan la scola a Camischolas e recamondan megliera disciplina en scola e baselgia.

1890, ils 7, 8 da mars

Cun signur inspectur Disch visitau la scola tudentga e romontscha a Sedrun.

1890, ils 31 da mars

Han giu liug ils examens allas scolas da Cavorgia, Selva e Camischolas, anflond cuntenteivlas prestaziuns. Confirmaziun dils respectivs scolasts.

1890, igl 1. d'avrel

Avonmiezdi examen a Rueras, scolast Anselm Capeder. Fetg bunas prestaziuns. Scolast confirmau. Suentermiezdi examen alla scola tudentga, scolast Stiafen Schmet. Ei vegniu exprimiu cumentientscha cullas prestaziuns.

1890, ils 2 d'avrel

Examen da scola a Sedrun, scolast Baseli Hosang da Segnas. Bunas prestaziuns, schegie ina scola numerusa, 45 scolars.

Onn da scola 1890/91

1890, ils 12 d'october

Sesiuun dil cussegli da scola. Persunal da quel, il medem sco 1889/90. – L'avvertura dalla scola vegn fixada sils 23 d'october. Personal dils signurs scolasts resta il medem – scola tudentga vacat hoc anno cum immirens partus ril peperit! P. S. La porte e(c)uorta est in Camischolas.

1890, ils 23 d'october

Avertura dallas scolas. Messa cantada – visitaziun – recumandaziuns.

1890, ils 24 da november e 22 da december

Visitau la scola Sedrun, segnerfarrer e signur Lezi Huonder

1891, ils 26 e 27 da schaner

Ha il cussegli da scola visitau las scolas da Rueras e Sedrun ed anflau cuntenteivlas prestaziuns. Ils 27 avonmiezdi, visitau las scolas da Cavorgia e Selva, suentermiezdi il cussegli da scola in corpore, simultanmein cun signur inspectur Disch la scola da Camischolas ed anflau bunas prestaziuns el lungatg.

Silsuenter ha giu liug la solita conferenza scolastica locala.

Referent: signur scolast Duri Riedi

Tema: Relaziun dil scolast visavi la famiglia, la vischnaunca, la baselgia ed il stadi.

1891, ils 5 da mars

Han segnerfarrer e signur Lezi Huonder visitau la scola da Sedrun.

1891, ils 6 d'avrel

Avonmiezdi examen a Selva, assistiu leu segnerfarrer, ils signurs Lezi Huonder e Hans Giachen Decurtins. Scolast Riedi puspei pladius. Dito a Cavorgia, assistiu han signur caplon Venzin, president da scola e Gion Fidel Riedi.

Suentermiezdi examen a Rueras, present il cussegli da scola in corpore, observau fetg bunas prestaziuns. Scolast Capeder puspei pladius.

1891, ils 7 d'avrel

Avonmiezdi examen a Sedrun, bunas prestaziuns. Havend scolast Hosang acceptau per nies malstar ina nova piazza a Mustér, ei la piazza d'in scolast a Sedrun per il mument vacanta.

Suentermiezdi examen ella scola a Camischolas: romontscha e tudestga: bunas en part fetg bunas prestaziuns el tudestg. Scolast Monn puspei pladius.

Onn scolastic 1891/92

1891, ils 11 d'october

Sesiun dil cussegli da scola en casa pervenda a Rueras. L'avertura dallas scolas messa sils 27 d'october. Midadas da scolasts:

a Sedrun en piazza da signur Hosang, che ha preferiu ina piazza el vitg Mustér vegn signur Gion Battesta Wenzin da Mustér. Niev scolast a Cavorgia ei Gienal Giachen Giusep da Surrein.

Questiun dalla fusiun dallas scolas Sedrun – Camischolas:

1. Cussegli d'educaziun propona sin fundament dil rapport digl inspectorat la fusiun dallas duas scolas a Sedrun en duas partiziuns e dus scolasts.

2. Il vischinadi da Camischolas recuora encunter.

3. Cussegli d'educaziun refusescha las raschuns dils recurrents, garegia absolut la fusiun ed insista sin quella, per raschun

a) che la gronda e greva scola a Sedrun garegia dus scolasts e

b) per buca gravegiar la ludeivla vischnaunca Tujetsch cun ina nova posta da scolast.

4. Per calmar entras ina amicabla entelgientscha la vicendeivla irritaziun, propona igl inspectorat ed il cussegli da scola Tujetsch per mauns dalla vischnaunca sequent modus vivendi:

a) ils affons da Camischolas vegnan a Sedrun

b) tier malauras survegnan els da miezdi a Sedrun ina suppa e vegnan cumpignai anen, da lavur cumina

c) la scola tuorna a Camischolas, cu il diember dils affons da leu ei vegnius sin quitordisch.

5. Ils 5 d'october. La radunada vischnaunca refusescha la sura proposiziun dil cussegli da scola e conclude la finala, cun pintga majoritad:

La scola a Camischolas resta – scadin affon da quella scola paga en cassa da vischnaunca annualmein 5 francs – grev tribut tschessa, havend la scola 14 affons – e la scola a Sedrun survegn dus scolasts.

Il commentar vegn surschaus alla posteritad.

Scolast per la scola inferiura a Sedrun: signur Soliva Gion Antoni.

1891, ils 27 d'october

Avertura dallas scolas, suenter il solit survetsch divin. Signur scolast Wenzin surpren las classas superiuras, cun affons 26, signur scolast Soliva ils affons dils quater emprems onns, cun affons 23.

1891, ils 23 da november

Segnerfarrer e Lezi Huonder han visitau las duas scolas a Sedrun: anflau bien uorden e buna disciplina – era udiu la cuntentientscha dils scolasts.

1891, ils 21 da december

Segnerfarrer, Lezi Huonder e Hans Giachen Decurtins visetan las duas scolas a Sedrun.

1892, ils 25 e 26 da schaner

Cussegli da scola visitau las scolas da Rueras, Camischolas, Sedrun e Cavorgia e constatau dapertut bunas prestaziuns. La scola da Selva ei muort cass da malsogna da differitis buca vegnida visitada. Ils 26, solita conferenza scolastica locala.

Referent: signur scolast Gion Battesta Wenzin

Tema: Autoritat dil scolast (educader)

1892, ils 17 da fevrer

Segnerfarrer ed ils signurs Lezi Huonder e Hans Giachen Decurtins visitau las duas scolas da Sedrun, anflond cuntenteivlas prestaziuns.

1892, ils 10 d'avrel

Concluda la vischnaunca d'unir la scola da Camischolas cun quella a Sedrun.

1892, ils 10, 11 e 12 d'avrel

Han giu liug ils examens finals. Tuts signurs scolasts ein vegni confirmai.

1892, fenadur

Cussegli Pign declara il recuors da vischinadi da Camischolas puncto scola per nunfundaus.

Onn scolastic 1892/93

1892, ils 9 d'october

A Rueras, sesiun dil cussegli da scola. Majoritad concluda d'arver la scola pér ils 26 d'october. Il presidi vegn surdaus a segnerfarrer.

1892, ils 26 d'october

Avertura dallas scolas. La scola superiura a Sedrun ha per scolast signur Gion Battesta Wenzin e scolars 34. La inferiura per scolast signur Gion Antoni Soliva e scolars 24. Il cussegli da scola, presents segnerfarrer, signur Lezi Huonder e Gion Fidel Riedi, ha dau las solitas admoniziuns. – Bun'entschatta!

1892, ils 28 da november

Signur Lezi Huonder e Gion Fidel Riedi ensemblamein cun segnerfarrer visetan las duas scolas a Sedrun. Castigiau pervia d'absenzas dalla scola da lavur. Igl emprest da 1.10 frs. applicaus per cumprar lenziel per la medema scola.

1892, ils 17 da december

Visitau scola da lavur ed observau bien uorden.

1893, 30 e 31 da schaner

Suentermiezdi han tschun commembers visitau la scola a Rueras. Avonmiezdi stai ella scola da Cavorgia e treis ella scola pintga da Sedrun. Suentermiezdi ella scola superiura a Sedrun. Dapertut constatau cuntenteivlas prestaziuns. Essend la conferenza scolastica locala stada fixada sils 25 da schaner a Selva, referent signur scolast Riedi, vegnida impedita entras l'aura, han ins refretg ella sin in auter onn.

1893, ils 6 da fevrer

Signur Lezi Huonder ha sco president dil cussegli da scola visitau – nunditgond la horribla via – la scola a Selva ed anflau bien uorden.

1893, ils 20 da fevrer

Treis commembers visetan las duas scolas a Sedrun e dau diversas admoniziuns.

1893, ils 27 da fevrer

Segnerfarrer staus ella scola a Cavorgia ed udiu la cuntentientscha dil signur scolast.

1893, ils 13 da mars

Signur Lezi Huonder cun segnerfarrer visetan las duas scolas a Sedrun e sediverti alla finala dil bi cant, mussau ad omisduas scolas tras signur scolast Wenzin. Suentermiezdi han ils dus medems visitau la scola a Cavorgia, ensemblamein cun signur cusseglier da scola da leu e constatau bunas prestaziuns.

1893, ils 3 d'avrel

Il cussegl da scola fixescha ils examens, ils 11 avonmiezdi a Selva e Cavorgia, suentermiezdi a Rueras; ils 12 avonmiezdi a Sedrun, superiura, suentermiezdi la inferiura.

1893, ils 4 d'avrel

Cussegl da scola accumpogna 84 affons da vischnaunca a Mustér tiella fiasta da cant d'affons. Treis scolas: Sedrun, Rueras e Selva ein separticipadas dil cant, collectond bien applaus. Treis buobs (Selva, Rueras, Bugnei) han aquistau premis, raflond sil spitg dallas lattas; dallas bravuras dad auters ils interessants giugs olimpics, quescha la fontauna. Refrestg pils affons ella Cruna avon e suenter las producziuns; taxa fixada per affon 50 cents.

Il manco da 40 frs. resultaus entras il refrestg, vegnius ord ils "Stegreif" e la da 15 liters bien vin ei vegnius cuvretgs entras gronda beneficienzia da divers amits dils affons. Magnifica fiasta! Dultscha regurdientscha. Laud engraziament als promoturs ed executurs dalla fiasta. Vivat sequent!

1893, ils 3 d'avrel

Sesiun dil cussegl da scola. Fixaziun dils examens. Avonmiezdi examen a Selva e Cavorgia, che cuntenta tuts. Ils scolasts vegnan supplicai da restar. Suentermiezdi tut il cussegl da scola a Rueras. Bunas prestaziuns. Signur scolast Capeder vegn pladius unanimamein e dat plaid.

1893, ils 11 d'avrel

Avonmiezdi examen ella scola superiura Sedrun che cuntenta cumpleinamein. Menziun d'honur il cant. Scolast Wenzin pladius unanimamein. Suentermiezdi scola inferiura. Il sulegl ha scaldau pulitamein, nunditgonda dallas neblas rimmadas. Suenter viva debatta vegn scolast Soliva confirmaus.

1893, ils 11 d'avrel

La sera allas nov: conclusiun dil protocol 1892/93 e – sien dil protocollist!

Onn scolastic 1893/94

1893, ils 8 d'october

Sesiun dil cussegl da scola en casa pervenda a Rueras. Fixau l'avertura dallas scolas sils 25 d'october: Novs cussegliers da scola:

a Rueras: signur Gion Antoni Berther
a Camischolas: signur Vigeli Jos. Berther
a Sedrun: signur Gion Antoni Monn

1893, ils 25 d'october

Avertura dallas scolas. Survetsch divin allas otg. Il cussegl da scola, respectiv la cumissiun, visitau las duas scolas a Sedrun, cun dar las solitas sco adequatas admoniziuns.

1893, ils 19 da november

P.S. Factum u eveniment extraordinari. Fixaziun fotografica dallas scolas. Resultat cumparius ils 19 da november. Tscheras admirablas!

1893, ils 20 da november

Viseta dallas duas scolas a Sedrun entras treis commembers, cuntentientscha dils scolasts. Scola superiura dumbra 32 scolars. Scola inferiura dumbra 27 affons.

1893, ils 6 da decembre

Segnerfarrer, signur Lezi Huonder visitau la scola a Selva. Scolast Duri Riedi, affons 10. Observau buna disciplina e bien tschaffen, udiu la cumentientscha dil scolast.

1893, ils 20 e 21 da decembre

Visitau scola a Cavorgia e dau ductrina. Ils 21 viseta allas scolas a Sedrun entras dus commembers, signur scolast Wenzin meina in diari u schurnal da scola.

1894, ils 18 – 25 da schaner

Ils 18 visitau la scola a Cavorgia e catechetisau. – Ils 21 cussegli da scola e fixau en tgei uorden visitar las scolas la jamna currenta. – Ils 23, avonmiezdi viseta alla scola da Cavorgia entras tschun commembers; suentermiezdi alla scola inferiura Sedrun entras tschun commembers. Cant artificial! Ils 24 avonmiezdi visitau scola superiura a Sedrun – sis commembers. Suentermiezdi scola Rueras.

Ils 25 a Selva: 11 – 12 catesis, 12 – 2 scola, presents: cussegli da scola in corpore, tuts signurs scolasts e geniturs. Cunt est r..... .

2 – 4 conferenza scolastica locala.

Referent: signur scolast Duri Riedi

Tema: Cultivaziun dil scolast (pratica digl uffeci scolastic)

I. Concept e finamira

II. Dignitat digl affon

III. Operar dil scolast

Referat ha tractau II. e III. – Plirs coreferents. Patronas “scharfas e blindas”.

Per conclusiun. Banquet e – schlittada. Dus vegni speras giu – aviras. Protocollist: mal ils dents: perquei cuorts e da mala luna – la sera allas 9.

1894, ils 19 da fevrer

Catechetisau ella scola da Cavorgia ed udiu la cumentientscha dil scolast.

1894, ils 21, 22 e 23 da fevrer

Suentermiezdi signur inspectur visitau scola da Cavorgia. Ils 22 da fevrer, avonmiezdi scola da Rueras, stai presents treis commembers dil cussegli da scola, vegniu exprimiu la cumentientscha culla scola. Suentermiezdi inspecziun dalla scola a Selva, Ils 23 da fevrer, avonmiezdi ella scola superiura a Sedrun e suentermiezdi ella inferiura, nua che signur inspectur ha exprimiu publicamein e privatamein sia buna cumentientscha sullas prestaziuns dalla detga scola, scolast signur president Soliva. Allas visetas dils 23 han assistiu dil cussegli da scola: segnerfarrer ed ils signurs Lezi Huonder, Gion Antoni Monn, Vigeli Berther da Camischolas.

1894, ils 23 da mars

Sesiu dil cussegli da scola en casa pervenda suenter ils uffecis en baselgia e fixau ils examens.

1894, ils 7 d'avrel

Avonmiezdi examen da scola da Selva e Cavorgia. A Selva stai presents signur Lezi Huonder, Vigeli Wenzin, segnerfarrer e tuts geniturs. Vegniu exprimiu cumentientscha e pladiu danovamein signur scolast Duri Riedi.

Als examens a Cavorgia han assistiu signur caplon Venzin, signur Gion Antoni Monn, Vigeli Berther e Schmet Gion Antoni; scolast leu han puspei pladiu signur scolast Sigisbert Monn.

1894, ils 8 d'avrel

Dumengia, suenter viaspras, ils 8 d'avrel, fatg ils examens ella scola inferiura a Sedrun. Anflau bunas prestaziuns. Confirmau signur scolast Soliva cun tuttas vuschs encunter ina.

1894, ils 9 d'avrel

Avonmiezdi examen a Rueras en preschientscha dalla pluralitat dil cussegli da scola e da geniturs. Bunas prestaziuns. Confirmau signur scolast Anselm Capeder. - Suentermiezdli examen ella scola superiura a Sedrun. Per conclusiun dat president da scola las solitas admoniziuns ed annunzia la resignaziun da signur scolast Wenzin, expriment a quel la renconuschientscha per las breigias prestadas.

1894, ils 11 d'avrel

Tarmess a signur inspectur Disch culla posta las siat tabellas da scola.

Finis. Deo gratias!

Onn scolastica 1894/95

1894, ils 14 d'october

Sesiun dil cussegli da scola sulla perdananza da Rueras, mo provegnend alla davosa, concludiu d'arver las scolas gievgia, ils 25 d'october.

1894, ils 25 d'october

Avertura dallas scolas: suenter il solit survetsch divin allas otg, dau ellas duas scolas a Sedrun las solitas commensuradas exortaziuns.

Cussegli da scola il medem.

Scolasts:

a Sedrun scola superiura signur Gion Antoni Deragisch da Bugnei

a Cavorgia signur Placi Adalbert Schuoler da Sumvitg

Las scolas a Sedrun, scadina 30 scolars. En consequenza dalla nova ura miezeuropea vegn teniu scola avonmiezdi da $\frac{1}{2}$ 9 tochen $\frac{1}{2}$ 12, mo nuotatonmeins suentermiezdli da l'ina entochen las quater. La "pausa" ei tras pluralitat dils motivs vegnida remessa en "Ruhestand". Vegn ella a reclamar tier il departement da scola?

1894, ils 14 da november

Catechetisau suentermiezdli ella scola a Cavorgia. Quella ha mo 9 affons, cuntentientscha dil niev scolast.

1894, ils 28 da november

Quater commembers dil cussegli da scola visitau las duas scolas a Sedrun, ensemens cun signur inspectur Disch. Tratg empau per las plemas al niev plan da scola!

1894, ils 6 da december

Catechetisau ella scola a Selva. – Suenter assistiu alla scola ensemens cun cusseglier local. S.Clau ha schau schigiar la meila, mo era recumandau la torta.

1894, ils 13 da december

Catechetisau ella scola da Cavorgia e suenter assistiu ella scola. Observau gronda vivacitad tier il niev signur scolast.

NB. Era la scola dall'aura fetg buna: tochen dil di dad oz terrein da Tschamut entochen Cavorgia!

1894, ils 27 da december

Avonmiezdi, dus commembers, assistiu la scola inferiura; suentermiezdli la superiura ed observau bien uorden e bien progress.

1895, ils 10 da schaner

Suentermiezdli catechetisau a Cavorgia, udiu la cuntentientscha da signur scolast.

1895, ils 23 da schaner

Avonmiezdi visitau la scola inferiura Sedrun, presents la cumissiun da scola.

Suentermiezdli la scola a Rueras, presents tschun commembers e treis scolasts.

1895, ils 24 da schaner

Suentermiezdi la scola superiura a Sedrun. Bi cant! Conferenza locala.

Referent: signur scolast Deragisch Gion Antoni.

Tema: Con lunsch e co san ins risguardar la individualitat dils affons en scola?

La discussiun en general harmonisau – pintgas dissonanzas vegnidias accordadas – “dominante”: laud, engraziament – sco meritau.

5 Uhr Abends Banquet im Hotel zum Kreuzlipass.

Viseta a Selva e Cavorgia refretg per caussa dallas vias encufladas.

1895, ils 25 da schaner

Conversiun da s.Paul. Nossa “conversiun anen” vegnida impedita. Suentermiezdi da president e vicepresident fatg ina “aversiun” engiu ellas Cavorgias, las biaras sliusas dils contadins, mond per lenna aviert via. Ella scola Cavorgia puspei cattau gronda vivacitad; admoniu exhortau, essend els sco paucs denter “legi ora”. Cavorgia cun mo 9 scolars, da quels treis voluntaris.

1895, ils 11 da fevrer

Catechetisau ella scola Cavorgia.

1895, ils 4 da mars

President e vicepresident e signur Vigeli Berther a Camischolas, visitau avonmiezdi la scola pintga, observau bunas prestaziuns, particularmein el far quen. Cant dramatical. Suentermiezdi vegn luvrau cun gronda premura ed energia. Tut en tut artg stendiu stagn fetg e grev e suenter scola era remarcau. Udui biala canzun da primavera, ferton che la cufla secundava ordaviert.

Il diari selamenta – sin fundament e numnond il termometer – dallas grondas ferdaglias endridas bein enqual di da schaner e fevrer ella stiva da scola.

1895, ils 7 da mars

Suentermiezdi catechetisau a Cavorgia.

1895, ils 20 da mars

Excusiun ella provinzia da Selva – a Dieni allas 6 e tschun minutus “Rutschpartie” dalla scarpa – stradun giu per reconquistar la dalla cufla raptada capella! **Factis facrendis en Ecclesia cta,** catechetisau en scola.

Suenter l’arrivada da signur vicepresident Leci Huonder (fest niev grondius) assistiu ad in cuors scola, silsuenter turnai a casa surmontond pliras lavinas cun bucca schetga e staunclas combas a S.Brida, pintga reflecziun a la Kneipp - Ruhigtropfen – Deo gratias! – Selva scolars 9.

1895, ils 7, 8, 9 e 10 d’avrel

Sesiu dil cussegli da scola. Fixaziun dils examens. Ils 8 d’avrel, avonmiezdi a Selva – presents signur inspectur Disch. - Suentermiezdi a Rueras da $\frac{1}{2}$ 2 tochen $\frac{1}{2}$ 6. Signur inspectur ha exprimiu la cumententscha.

Ils 9 d’avrel, avonmiezdi a Sedrun, scola superiura dallas 7 – 12. Cumententscha da signur inspectur. Suentermiezdi a Cavorgia: Omisdus scolasts confirmai. Ils 10 d’avrel, avonmiezdi scola inferiura a Sedrun. “Ende gut, Alles gut.” Pladiu unanimamein scolast veder. Tarmess tuttas tabellas a signur inspectur.

1895, ils 3 da fenadur

Retschiert da cassa cantunala 14.85 frs. per scola da lavur.

Onn scolastic 1895/96

1895, ils 13 d’october

Sesiu dil cussegli da scola a Rueras. Fixau avertura dallas scolas ils 22 d’october. Midada el persunal dil cussegli da scola: niev commember da Rueras signur Giachen Martin Beer, per

Cavorgia: Luis Hendri, per Camischolas: Felici Monn. Persunal dils signurs scolasts ei il medem.

1895, ils 22 d'october

Avertura da tuttas scolas. Suenter il solit survetsch divin, fatg ellas scolas a Sedrun la solita inspecziun ed admoniziun. Scola inferiura: 27 affons, scola superiura: 32 affons.

1895, ils 15 – 22 d'october

Retschiert dil titular departement d'educaziun treis brevs.

L'emprema: pervia dallas pagas da scolasts: Sedrun scola superiura ordavon 400 frs.

La secunda: Pervia dall'instrucziun da tudestg: recumnadau d'entscheiver ella scola superiura. Sedrun cun il tudestg il 5avel onn da scola.

La tiarza: pervia dil fondo da scola, 6773 frs.

1895, ils 26, 29 e 30 d'october

Entschiet scola da lavur sut scolasta Genoveva Biart, feglia. Ils 29 d'october: retschiert las tabellas – ina memia pauc – tarmess per suenter. Ils 30 d'october: avomiezdi visitau la scola a Rueras; suentermiezdi catechetisau ella scola a Cavorgia (9 affons).

1895, ils 24 da november

Rispundi al departement d'educaziun pervia dil tudestg e tarmess la tabella dil "Turnen" (3 meins – 30 uras, 30 scolars). Ils 25 da november: suentermiezdi catechetisau a Cavorgia. Ils 27 da november: avomiezdi, president e vicepresident (Lezi Huonder) visitau las duas scolas a Sedrun.

1895, ils 6 da december

Catechetisau ella scola da Selva, silsuenter assistiu alla scola ed udu la cuntentientscha dil signur scolast. 10 scolars.

1895, ils 27 e 30 da december

Avonmiezdi e suentermiezdi visitau las scolas da Sedrun. Ils 30 da december catechetisau a Cavorgia.

1896, ils 15 da schaner

Catechetisau a Cavorgia, suentermiezdi. Repartiu cudaschs e tabellas da Heinrich Pestalozzi, dil qual vegn commemorisau il giubileum da 150 onns.

1896, ils 21, 22 e 23 da schaner

Avonmiezdi visitau scola inferiura a Sedrun, treis commembers. Ils 22 suentermiezdi visitau scola da Rueras, tschun commembers, 31 affons. Ils 23, visitau scola da Cavorgia, quater commembers e treis signurs scolasts. Suenter scola conferenza locala.

Referent: signur scolast Schuoler Placi Adalbert.

Tema: Co san ins sveglier igl interess, tschaffen, en scola?

Buna, cumpleina, ideala dilucidaziun – discussiun sufficiente surditgond la pintga participaziun.

Silsuenter fatg in "Ableger" per collaudaziun da signur cusseglier scolastic local ed exaltaziun dils collaudaders, pertgei ina "regina" ha surviu si cun ina butteglia "scol Tuatschin".

1896, ils 25 da schaner

Tur solus a Selva, catechetisau ed assistiu alla scola. En tuttas scolas observau progress cuntenteivel.

1896, ils 12 da fevrer

Catechetisau suentermiezdi a Cavorgia.

1896, ils 2 da mars

Avonmiezdi visitau las duas scolas a Sedrun, quater commembers. Suentermiezdi catechetisau a Cavorgia.

1896, ils 21 da mars

Avonmiezdi catechetisau a Cavorgia.

1896, ils 29, 30 e 31 da mars

Sesiun dil cussegli da scola. Fixau ils examens silla jamna sontga. Ils 30 da mars. Suentermiezdi examen a Selva, presents quater cussegliers da scola e geniturs – catechetisau – examinau, cantau e marendau - confirmau scolast. Avonmiezdi, dito a Cavorgia – sco signur scolast dau ina risposta negativa. Ils 31 da mars, avonmiezdi examen a Rueras $\frac{1}{2} 9 - \frac{1}{2} 12$. Confirmau sco scolast signur Anselm Capeder. Suentermiezdi scola inferiura a Sedrun – confirmau scolast.

1896, igl 1. d'avrel

Avonmiezdi examen ella scola superiura a Sedrun. Cant exemplaric – confirmau scolast. Tuttas scolas han cuntentau cun bunas prestaziuns. – Finis coronit apis! D.G.

1896, ils 24 da zercladur

Retschiert da "Standeskanzlei" 14.85 frs per scola da lavur. Correspondiu cun signur Schuoler August, Lehramtscandidata Cuera, il qual ha supriu la scola da Cavorgia.

Onn scolastic 1896/97

1896, ils 11 d'october

Sesiun dil cussegli da scola a Rueras. Concludiu d'arver las scolas ils 26 d'october.

1896, ils 26 e 27 d'october

Avertura dallas scolas. Ils 27 d'october staus ella scola da Rueras e Cavorgia. Cavorgia ha niev scolast signur Schuoler August da Cumpadials. Auters scolasts tut ils veders, sco era il medem cussegli da scola.

1896, ils 23 e 24 da november

Avonmiezdi visitau la scola superiura, treis commembers; suentermiezdi visitau la scola inferiura, treis commembers. Ils 24 da november. Bemer. "Turntabelle" (3 meins – 20 uras – 30 scolars). Suentermiezdi catechetisau ella scola Cavorgia.

1896, ils 21 da december

Avonmiezdi catechetisau ella scola Cavorgia.

1896, ils 30 da december

Avonmiezdi visitau la scola inferiura a Sedrun – quater commembers. Suentermiezdi visitau la scola superiura a Sedrun - quater commembers.

1897, ils 28 da schaner, 18 da fevrer e 12 da mars

Catechetisau ella scola Cavorgia.

1897, ils 6 – 8 d'avrel

Examens.

1897/1898 Ils 19 d'october sesiun dil ludeivel cussegli da scola a Rueras, vegn concludiu d'arver las scolas ils 21 d'october.

Commembers dil cussegli da scola:

1. Gaudenz Engler, plevon
2. Lezi Huonder
3. Gion Antoni Monn
4. Giachen Martin Beer

5. Louis Hendry

6. Felix Monn

7. M. Venzin

Scolasts per las differentas scolas:

Sedrun, scola gronda: signur Gion Antoni Deragisch da Bugnei, paga 400 frs.

Sedrun, scola pintga: signur Giachen Antoni Pally, paga 360 frs.

Rueras: signur Anselm Capeder, paga 400 frs.

Selva: signur Duri Riedi, paga 360 frs.

Cavorgia: signura Maria Caplazi, paga 360 frs.

Duront igl onn scolastic ina viseta da signur inspectur, ina viseta meinsila dils
commembers dil cussegli da scola. Ils examens finals ein vegni teni naven dils 4 – 6 d'avrel.

1898/1899 Ils 23 d'october concluda il cussegli da scola da schar entscheiver las scolas ils 24 d'october. Ils signurs scolasts ein ils medems digl onn 1897/98, sulettamein culla differenza, che signur Anselm Capeder surpren la scola pintga a Sedrun. Pally la scola da Rueras. Pagas las medemas digl onn avon. Ina viseta da signur inspectur Disch, viseta meinsila dil ludeivel cussegli da scola.
Examens finals: 6, 7 ed 8 d'avrel.

1899/1900 Ils 22 d'october vegn ei concludiu dil ludeivel cussegli da scola da schar entscheiver las scolas ils 24 d'october.

Scolasts:

Sedrun per scola superiura: Anselm Capeder (paga 400 frs.)

Sedrun per scola inferiura: J. Camartin (paga 370 frs.)

Rueras: Pally (paga 400 frs.)

Selva: J. Riedi (paga 360 frs.)

Cavorgia: M. Caplazi (paga 360 frs.)

Ina viseta da signur inspectur Disch. Viseta meinsila dil ludeivel cussegli da scola.

Examens finals: 5, 6 e 7 d'avrel.

Scola da lavur: Genoveva Biart

1900/1901 Ils 12 d'october conclus dil cussegli da scola da schar entscheiver la scola ils 23 d'october.

Scolasts:

Sedrun per scola superiura: President Anselm Capeder (paga 400 frs.)

Sedrun per scola inferiura: Jacob Camartin (paga 400 frs.)

Rueras: J. Pally (paga 400 frs.)

Selva: J. Riedi (paga 400 frs.)

Ina viseta da signur inspectur Disch. Viseta meinsila dil ludeivel cussegli da scola.

Examens finals: 2 e 3 d'avrel

Scola da lavur: Genoveva Biart

Ord ils cudischs da protocols da vischnaunca dils onns 1838 entochen 2005

08-10-1838 Ina cumissiun dad in per vischinadis duessi seradunar per ina "questiun" fatga ed era per mirar co ins savess regular en ina megliera scola.

05-05-1843 Conclidiu da tschintschar cun sur Camenisch e dumandar sch'el savessi buca dar scola; pagar 30 fl sch'el tegni buca ora otras cundiziuns.

31-03-1844 Quei di han ils vischins da Cavorgia dumandau la vischnaunca per lenna da baghegiar ina casa da scola. Conclidiu ch'ei seigi ussa buca il temps da pinar lenna e spitgar entochen primavera. Era ils vischins sezs eran buca tuts perina.

05-01-1845 Vegg fatg enconuschen tgei premis il cantun dessi per scolas ruralas e per baghegiar scolas.

05-04-1846 Pleiv, priu si farrer per 2 onns, sur Vigeli Venzin, caplon a Sedrun cun mirar ch'ei vegni fatg la scola leu.

30-05-1847 Plinavon ei il pareri proponius davart l'augmentaziun dallas scola sco ei plaida era vegnius approbaus. Ariguard dalla biara lenna dada entuorn quest atun, ei ordinau da seprofitar da quella per baghegiar casas da scola, ni vid baghetgs dalla pervenda ed ei vegniu legiu ora in cussegl da scola consistent ord 8 commembers: segnerfarrer ei president, statalter Vigeli Venzin da Selva, assistent Schmedt, ni signur mistral Gieriet, assistent Gion Rest Muggli, statalter Gion Andriu Berther fegl, Hans Giachen Beer, signur scarvon Monn, statalter Lezi Antoni Muggli e quels ein obligai da secumparer schi savens sco il signur president anfla per bien da radunar els e per lur fadigia dueigi la pagaglia da Diu survir, quei ei gratis. Lur obligaziuns consista ch'els ston dar uorden che las casas da scola, sco auters fatgs nunprovedi, che succedan ordlunder, tenor ordinaziun dalla vischnaunca, veggien mess en effect.

04-07-1847 Eis ei sin publica vischnaunca vegniu conclidiu davart las lennas dadas entuorn da per gl'emprem ira naven cun las lennas dallas casa da scola e per suenter serugalar cun quella che resta.

29-08-1847 Eis ei conclidiu da mirar da carschentar la caplania da Rueras ton sco per la zavragia ed ei schau sura alla cumissiun da scola ni alla cumissiun pauperila nua rucavar, aber adina cun approbaziun dalla vischnaunca.

02-04-1848 Ariguard la casa da scola eis ei vegniu cumprau la casa da statalter Valentin Caveng per il prezi da 255 fl. cun la cundizion da pagar la mesedad sin d'atun proxim 1848 senza tscheins, l'autra mesedad sin igl onn suenter; la mesedad paga la vischnaunca, l'autra mesedad paga la cassa a scola.

25-05-1851 Schau tier da prender sill'jarva senza arvè als vischins da Cavorgia sis vadials, duegien aber tener sin sia pastira da casa, quei ei schau tier per igl onn d'uonn per diever dalla scola.

13-07-1851 Per stagiar ora pastiras da segar en bonis da scolas e vias vegg destinau 9 umens.

06-06-1852 Davart la scola e pladir vinavon il schulmeister. Essend ora igl accord fatgs cun el, ei ad interim refretg ed el medem temps conclidiu da veginr ensemble aunc inagada la cumissiun da scola, la quala dueigi ponderar la caussa madiramein, ir atras ils quens, mirar co ei stat cun la bilanza, sco era con lunsch las resursas, ni il fondos da scola tonschan. Lura metter in ni plirs projects e quei lura purtar sin la vischnaunca.

16-05-1853 Ei dalla vischernaunca concludiu da dar per far la scola dalla stad 20 flurins al schulmeister che fa quella, cun l'obligaziun ch'el stoppi sunar las orglas e che dacheu naven dueigien quels 20 flurins per sunar las orglas vegin mess vid las scolas e la cumissiun da scola che pladescha schulmeister dueigi el medem temps cumpigliar en l'obligaziun da sunar las orglas sur tut onn.

14-09-1853 Eis ei sedeliberau sur dallas scolas. Gl'emprem legiu ils quens ed administraziun dallas scolas tochen tiel di dad oz ed ei resultau che la bilanza ei curdada ora ualtili uliva, da maniera che la scola ha ussa da bien ni s'avanzada las casas ch'ein dapresent baghegiadas. Plinavon ha la vischernaunca incumbensau la cumissiun dalla scola da mirar da procurar per schulmeister pigl onn d'uonn e quei aschi bein sco igl ei pusseivel e quei pil cuors d'unviern; adina aber cun approbaziun ni disapprobaziun dalla vischernaunca.

25-09-1853 Eis ei sin vischernaunca sedeliberau sur dils schulmeisters. Gl'ei stau scret ora la concurrenza per 4 scolasts, nua ch'igl ei stau 4 che han fatg il melden e quels ein Plazi Biscuolm per in salari da 200 flurins, quatier e lenna ed aunc il premi cantunal; Soliva per in salari per Sedrun 160 flurins e 20 flurins remetter ed 11 vaultas lenna e per Rueras 140 flurins e 20 flurins remess e lenna per siu diever da cuschinat; Biscuolm da Sumvitg per in salari da 100 flurins ed il premi cantunal e lenna per diever da cuschinat; in cert Deplazes da Surrein/Sumvitg, il qual deva sin oz ver dau en il tgei e co, survegniu aber neginas notizias ed aschia ei la vischernaunca passada tier las elecziun sco suonda.

1. Ha la vischernaunca schau semegliar las pretensiuns memia enormas ed aschinavon sco ils petents han giu dau giu siu ultimatum, ha la vischernaunca buca saviu vegin suenter a lur pretensiuns, han aschia concordau gl'emprem per Sedrun cun il scolast Soliva, il qual ei s'obligaus da far la scola il cuors d'unviern cun era vitier sunar las orglas igl entir onn, suenter sco gl'ei stau ils cheu davos onns e quei entschavend da Numnasontga tochen ch'ei vegin ch'ins sa generalmein luvrar il funs e quei per in salari da 100 flurins cun aunc schar vegin tier il premi ad el che vegin dil cantun e zatgei lenna, la quala lenna duegi puder vegin dada ultra quella che vegin tratga per la scola, sch'ei duess tier quella muncar lenna; fagend la scola cun cuntentientscha dalla vischernaunca eis ei da far ina remessa.

2. Al scolast Biscuolm da Sumvitg eis ei fatg si tscharna e e cuntertscharna, sche bein ins vegli dar ni vegin suenter a sia damonda, nua ch'igl ei lura pigliau il pli da buca dar ton. Suenter ei lura il medem sura numnau Biscuolm mess en preposiziun cun aunc in nies vischin Michel Simonet sco per scolasts a Rueras e zuar Biscuolm per 70 flurins e schar ad el il premi cantunal e lenna per diever da cuschinat, per Simonet per 70 flurins e lenna per siu diever da cuschinat.

Ei lura vegin fatg il pli sur da quels dus subjects ed ei curdau ora per Michel Simonet, il qual ha las medemas obligaziuns sco Soliva, priu ora ils sunar las orglas.

Per Dadens gl'uaul e da Maunsut ha la vischernaunca era concludiu da dar aschi a proporziun, seigi dalla vischernaunca ni ord il fondo, bein entelgiu aber ch'ei vegin era pladiu subjects, ils quals seigien adattai per far ina scola, suenter siu meglier saver e puder. Ei da remarcar, che ton ils Dadens gl'uaul sco quels da Maunsut, hagein ils dretgs da puder tarmetter ses affons tier las adina usitadas scolas, en gliez cass aber vegniessen ei a survegnir negina bonificaziun per quellas.

02-12-1853 Sco president da scola ei legius ora signur assistent Schmed da Gonda.

07-05-1854 Eis ei concludiu da mirar per caplon a Sedrun ed il giavisch fuss da survegnir in che fagess scola ed aschia dau cumissiun als signurs geraus da seconsultar cul segnerfarrer e lura schi gleiti sco pusseivel far pleiv.

07-05-1854 Eis ei sedeliberau schebein ins vegli schar cumpleina libertad alla cumissiun da scola da schar pladir ils schulmeisters e da manischar las caussas scolasticas senza intervegnir dalla vischernaunca, ni sch'ins vegli che la cumissiun possi dad ella anora senza dumandar la vischernaunca far nuot ed aschia entras in grond pli concludiu che las deliberaziuns dalla cumissiun da scola seigien obligatorias da vegin sancziunadas dalla

vischnaunca, da l'autra vart da surschar la plenipotenza illimitada alla cumissiun ei staus quasi persuls Hans Giachen Beer.

11-04-1854 Eisi dil president da scola vegniu legiu il quen da quella dils onns 1853 e 1854, nua ch'igl ei resultau che la scola ha aunc da pagar, ni resta deivet u capitals ni current 194.- frs. e zatgei raps, senza esser quintau ils 100 renschs che la vischnaunca dueva pagar la scola 1853 ed aschia approbau il quen.

Plinavon eis ei davart la scola dacheudenvi stabiliu sco suonda: La vischnaunca ei s'obligada da prender il deivet restont tier ella ed ultra da quei pagar ord cassa da vischnaunca alla scola 120 flurins annual cun aunc schar alla scola il schon fixau dallas baselgias.

Dapli duegi dacheudenvi esser dau l'autoritat independenta alla cumissiun dalla scola da pladir ils schulmeisters suenter lur bein manegiar a norma dalla sura menziunada summa. Las otras resursas ch'eran schiglioc per la scola, dueigien curdar en cassa da vischnaunca.

17-02-1861 Silsuenter ha signur president legiu giu in project mess avon dalla cumssiuun da scola, co ins savessi arver fontaunas per cuvierer ton pli tgunsch las spesas, ton da vischnaunca sco da scola, ei aber sedeliberau sur da quei punct nuot, sulet mo per dar enta maun da patertgar co ins savessi far.

10-11-1861 Eis ei concludiu da schar la mesadad da quels tiers che vegnan pri si sin la pastira da casa da Cavorgia als vischins da Cavorgia, l'autra mesadad aber ella cassa da scola communabla.

29-12-1861 en connex cun l'elecziun dil caplon pader Augustin Schuoler decida la vischnaunca:

c) Ariguard ils 51.- frs. per la scola, duei buca la caussa da quella engaldir, sonder quels 51.- frs. dueien vegnir pagai ord cassa da vischnaunca alla scola.

f) Cura ch'ei fuss negin caplon a Sedrun, sche dueien quels 51.- frs. per la scola vegnir pri ord il tscheins dalla caplania.

04-10-1863 Ei vegniu purtau avon ch'ils da Sedrun secumentien uonn mo cun in schulmeister ed els vaien il dretg da retrer la rendita dil fondo da scola per dus schulmeisters. Sche ei dalla vischnaunca vegniu concludiu da schar vegnir tier ad els per igl onn d'uonn mo per $1\frac{1}{2}$, bein aber dueigi quei nuota pregiudicar ils da Sedrun sin in'autra gada sch'els vegnan puspei sil patratg da tener dus schulmeisters, aschia ch'els hagien puspei ils medems dretgs sco vidavon.

04-10-1863 Ei concludiu da far far en la pegna ella casa da scola da Rueras.

18-10-1863 Eis ei vegniu concludiu dad aunc rumper ora e far en ina finiastra nova ella casa da scola da Sedrun.

17-01-1864 Sin garegiar dil cussegl d'educaziun eis ei vegniu purtau avon, schebein ins vegli turnar a retrer la protesta dada en per via dallas pagas dils scolasts ed ei unanimanein vegniu concludiu da buca retrer quella.

28-08-1864 Ei dil president vegniu declarau che mintga vischinadi duei ver quitau da mirar ch'ei hagien schulmeister sin da vegnir e quei tenor uorden da vischnaunca.

07-04-1867 Eis ei vegniu mess avon, sche ins lessi buca metter si ina scola da repetiziun en nossa vischnaunca u pliras. Eis ei concludiu dalla vischnaunca ch'il cussegl da scola dueigi radunar ina cumissiun da dus ni treis per vischinadi sco ella anfli per bien e lura luvrar ora in plan da quellas varts e suenter metter quei avon alla vischnaunca.

19-05-1867 Eis ei vegniu supplicau ils vischinadis ch'ei mettien ils umens destinai, cura ch'il cussegli da scola cloma per mirar sch'ei veglien rugalar en la scola da repetiziun per igl unviern.

04-10-1868 Eis ei vegniu fatg attent che la scola digl unviern cuozzi enstagl 22 jamnas 24 da cheu naven.

17-05-1869 Eis ei vegniu legiu ora l'entira cumissiun da scola dils dus onns vargai che han el medem temp, plitard entras ina cumissiun, luvrar ora in plan tgei quella ha da far e cumandar e plitard metter avon quel alla vischnaunca.

17-05-1869 Ha gerau Lucas Cavegn dumandau la vischnaunca da schar far scola privata en la stiva digl obercheit entochen d'atun, ei quei vegniu ad el concediu.

09-07-1871 Ha il president mess avon ina brev dil cussegli d'educaziun, sch'ei vegnessi en nossa vischnaunca tratg ensemens empau las scolas, aschia che ins savessi salarisar empau pli bein ils schulmeisters ed en particular vegness ei giavischau che la scola da Camischolas vegnessi translocada cheu a Sedrun.

Ha lura la vischnaunca per il di dad oz nuota saviu entrar en tala caussa e schau sura al vischinadi da Camischolas da patertgar 15 dis per far cun Sedrun tala uniun e lura en quei termin dar risposta al president il siu conclus prius dad els.

30-03-1879 Ha la vischnaunca concludiu che dacheudenvi dueigien ils scolasts e las scolastas veginir pladi entras ils commembers dil cussegli da scola en entelgentscha pli u meins era cun quels, ils quals han da tarmetter lur affons tier quella scola.

08-02-1880 Casa Cadruvi. Vigeli Cavegn s'oblighescha da temps d'unviern e da scola da buca emplunar si lennas da maun sura per buca stgirentar la stiva da scola.

06-06-1880 Ei en consideraziun, ch'ei vegn uonn da pagar ils scolasts ord cassa da vischnaunca, vegniu legiu ora ina cumissiun, la quala duei, culs geraus ensemens, luvrar ora in pareri per carschentlar las entradas da vischnaunca e quel lura metter avon a quella.

24-06-1880 Ei da nies signur president vegniu purtau avon ch'il local da scola a Sedrun stoppi tenor ordinaziun dil cussegli da scola veginir engrondius. Ins duei mirar sch'ins vegli alzar la casa da scola vedra ni baghegiar ina nova. Suenter haver udiu plirs e differents meinis, ha la vischnaunca concludiu da far empau plaunsiu e schau sura alla cumissiun da scola cun ils geraus da planisar ed intercurir, quala seigi la megliera moda per la vischnaunca e lura dar giu da quellas varts alla vischnaunca in respectiv pareri.

30-07-1882 Sin la brev veginida tier dil cussegli d'educaziun ariguard la casa da scola a Sedrun eis ei concludiu da rispunder ch'ins vegli mirar da saver ira cun ina classa affons naven da Sedrun e tarmetter a Camischolas e lura mirar sch'ei seschassi buca seregrular sin quella moda.

26-08-1883 ei stau vischnaunca ed ei dil signur president vegniu fatg da saver che entgins vischins hagien garegiau che la vischnaunca fetschi las lennas da scola. Mo damonda el expressivamein, sche in ni l'auter dils vischins veglien constrenscher cheutier. Sepassond negin si sin sia damonda, sche ha il signur president declarau ch'ins vegni pia buca a far quellas lennas, essend che mintgin seigi cuntents da far quella sco entochen cheu.

07-10-1883 Ei sin la brev dil cussegli d'educaziun tarmessa tier ariguard la casa da scola da Sedrun concludiu e legiu ora ina cumissiun, la quala entscheivi a far giu in plan co e nua baghegiar la numnada casa. Ils cheu eligi persunals ein: Vigeli Deragisch, Giachen Antoni Soliva, gerau Bruno Soliva, statalter Gion Paul Berther, gerau Giachen Antoni Venzin, Vigeli Venzin, Sep Antoni Hendry e Luis Hendry cun il cussegli da scola.

18-11-1883 Ei concludiu da baghegiar la nova casa da scola a Sontget; mo l'antieriura cumissiun dueigi aunc seradunar ina gada e mirar co baghegiar e sch'ins dueigi era unir la habitaziun dil signur caplon cun quella casa da scola nova.

16-12-1883 Ariguard la nova casa da scola ei concludiu da star totalmein vid il pareri luvraus ora dalla cumissiun, aschia che la vedra casa da scola resta cheu sco proprietad e diever dalla vischernaunca e tier la nova dueigi veginr baghegiau mo quei ch'il basegns damonda.

Ei vegniu legiu ora ina cumissiun da treis commembers, che hagien il necessari quitau, mirien e diregien sur lavurs e tut quei che fa da basegns tier e per baghegiar la nova casa da scola. Ils cheutier eligi commembers ein: sur caplon Berther, gerau Gion Andriu Berther e Duri Battesta Berther.

25-05-1884 Ei danovamein concludiu da baghegiar la casa da scola a Sedrun da lenn tenor igl emprem plan, nua ch'igl ei al a sias uras eligiu comite dau la cumpetenza da sez ni da surdar ad in auter qualificau um da mirar sura e direger las lavurs cuminas che ston veginr fatgas da quellas varts.

08-06-1884 Ha il signur caplon vuliu prender la demissiun sco president dalla cumissiun da scola ed il comite che ha da direger sur il baghegiar la casa da scola, mo quella demissiun ei davart dalla vischernaunca buca veginida acceptada, aschia ch'il signur caplon resta sin sia plazza anteriura.

22-06-1884 Ei statalter Gion Paul Berther veginus eligius el comite da baghegiar la casa da scola enstagl da Gion Andriu Berther

10-08-1884 Secundariamein ei vegniu formau in niev comite ariguard la survigilonza ed il quitau da baghegiar la nova casa da scola; ils eligi commembers ein: signur assistent Schmed, Duri Venzin e Duri Battesta Berther.

21-09-1884 Secundariamein ei danovamein vegniu eligiu ora ina nova cumissiun che miri e diregi co e sur il baghegiar la nova casa da scola a Sedrun, ils cheutier eligi persunal ein ils signurs Duri Battesta Berther, statalter Gion Paul Berther e statalter Stiaffen Beer.

28-09-1884 Ei concludiu da baghegiar la casa da scola sco quella da Mustér e far ella da lenn tenor vegls conclus ed il destinau comite dueigi mirar che la lavur mondi vinavon.

12-10-1884 Ils 12 d'october 1884 ei vegniu il rapport dil comite dalla casa da scola che la casa da scola da Mustér hagi negina cuschina e habitaziun per il scolast; ei oz concludiu a Ruera che la casa dueigi veginr fatga da lenn, las stivas tschentadas ina sur l'autra ed ils necessaris cumahs per habitaziun da scolasts cun cuschina etc., dueigi il comite metter tier tenor commoditat e basegns.

21-03-1886 Ei concludiu da far trer la caltschina dalla casa da scola entras lavur cumina, nua ch'ei dueigi veginr quintau $\frac{1}{2}$ buot per ina schurnada, sco era il sulom dueigi veginr cavaus ora da lavur cumina.

09-10-1887 Ei concediu da schar far la scola tudestga a Sedrun en ina dallas casa da scola e zuar quei a gratis aschiditg sco ei glei plaz sufficient.

21-05-1888 Finalmein ei aunc concludiu che ils geraus cun il statalter duegien ira atras ils quens dalla administraziun dalla casa da scola e lura rapportar il resultat alla vischernaunca.

17-06-1888 Ei concludiu da segirar la nova casa da scola a Sedrun sco era da turnar a renovar la segirada dallas otras casas da scola.

22-04-1889 Ei concludiu da per uonn buca segirar las casas da scola.

10-06-1889 Ei il quen e total importo per bagheggiar la nova casa da scola vegnius legius e mess avon alla ludeivla vischnaunca, il qual ei lura era vegnius approbaus da quella.

26-05-1890 Ei finalmein concludiu da dar a mintga scola obligatoria ina sort lenna da fiug cun ils paupers.

10-05-1891 Sin damonda d'entgins vischins da Sedrun da far metter neu leu in secund scolast ei quella tscharna restada en minoritad, manegiond ch'ei seschass levgiar quella scola cun entgina buna veglia sin in'autra moda.

25-10-1891 Concludiu da schar la scola da Camischolas leu vinavon per adina sco entochen uss, sut la cundizion che ils affons da quella, che gaudan negina almosna, paghien en cassa da vischnaunca annualmein 5.- frs. in, aschi ditg sco quella scola vegn buca frequentada da 14 affons, da leu naven han ei gratis la scola.

Medemamein ei vegniu concediu a Sedrun dus scolasts.

25-10-1891 La lescha per gl'alzament dalla paga da scolasts ha giu pro 4 vuschs, encunter 127 vuschs.

21-02-1892 remarca tiel protocol dils 25 d'october 1891, nua ch'ei stracta da schar exister la scola da Camischolas leu, ei il plaid „per adina“ buca vuliu vegnir approbaus. Essend aber che il cuntegn digl entir passus, che ha buca saviu vegnir snegau e di era senza plaid, che la sura scola dueigi exister leu aschi ditg sco gl'ei affons a Camischolas, seigi lura biars ni paucs, sche secrail il suittascret ch'el hagi giu il dretg da duvrar quei plaid, era ord motiv che quei vischinadi ei mai staus senza affons e vegn speronza mai a vegnir – e surlai ruasseivlamein a scadin che legia quest protocol senza simpatia – da giudicar sur quel. - Concludiu da schar a tscheins ina combra en casa da scola nova a feglia da Giachen Venzin e schau sura alla suprastonza da vegnir perina.

10-04-1892 Che ils affons dalla scola da Camischolas stoppien vegnir a Sedrun a frequentar quella. Vesend Thomas Berther, ch'ei seigi per el buca pli cunvegnent da star sin sia posta vinavon sco gerau ha el admess la piazza anavos els mauns d'ina ludeivla vischnaunca, essend ch'el sco ses vischins da Camischolas, hagi l'obligaziun da sustener la scola leu e cunvegni ad in um d'honur buca da survir a dus patrunz.

09-05-1892 Ei vegniu legiu giu il recuors dils vischins da Camischolas e Zarcuns encunter la vischnaunca pervia da sia scola. Per rispunder a quei recuors ei tratg ora ina cumissiun consistenta ord ils signurs geraus en uffeci, Cristian Muggli, Anselm Capeder e Stiafen Beer.

16-04-1893 Suenter in per pintgas tractandas ei ins passaus tiella votaziun dils 3 pugns da recapitulaziun: a) Alzament dalla paga da scolasts primars da 340.- francs sin 400.- francs. Il resultat final ei staus il sequent: punct a) 0 acceptonts 140 refusonts.

14-05-1894 La damonda pervia dil fondo da scola da Camischolas ei refretga sillla proxima vischnaunca. - Conclusivamein declara signur Vigeli Berther da Camischolas per mauns dil presidi, ch'el accepteschi igl uffeci da registratur sut la cundizion, ch'ins concedi ad el il dretg dad ira en casa da scola a Camischolas; al qual igl ei vegniu fatg negin'opposiziun.

04-11-1894 Ei fatg attents, ch'ins dueigi metter neginas lennas sin Cadruvi sur casa da scola e sur igl iert dil plevon.

20-05-1900 fa il president attents ch'ins stoppi reparar la casa da scola a Ruera ed ins duessi dar ina entschatta tier quella lavur.

10-02-1901 En vertenta questiun dils vischins da Selva e Tschamut ei da signur president vegniu mess avon alla ludeivla vischnaunca ch'ils vischins da Selva e Tschamut petiziuneschien,

- 1.) che lur casa da scola vegni reparada ed ultra da quei petiziuneschan
- 2.) ils vischins da Selva sulets che la scola vegni cun quella caschun translocada naven da Sutcrestas e baghegiada ora Selva.

Encunter quei petitum protestan ils vischins da Tschamut. Cheutras ei naschiu disuniun denter ils sura vischinadis e mess avon per decisiuon la vertenta damonda alla ludeivla vischnaunca sco emprema instanca cumpetenta en caussa: schebein la casa da scola duei restar a Sutcrestas ni transferida a Selva. Suenter haver udiu ils motivs e las raschuns dallas respectivas parts, ein vegni dumandai giu ils meinis, ils quals han plidau tuts unitamein en in senn, numnadamein che ils vischins da Selva hagien neginas raschuns sufficientas tier lur pretensiun secundaria sco era en risguard dallas relaziuns, dalla situazion e dalla experienza denter las numnadas fracziuns seigi negina cunvegnientscha da transferir la casa da scola naven da Sutcrestas. La vischnaunca ha sin quei concludiu da rugalar la casa da scola da Selva-Tschamut e zuar aschi gleiti sco ils vischins da leu seigien perina nua tschentar quella. Pil cass che la casa vegni transferida tegn la vischnaunca ora il sequent: Ils vischins da Selva ston sin agen donn e cuost procurar

- 1.) per in segir sulom
- 2.) tuts transports dalla casa da scola.

Cun quei ei stau finiu.

11-09-1904 Project d'ina lescha concernent l'obligaziun d'ir a scola ed il cuoz da scola che ha giu in resultat da 173 na e negins gie.

02-10-1904 Concluda la vischnaunca da sin fundament dil project da lescha sur l'obligaziun d'ir a scola ed il cuoz dalla scola da prolunghir quella da 24 sin 28 jamnas.

01-10-1905 Sin ina brev dalla regenza, nua che quella damonda si la vischnaunca, tgei pass ella intenziuneschi da far pervia dalla casa da scola a Selva, la quala seigi tenor rapport dil signur inspectur buca pli sufficienta per dar scola, concluda la vischnaunca da rispunder, che la casa dil caplon a Sut Crestas, nua ch'ins hagi dau scola ils davos onns, sequalicheschi tenor rapport dil signur scolast per in oreifer local da tener scola e ch'ella, la vischnaunca, secreigi dad ad interim buca stuer baghiar casa da scola.

03-11-1907 essend il basegns avon maun da tablegiar la casa da scola a Sedrun cun slondas, vegn ei mess avon alla vischnaunca, schebein ella vegli surschar da menar quella caussa alla suprastonza ni eleger ina autra cumissiun en caussa. Sin quei conclud'ins da surschar quella caussa alla suprastonza.

05-04-1908 Sin moziun da segnerfarrer e dil ludeivel cussegl da scola metta il president avon alla ludeivla vischnaunca, schebein ins vegli ereger ina scola reala per nossa vischnaunca a norma dil regulativ dil ludeivel Cussegl Grond dils 7 da matg 1907. Suenter entgina discussiun en caussa conclud'ins da menar en ina tala scola reala per nossa vischnaunca.

14-06-1908 Conclusivamein vegn ei da part dil president dalla cumissiun da quens, signur gerau Tumaisch Berther fatg sequentas remarcas :

- a.) Ch'il fondo da scola da nossa vischnaunca seigi tenor rapport dil Cussegl Pign vegnius carschentaus pro 1906-1907 per circa 4000.- frs., dil qual carschament, sco las caussas muossien negin sappi novas. Ord quella raschun duessien tuts administraturs da fondos da scola render inaga ad onn quen alla suprastonza, sco tuttas outras raubas pias.
- b.) ch'ins duessi sin ina moda ni l'autra encurir da far meglier diever dalla scola vedra a Sedrun.

Appartenent las duas sura moziuns da signur gerau Tumaisch Berther, conclud'ins il suandon. Tuts administraturs da fondos da scola duegien inaga ad onn render quen alla

suprastonza. Davart il far diever dalla casa da scola vedra, conclud'ins da surschar quella caussa alla suprastonza.

03-04-1910 Metta il signur president avon alla ludeivla vischnaunca ina petizion dils vischins da Rueras, en la quala numnai vischins damondan dalla ludeivla vischnaunca duas scolas per siu vischinadi, essend il diember dils scolars memia gronds mo per ina scola.

Suenter haver tedlau giu ils differents meinis ed aviert la discussiun generala en caussa, conclud'ins cun pintga participaziun da votants da dar als vischins da Rueras duas scolas per aschiditg sco il diember da scolars survarghi 35 scolars ed ei vegni buca outras relaziuns.

15-01-1911 Rapport'il signur president alla ludeivla vischnaunca ch'ils giuvens mats fagessien bugen diever dil tschaler dalla casa da scola a Sedrun per far teater etc. e damondan dalla ludeivla vischnaunca la lubientscha dad arranschar en il tschaler per tal intent.

Suenter haver discussionau quella caussa, concluda la vischnaunca da ranschar en il tschaler scola per diever dalla ludeivla vischnaunca e dils mats, per tener radunonzas da vischnauncas etc.

05-02-1911 Metta il signur president avon alla ludeivla vischnaunca la damonda, schebein ins vegli, ni ei cunvegni dad arranschar en la casa da scola a Rueras, sinaquei ch'ei seigi plaz en quella per duas scolas, a raschun che la ludeivla vischnaunca ha sut datum dils 3 d'avrel 1910 concludiu 2 scolas al vischinadi da Rueras.

Suenter haver tedlau giu ils differents meinis en caussa ed aviert la discussiun generala en caussa, concluda la vischnaunca dad arranschar la casa da scola a Rueras, ch'ei seigi plaz en quella per duas scolas.

05-02-1911 Fa il signur president enconuschenent alla ludeivla vischnaunca ch'ils vischins da Selva hagien sut datum dils 28 da november 1910 dau en alla ludeivla vischnaunca ina petizion en la quala numnai vischins garegian la construcziun d'ina casa da scola el vitg Selva.

Suenter haver mess en discussiun la damonda da baghegiar ina casa da scola el vitg da Selva ed udiu ils differents meinis en caussa concluda la vischnaunca

1. da buca corrispunder alla petizion dils vischins da Selva.

2. da rugalar si la casa da scola a Sut Crestas tenor sco ils basegns damondan per ils vischinadis Selva e Tschamut ensemes, sco stau entochen da cheu.

08-10-1911 Avis'il signur president che tenor ordinaziun dil miedi districtual seigi ei scumandau als affons da scola da Camischolas, che hagien la tuss tgaun, da frequentar las scolas.

10-03-1912 Fa il signur president enconuschenent alla ludeivla vischnaunca ch'ei seigi da part dil cussegli da scola vegni fatg attents, ch'il cussegli d'educaziun pretendi ch'ei vegni ranschau en per las scolas in plaz da far il turnen, gimnastic, e mess neu ils necessaris cundrezs persuenter e ch'ei vegni la fin dils 1913 fatg inspecziun, schebein quei seigi daventau ni buc. Signur president manegia ch'ei cunvegni alla vischnaunca dad ad interim ranschar en tals cundrezs aschi sempels sco pusseivel per las scolas a Sedrun e Rueras.

27-05-1912 Sin rapport da part dil signur president, ch'ei seigi necessari da far tetg e regular si empau la casa da scola vedra a Sedrun e ch'ei cunvegnessi ussa forsa da tablegiar encunter la casa da scola nova a Sedrun cun eternit enstagl cun slondas e forsa era far il tetg dad eternit, concluda la vischnaunca da surschar alla suprastonza da reparar las duas casas da scola tenor sco ella anfli per bien.

01-10-1912 Prelegia il signur president la sentenzia digl aultludeivel Cussegli Pign en caussa recuors vischinadi Selva contra la vischnaunca Tujetsch, pervia dil translocar la casa da

scola da Sutcrestas a Selva, la quala sentenzia ei vegnida dada ora en favur dalla vischnaunca, da buca translocar la scola.

06-12-1914 Fa il president enconuschent, ch'ei vegni dau via en libra concurrenza il far entgins bauns da scola ed ils plantschius stiva per la casa da scola a Sedrun, surprendiders veglien s'annunziar ton pli gleiti en secret.

05-09-1915 Essend absolut basegns d'ina pegna en stiva da scola a Sedrun, concludan ins suenter haver emprau entuorn ils meinis, da far in'emprova cun ina pegna dalla fabrica da Sursee.

27-02-1916 Arisguard la casa da scola a Selva vegn concludiu da star sil sulom veder.

21-01-1917 Fa il signur president attents ch'ei seigi dil departement d'educaziun vegniu motivau alzament da paga als scolasts (Teuerungszulage).

17-02-1918 Tals che vulan surprender las lavurs dalla casa da scola a Selva, san dar en lur offertas entochen il davos d.q. al signur president, nua ch'ins sa era prender envesta dils plans.

01-04-1918 Offertas per reparaturas dil tetg dalla casa da scola a Sedrun san ins dar en entochen ils 15 d.q. al signur III. gerau en uffeci.

21-02-1920 Fa il signur president attents che la scola reala savessi ir en per munconza da scolars, el visa tals ch'ein intenziunai da schar frequentar quella scola sigl avegnir, da notificar quei enteifer 8 dis al cussegli da scola.

18-04-1920 Ei sin giavisch da plirs vischins da Sedrun-Gonda-Camischolas extraordinariamein stau radunau vischnaunca per predeliberar la damonda d'ina tiarza scola a Sedrun. Suenter haver tedlau giu differents meinis ed ina ualti viva discussiun en caussa, conclude la vischnaunca da dar ina tiarza scola a Sedrun.

24-04-1921 Alla fin remarchescha signur president Felici Monn che la vischnaunca duessi ponderar, schebein ei seschassi buca sminuir empau las expensas dallas scolas, las qualas ein uonn carschidas considerablamein.

01-05-1921 Legia il signur president avon las proposiziuns dalla cumissiun stada eligida per ponderar co sminuir las expensas da nossas scolas, las qualas ein dalla vischnaunca vegnidias approbadas. Numnadamein da prender si il novavel onn da scola e d'alzar empauet la contribuziun privata pils scolars dalla scola reala.

30-04-1922 Sin repeti giavischs vegn mess avon alla vischnaunca, schebein ella vulessi patertgar da simplificar empau las anzi numerusas scolas. Suenter haver tedlau giu ils differents meinis che mavan tuts d'accord cun ina sminuazion dallas scolas, priu ora dus meinis che vulevan aunc ponderar empau la caussa avon, ei da vart da certi vegniu procurau disuorden ed ei la vischnaunca vegnida serrada senza prender conclus.

07-05-1922 Da vart dil cussegli da scola vegn tschentau il petitium che la vischnaunca dueigi decider en caussa dallas scolas, sinaquai ch'ei sappi vegnir pladiu ils respectivs scolasts.

24-09-1922 La scola reala entscheiva ils 2 d'october 1922. Geniturs che vulan schar ir ses affons en tala scola ein supplicai da s'annunziar tier il cussegli da scola.

08-10-1922 Motivescha signur scolast Tumaisch Venzin ch'ins duessi turnar anavos sils 8 onns da scola cun 28 jamnas, enstagl dils 9 onns cun 26 jamnas. Suenter haver dumandau entuorn ils differents meinis conclude la vischnaunca da prender si ils 8 onns da scola.

03-12-1922 Vegg fatg da saver ch'il Cusseg'l Pign hagi dau lubientscha da prender si ils 9 onns da scola.

04-03-1923 Lescha sur la scola da lavurs manilas. 30 gie e 174 na.

04-03-1923 Concluda la vischnaunca da prender part dall'iniziativa che intenziunescha ina sbassada da paga als signurs scolasts.

19-03-1923 Sin damonda schebein ins vegli reparar ni respectiv far pli gronda la casa da scola a Camischolas, cussegla la cumissiun gronda alla ludeivla vischnaunca da far tala reparatura e zuar suenter in sempel plan fatgs da signur scolast Mudest Nay. Tal plan preveda negin carschament da sulom, mo d'alzar la casa, midada digl esch casa e differentas midadas internas. Calculaziun da cuosts circa 1000.- frs. Suenter haver dumandau entuorn ils meinis conclude la vischnaunca da far la numnada reparatura

19-03-1923 In'autra damonda tractada dalla cumissiun ei stau la scola a Rueras, la qual hagi pigl avegnir in diember da 44 scolars. Signur president fa da saver ch'il giavisch dalla cumissiun, numnadamein che ils vischins da Rueras secumentien mo cun ina scola cun s'arranschar sin ina moda ni l'autra, seigi dils vischins quasi unanimamein veginus approbaus cun la cundiziun:

1. Ch'els hagien il dretg da tarmetter enzacons affons a Camischolas ella scola reala, eventuel cun formar ina classa preparanda.
2. Affons che veggan a Camischolas mo en classa preparanda, pagan negina contribuziun sco scolars reals.
3. Quell'entelgentscha duei valer per igl onn 1923/24.

Suenter entgina discussiun conclude la vischnaunca d'ir d'accord cun quell'entelgentscha.

24-06-1923 Vegg fatg da saver che aspirants per las lavurs da meister vid la casa da scola a Camischolas dueigien s'annunziar tier in commember digl obercheit nua ch'ins sa prender investa empau co ei sto vegin fatg.

10-08-1924 Arisguard il dar supplement da paga a signur Vigeli Beer meister per bagheggiar la casa da scola a Camischolas, van ins d'accord cun la proposiziun dalla cumissiun gronda da dar al sura 45 cts, per ura per las lavurs cumplidas egl accord.

23-05-1926 Tgi che less supreender da far entginas reparaturas vid casa da scola a Sedrun (in plantschiu sut, ruglar schalusas ect.) vegli s'annunziar tier signur III. gerau tochen dumengia proxima ils 20 d.q. Arisguard ulteriuras restauraziuns vid la casa da scola a Sedrun, sco dar colur finiastras, schalusas ect., vegg schau sura alla suprastanza da far tenor cunvegnentscha.

06-06-1927 Ei seigi aunc dus fondos en scola che seigien aunc buca sut la controlla ni bitgetta dalla ludeivla vischnaunca, il qual fusi en ses egls da recumandar che daventassi. Suenter entgina e magari viva discussiun en sura menziunada caussa, vegg manegiau da schar ponderar quella caussa ton da vart dalla ludeivla vischnaunca sco era da l'autra vart.

20-05-1928 Sco principala tractanda figurescha la pretensiun per ina II. scola per Rueras. Signur president prelegia 2 brevs, ina digl ugau da scola e l'autra dil cusseg'l da scola sez. Omisduas circularas fan valer il basegns ni necessitat per ina nova scola a Rueras, essend ch'il scolast vegg buca entuorn d'instruir in aschi grond diember dad affons cun tontas classas.

Suenter haver dumandau entuorn ils meinis en caussa ed udiu la discussiun generala, conclude la vischnaunca sin proposiziun da signur statalter Hans Giachen Decurtins. Da refierer tala damonda per oz e surdat la vischnaunca ad ina cumissiun tala caussa per pli madira reponderaziun. En quella cumissiun ein eligi: il cusseg'l da scola, ils revisurs da quen dalla ludeivla vischnaunca e la suprastanza communalia.

24-06-1928 Vegg tractau la damonda: ina II. scola a Rueras. Suenter prelecziun dil pareri dalla cumissiun per quella caussa, vegg dumandau entuorn ils meinis e schau liber la discussiun en caussa, nua ch'ils meinis ein curdai pro e contra. Numnada damonda vegg dalla ludeivla vischnaunca tras tscherna snegada, ord motiv dalla presenta ualti precara situaziun da finanzas dalla ludeivla vischnaunca.

27-05-1929 Prelegia signur president ina circulara tarmessa tier dil departement cantunal d'educaziun a nies ludeivel cussegli da scola per mauns da nossa vischnaunca, en la quala circulara ei vegg iniziau e quasi cumandau da dar ina secunda scola a Rueras sin d'atun proxim, sefundond sco raschun sil memia grond diember d'affons e munconza da plaz. Suenter haver dumandau entuorn ils meinis ed udiu la discussiun generala concluda la vischnaunca da dar als vischins da Rueras quella giavischada secunda scola per aschi ditg ch'ei survarghi il diember da 40 affons (scolars) en lur vischinadi.

18-05-1930 La vischnaunca ha da schar far 4 bauns da scola novs, reflectonts per quella lavur veglien dar en lur offertas a signur cusseglier da scola statalter Hans Giachen Decurtins.

24-09-1930 Reflectonts per scaldar las pegas da scola veglien s'annunziar enteifer 8 dis.

12-06-1932 Vegg mess avon per reponderaziun il conclus dils 6 da mars o.c. pervia da transloccar la remissa dalla sprezza a Sedrun. E vegg cun il pli concludiu da metter la sprezza el tschaler dalla casa da scola sin Cadruvi e far giu la remissa sper scola.

12-03-1933 Vegg prelegiu il conclus staus prius ils 24 da zercladur 1928 partenent il scamond da vender zucherams e da quellas caussas ad affons sut 16 onns.

05-06-1933 Legia signur president avon ina petizion dil cussegli da scola che vul che la vischnaunca prendi in conclus per introducir ina scola agricola da perfecziun. Quella cumpeglia 180 uras en total, repartidas sin 2 ni 3 onns. Per ils giuvens da 16 – 18 onns ei quella obligatorica, per ils auters facultativa. Quella scola vegg subsidiada miez dalla Confederaziun, $\frac{1}{4}$ dil cantun ed $\frac{1}{4}$ tuccass alla vischnaunca. Ils scolasts secumentan denton cun las $\frac{3}{4}$ che veggan subsidiai. La vischnaunca concluda da menar en quella scola cun far 15 gievgias per unviern (2 onns) scola.

01-10-1933 Reflectonts per scaldar las pegas da scola dueien dar en lur offertas enteifer quest'jamna alla suprastonza.

08-10-1933 Prelegia signur president era la risposta dil cussegli d'educaziun pervia dalla reducziun dallas pagas dils scolasts. Tal fa valer che quella midada stetti buca en cumpetenza dallas singulas vischnauncas, essend mo il cantun cheu cumpetents.

29-10-1933 Essend nos signurs scolasts malgrad las diversas representaziuns buca saviu sedecider da far visavi la vischnaunca ina pintga reducziun da lur paga, vegg ei proponiu, che la vischnaunca duessi eleger in comite che instradeschi il referendum encunter la lescha dallas pagas da scolasts. Encunter quella proposiziun oponen principalmein ils signurs president G. Felici Monn e mistral Vigeli Berther, fagend valer, ch'ei seigi da dubitar fetg vid in success d'in tal proceder e ch'ei deschi era buca ad ina vischnaunca d'esser cheu emprem iniziant.

Sin talas expectoraziuns croda ei ina zun viva, per part burasclusa discussiun e vegg ei alla fin insistiu sin l'elecziun d'in tal comite cun adossal alla vischnaunca ils eventuais cuosts. Tier la votaziun vegg tala proposiziun en quei senn acceptada ed eligiu en tal comite: ils signurs Giachen Martin Berther, junior; statalter Lezi Antoni Cavegn, Vigeli Schmed-Schmed, gerau G. Antoni Venzin e gerau Hans Giachen Decurtins, il qual accepta la missiun cun resalva, essend in success sin quella via fetg dubius.

05-11-1933 Il conclus prius dalla vischnaunca sut datum dils 29 d'october o.c. pervia dil referendum encunter las pagas dils scolasts, vegr suenter liunga discussiun puspei ruts e surschau la caussa alla iniziativa privata.

12-01-1936 Ariguard il regular ora l'alzada sura dalla casa da scola Sedrun, duei la suprastanza en uniun cun igl ugau scola far quei ch'ella anfla per indicau.

07-02-1937 Alla damonda dils mats da Rueras d'astgar baghegiar ora il tschaler dalla casa da scola sco sala da teater vegr corrispondiu en quei senn, che las respectivas lavurs stoppien vegr menadas ora sut survigilonza dalla suprastanza communal. Plinavon vegr concludiu da dar giu gratuitamein per quei intent circa 10 m³ lenna en uaul da III. classa.

03-10-1937 Tgi che reflectescha da scaldar las pegas da scola per il proxim unviern, dueigi far offerta alla suprastanza.

25-09-1938 Vegr dau vi en concurrenza da scaldar las pegas dallas scolas, offertas san ins dar giu alla suprastanza ni al cussegli da scola.

25-09-1938 Vegr dau vi en libra concurrenza il tablegiar e far en finiastras ella stiva da scola sura a Sedrun, offertas san ins far entochen ils 2 d'october alla suprastanza.

02-07-1939 Vegr ei dil cussegli da scola fatg ina petizion en scret ariguard la scola agricola, sch'ins savessi buca midar e schar frequentar duas annadas pli veglias quella, ni eventual desister d'ina tala, essend il tschaffen fetg minims tier la gronda part dils scolars.

29-09-1940 Reflectonts per scaldar las pegas dallas scolas san s'annunziar tier il cussegli da scola.

27-04-1941 Prelegia signur president il conclus prius dil cussegli da scola, che secloma sco suonda. Muort la scartezia da plaz els dus locals da scola a Sedrun concluda il cussegli da scola da far ira ils affons da Zarcuns tuts, sco era quels da Camischolas, che van il quart onn ensi inclusiv, a Rueras a scola, e quei entscheiva igl atun 1941.

02-06 1941 Encunter la publicaziun fatg en il protocol prelegius per approbaziun dalla vischnaunca dils 2 da zercaldur ariguard il conclus prius dil cussegli da scola da far ir in diember affons da Camischolas e Zarcuns a Rueras a scola, declara signur Benedetg Deflorin cun aunc auters vischins ch'els vegrni a protestar encunter.

08-06-1941 La sura numnada radunanza ei vegrnida convocada e tenida extraordinariamein sin pretensiun da 50 iniziants da Camischolas, Zarcuns e Sedrun, e quei per prender posiziun sur dil conclus dil cussegli da scola staus publicaus tier la radunanza da vischnaunca dils 27 d'avrel 1941.

08-06-1941 Passan ins tier la giavischada tractanda pretendida da 50 iniziants ariguard il conclus prius dil cussegli da scola, che secloma, che tuts affons da Zarcuns sco era quels da Camischolas, che van il quart onn ensi a scola inclusiv, mondien igl atun 1941 a Rueras a scola e quei ord motiv dalla scartezia da plaz ch'ei els locals da scola Sedrun a Sedrun.

31-08-1941 Passan ins tier la actuala damonda da scola a Sedrun, che secloma sin la giesta da tractandas sco suonda :

- a) da star dil conclus prius dil cussegli da scola
- b) eventualmein crear ina nova scola

Suenter liunga discussiun en caussa passan ins tier la votaziun e concluda la radunanza da star dil conclus prius dil cussegli da scola ch'era fixaus sco suonda. Ils affons da Zarcuns tuts, sco era quels da Camischolas, che van il quart onn ensi inclusiv, han dad ir a Rueras a scola per dus tochen treis onns d'emprova.

03-05-1942 Vegg ei publicau ch'il termin dalla scola reala seigi dacheunaven prolunghius sin 32 jamnas ad onn e tuts quels ch'entscheivan ella ston frequentar tala scola treis onns.

16-08-1942 Metta la suprastanza avon in plan cun indicaziun dils cuosts che muntan circa 3000.- frs per ereger il cumàs sper casa da scola Sedrun. Suenter entgina discussiun surlai ins alla suprastanza da menar atras quella lavur sco mess avon.

16-05-1943 Prelegia signur president il niev regulativ per la scola reala, il qual vegg suenter entgina discussiun unanimamein approbaus.

05-11-1944 Ariguard la concessiun dil tschaler scola Rueras alla ovra d'agid sursilvana per far in local da dar cuors da teisser ordlunder, vegg concediu dalla vischunaunca. La damonda da furnish la lenna ch'ei drova per sura lavur, calculau sin 9 m³, vegg schau sura alla suprastanza da contractar cun els e fixau il maximum sin 9 m³.

14-10-1945 Mesjamna proxima, ils 17 d.q. han las scolas da Rueras e Selva dad ira a Mustér e schar far il «Durchleuchten» e la gievgia las scolas da Sedrun e Cavorgia. Il program da successiun ha il cussegli da scola. Il bigliet paga la «Fürsorgestelle» la mesadad e l'autra mesadad ils affons.

12-05-1946 La damonda da crear ina secunda scola a Selva vegg ad interim refretga per reponderaziun dil cussegli da scola.

10-06-1946 La damonda da crear ina secunda scola a Selva vegg fiersa dalla vischunaunca.

29-09-1946 Il signur president communichescha ch'il Cussegl Pign hagi ordinat da crear ina secunda scola a Selva.

27-10-1946 Reponderaziun dil conclus prius tier la radunanza da vischunaunca dils 12-05-1946 ariguard crear ina secunda scola a Selva. Il signur president orientesch tgei gl'ei curriu e passau en caussa appartenent la secunda scola a Selva. Suenter entgina discussiun pro e contra en caussa, decida la vischunaunca entras tscharcha da star dil conclus staus prius tier la radunanza da vischunaunca dils 12-05-1946, il qual ha snegau la secunda scola a Selva.

02-03-1947 Orientaziun en caussa secunda scola a Selva. Il signur president orientesch tgei gl'ei curriu e passau en sura caussa. Ord motiv che la vischunaunca hagi snegau la secunda scola a Selva, ha il Cussegl Pign retratg il subsidi per la scola reala. La radunanza da vischunaunca lai sura alla suprastanza da sligiar quella damonda cun rapportar pli tard co gl'ei iu en caussa.

07-05-1947 Prelecziun ed approbaziun dil protocol anterius cun la remarca dil revendissim segnerfarrer ch'ei seigi tier la radunanza da vischunaunca dils 2 da mars vegniu dau surengiu da certi vischins ualtri massiv al cussegli da scola ariguard scola a Selva, e buca vegniu stau tier la verdad ed el protesti publicamein encunter talas tschontschas.

11-05-1947 Prelecziun ed approbaziun dil protocol anterius cun la remarca da signur Battesta Giger, ch'el revocheschi ses plaids detgs tier la radunanza da vischunaunca dils 2 da mars. En siu votum hagi el sbagliau, tier la votaziun dil cussegli da scola, per crear la secunda scola a Selva cun la votaziun dil cussegli da scola per l'elecziun dil scolast per la scola a Selva, dils 27-05-1945. Quei seigi daventau buca da buna voluntad.

11-11-1947 En caussa per ina segirada per affons da scola, vegg fatg valer che tala caussa seigi buca diltut clara e seigi da far scalarir si avon che prender conclus, sin quei concluda la radunanza da refierer quella caussa sin la proxima radunanza da vischunaunca.

04-07-1948 Plinavon metta signur president avon, che la vischnaunca havessi caschun da schar a tscheins il tschaler dalla casa caplania sin Cadruvi. El metta era quella damonda en discussiun, schebein ei cunvegnessi buca da schar rugalar ora in da quels tschalers, mo conclus pren la radunanza da vsichnaunca negin.

01-08-1948 Vegr mess en discussiun il rugalar ora ils tschalers dalla casa caplania sin Cadruvi.

La radunanza concluda en principi da schar rugalar ora quels e lai sura alla cumissiun da baghegiar, sco ella anfla per il meglier e secund las offertas.

05-12-1948 La damonda da scaffir ina segirada per affons da scola vegn dalla radunanza da vischnaunca fiersa.

05-12-1948 Sin pretensiun dalla inspectura da scola da lavurs manilas vegn mess avon alla radunanza ils giavischs da quella, ariguard nossas scolas da laver. Signura inspectura pretenda dad augmentar las scolas da Sedrun da duas sin treis e la scola da Rueras dad ina sin duas. Signur president prelegia il conclus dil cussegli da scola il qual recamonda da far quellas midadas. Per a Sedrun ei ins vegnius da secunvegnir cun ils geniturs da Cavorgia, ils quals sedeclaran da schar vegnir lur buobas a Sedrun a scola da laver, aschia che la scola da Cavorgia mass en ed a Sedrun vegness augmentau per ina. Per encunter pretendan ils da Cavorgia 80 rps. per buoba e per gada per ils dils che quellas ston vegnir si Sedrun.

Per a Rueras vegn concludiu cun pintga tscharna da dar duas scolas.

20-02-1949 En orientaziun e discussiun ariguard in secund scolast per la scola reala metta signur president avon il basegns che semuossa ed igl avantag ch'in secund scolast purtassi a nossa vischnaunca ed a nossas scolas. Mo essend levau empaui opposiziun encunter quella idea, hagi la suprastonza cun il cussegli da scola, buca vuliu vegnir cun quella tractanda e quei per buca metter si alla vischnaunca novas grevezias.

Dalla discussiun vegn fatg diever dils signurs cussegliers da scola e da signur scolast secundar Ludovic Hendry, il qual fa valer en siu votum che ei seigi buca grad quei basegns per in secund scolast. El argumentescha quei primo, ch'ei seigi buca ils aspects da crescher da num ils scolars. Secundo: che la scola reala seigi era buca per tuts necessaria.

Sin il votum da signur Ludovic Hendry remarca signur president Hans Giachen Decurtins, el sappi buca ira d'accord che signur scolast Hendry detti mo tonta peisa sin la scola reala.

22-05-1949 Prelegia signur president ina brev da signur inspectur da scola Reinanterier, en la quala signur inspectur fa valer la necessitat e basegns d'in secund scolast per la scola reala.

Signur president arva la discussiun dalla quala ei vegn fatg diever dalla suprastonza communal a dils signurs cussegliers da scola, sco era da plirs auters vischins e scolast. Signur scolast secundar Ludovic Hendry va anavos sin siu votum sin la radunanza da vischnaunca dils 20 da fevrer, el declara ch'el hagi sin quella radunanza plidau mo dil biro da plazzament e buca dil biro per elecziun da clamada ed el hagi adina dau gronda peisa sin la scola reala, siu votum seigi forsa buca vegnius prius si da tuts sco el hagi manegiau. Signur Alfons Berther tschenta la moziun da patertgar da en connex cun la secunda reala saver baghegiar la scola primara e da dismetter igl examen da recepziun per la scola reala. In'autra moziun ord il miez propona da patertgar sch'ei fussi forsa buca cunvegnet dad alzar la contribuziun dils scolars reals.

Suenter che la discussiun ei stada finida vegn concludiu cun biala tscharna da crear la secunda scola reala e cun quella levgiar la scola primara cun trer tier la 8avla classa dalla scola primara a Sedrun.

02-10-1949 La taxa per ils scolars dallas scolas realas vegn fixada per ils indigens 40.- frs e per ils jasters ord vischnaunca 80.- frs. ad onn.

05-03-1950 Prelegia signur president ina iniziativa suttascreta da 53 vischins, encunter il conclus da vischnaunca dils 2 d'october 1949 concernent alzament dallas taxas dils scolars reals. Signur president arva la discussiun dalla quala ei vegg fatg liung diever pro e contra, principalmein vegg fatg valer da star dallas ordinaziuns cantunalas las qualas prevedien ina taxa da frs. 30.- per ils indigens e frs. 45.- per jasters, era vegnessi il cantun a dar raschun per quellas taxas en cass da recuors. Sin proposiziun da signur president vegg fatg igl emprem ina tscherna da rumper il conclus prius ils 2 d'october 1949. Per rumper quella drova ei duas tiarzas dils votants. Il conclus vegg ruts cun grond pli da duas tiarzas. Tras secunda tscherna conclude la radunanza da fixar ina taxa da frs. 30.- per ils indigens e frs. 45.- per jasters.

12-11-1950 Reponderar sche la vischnaunca vegness buca ora meglier da scaldar ils locals da scola cun forza electrica.

La casa da scola a Camischolas empruar da finanziar cun vender pastiras.

03-12-1950 Als cussegliers da scola vegg concludiu dad indemnifar cun lavur cumina mo per ina gada visitar las scolas. Per las ulteriuras visetas, nua che mintga cusseglier ha da visitar mo las scolas da siu vischinadi, vegg concludiu da dar negina lavur cumina.

28-01-1951. Vegg purtau avon alla radunanza la reconstrucziun ed engrondaziun della casa da scola Camischolas. Tras signur president vegg dau sclariment dil plan per ingrondaziun della casa vedra fatgs tier signur lennari Vigeli Beer. Signur Vigeli Beer presenta in plan per alzar la casa cumpriu en tuttas lavurs da 14'000.- frs. La discussiun vegg aviarta ed en la quala mintgin sto seperschuader ch'ils vischins han empau tema da prender a mauns e far pli gronds cuosts, el mument, ch'ei ha caschunau tons donns e destrucziuns tras lavinas en nossa vischnaunca. Suenter haver giu tedlau giu ils differents meinis, vegg concludiu, sin proposiziun da signur vegl president Placi Jacomet, da aunc refierer per in onn igl engrondir quella scola.

24-06-1951 La proposiziun dil cussegl da scola per eventualmein schar ira en la scola da Cavorgia, caschuna liunga discussiun, ed ei vegg la finala concludiu da star sco tochen da cheu da dar vinavon la scola a Cavorgia.

11-05-1952. Renovaziun ed engrondaziun casa da scola Camischolas.

a) Orientescha signur president sur dils plans e cuosts da signur Vigeli Beer fatgs per engrondir la existenta casa da scola a Camischolas.

b) Sur dils plans e cuosts tarmess tier dil departement da baghegiar cantunal, per engrondir la casa a Camischolas, ni eventualmein baghegiar la scola reala e quellas da Sedrun denter Camischolas e Sedrun sin sulom niev.

Suenter in clar e detagliau sclariment, arva signur president la discussiun, dalla quala ei vegg fatg diever. Ils signurs Valier Giachen Martin e Soliva Battesta tschentan la proposiziun da schar mo ina scola reala per ils buobs e crear ina scola per il tenercasa per las mattatschas.

Signur scrinari Vigeli Beer motivescha da calar cun il cuntschergnar il veder e far quei ch'ins sto far da niev ed endretg. Suenter che la discussiun ei stada alla fin e la radunanza era arrivada tier negin resultat, vegg sin proposiziun ord il miez concludiu dad aunc ina gada radunar la cumissiun gronda sinaquei che quella sappi preparar ina sligiazion e purtar quella sin la proxima radunanza da vischnaunca.

25-05-1952. Sco secunda principala tractanda dalla hodierna radunanza, ei il baghegiar la casa per la scola reala a Camischolas.

a) Vegg prelegiu il conclus e la proposiziun dalla cumissiun gronda.

b) Dat signur president cuortamein orientaziun sur las ideas e meinis che ein curri ella cumissiun gronda.

Suenter vegg aviert la discussiun, dalla quala numerus oraturs fan diever ed ord la quala ils meinis dad entscheiver cun far in fondo per baghegiar nossas scolas ei ualti generals.

Suenter che la discussiun ei stada alla fin, vegg tras tscherna unanimamein concludiu dad

immediat entscheiver a far in fondo da bagheggiar nossas scolas, per lura, cura che quel lubescha bagheggiar nossas scolas sco ei semuossa il basegns.

Danunder prender las entradas per quei fondo vegn sin la hodierna radunanza buca concludiu. Bein eligiu ina cumissiun che ha da studegiar e preparar las entradas per quei fondo, en quella cumissiun vegnan eligi ils signurs revisurs da quen, consistenta ord scolast Toni Hendry, Luis Cavegn e Benedetg Valier, dapli signur derschader Alfons Berther e Luis Hendry.

07-12-1952 Proposiziun dalla cumissiun per in fondo da scola da vischnaunca:

La cumissiun stada elegida dalla vischnaunca ils 25 da matg 1952 fa alla radunanza da vischnaunca las sequentas propostas:

a.) Tuts ils fondos da scola existents en vischnaunca ils quals fan la summa da frs. 65 000.-

b.) Il rest per far in fondo da frs. 10'000.- ein da prender ord la contribuziun che la vischnaunca ha obtenu per ils donns da lavinas.

c.) Quella summa da 10'000.- frs. duei restar en cassa da vischnaunca e vegnir figurada en la passiva dalla vischnaunca cun 4%. Il tscheins ei mintgamai da metter vitier il capital.

Las propostas dalla cumissiun vegnan messas en discussiun. Davart dalla suprastonza vegn fatg la proposiziun d'in tscheins da 3 ¼ % enstagl 4%. Suenter pintga discussiun vegn tras tscharcha concludiu d'approbar las propostas dalla cumissiun cun midar il tscheins da 4% sin 3 ¼ %. Aschia che la vischnaunaca ha da metter mintga onn il tscheins da 10'000.- frs, a 3 ¼ % vitier il fondo da scola.

26-07-1953 Il crear ina nova partiziun da scola da laver manila a Sedrun vegn entras tscharcha refusada.

14-03-1954 Crear ina quarta scola da laver manila a Sedrun. Signur president prelegia in scriver dils 27 d'october 1953 dalla inspectura, venerebla sora Rüttimann, ella qualla ella declara che la quarta scola seigi gia creada. Suenter vegn la caussa messa en discussiun, la quala ei fetg viva ed interessanta. Generalmein vegn ei sevilau sin la moda ch'ei vegnida duvrada per crear tala scola. Igl ir a collectar per finanziar ella entras sora Rüttimann, vegn considerau per beffa visavi nossa vischnaunca. Plirs babs da 3 e 4 scolaras fan era attents ch'ei fusi pli da recumandar igl emprender da cuntschar etc. che da far ton pez, sco quei ch'ei vegni plitost cumandau da praticar. Cun ina fetg minima tscharcha vegn la scola prida si, denton mo lu, cura ch'il diember survarga 25 scolaras.

16-05-1954 Per scolars che frequentan igl atun gl'examen d'admissiun per la scola reala e frequentan aber buca tala senza raschun sufficienta, vegn tenor proposiziun dil cussegl da scola mess si ina taxa da frs. 20.-.

22-01-1956. Sco quarta tractanda ha signur president da metter avon ina buca meins impurtonta caussa, numnadamein quella da reconstruir, bagheggiar novas casa da scola a Sedrun e Ruera. Vid quellas damondas han ins patertgau gia avon onns, mo adina refretg per tema dil finanziar. Oz entras l'explozaziun dalla auas quentan ins haver ord quellas entradas annualas che lubeschian da finanziar e bagheggiar novas casas da scola tenor basegns, senza stuer engraviar ils vischins.

Il president prelegia ina brev digl inspectur e dil cussegl da scola Tujetsch. Omisduas instanzas insinueschan seriusamein la vischnaunca da patertgar e dad el proxim temps prender a mauns la reconstruziun, respectiv il bagheggiar novas a Sedrun e Ruera. ...

Scolast Tumaisch Venzin s'exprima en in pli liung exposé dalla necessitat da reconstruir casas da scola e da sche pusseivel tschentiar quellas en loghens suleglivs. Mo era en ils locals da scola sco tals munglassi il sulegl dalla carezia scalarir.

Era ils auters votums, gerau Cristian Berther, ils cussegliers da scola Giusep Monn-Flepp e Giachen Martin Valier, gerau Benedetg Deflorin e Benedetg Valier recamondan a raschun dalla necessitat e dalla prevedida megliera situaziun finanziara dalla vischnaunca da el proxim temps reconstruir, respectiv bagheggiar scolas novas a Sedrun e Ruera. Principalmein a Ruera seigi grond basegns.

Era signur derschader Alfons Berther ei dalla medema idea. Gio avon entgins onns hagien ins entschiet a tschentar in fondo per quei intent. Quel vegni denton entochen oz buca ad esser sviluppaus fetg e munti probabel buca sin in grond capital.

Signur Baseli Monn recamonda che cura che quellas casa da scola veginen baghegiadas metter buns survigiladers dallas lavurs.

Signur gerau Teofil Schmid anfla ch'ei seigi per quella damonda necessari dad eleger ina cumissiun che studegia e ponderescha quella caussa sco era co e nua ins vegli baghegiar talas e rapportar surlunder alla vischnaunca. La vischnaunca va d'accord cun quella proposizion e vegn eligiu per quei intent ils suandonts:

1. La suprastanza communal

2. Ils commembers dil cussegl da scola cun aunc trer tier ils signurs derschader Alfons Berther, Luis Hendry, capo-lingia e scolast Tumaisch Venzin.

23-09-1956. Il president Placi Jacomet dat rapport sur dil luvrar dalla cumissiun stada elegida en caussa baghegiar scolas novas a Sedrun e Rueras. Sin giavisch dalla cumissiun seigi ils 23 d'avrel 1956 signur cusseglier guvernativ Theus, schef dil departement d'educaziun cantonal e signur inschigner da baghegiar cantonal Lorenz cun signur inspectur da scola Bundi stai sils platzs preparai per ils suloms da scolas per dar giu lur pareris. Tenor lur rapport en secret seigi il sulom a Rueras adattaus. Quel a Sedrun recamondan els sin la squadra Dulezi.

Sin quei pareri vegn ina delegaziun tarmessa a Cuera tier monsignur uestg per secunvegnir cul Dulezi. Mo nuidis vegn monsignur suenter a lur giavisch e dat il consentiment da ceder giu 70'000 m² dil Dulezi per 10.- frs. il m² ni 70'000.- frs. Quei ei stau secunvegniu mo a bucca. Tenor rapport en secret pretenda el lu pli tard minimum 80'000.- frs. per quels 70'000 m². Il sulom a Rueras ei il frust da vieua Onna Maria Caduff viasi Las Sorts. Mesira circa 520 fests. Per quei marcau stattan treis variantas avon maun.

Recumandau dalla cumissiun vegn varianta 3 nua ch'il frust cuosta 40.- frs il fest.

Ils vischins da Rueras pretendan entras ina iniziativa suttascretta da 64 vischins, che la scola reala vegni a restar sco entochen ussa a Camischolas. En ina brev da s'exculpaziun per la radunanza dalla cumissiun dils 17 d.q. recamonda il president dil cussegl da scola, sur Schuler, ina a Rueras.

Cun quei ei il rapport da signur president alla fin, ed el arva la discussiun en caussa, la quala ei fetg viva. Buca ils suloms dattan la gronda discussiun, mobein las scolas realas. Plirs signurs sustegnan l'iniziativa da Rueras. Era signur Felici Schmid sustegn tala, cun la moziun ch'il dretg sulom per la scola inferiura da Sedrun füssi sut la scola vedra, ed era füssi ei da studegiar da lu far ord la scola vedra cul temps ina casa per glieud veglia. Signur Francesc Berther anfla la caussa buca aunc madira e propona da per oz refierer quella tractanda. La tscharna decida denton da tractar oz vinavon ella.

Primarmein vegn il sulom per la scola a Rueras tractaus. Havend varianta 3 aunc l'annexa che di, ch'il vegl proprietari hagi vinavon il dretg da segar giu gratuit il regress entuorn scola, vegn quei strihau ed igl entir frust vegn entras tscharna cumpraus per 40.- frs. il fest. Il tractar vinavon la caussa scola reala vegn concludiu dad ad interim refierer.

Radunanza dils vischins da Sedrun dils 20-10-1956

Resoluziun

Partenend il baghegiar las scolas han ils vischins da Sedrun sut datum dils 20-10-1956, priu la suandonta resoluziun per mauns e preleciun dalla suprastanza communal, respectiv da siu president:

1. Ils vischins da Sedrun giavischian e pretendan la scola cun las realas a Sedrun.
2. El cass che las scolas realas vegnan a Camischolas, sche pretendan il vischins da saver nua tala vegn (sur via ni sut via, ni dador il vitg) ed era pretendan ils vischins el cass che las scolas realas vegnan a Camischolas per in plan per tuttas treis scolas cun las calculaziuns dil cuost e da menaschi, avon che schar votar giu sin vischnaunca.

Per ils vischins da Sedrun

igl actuar

Loretz Toni

21-10-1956. Passan ins tier la davosa, denton delicata tractanda, il secunvegnir cun las scolas realas. Per orientaziun prelegia signur president la risposta dil departement d'educaziun cantunal, il qual sclarescha giu davart il subsidi. Tal per bagheggiar vegn ei dau sche las scolas realas vegnan omisduas baghegiadas ensemens a Sedrun ni a Camischolas. Per ina a Sedrun e l'autra enzanua auter vegn dau negin subsidi. Il subsidi per ils scolasts denton vegn daus nua ch'ellas vegnan.

Dapli prelegia el la proposizion dils vischins da Camischolas, ils quals ein per tener la scola reala leu. Era ils vischins da Sedrun admettan lur conclus en secret e pretendan las scolas realas en in bloc a Sedrun. Vegness ei denton mo ina a Sedrun, sche pretendan els ch'ei vegni igl emprem sclariu giu nua ella vegni, e ch'ei vegni priu si avon che decider nua, ina calculaziun dils cuosts per tuttas scolas novas.

Finidas quellas prelecziuns vegn aviert la discussiun en caussa. Signur president exprima ch'el mantegni siu emprem mein ed economicamein sco finanzialmein audien las scolas a Mira. Gerau Toni Hitz dat sclarament sur dil conclus dils vischins da Rueras, nua ch'els han concludiu da mantener la scola a Camischolas. Fuss quei buca il cass, sche giavischassen els ina a Rueras. Ils signurs Tumaisch Schmid e Christian Berther, anflan era che igl adattau plaz seigi a Camischolas. Signur scolast Tumaisch Venzin ei per la scola a Mira e propona da refierer per saver vegnir suenter allas proposiziuns dils vischins da Sedrun. Entras tscharna vegn concludiu da refierer per ponderaziun dil sulom e dils cuosts.

09-12-1956. Signur president orientescha la radunanza sur dil curriu e passau en caussa scolas novas. Sco stau schau sura seigi el semess en contractivas cugl inschigner cantunal Lorenz, per schar far in plan e calcul provisoric, il qual seigi momentan aber buca caussa pusseivla. Era la cumissiun per sulom a Camischolas hagi entochen oz aunc giu pauc success. La caussa vegn messa en discussiun, principalmein schebein ins vegli tractar oz vinavon e tgei. La discussiun tila ualts alla liunga e croda da tuttas sorts proposiziuns. Tgi da decider oz nua las scolas realas vegnien, auters da decider mo schebein ins vegli bagheggiar elllas sut in tetg ed auters da concluder da far vinavon cun quella a Rueras. Il menar vinavon il bagheggiar tala vegn dau la plenipotenza alla cumissiun, aschi gleiti sco ella hagi enta maun il pareri dils vischins da Rueras davart las localitads.

14-04-1957. Passan ins tier la principala tractanda, il project per la scola nova a Rueras. Essend ils plans exponi, sclarescha signur president els detagliadamein, sco era tals cuosts ed il secunvegnir cun architect Maissen.

La scola persula custass	308'100.- frs.
La sala cun scoletta	132'500.- frs.
Il ruglar ora il plaz da giug	11'500.- frs.
Total tenor project	452'700.- frs.

En sura summa ei il sulom, sco il mobigliar las stanzas da scola e sala buca cumpriu. Giud sura summa mass aunc il subsidi giu, circa 70'000.- frs. sco era 6 – 7000.- frs. sco entelgiu honorar architect. Arvend la discussiun crodan da tuttas sorts meinis e proposiziuns. Gerau Toni Hitz exprima il conclus dils vischins da Rueras. Signur gerau cassier declara empau ils cuosts e vegn sin l'idea che la scola vegni aunc adina sin 500'000.- frs.

A signur Clemens Berther cuntenta igl agir dalla cumissiun buca diltut. Bien fussi ei stau d'eleger duas cumissiuns per quei intent, aschia ch'ellas havessien saviu pareglier lur conclus ina cun l'autra. Era il buca trer en informaziuns tier auters architects e star mo tier in, plai buca ad el. Da quella opiniun ein era aunc auters signurs. Signur Benedetg Valier fa valer che la sala seigi memia gronda en quella dimensiun e tschenta la proposizion da far ella en ina dimensiun da silpli 100 m². Il baghetg per la scoletta seigi da schar naven e persuenter far ils locals per ils teatrists sut la sala en, denton mantener il subsidi. Dapli propona el da sclarir giu schebein ins vegli star tier igl architect Maissen ni eleger in auter. La proposta d'eleger in auter architect vegn sustenida da pliras varts, aschia era da signur Gaudenz Loretz, il qual declara publicamein ch'ils cuosts che architect Maissen hagi giu entochen ussa per tal project, surprendi el.

La proposta da far la sala pli pintga e schar naven la scoletta vegn sustenida da signur Sigisbert Giossi.

Signur Baseli Monn anfla che la sala audi sut las scolas en. Era plai igl architect mo empau ad el, manegiond che mo la cumissiun hagi gronda simpatia per tal.

Signur Leci Antoni Cavegn propona da aunc refierer quella tractanda per pli madira reponderazjun. Da pliras varts vegn la proposiziun dalla cumissiun era sustenida.

Per vegnir alla fin vegn passau tier la votazion. L'emprema tscharcha vegn fatga sin la proposiziun dalla cumissiun e cun la medema tscharcha era eligiu igl architect signur Venanzi Maissen. Secund il decider da quella tscharcha vegn votau giu sin las ulteriuras proposiziuns fatgas.

La tscharcha decida dad approbar il project e bagheggiar tenor tal, senza schar curdar il subsidi ed aschia ei era igl architect eligius. Tenor questa approbaziun crodan las ulteriuras proposiziuns e signur president declara la radunonza per serrada.

12-05-1957 Prelecziun dil protocol anteriur, sin il qual signur Benedetg Valier fa valer che sia proposiziun fatga sin l'antieriura radunonza da vischnaunca seigi buca vegnida risguardada. Signur Tumaisch Cavegn-Deflorin sclarescha igl intent dalla iniziativa, manegiond che il bagheggiar aschia vegni memia car, igl architect cuntenti buca e la cumissiun hagi gia schon rut il conclus, vulend empruar cun architect Maissen da far scursanir la sala. Muort tala raschun seigi il protocol nunapprobabels. Savend denton negin far encunter al verbal dil potocol vegn tal approbaus.

12-05-1957 Passan ins tier la reponderazjun dil conclus prius sin l'antieriura radunonza da vischnaunca davart la scola nova da Rueras. Primarmein prelegia signur president l'iniziativa per quella reponderazjun, la quala ha il sufficient diember da suttascripziuns. Tenor uorden da vischnaunca drova ei 2/3 dils votans per rumper in conclus. Essend proposiziuns per scrutini e da votar cun maun liber, vegn votau giu e la tscharcha decida cun scrutini.

Sco dumbravuschs vegnan eligi ils signurs scolast Toni Hendry, Bruno Soliva e Sigisbert Giossi. Aunc inaga sclarescha signur president il ritus dil scrutini. Tgi ch'ei per rumper il conclus scrivi gie e tgi per mantener el, na. Ils dumbravuschs annunzian il suandont resultat dil scrutini:

Total votants 222; gie 135 e na 85; 1 nunvaleivel ed 1 vit.

2/3 fagess 148 vuschs, aschia ch'il scrutini decida da buca rumper il conclus.

10-06-1957. Dat signur president ina orientaziun sur dil project casa da scola Rueras, nua ei glei previu da sminuir la sala per 1 meter sil maun liung, denton mo sch'il subsidi mondi buca a piarder e tuts ils vischins seigien cuntents. Damai che negin fa gindlunder opposiziun ei tala caussa acceptada.

20-10-1957. Davart la mozium dil bagheggiar scolas sclarescha signur president il semover d'entochen ussa. Ils plans en detogl per la scola da Rueras seigien tarmess en alla regenza per la damonda da subsidi. Ils schar far ina calculaziun dils cuosts per las ulteriuras scolas seigi dau sura. En num dalla cumissiun engrazia signur Benedetg Valier per l'orientaziun.

20-04-1958. Essend ils plans definitivs dalla scola nova da Rueras exponi en sala, dat signur president gindlunder scalariment, sco era dils cuosts da tala. Cun schar navet la scoletta e differentas caussas ei vegniu spargnau en 60'600.- frs. per mantener il subsidi, principalmein dalla sala e 3% alzament dils cuosts eisi carschiu per 26'300.- frs., aschia ch'ei stat oz avon maun in project da 418'400.- frs. giu dil qual ei mass aunc il subsidi da 60'000.- frs. Arvend signur president la discussiun, fa gerau Toni Hitz menziun dil schar curdar la scoletta, sperond che la vischnaunca vegni in di encunter als da Rueras sin ina moda ni l'autra sch'ei semuossa in di in basegns per ina tala.

La tscharcha decida da bagheggiar tenor project.

27-07-1958 Primarmein orientescha signur president la radunonza da vischnaunca sur dil secunvegnir en scret cun igl institut de segirada Suva per arver in credit da 418'000.- frs. per finanziar la nova scola da Rueras. Cun unanima tscharcha approbescha la vischnaunca la concessiun d'arver quei credit tier sura numnau institut, aschi favoreivel sco pusseivel.

12-04-1959. Signur president orientescha la vischnaunca sur dils projects da scola presentai da signur architect Maissen per Sedrun e Camischolas.

En disposizun stattan 5 variantas. La scola reala a Camischolas custass 275'000.- frs. La scola primara a Sedrun 940'500.- frs. La scola reala e primara ensemens 1'171'500.- frs.

Havend orientau il sura, exprima signur president era il meini dalla cumissiun, la quala stetti en fetg per bagheggiar la scola a Mira sur il stradun e la sala dapersei.

La discussiun tila fetg alla liunga ed ei per part fetg interessanta. Generalmein vegn il meini dalla cumissiun sustenius ed ei vegn concludiu da tractar sin ina proxima radunanza da vischnaunca, nua ch'ei dueigi vegnir fixau definitiv il plaz.

19-04-1959 damai che las 3 scolas primaras ein a Sedrun surcargadas e vegnend sin igl avegnir aunc mender, basegna ei crear per leu aunc ina quarta scola. Mender stat ei cul local. Il ludeivel cussegli da scola e la suprastanza han ponderau la caussa e proponan alla vischnaunca da metter ina scola reala a Rueras, essend leu plaz e l'autra a Camischolas. Aschia vegness in local a Sedrun libers per la quarta scola. Concludiu vegn ei da crear la 4. scola e pazzar ella sco sura menziunau.

14-06-1959. Sulom casa nova da scola Sedrun. La suprastanza sa presentar duas variantas da sulom. Ina dadens casa da Curschellas, Mira e l'autra sur la resgia da Heinric Schmid. Per sedecider vegn scrutinau. Sco dumbravuschs vegnan eligi: signur president Placi Jacomet, gerau Toni Hitz, Baseli Huonder, Sigisbert Giossi e Gaudenz Cavegn. Resultat dil scrutini: Dau giu 202 vuschs. Dadora 116 vuschs, dadens 86 vuschs. Aschia decida il pli da bagheggiar la scola sur la resgia da Heinric Schmid.

28-06-1959 Credit per mobiliar casa da scola Rueras. Essend il mobiliar la casa da scola buca cumpriu en il calcul da prezi, damonda la suprastanza in credit da circa 12'000.- frs. il qual vegn dalla vischnaunca concedius.

28-06-1959 En la cumissiun per bagheggiar casa da scola e sala a Sedrun vegn proponiu ed eligiu. Ord la suprastanza communal: signur president Christian Berther, vicepresident Gion Crisost Caduff. Plinavon: signur Flurin Caduff, Alfred Decurtins, Battesta Vinzens e Vigeli Beer scrinari.

26-07-1959 Damonda dalla KVR per crear ina nova scola per ils affons tudestgs. La vischnaunca va d'accord cun quella damonda e conceda la scola cun in cuoz da 28 jamnas sco las nossas.

26-07-1959 Per las preparativas dall'erecziun dalla scola nova das Sedrun vegn dau alla cumissiun il dretg da far ils necessaris cuosts.

06-09-1959. Sulom sala da gymnastica Sedrun. Presentau vegnan treis variantas da sulom. Ina Drun, l'autra Dulezi e la tiarza Gonda, plaz casa da scola nova. Suenter entgina discussiun decida la tscharna da desister dil plaz sin Gonda nua che la casa da scola vegn baghegiada e refierer la damonda nua bagheggiar sin pli tard per ponderaziun.

06-12-1959. Essend il sulom cumpraus per la nova casa da scola Sedrun buca sufficients damonda la suprastanza per la cumpetenza d'astgar cumprar giu aunc circa 400 fests. Entras tscharna dat la radunanza da vischnaunca alla suprastanza e cumissiun la cumpetenza da cumprar ils 400 fests dumandai, sco era aunc ulteriur spazi per quei intent sch'ei fa basegns.

06-12-1959 Entras signur cauvitg per ils vischins da Rueras, l'uniun dramatica, ed ils giuvens da Rueras vegn dumnadau da mobiliar las sala da gymnastica. Quella damonda sveglia negina opposiziun e vegn dalla radunanza da vischnaunca approvada.

17-01-1960. Signur president dat entgin sclariment sur ils cuosts per casa da scola Sedrun. Cumpriu sulom, mobigliar, vias ect. possi quella vegnir sin circa 1 ½ milliun. Signur inschigner Merz declara aunc inaga tuts models e recamonda, sco era la suprastanza e cumissiun d'approbar il project nr. 12321. Dalla discussiun fan plirs vischins part cun differentas objecziuns. La suprastanza cun la cumissiun proponan ultra dil sura project aunc alla radunanza da vischnaunca in credit dad 1 ½ milliun. Signur Clemens Berther fa la proposta da creditar mo 1 milliun. Ins passa alla tscherna che decida per project 12321 e da dar in credit dad 1.5 milliuns. Damai ch'ils nums dils architects dils differents plans ein secrets, vegn la brev cun la numera 12321 aviarta e prelegiu il cuntegn. Cheu seresulta ch'il plan e model dalla numnada numera appartegn a signur architect Carl Beer, Turitg.

09-05-1960. Sulom sala da gimnastica Sedrun. Suenter in detagliau sclariment entras signur president vegn il conclus dils 6 da settember 1959, che plaida da buca baghegiar la sala sin il plaz dalla scola nova ruts entras ina tscherna quasi unanima. Secunda tscherna decida da baghegiar sur il plaz scola cun schar sura alla suprasonza e cumissiun nua tschentar ella. Plinavon vegn era dau la libertad da sestuschar cun il sulom.

14-06-1960 Contribuziun als scolars da Selva e Tschamut. Revendissim signur caplon Schuler orientescha sur l'obligaziun che la vischnaunca hagi visavi ils scolars che han muort negina scola a Selva stuiu frequentar la scola a Rueras. Ad ina decisiun vegn abstrahau e surschau al cussegli da scola da studiar e purtar ina proposta.

10-07-1960. Orientaziun sur dil project da scola nova a Sedrun. Signur president Christian Berther orientescha sur il volumen dils baghetgs, sco era sura dalla calculaziun dils cuosts che muntan oz ina summa da 2'600'000.- frs.

La cumissiun da baghegiar, en uniu cun la suprastanza communal, proponan alla radunanza da vischnaunca dad approbar il project sco mess avon.

Signur architect Beer engrazia per la confidanza demussada ad el sco burgheis da Tujetsch e dat ina clara ed entelgeivla orientaziun digl entir project, sur dalla calculaziun dils cuosts ed era daco quels ein carschi aschia dapi il schaner vargau.

Per la cumissiun da baghegiar plaidan ils signurs Schmed Aluis e Decurtins Alfred ed omisdus recamondan dad approbar il project sco el ei mess avon, denton spargnar ton sco pusseivel enten dar vi las lavurs. Plinavon fan part dalla discussiun ils signurs Deragisch Placi, gerau Francesg Berther, gerau Schmid Teofil, Valier Giachen Martin e president Placi Jacomet il qual recamonda da buca strihar enzatgei vid il project presentau.

Vegn tras tscherna concludiu dad approbar il project dalla scola nova a Sedrun sco mess avon, cun ina calculaziun dils cuosts da 2'600'000.- frs, e da conceder il necessari credit.

27-09-1960 Essend il diember dallas scolaras da laver memia gronds vegn sin proposiziun dil cussegli da scola creau ina 5avla scola a Sedrun e quei per aschi ditg sco la necessitat damonda.

27-09-1960 Contribuziun als scolars da Selva e Tschamut. Suenter ina orientaziun da sur caplon Schuler, vegn concludiu d'indemnisar scadin scolar primar da Selva e Tschamut, che vegnan a Rueras a scola cun la summa da frs. 500.-. Quei vala per aschi ditg ch'igl ei treis scolars. Sesminuescha il diember dueigi la vischnaunca tractar danovamein.

27-11-1960 Reglement scola Rueras. Signur president prelegia il reglement tschentaus si dalla suprastanza e tractaus dalla cumissiun gronda. Suenter entgina discussiun vegn tal approbaus cun pintgas midadas.

03-09-1961 Orientescha signur president sur las lavurs e cuosts vid ils baghetgs da scola Sedrun. Entochen oz seigi vegniu surdau lavurs per la summa da frs. 1'434'176.75. Per quellas lavurs seigien ton sco pusseivel nossas firmas e mistergners vegni risguardai.

03-12-1961 Sin damondas a scret ed a bucca tschenta la suprastanza da damonda sch'ei cunvegnessi da vender la casa da scola a Camischolas. Tenor proposta da plirs vischins

vegn quella damonda refretga per dar caschun als vischins da Camischolas da prender posiziun e schar dar en lur raschuns.

11-02-1962 Nova lescha da scola. Signur president prelegia ina brev dil cussegl da scola en la quala ei cuntegn la proposiziun ch'il cussegl da scola ha priu davart la lescha. Da vart dalla vischnaunca stat liber da schar frequentar ils affons primars 8 onns da scola cun minimal 34 jamnas ni 9 onns cun 30 jamnas per onn. Il cussegl da scola propona en siu scriver 8 onns e quei ord sequents motivs. Per far 9 onns scola vegnessi ina classa dapli e drovi consequentamein era silmeins dus scolasts dapli. Dalla discussiun fan part signur Giusep Flury e signur gerau Frantestg Berther, ils quals recamondan 9 onns da scola, ord raschun che cun 34 jamnas hagien ils purs negin ni pauc agid dils buobs temps d'atun per pertgirar ils tiers. Ei suonda la tscharcha che decida per in grond pli da fixar nov onns da scola cun 30 jamnas.

11-02-1962 Scola manuala. Per scolars dallas davosas classas primaras ei la pusseivladad da menar en ina scola manuala, per quella vegn ei demussau ualit grond interess entras la discussiun. La radunanza da vischnaunca pren cheu sequent conclus: En principi menar en quella scola, sch'ei dat scolasts.

15-04-1962 Per il project da baghegiar ora la casa da scola veglia a Sedrun en casa da vacanzas, vegn dau il necessari credit e cumpetenza alla suprastanza da schar far il plan surlunder. Il meini ei denton sche ins vul baghegiar duei ins far quei endretg. La caussa ei denton plitard da rapportar alla vischnaunca.

15-04-1962 Per la tractanda scola da tener casa per las mattatschas referescha sur caplon Schuler. El sclarescha giu la caussa sin tuttas varts e fa sin cert dubis che sefan valer pervia dalla frequenza da quella, la sinceraziun che tuttas buobas dalla scola secundara, primara e manuala hagien il dretg da frequentar quella scola e vegnien era pridas si en quella.

23-04-1962 Proposta dil cussegl da scola partenent entscheiver la scola reala la primavera enstagl igl atun. En caussa orientescha sur caplon Schuler, sco president dil cussegl da scola. La raschun principala per entscheiver la primavera seigi per saver finir igl onn da scola pli baul, il qual seigi d'avantatg per quels che vulan emprender mistregn. Principalmein seigi quei vegniu recumandau da signur inspectur da scola. Cun ina fleivla tscharcha decida la radunanza da vischnaunca d'entscheiver la scola reala la primavera.

28-06-1962 Per mobiliar la tribuna Sedrun dat la radunanza da vischnaunca in credit da 30'000.- frs. Las differentas uniuns, che fan diever dalla tribuna dueigien vegnir restrengidas cun pagar alla vischnaunca in cert procent, il qual duegi vegnir fixaus entras la suprastanza en uniun cun ils presidents dallas uniuns.

28-06-1962 Signur president orientescha ch'ei vegni aviert ina clinica per tractament dils dents dils affons a Mustér. Alla vischnaunca stat sura da schar far diever da tal tractament cun separticipar cun in ton dils cuosts. Ord la discussiun vegn demussau interess en caussa ed ina tscharcha decida da separticipar da quella acziun.

05-11-1962 Per il tractament dils affons concluda la radunanza da vischnaunca da pagar ord cassa 50 % dils cuosts, denton max. 20.- frs.

20-01-1963 Suenter ina viva discussiun davart il far diever dalla halla, aula, cuschina ect. da nossas scolas vegn priu sequent conclus: Per scadin exercezi, radunonzas ect. vegn il firar scumandaus. Ina excepziun sa vegnir fatga tier ina caschun d'in arranschament cun consumaziun. Plinavon vegn eligiu ina cumissiun che dueigi preparar e tschentiar si in reglament per il diever da quels locals. En quella vegnan eligi: signur scolast Leci Jacomet, signur Benedetg Valier, signur Giusep Berther, signur Gion Giusep Flury e Gion Crisost Caduff.

19-05-1963 L'uniun dramatica Rueras damonda la vischnaunca ina contribuziun da 6 – 7000.- frs. per metter neu uorden sin tribuna a Rueras. Damai che la vischnaunca ha era mess neu la tribuna a Sedrun, conceda ella all'uniun dramatica la summa da frs. 7000.-.

28-04-1963 Vegg igl uorden per las novas casas da scola a Sedrun e Rueras prelegius. Suenter pintga discussiun vegg quel anflaus vengonzs dad ina approbaziun e prius si senza midadas.

08-09-1963 Entras in scriver dils vischins da Rueras fan els la damonda per in agid finanzial per asfaltar la via principala tral vitg sco il plaz avon scola. Damai che quei custass ina gronda summa propona la suprastanza dad ad interim far il plaz avon scola cun la via dil stradun cantunal tochen tier la scola. Ils cuosts per quella etappa ein circa 10'000.- frs. Tras tscherna vegg concludiu da far tala lavur sco proponiu.

08-09-1963 Signur president dil cussegl da scola sur S. Schuler tschenta la damonda en scret per finanziar gl'uorden da scola ord cassa da vischnaunca. Damai che quei dess ina brava expensa per la vischnaunca vegg concludiu da per dar ina entschatta pagar tuts cudischs obligatoris da lungatg e quen e tut material per l'instrucziun intuitiva.

20-10-1963 Damonda dall'Uniun da traffic per ina stanza en scola Dulezi per far ordlunder in biro. Per far la stanza adattada per in biro eis ei necessari da far entginas midadas vidlunder. Perquei intent damonda la suprastanza in credit da 5000.- frs. il qual vegg tras tscherna concedius.

16-02-1964 Signur president orientescha sur interessents e dils motivs pertgei ei cunvegni da vender la scola a Sut Crestas. Era han ils vischins da Selva e Tschanmut sin incarica da signur president priu posizion en caussa ed ein cuntents da schar vender ella. La radunanza da vischnaunca decida tras tscherna da vender ella.

22-11-1964 Entras il scriver dil president dil cussegl da scola per mauns dalla radunanza da vischnaunca propona il cussegl da scola da midar il temps da scola da 9 onns sin 8 onns cun 34 jamnas. Signur president Teofil Schmid e signur Cristian Cavegn, commembers dil cussegl da scola motiveschan la situaziun e las relaziuns che han menau tier tala midada. Per risguard visavi ils purs che han il grond disavantatg duei l'entschatta dalla scola buca esser avon l'entschatta october. Signur Baseli Monn propona da prender ils affons da scola reala 3 jamnas sin emprova. Tala proposiziun sa veggir prida encunter sco giavisch e messa avon al cussegl da scola. Suenter viva discussiun pro e contra decida la radunanza da far 8 onns scola cun 34 jamnas.

21-02-1965 Il regulativ per las scolas dalla vischnaunca da Tujetsch, sebasond sin la lescha cantunala da scola dils 19-11-1963 preparaus dil cussegl da scola vegg prelegius da signur president. Tier la discussiun vegg fatg las suandontas midadas ed amplificaziuns.
a.) mintga vischinadi duei sche pusseivel veggir risguardaus cun in representant el cussegl da scola.

b.) La part 6, uorden disciplinar duei veggir strihaus.

Tras tscherna vegg igl uorden da scola approbaus cun far las midadas necessarias.

27-06-1965 Entras in scriver dil president dil cussegl da scola, signur Victor Berther, per mauns dalla radunanza da vischnaunca fa il cussegl da scola la damonda da crear ina tiarza scola primara a Rueras. Signur president Teofil Schmid e signur Victor Berther orienteschan sur la situaziun e la necessitat da crear ina tiarza scola a Rueras e recamondan la sura damonda. Tras tscherna vegg concludiu da crear ina tiarza scola sco dumandau.

13-03-1966 Cun quei che la casa caplania sin Cadruvi vegg buca pli en damonda per nos augsegners propona la suprastanza da cumprar giu tal edifeci per saver ulivar il quen da cultus ch'ei carschius considerabel entras il baghegiar la casa pervenda. Il schazetg ei

vegnius fatgs dalla cumissiun ufficiala da schazetg e munta frs. 190'000.-. Tras tscharcha vegg talla cumpra approbada.

11-04-1966 Signur gerau Gion Crisost Caduff dat in clar e stupent rapport sur dil quen final dalla scola Sedrun. Gl'entir complex ha custau la summa da frs. 2'545'713.80. Da quei han ins retratg subsidi per frs. 257'496.-, che resta in cuost effectiv da frs. 2'288'257.80. El engrazia alla entira cumissiun, en special al president da quella, signur Cristian Berther ed a signur architect Beer, per tutta lavur e per il bein reussir da quei edifeci. Oz ein omisdus vegni clamai tier l'armada gronda. Els rauassien en pasch. Sco giu empermess da signur architect Beer, ein era ils artavels vegni suenter a siu giavisch e schenghegau alla vischnaunca il prau cumprau entras el. Ultra da quei lai la famiglia dil defunct ereger quater maletgs che representan las stagiuns. Tala gesta cuosta la summa da frs. 30'236.-. Bien engraziament.

12-06-1966 Ils vischins da Rueras fan la damonda per ina stanza da scola per sia scoletta sco mobiliar tala per circa 30 participonts e surprender dalla vischnaunca ils cuosts da glisch e da scaldament. Signur Victor Berther, president dil cussegl da scola, fa attents sin las localitads da scola, sco era dil plaz che las colonias occupeschan. Tras tscharcha vegg concediu sco dumandau cun surschar pertucccont localitat da secunvegnir cul cussegl da scola e la suprastonza dalla scoletta.

06-11-1966 La scola vedra a Rueras ei en in stan ualts schliet e va mintga onn en decadenza. La suprastonza propona per mauns dalla radunanza da vischnaunca da vender ella u bagheggiar ora ella. Ils cuosts per metter la scola en in stan duvreivel per militer, eventuell colonias munta tenor calculazion circa 63'000.- frs. senza mobiliar. Dalla discussiun vegg fatg vivamein diever nua ch'il meini general ei per bagheggiar ora ella. Signur gerau Gion Crisost Caduff fa attents che tal edifeci confineschi cun la casa caplania e recamonda da patertgar da bagheggiar ora per colonias, per evitar caneras sper casa caplania. Signur Clemens Berther propona da scriver ora ella e schar far offerta. Tras tscharcha vegg concludiu da bagheggiar ora ella e dau il necessari credit leutier.

06-11-1966 Las scolettas da Sedrun e Rueras fan per mauns dalla radunanza da vischnaunca la damonda per in agid finanzial ella summa da 2000.- frs. per onn per scola. A tala damonda vegg tras tscharcha dau suatienscha.

15-12-1968 Pli liunga discussiun dat quella tractanda che preveda da crear pil proxim onn da scola ina nova scola primara a Sedrun ed eventualmein schar ira en la tiarza scola primara a Rueras. Signur president metta avon la posiziun prida dalla suprastonza communal che sebasa era sin in rapport digl inspectur da scola. Il president dil cussegl da scola, signur Victor Berther, dat in extendiu rapport, explicond il diember dils scolars a Sedrun e Rueras en scadina classa e sustegn sco president dil cussegl da scola il meini dalla suprastonza, denton sco bab da famiglia el vitg a Rueras eis el per mantener la 3. scola a Rueras. Ils vischins da Rueras che fan buca mo setedi part dalla discussiun, mobein era presents en sala da vischnaunca vulan mantener la scola a Rueras. Sut tscharcha vegg ei concludiu:

- da crear pil proxim onn da scola ina nova scola primara a Sedrun
- da mantener la tiarza scola primara a Rueras.

02-03-1970 Signur president orientescha sur da differentas scolas, numnadamein ina scola da cuntuaziun, ina scola auxiliara ed ina scola pedagogica curativa. La scola da cuntuaziun ei acceptada dil pievel ed aschia obligatoria.

Ils presidents communals dalla Cadi proponan e quei era per levgiar finanzialmein scadina vischnaunca da menar la scola da cuntuaziun regiunalmein, pia per l'entira Cadi mo ina tala scola, nua quella vegg ei oz aunc buca sculariu giu.

Partenent quella tractanda vegg priu ils suandonts conclus:

- da menar la scola da cuntuaziun regiunalmein, pia l'entira Cadi ensem.

b) Sco delegai da nossa vischnaunca en quei cussegli da scola, che ha era da studegiar l'introducziun dalla duas outras scolas, vegnan proponi ed eligi: signur Alexander Loretz, actual president dil cussegli da scola e scolast Stiafen Berther.

14-03-1971 Signur president prelegia la damonda dallas uniuns dalla scoletta Sedrun e Rueras, che giavischian da crear ina tiarza scoletta a Sedrun, dumandond cul medem pass ina contribuziun pli aulta. Nies signur president ha priu contact cun la suprastonza da quellas scolettas e tenor la statistica avon maun ei la necessitat per ina supplementara scoletta a Sedrun dada. La damonda vegn aunc interpretada e recumandada dils presidents dallas scolettas a Sedrun ed a Rueras. Frequentar quellas scolas astgan mo ils affons, che han cumpleniu il 4avel onn.

Sut tscharna vegn partenet quella tractanda concludiu:

a) da crear ina secunda scollecta a Sedrun e quei en in local da nossa scola nova a Sedrun, aschilunsch che las localitads necessarias ein libras.

b) la contribuziun annuala dalla vischnaunca a nossas treis scolettas vegn fixada sin 12'000.- frs. q.v.d. 4000.- frs. per scoletta e duei valer aschiditg sco igl interess e la necessitat per quellas scolas ei avon maun.

30-10-1971 Pli liunga discussiun dattan ils apparats da televisiun per la scola a Sedrun ed a Rueras. La suprastonza communal propona da comprar dus apparats alv/ner essend ch'ei vegn purtau ella televisiun bunas emissiuns per l'instrucziun da nos affons. Ord il miez suordan differentas propostas, tgi propona apparats en colur ed auters ein encunter quels indrezs. La radunanza da vischnaunca decida sut tscharna da comprar dus apparats da televisiun alv/ner per nossas scolas a Sedrun e Rueras.

15-12-1972 Ils 24 da settember 1972 ha il pievel grischun approbau ina revisiun parziala della lescha da scola. Il temps da scola ei fixaus sin 40 jamnas, las vischnauncas san denton reducir il temps da scola sin 37 jamnas. Plinavon retract'e oz da fixar il cuoz dallas vacanzas da stad. Il cussegli da scola, suprastonza communal e l'uniun purila proponan 9 jamnas vacanzas la stad. Signur Sep Fidel Berther propona en num dall'uniun da mistergners 8 jamnas vacanzas; quella proposta vegn era sustenida da signur scolast Giusep Caduff.

En num da nos purs pren signur gerau Cristian Cavegn il plaid e supplicescha instantamein da sustener la proposta da 9 jamnas per cheutras segidar cul puresser che senta il pli fetg quella midada da scola.

Sut tscharna decida la radunanza da vischnaunca:

- a) temps da scola 40 jamnas
- b) temps da vacanzas duront la stad 8 jamnas
- c) Il parter en gl'ulteriur temps da vacanzas vegn schau sura al cussegli da scola.

02-02-1973 Il conclus prius sin la radunanza da vischnaunca dils 15-12-1972 partenent las vacanzas da stad per nossas scolas cun in cuoz dad 8 jamnas ha buca cuntentau il stan puril; quei fatg attesta l'iniziativa cheu avon maun cun 241 suttascripziuns valeivlas. Per tractar oz quella iniziativa sto gl'emprem il conclus dalla davosa radunanza da vischnaunca vegnir suttamessa ad ina tscharna da reponderaziun. Per haver in resultat clar e sigir propona nies signur president da schar sentir il meini cun star sin peis.

Ferm 2/3 dils presents ein per reponderar quei conclus ed aschia sa l'iniziativa che propona 10 jamnas vacanzas la stad, gia oz vegnir tractada.

Ils purs per part accumpignai da sias dunnauns ein stedi a vischnaunca e laian sentir quei basegns, buca mo cun la preschientscha, mobein era cun ses numerus votums.

La suprastonza communal propona la via media, pia 9 jamnas vacanzas e l'uniun da nos mistergners, representada entras signur gerau Sep Fidel Berther, propona era oz 8 jamnas vacanzas.

Era quella tscharna vegn fatga cun star sin peis. Da 156 presents che han votau, han 92 susteniu l'iniziativa; pia mutta il cuoz dallas vacanzas duront la stad per nossas scolas 10 jamnas.

12-04-1973 Quella tractanda meina il vicepresident, ei retracta gie, schebein la suprastonza va d'accord da conceder in supplement local a scolastas e scolasts. L'idea vegn da nies cussegli da scola e sustenida digl inspectur, proponend in supplement local ed annual da 5% dalla paga fundamentala.

La suprastonza communal sustegn medemamein quella idea, proponida da sura instanza ed ord il miez suonda negina cunterproposta. Sut tscherna decida la radunanza da vischnaunca da conceder in supplement local a scolastas e scolasts che munta 5% dalla paga fundamentala e va en vigur cul proxim niev onn da scola e duei vegnir pagaus ora alla fin digl onn el senn d'ina gratificaziun.

12-04-1973 La suprastonza da nossa scoletta a Sedrun damonda in considerabel alzament dalla actuala contribuziun e quei da 8000.- frs sin 13'000.- frs. e quei per haver la pusseivladad d'aunc finanziar lur scolastas cun risguardar la scoletta a Rueras, pia treis scolas, munta il susteniment finanzial per quellas scolas sin 19'500.- frs. La suprastonza communal ha tractau quella damonda e propona en quei connex da surprender las scolettas entras la vischnaunca e surschar la survigilonza al cussegli da scola cun forsa alzar il diember da quels cussegliers.

La contribuziun ch'ils geniturs han da pagar resta vinavon ed en quella direcziun fa la suprastonza communal sin fundament digl actual index la suandonta proposta:

1 affon ord ina famiglia paga 100.- frs. per onn

2 affons ord ina famiglia pagan 120.- frs per onn

3 affons ord ina famiglia pagan 150.- frs. per onn

Ils actuels presidents da nossas scolettas, signur Melchior Decasper e scolast Vinzens Pally sostegnan fermamein quella idea, denton giavischassen els aunc vinavon ina cumissiun separada per las scolettas.

Sut tscherna decida la radunanza da vischnaunca da prender las scolettas sut il menaschi communal. Co reorganisar e survigilar quei menaschi spetga la suprastonza communal ina proposta dil cussegli da scola e dallas suprastonzas dallas scolettas.

10-10-1973 Orientaziun: Per la tgira da dents per ils scolars tuatschins ei fatg in contract cun signur dr. Tuor a Mustér. Las spesas da controllas surpren la vischnaunca entiramein. Per il tractament dils dents surpren la vischnaunca 50% dils quens per tractament. Cass specials, sco siaras, dents d'aur, proteses etc. crodan buca sut cass tractament e vegnan buca pagai. Valeivel sco onn d'emprova!

22-12-1973 Il regulativ per las scolettas, il qual duei esser repartius als votants, vegn da signur president sclarius en general ed orientaus da singuls artechels che pertuccan il reglament. Suprastonza e cussegli da vischnaunca recamondan l'approbaziun. Entras unanimia tscherna vegn il regulativ approbaus.

22-12-1973 Il cussegli da scola fa la damonda entras ina brev alla suprastonza, per crear ina secunda scola manuala. La damonda ei gia tractada dalla suprastonza e dil cussegli da vischnaunca e quellas duas instanzas recamondan da crear la secunda scola manuala. Signur president e gl'actuar orientesch an aunc ina gada ils presents sur las raschuns ed arguments sur igl actual e futur proceder.

Entras tscherna vegn la proposta acceptada unanimamein.

06-09-1974 Survetsch dentari per las scolas. Signur president sco era gerau Tumaisch Monn orientesch sur la presenta situaziun dil contract cun dr. dentist Tuor. La proposta dil cussegli da vischnaunca e suprastonza ei da pagar 50% dils cuosts pil miedi da dents, denton maximum 300.- frs. Tractament special sco proteses etc. ei buca cumpriu el manteniment da dents.

a) Tscherna per rumper conclus dils 10 d'october 1973 peggia il pli cun 2/3 dalla vuschs.

b) Tscherna decida da pagar 50% dils cuosts per manteniment dils dents, denton maximum 300.- frs. a tuts scolars dalla scola rurala digl 1. onn tochen e cun il 9avel onn da scola. Las controllas dils dents tier il meidi eligius pil survetsch dentari van sco tochen ussa 100% sin quen communal.

10-06-1977 Acquist da regress a Rueras e Sedrun. Rueras: Per realisar e haver access carabel sil plaz avon scola nova, suenter ch'il tschaler da schurmetg ch'ei projectaus ei baghegiaus, basegna ei la cumpra da prau da signur Lucas Cavegn. Il cussegl da vischnaunca ch'ei orientaus detagliadamein sur la situaziun e project recamonda gl'acquist da quei terren. Mesira ca. 1000 m², prezi egl importo da 6500.- frs. Sedrun: Il prau da Gion Michel Monn, sur scola a Sedrun, confinond cun gl'asil, vegn dalla suprastanza communalia e dil cussegl da vischnaunca medemamein recumandaus da cumprar sco regress public. Omisduas parcellas ein tenor plan zonal reservadas per stabiliments publics. En omsidus loghens va il restont da quels frusts vi al proprietari privat e resta ella zona da baghegiar.

Il prau sper scola Sedrun mesira circa 1000 m² e cuosta 50'000.- frs. Cun la decisiun da cumprar entras la radunonza da vischnaunca, vegn era il necessari credit daus. Tscharna: Il salter Albert Cavegn fa las tscharnas.

- a) D'acquistar il prau a Rueras tenor orientaziun.
 - b) D'acquistar il terren sper scola a Sedrun tenor pareri.
- Il salter constatescha unanima approbaziun

02-12-1977 Prender decisiun concernent las casas da scola a Camischolas e Cavorgia. Sin stimulaziun da differents vischins che giavisch, che la vischnaunca interprendi enzatgei cun las casas da scola a Camischolas e Cavorgia, ha la suprastanza communalia fatg venal las duas casas. Differents interessai han fatg offerta ed offereschan per la casa Camischolas 25 - 33'000.- frs. e per casa Cavorgia 5000 - 19'000.- frs. Per eruir tgei duei daventar cun las casas da scola ha scadina casada dils vischinadis Camischolas e Cavorgia obtenui in questiunari nua ch'els han saviu exprimer lur meinis. Ils vischins da Cavorgia ein s'exprimi da salvar e mantener la casa da scola. Il meinis dils vischins da Camischolas ei differents. Il cussegl da vischnaunca ha en sia radunonza proponiu da far giu la casa e sche pusseivel ereger in plaz da parcadi. Signur gerau Vigeli Giossi constatescha che la disfatga dalla casa ed erectiun d'in parcadi stessi en neginas relaziuns da cuost. Entras tscharna decida la radunonza da vischnaunca da salvar e mantener las casas da scola a Camischolas e Cavorgia e surschar alla suprastanza l'utilisaziun da quellas.

22-08-1980 Signur Vigeli Giossi, cau digl uffeci da baghegiar e dil manteniment dils baghetgs, declara che la casa da scola veglia a Rueras, ussa casa da colonias, hagi adina puspei dau caschun da reclamaziuns ord la vischinonza. Cunzun per la casa pervenda munti igl albier da giuvenils ina grevezia.

Cumparegliond cuosts per midadas vid la casa, plaz, regress, parcadi vischinonts, manegia el che la sligiaziun cun la casa Monn seigi cunvegnenta, era sch'el sco vischin da Rueras havessi beneventau in museum enta Rueras. La vischnaunca havessi in'offerta che porschi la biala summa da 150'000.- frs. per la scola, aschia ch'ins astga cussegliar la vendita.

Unanimamein vegn concludiu la vendita dalla scola veglia da Rueras cun la cundiziun ch'ella astgi dacheunaven buca veginr utilisada sco casa da colonias.

24-03-1986 Sanaziun dalla scola a Sedrun. Entochen dapresent s'auda sulettamein in luvratori da scrinari tier il menaschi da scola. Quel ei integraus sut las stanzas da scola en e disturba l'instrucziun en scola. Sin giavisch da scolasts e dalla cumissiun da gestiun ha la suprastanza communalia tschercau ina nova sligiaziun. Havend priu investa ellas vischnauncas vischinontas han ins anflau per necessari da far in niev luvratori da scrinaria, in luvratori da luvrar cun materials da metal sco era in niev local per l'instrucziun da chemia e fisica. Il local vegl vegness utilisaus sco biblioteca e sco ulterior local d'exercezi per las uniuns. Il project ch'ei previus da baghegiar davos scola a Sedrun custass en total 440'000.- frs. En detagl cuosta il bagehtg 280'000.- frs., las mobiliars 60'000.- frs., cundrezs spezialis ed uaffens 100'000.- frs.

Quella tractanda ei sepresentada sco fetg delicata e critica ed ha caschunau ina debatta da varga in'ura. Ei ha dau massa damondas, inaga tgei ei schabegi cun ils scolars da Rueras, lu sch'ins hagi scolasts che seigien habels d'instruir ils roms novs, tgi paghi ils cuosts, tgei

classas fan diever da quels mieds.

Il vicepresident sa dar ni intermediar sin tuttas damondas il necessari sclariment. Ils scolasts stoppien frequentar cuors. En principi fetschien tuts scolars diever da quels locals, denton els roms fisica e chemia vegnien mo ils scolars dallas classas superiuras instrui. Il mirar per glieud adattada per quels roms ni schar s'instruir ils scolasts seigi caussa d'organisar dil cussegli da scola. A Rueras sappien ins era preparar in local da zambergiar per ils scolars che van a scola en leu. Igl ei curdau plirs votums per part ualti vivs pro ed encunter. Cheu enzacons pro: Ella Cadi possedien las biaras vischnauncas gia quels indrezz e nus lein buca star anavos. Ei va gie per bien da nos affons. Quels san duvrar quei ella veta futura.

Il vischin Vigeli Berther manegia ch'il project presentaus seigi memia luxerius. Ei dessi la pusseivladad da dislocar la scrinaria, la fravia ect. El local existent sut la tribuna dalla sala da gimnastica en. Leu seigi ei a disposiziun in local da 244 m² surfatscha. Igl ulteriur local savess ins far ord l'actuala scrinaria. Tenor la statistica ei il catsch d'affons buca gronds egl avegnir ed ei vegni liber stanzas da scola. Ozildi lavurien ins bia cun glisch artificiala. Ils affons seigien silpli duas uras ad jamna en quels locals. Siu votum per quella proposta che vegn numnada el decuors dalla tractaziun, vegn per part aunc sustenius da pliras varts. Vicepresident Alfred Schmid rispunda ch'il plaz a disposiziun el local sut la tribuna en munti mo a 96 m². Igl ulteriur plaz seigi occupaus, aschia ch'ins savessi silpli metter suttetg la scrinaria en quei local.

Suenter la debatta stattan ils presents avon las suandontas propostas:

- l'alternativa da Vigeli Berther da refierer oz la tractanda e studegiar immediat ina nova varianta pli favoreivla e purtar avon per approbaziun al pievel cun la proxima caschun.
- la proposta dil cussegli da vischnaunca da preparar il project 1986, far las installaziuns 1987, endrizzar definitivamein 1987 cun prender ils cuosts el preventiv. (Quella votaziun era ida en emblidonza ed ins ha votau giu dad ella pér sut varia.)
- la proposta dalla suprastonza communal, da far il baghetg grob la stad 1986, far las installaziuns 1987, endrizzar definitivamein, finir e surdar ei igl onn 1988.

Votaziun: emprema proposta 25 gie e 26 na; secunda proposta 4 gie, ils ulteriurs na; tiarza proposta 33 gie, 11 na.

Aschia sei concludiu d'execuir la tiarza varianta proponida dalla suprastonza communal: execuir il project presentau per il credit da 440'000.- frs. en treis onns, numnadamein il baghetg grob 1986, las installaziuns 1987, igl endrizzament final e surdar 1988.

24-05-1993 Iniziativa per introducir la jamna da 5 dis da scola. Sco gerau Flurin Berther orientescha ha ina grappa da circa 220 votantas e votants inoltrau in'iniziativa nua ch'ei vegn giavischau d'introducir la jamna da 5 dis scola en Tujetsch.

Las autoritads han priu enconuschienschaftscha da quei giavisch, aschia ch'il cussegli da scola, la suprastonza communal ed il cussegli da vischnaunca han giu da tractar quella fatschenta. Era els differents gremiums ein ils meinis empau divergents ed ina sera d'informaziun, nua che geniturs, educaturs ed inspectur da scola han dilucidau la caussa, ha fatg beinenqualin malsegirs aschia che beinenqual han revediu siu meini.

Il cussegli da vischnaunca sostegn il giavisch dallas iniziantas e propona per mauns dalla radunanza da vischnaunca d'introducir la jamna da 5 dis scola en Tujetsch.

Dunna Evelin Soliva sa da principi s'accordar cun quei meini, propona denton d'introducir la jamna da 5 dis definitivamein mo per las classas primaras, per las classas realas e secundaras propona ella da far ina emprova da 2 onns.

El decuors dalla discussiun vegn dau liber vau a sentiments ed emozions. Ina certa critica vegn exprimida viers igl urari da scola dils davos 2 onns, che ha buca cuntentau ils geniturs, tuttavia quels d'ordvart ch'ein suttamess alla grevezia da far in liung viadi per ir a scola. Adina puspei vegn ei argumentau ch'ei mondri la finala pil bien digl affon e che lez astgi buca pitir.

Il president dil cussegli da scola, Franz Schmid, pren en schurmetg il cussegli da scola che propona da mantener la jamna da scola sco tochen da cheu. Era quei che pertucca gl'urari eis el dall'opiniun che quel corrispondi als basegns digl affon, tuttavia sch'ins persequiteschi tgei pusseivladads ch'ei detti oz cun eleger roms supplementars voluntaris. Damondas e rispostas sebrattan.

Con sociala ei nossa scola? Tgei schabegia cun affons fleivels che veggan buca suenter en scola? Veggan ils affons a frida cun far ils pensums? Tgei pusseivladads dat ei per frequentar roms supplementars? Co vesa igl urari da scola ora sche tut sto vegin fatg en mo 5 dis? Daco ei gl'inspectur da scola buca per la jamna da 5 dis? Tgei consequenzas han ils transports e tgei cuosta quei alla vischnaunca?

Gerau, scolasts, geniturs ed auters vischins ein sespruai da rispunder allas damondas. Per part ein ellas stadas cuntenteivlas, outras han denton buca perschuadiu.

Alla fin dalla discussiun orientescha il president da vischnaunca co la votaziun ha da succeder, silsuenter vegg votau giu.

En ina emprema votaziun vegg decidiu denter la proposta dils iniziants e la proposta da dunna Eveline Soliva.

Per la proposta dils iniziants voteschan 16, per la proposta da dunna E. Soliva 50 dils presents.

Tenor la lescha da votaziuns croda la proposta cun las paucas vuschs naven.

Ella davosa votaziun vegg decidiu tgi che vul sustener la proposta da dunna E. Soliva e tgi che vul star tiel sistem da scola sco tochen da cheu, pia sin 6 dis.

La proposta da dunna E. Soliva vegg sustenida cun 69 vuschs, la proposta da schar la jamna da scola sco tochen da cheu obtegn 31 vusch.

Cun quella decisio han ils presents decidiu d'introducir en Tujetsch definitivamein la jamna da 5 dis per las classas primaras, per las classas realas e secundaras vegg fatg 2 onns d'emprova.

08-10-93 Revisiun dalla lescha da scola. Il sboz dalla lescha da scola vegg repassaus pagina per pagina. Il gerau dil departement, Vigeli Giusep Berther, dat claramein sclariment sin las damondas sporadicas.

Tier artechel 19b) fa signur scolast Ervin Cathomas la proposta da midar l'emperma construcziun en: "Cuors da perfecziun per scolasts ston vegin annunziai ad uras al cussegli da scola." Entras votaziun vegg la proposta buca acceptada.

Cunquei ch'ei dat buca pli gronda discussiun vegg ei passau tier la votaziun.

La nova lescha da scola per la vischnaunca da Tujetsch vegg acceptada unanimamein tenor proposta dallas autoritads communalas.

18-06-99 Conclus da serrar la scoletta da Cadruvi a Sedrun. Il diember da scolarets sesminuescha onn per onn considerablamein. Oz meina la vischnaunca 3 scolettas, 2 a Sedrun ed ina a Rueras, cun in pensum parzial. Danovamein dat ei mo pli 2 scolettas, ina a Sedrun ed ina a Rueras, quellas veggan denton menadas cun pensum cumplein. Quei vul dir ch'il venderdis ei era puspei scola per ils pigns.

Cun la fin digl onn da scola han la venerabla sora Ulrica, sco era la mussadra Petra Berther demissiunau lur pazzas. La vischnaunca ha perquei stuiu encuirir gia ussa ina mussadra per la scoletta da Sedrun.

Negin che vul s'exprimer en caussa.

Cun tscharcha unanima decidan votantas e votants da serrar la scoletta da Cadruvi.

Tochen 16-12-05

11-04-2012 Tenor il president communal demuossi la gronda presenza l'imporzonza da quella fatschenta, la quala seigi era veginida discussiunada intensivamein il davos temps. El presenta la fatschenta:

La casa da scola a Rueras ei veginida eredita igi onn 1959. Igl object cun plaunterren, 3 alzadas ed ina halla polivalenta sesanfla sin la parcella nr. 1339 che ha 3'202 m² surfatscha digl edifeci, cuort, parcadi, access e regress.

Ils onns 1997, 1999 e 2002 ein differentas lavurs da manteniment pli grondas veginidas exequidas per la summa da rodund frs. 1'000'000.00 (rinforzau fundaments, sanau foyer, gardarobas, duschas e tualettes el plaunterren / novas finiastras e storas per la fassada sid / isolau e curclau niev il tetg, isolau ordadora la fassada nord / il tetg e la fassada dalla halla ein buca vegni isolai.

A caschun dalla votaziun all'urna dils 4 da matg 2008 ha il pievel tuatschin decidiu dad integrar la scola Rueras (scoletta, 1. e 2. classa) a Sedrun. Dapi l'entschatta digl onn da scola 2008/2009 vegn la casa da scola Rueras aschia buca pli utilisada entras la scola. Pliras uniuns e gruppaziuns fan denton diever dallas localitads e dalla halla polivalenta.

Duront la sesiun dunviern 2011/2012 (miez december 2011 — miez avrel 2012) vegn la gronda part dallas localitads en casa da scola a Rueras utilisada sco camp entras la Casa Nual GmbH. Suenter il barschament dalla Casa Spinatscha a Sedrun han la Casa Nual GmbH e la vischnaunca saviu secunvegnir sin quella sligiaziun provisoria che ha lubiu da cuntentiar la clientella.

Gia el messadi per la votaziun all'urna dils 4 da matg 2008 (integrazion scola Rueras a Sedrun) ha la suprastanza communala denter auter fatg menziun dalla finamira da nezegiar la casa da scola Rueras e siu contuorn per in project turistic. La finamira da realisar a Rueras in project cun in nez durabel — seigi quei el sectur turistic ni commercial - ei aunc adina actuala. En mira era la realisaziun dil project sin la parcella dalla casa da scola cun far diever dallas parcelles cunfinontas che sesanflan ella zona da construcziun futura. Malgrad che plirs potenzials investurs han mussau interess, eis el entochen oz buca reussiu da plassar il terren.

Sco gia menziunau vegn la casa da scola Rueras utilisada duront la sesiun d'unviern 2011/2012 entras la Casa Nual GmbH sco camp. Ei exista in'opziun da prolunghir il contract d'affittaziun sin la sesiun da stad 2012 e tenor basegns sin la sesiun d'unviern 2012/2013.

Sin fundament da quei svilup ha la Spinatscha GmbH (Marcel ed Adelina Schmid) signalisau interess dad acquistar igl object e realisar in camp per rodund 100 persunas. Per quei motiv ha la suprastanza communala decidiu da scriver ora igl object per eruir sch'ei ha aunc ulteriurs interessents. Igl inserat da vendita ei cumparius ils 24 d'october 2011 sin la pagina d'internet ed ella Tuatschina dils 28 d'october 2011. Sin fundament digl inserat ha la Spinatscha GmbH inoltrau in'offerta concreta. Ulteriuras offertas ein buca entradas.

La firma Sarocat AG haveva gia il november 2010 demussau interess da far diever dalla casa da scola a Rueras (affittaziun) sco liug da producziun per sias tualettas da giats. La finamira era da producir naven da miez digl onn 2011 en Surselva resp. a Rueras. Sin fundament da quella situaziun haveva la suprastanza communala fatg differents sclariments concernent in contract d'affittaziun. Ord plirs motivs ha la firma Sarocat denton buca saviu entscheiver sco previu cun la producziun dil product en Svizra, aschia ch'era l'affittaziun digl object el buca succedita. Sin fundament digl inserat da vendita ha la Sarocat AG denton aunc inagada sincerau igl interess per l'affittaziun digl object. Ina cumpra vegn denton buca en damonaa. Il mument eis ei incert cu il product ei madirs per la producziun en Svizra.

La suprastanza communalha contactau la Casa Soldanella per sclarir sche la casa da scola Rueras fuss in'opziun. La Casa Soldanella ha denton signalisau ch'igl object seigi memia voluminus per siu intent.

Interess da sviluppar in project a Rueras (casa da scola cun parcelles cunfinontas) ha la firma Prime Elements AG signalisau. In project concret ei denton buca avon maun.

Plinavon vegn la Prime Elements mo a sengaschar sch'ella sa era seguirar cun in dretg da cumpra e sviluppar las uiteriuras parcelles en possess dalla vischnaunca (sut Bogn Sedrun, center Dulezi), quei ch'ei ord vesta dalla suprastanza communalha negina opziun. In'offerta per la casa da scola ha la Prime Elements buca inoltrau.

La vendita dalla casa da scola impedescha buca da realisar pli tard in project sil terren che sesanfia ella zona da construcziun futura (parcelles nr. 1315, 1334, 1335 e 2459).

Entras in camp dat ei nova veta a Rueras, dalla quala era las stizuns eav. san profitar. Era exempels ord outras vischnauncas (p.ex. Siat e Vignogn) muossan che novas utilisaziuns da casas da scola han in effect positiv sin la veta en vischnaunca. Biaras persunas che han inaga passentau in camp en nossa regiun tuornan pli tard puspei. Tier il camp a Rueras retractass el d'ina purschida unica, essend ch'ei sa vegnir purschiu ina halla polivalenta integrada. Entras realisar in camp cun 100 letgs vegn plinavon il diember da letgs caulds augmentaus considerablamein. La Casa Spinatscha purscheva plaz per 60 persunas. Quel ei legreivel damai che mintga letg cauld ei megliers che letgs freids.

Las experientschas fatgas cun il camp duront la sesiun d'unviern actuala ein en general bunas. Ils disturbis da canera ein minimals ed ils resuns dils hospes ein buns. Ils 14 da schaner 2012 ha giu liug in di dallas portas aviartas nua che mintgin ha giu la caschun da prender investa dil niev endrizzau camp en casa da scola Rueras.

La Spinatscha GmbH offerescha in prezi da frs. 1'100'000.00 per la parcella nr. 1339 (casa da scola cun 2'410 m² surfatscha digl edifeci, cuort, parcadi, access e regress). L'emprema offerta muntava a frs. 1'000'000.00 per 2'800 m². La Spinatscha GmbH ha pia meglieurau sia offerta e la surfatsch'ei vegnida reducida sin 2'410 m².

El sid digl object sesanfla in stabiliment dil schurmetg civil suttaran. Il stabiliment ed il terren che cuviera tal fuorman buca ina part digl object da vendita (792 m²). Quella surfatscha vegn parcellada giu e fuorma silsuenter parcella (1339.1) che resta en possess dalla vischnaunca. La Spinatscha GmbH retscheiva denton il dretg da far diever dil terren e dalla via che cuviera il stabiliment dil schurmetg civil (servitut).

Per che la publicitat sappi era vinavon far diever dalla senda el vest dalla parcella nr. 1339 ei la Spinatscha GmbH promta da conceder alla vischnaunca in dretg da passadi public. Tenor schazetg ha la casa da scola ina valeta da frs. 1'706'000.00 (valur actuala). L'offerta ei pia rodund frs. 600'000.00 sut la valur actuala digl object. Cun in prezi da frs. 1'100'000.00, il qual ei in prezi da fiera, ein las investiziuns dils onns 1997, 1999 e 2002 denton curcladas. Plinavon sa la vischnaunca sedescargar entras ina vendita da cuosts annuals da rodund frs. 40'000.00 e da futuras investiziuns che vegnan ad esser necessarias (scaldament eav.). Cun las entradas ord la vendita ed ils respargns annuals eis ei pusseivel da finanziar resp. capitalisar investiziuns per projects che figureschnan el plan da finanzas.

Actualmein vegn la casa da scola utilisada sco camp. Las uniuns/gruppaziuns san denton far diever dalla halla polivalenta. El cass d'ina vendita ei la Spinatscha GmbH promta da schar far diever las uniuns dalla halla duront ils proxims 5 onns gratuitamen. Tenor basegns exista l'opziun da prolunghir quei diever encunter indemnizaziun. Concret pertucca quei il vischinadi da Rueras, il Chor mischedau Rueras, la gruppera da teater Rueras, la musica da tscheiver Rambus, l'Uniun sportiva Rueras e las mummas cun affons pigns. Las numnadas uniuns san vinavon duvrar la halla polivalenta per lur exercezis. Muort la mungrusa segirtad, ord vesta dalla polizia da fiug, vegn ei denton buca ad esser pusseivel da menar si tocs da teater e dar concerts ella halla. La tribuna en casa da scola Sedrun, la quala el vegnida sanada igl onn 2011, ei denton predestinada per talas occurrentzas.

Per la gruppera da termagliar "Pluscheins" ch'ei era s'installada a Rueras, vegn la vischnaunca a metter a disposiziun ina stanza en casa da scola a Sedrun. Il mument ein ils Pluschein en ina stanza provisoria en casa da scola Sedrun.

Per saver menar atras differents cuors ed occurrentzas (sentupada mummas, cuors da preparaziun per dunnas en speranza eav.) che han oz liug a Rueras vegn meademamein mess a disposiziun localitads en casa da scola a Sedrun.

La parcella nr. 1339 sesanfla ella zona per stabiliments publics. Per saver realisar in camp basegna ei ina midada da zona (revisiun parziala dalla planisaziun locala). Ina preexaminaziun entras il cantun ha mussau che la midada dalla zona per stabiliments publics en ina zona dil vitg ei pusseivla. Ei basegna ina revisiun parziala dalla planisaziun locala che sto vegnir approbada all'urna (ils 29 d'avrel 2012) ed entras la Regenza.

La Spinatscha GmbH ha previu da realisar in camp sin la parcella. L'erecziun da habitaziuns secundaras ei sclausa. Quella restricziun vegn impurtada el cudisch funsil.

Ord vesta dalla suprastanza communalha ina vendita dalla casa da scola suandonts disavantatgs ed avantatgs.

Disavantatags

La vischnaunca sa buca pli metter a disposiziun localitads/stanzas allas uniuns da Rueras. Potenzials investurs han buca la caschun da sviluppar la parcella cun la casa da scola en cumbinaziun cun las parcellas vischinontas. Actualmein dat ei denton negins interessents concrets.

Avantatgs:

Il vitg da Rueras (surtut las stizuns eav.) profiteschà dalla nova veta entras in camp.

La halla polivalenta stat duront ils proxims 5 onns vinavon a disposiziun allas uniuns da Rueras. Quei diever sa vegrir prolunghius tenor basegns encunter indemnisiatiun.

La vischnaunca sa spargnar cuosts annuals da rodund frs. 40'000.00 e cuosts per investiziuns da cumpensaziun.

La vendita porta ina entrada unica da frs. 1'100'000.00 che sa vegrir impundida per realisar differents projects che figureschan el plan da finanzas communal.

Ina fatschenta privata indigena ha la caschun da sesviluppar.

Risguardond ils numnai puncts ei la suprastanza communalla dil meini da far il pass e vender la casa da scola Rueras. La vischnaunca basegna buca exnum igl object per saver ademplir ses pensums ed ina buna caschun da desinvestar ei avon maun.

Sco menziunau exista il mument negin interess concret davart d'in potenzial investur da realisar a Rueras in project pli grond cun far diever dalla parcella cun la casa da scola.

Aunc sche quei fuss il cass cuzass ei plirs onns entochen ch'ins savess quintar cun in project concret. Sch'il potenzial investur vul lu suprender la casa da scola ei in'autra damonda. En mintga cass savess ins lu buca quintar cun in'entrada da frs. 1'100'000.00.

Il cass ch'ins vegr alla conclusiun da buca vender igl object dat ei l'opziun da vinavon ir alla tscherca d'investurs ch'ein promts dad era surprender la casa da scola. Sin fundament dall'iniziativa davart la restricziun da habitaziuns secundaras vegr quei buca ad esser sempel.

Ils 14 da mars 2012 ha il cussegli da vischnaunca tractau l'emprema gada la vendita dalla casa da scola. Il cussegli ei buca entraus ella fatschenta cun surdar alla suprastanza communala l'incarica d'organisar ina sera d'informaziun e discussiun denter il cussegli da vischnaunca, la suprastanza communala e la Prime Elements AG avon che decider davart la vendita.

Quell'informaziun ha giu liug ils 21 da mars 2012. La medema sera ha la suprastanza communala orientau davart la finamira dalla Banca Cantunala Grischuna dad ereger in object el center Dulezi (casa dil hosp gest sper la casa communal). La direcziun ed il cussegli dalla banca decidan entochen il davos d'avrel 2012. Medemamein ha la suprastanza communala informau davart igl Interess d'ina grappa d'investurs (Baulink) da sviluppar la parcella sut il Bogn Sedrun sin atgna resca.

Ils 26 da mars 2012 ha il cussegli da vischnaunca decidiu da vender la casa da scola Rueras (parcella nr. 1339) alla Spinatscha GmbH per in prezi da frs. 1'100'000.00 cun la cundiziun ch'il diever dalla halla a favur dalla vischnaunca vegr francaus a liunga vesta cun in contract da servitut impurtaus el cudisch funsil.

El messadi alla populaziun ei vegrni menziunau ch'ei vegrni orientau davart il resultat dallas contractivas cun la Spinatscha GmbH (con ditg ei la Spinatscha GmbH promta da metter a disposiziun la halla e per tgei cundiziuns) a caschun dalla radunanza da vischnaunca.

Sin fundament da quellas contractivas presenta la suprastanza communala la suandonta proposta:

- Vender la casa da scola Rueras (parcella nr. 1339) alla Spinatscha GmbH per in prezi da frs. 1'100'000.00.
- Il diever dalla halla a favur dalla vischnaunca vegr francaus per in cuoz da 5 onns cun in contract da servitut impurtaus el cudisch funsil.
- Il diever dalla halla suenter quels 5 onns sedrezza tenor ina declaronza d'intenziun che fuorma ina part dil contract da cumpra. Quella secloma sco suonda: Sil pli tard 6 meins avon la spiraziun dil diever da 5 onns declaran las partidas la veglia da prender si las contractivas per ina pusseivla prolongaziun dil dretg da diever dalla halla.
- Las partidas declaran lur intenziun da tscherkar ina sligiaziun en enteligentscha. Ils interess ed ils basegns dils possessurs per saver menar cun success il menaschi / object e sviluppar vinavon quel, han prioritad. El cass ch'il diever dalla halla impedescha quei svilup ei ina prolongaziun dil dretg da diever sclausa.

Tenor René Epp seigi ei fetg impressiunont e fetschi grond plascher che tonta glieud seigi presenta per far discussiun e decider sur dalla vendita dalla casa da scola Rueras. Il davos temps hagi ei dau dabia discuors denter la populaziun da Tujetsch. En emprema lingia hagi la vendita dalla casa da scola Rueras caschunau quellas discussiuns, intensivau quellas hagi lu denton era la davosa gronda communicaziun da medias sur dallas Sedrun Pendicularas. El creigi ch'ei seigi en emprema lingia era vegniu fatg ponderaziuns davart il futur da Tujetsch: Tgei schabegia cun las uniuns enta Rueras? Savess ins forsa vender quei object per in meglier prezi? Ei in camp quei che nus vulein enta Rueras? Dess ei forsa aunc outras pusseivladads da nezegiar quei object? Tgei consequenzas ha quei per Rueras, denton era per la vischnaunca da Tujetsch? Co vesein nus nossa vischnaunca en in per onns? El persunalmein creigi ch'ei seigi finalmein era uras e necessari da far quellas ponderaziuns.

Perquei Tujetsch stetti avon fetg impurtontas decisiuns. Oz mondi ei per la vendita dalla casa da scola — in interessant object era pil futur -, ed en paucas jamnas per la decisiun finala all'urna da desister dalla maioritad da nossas pendicularas.

La vendita dalla casa da scola, la quala el sappi buca sustener - sco quei ch'el hagi era gia menziunau al cussegli da vischnaunca —, seigi per el in tipic exempl per ina direcziun nundefinada. Ins mondi semplamein ina via, senza haver in concept concret, sin il qual ins savess sebasar. El vegli menziunar cheu mo treis exempels per concretisar empau quella situaziun: Ins hagi baghegiau in lag giu Claus e susteniu finanzialmein il campadi enta Rueras.

Ussa vegni ponderau da puspei investar daners el bogn cuvretg. Cun in concept sur l'entira vischnaunca ora fussi quei tgunsch buca schabegiau ed ins havessi pli propabel centralisau il campadi ed il lag en in liug. Ina halla plurivalenta vegni giavischada d'ina part dalla populaziun, da tschella vart seigi gia vegniu investau grondas summas ella halla da scola Sedrun. Il wellness hagi ins baghegiau avon massa onns ed il Cungieri lu pli tard rut giu e l'ustria vendiu. Quels exempels demuossien clar e bein che nus ageschien senza haver avon maun in concept concret. El vegli era prender sesez ella responsabludad, damai ch'el seigi ussa gia buca meins che 7 onns el cussegli da vischnaunca. Denton sappi e dueigi ins era criticar cheu negin — ei seigi entochen oz semplamein buca aunc vegniu fatg pil grondas ponderaziuns da metter sin pei aschia in concept. Vinavon - sco la suprastanza hagi era adina menziunau avon il barschament dalla Casa Spinatscha — vegni la vischnaunca da Tujetscn entras l'engrondaziun dil teritorri da skis pli attractiva. Quei munti era che nus astgien haver pil futur dapli speranza da survegnir per quei object dapli interessents, che dad haver ussa mo in. Ei drovi urgentamein in concept e quei aschi spert sco pusseivel. E perquei vegni el a far ina proposta sco quei ch'el hagi era già giu fatg el cussegli da vischnaunca. La proposta seigi denton vegnida concretisada. Aschia hagi el era empruau da risguardar ils votums critics fatgs dalla suprastanza communalia sco era dil cussegli da vischnaunca. Ei setracti d'ina proposta da stuschar la fatschenta sin in termin nunfixau cun definar ed approbar in concept sur l'entira vischnaunca ora. Quei enviers la declaraziun dalla surpastanza communalia a caschun dalla radunanza dil cussegli da vischnaunca, che sia proposta da renviar la fatschenta cun surdar l'incumbensa da realisar in concept communablamein cun la Firma Prime Elements seigi buca conforma als reglaments.

Proposta Rene Epp:

Stuschar la tractanda "Vendita casa da scola Rueras" sin in termin nunfixau, denton segiramein entochen ch'ins ha definau ed approbau in maletg empalont, ina strategia sco era in plan directiv (masterplan) per la vischnaunca da Tujetsch.

Per questa lavour vegn nominau ina cumissiun predeliberaonta, la quala ha dad elaborar quels documents entochen ils 30 da settember 2012.

La cumissiun exista ord 9 representants che secumponan ord suandontas spartas:

- Sport
- Cultura
- Scolaresser
- Sedrun Muster Turissem
- Sedrun Pendicularas SA
- Uniun professiunala Tujetsch

- Uniun purlia Tujetsch

- Gastro Sedrun

- Giuventetgna Tujetsch

La cumissiun vegn convocada immediat dalla suprastonza communal e seconstituescha seseza. Acts ch'ein gia avon maun, sco per exemplu offertas, vegnan surdadas alla cumissiun.

La cumissiun lavura en stretga collaboraziun cun il pievel tuatschin e la suprastonza communal da Tujetsch. Per accumpignar la cumissiun professiunalmein (coaching) conceda la radunanza da vischerna in credit da rama ella summa da frs. 50'000.00. A vesta dall'impuronta votaziun all'urna sur dalla vendita dallas aczias dalla Sedrun Pendicularas SA digl 1. da februar 2012, ha la cumissiun da presentar in rapport intermediar a caschun dalla secunda sera d'informaziun dil cussegli d'administraziun dallas pendicularas e dalla suprastonza communal che ha liug ils 15 da zercladur 2012 per ils acziunaris ed il pievel tuatschin.

La proposta dil maletg empalont, dalla strategia sco era dil plan directiv (masterplan) vegn surdada sil pli tard entochen ils 30 da settember 2012 alla suprastonza communal per introducir la via politica enfin l'approbaziun alla radunanza da vischerna.

Rene Epp ha il sentiment che quei seigi per propri ina fetg buna proposta, cun la qualu tut sappien secunvegnir. Elavurar cummunablamein e professiunalmein in concept pil futur da nostra vischerna da Tujetsch per finalmein haver in muossavia, sustenius dalla gronda part da nostra populaziun. Silsuenter sappi ins numnadamein era exact co ins vegli agir en caussa "vendita dalla casa da scola Rueras". En quei senn propona Rene Epp da sustener sia proposta.

Il president communal ei buca promts da schar votar sur dalla proposta da Rene Epp. El visescha sigl artechel 30 dalla constituziun communal tenor il qual ei astga mo vegnir votau sur da tractandas ch'ein stadas publicadas e ch'ein vegnidias predeliberas entras la suprastonza communal ed il cussegli da vischerna. Plinavon hagi il cussegli da vischerna gia surdau alla suprastonza communal l'incarica d'elavurar in maletg empalont che seigi da presentar entochen il davos d'october 2012.

Tadeus Giossi ei surstaus che la vendita dalla casa da scola fa ina tala prescha. El hagi l'impressiun ch'enzatgi seigi sut pressiun e la casa da scola stoppi vegnir vendida per tut prezi. La vendita seigi vegnida screta ora alla sperta mo ella Tuatschina e sin la paginia d'internet ed el sedamondi sche quei seigi sufficient per in object da tala muntada cun ina valeta dad 1.8 milliuns francs.

Ils arguments dalla suprastonza communal per la vendita seigien fleivals. Ch'ei detti dapli veta a Rueras entras la vendita (camp) seigi in beffa. Avon onns erien la scola e la scoletta a Rueras. Quei hagien ins buca vuliu ed integraru la scola e la scoletta a Sedrun senza prender risguard sin la veta el vitg da Rueras. Ussa denton dueigi ei dar in camp a Rueras. A Rueras hagi ei dau dus camps ed il vitg vivi gest aschi bein dapi che quels seigien buca pli. In camp porti era buca bia allas ustrias e stizuns da Rueras damai ch'ils giuvenils passentien la gronda part dil temps el camp. El hagi l'impressiun ch'ils jasters valien dapil ch'ils indigens.

Las purschidas per ils indigens vegnien restrenschidas ferton ch'ei vegni creau purschidas per ils jasters. Il plaz per las uniuns seigi restrenschies a Sedrun. Ei seigi era gia vegniu avon ch'uniuns da Sedrun hagien stuiu far diever dalla halla a Rueras muort munconza da plaz a Sedrun.

Tadeus Giossi ei dil meini ch'ins savessi era spargnar en auters loghens. Ina vendita sut las cundiziuns presentadas sappi el buca sustener. El creigi buca ch'ei seigi vegniu fatg tut il pusseivel davart dalla suprastonza communal. Igl interess dalla Prime Elements AG e dalla BMS Vertrieb GmbH seigi vegnius ignorau. El sappi buca tgei interess che stettien davos quei agir. Il svilup a Rueras entras la Spinatscha GmbH succedi plinavon sin cuost dil svilup dil quartier Spinatscha. Era il fatg che l'affittaziun dalla casa da scola seigi succedida entras la Casa Nual GmbH e la cumpra seigi previda entras la Spinatscha GmbH caschuni per intransparenza. Il vischinadi Rueras hagi era fatg attent ch'ei astgi buca esser ch'ils cars bloccheschien las vias ni stoppien far diever da terren privat cu els vegnien cun

ils giuvenils. Ad in privat vegnessi quei buca lubiu. Quella intervenziun seigi denton buca vegnida prida si serius. Tadeus Giossi ei dil meini da tener la scola els agens mauns e sustegn la proposta da Rene Epp da stuschar la fatschenta.

Tenor Guido Friberg hagi la suprastanza communalia communicau da sedistaccar dad objects che la vischnaunca ha negin basegns pli, denter auter era dalla casa da scola da Rueras. La cumissiun da gestiun sustegni quei meini. La vischnaunca duegi posseder da principi sulet infrastructura che survescha per ademplir ses pensums. La cumissiun da gestiun hagi capientscha che oravontut ils vischins da Rueras decidien pli vess da tala fatschenta. Ei mondi per sedistaccar d'in object che hagi tochen avon paucs onns giu ina rolla impurtonta per la societad e la communitad. Denton hagi ella negina capientscha che certas forzas portien gest ussa ella fasa da decisiun sviluppaders che giavischien maletgs empalonts e beinmanegiai investurs per impedir la fatschenta.

La suprastanza hagi instradau igl october 2011 ina fasa d'offerta. Mintgin hagi giu la pusseiviadad da far offerta. Bi fussy stau da retscheiver pliras offertas era cun purschidas d'albiert supplementars e diversas tier las existentas. Fatg seigi denton che sulet in'offerta seigi vegnida inoltrada. Ei seigi nuot auter che consequent da valetar l'offerta e presentar ella als organs politics che han da decider. Quei seigi succediu ed oz hagi la radunanza da vischnaunca da decider.

Mintgin duegi pesar giu ils aspects positivs e negativs e far siu meini persunal. Ei mondi buca mo da valetar il vargau, quei temps tuorni buca pli, mobein era da mirar anavon. La cumissiun da gestiun giavischis che la fatschenta vegni buca spustada danovamein. Ei detti oz negins novs fatgs che giustificassien quei. Ina spustada detti in curios maletg, numnadamein ch'igl offerent seigi beinvesius sulet sch'ins anfli negin meglier.

La radunanza da vischnaunca duegi prender ina decisiun — tgeinina stopi mintgin giudicar persunalmein. La proposta dalla suprastanza communalia, sustenida dalla gronda part dil cussegli da vischnaunca, seigi ina buna ed acceptabla soluziun.

Tenor Marcus Schmid hagi il president communal pretendiu che letgs caulds en camps seigien megliers che letgs freids en hotels. Sche quei seigi aschia sappi era el far ord siu hotel in camp. Ei vegni discussiunau bia sur da camps e pauc sur dalla hotellaria che hagi grondas miserias. Ad Andermatt vegni ei eregiu hotels dad aulta qualitad ed a Tujetsch vegni ei promoviu camps. En connex cun la colligaziun dils territoris da skis Andermatt — Sedrun seigi quei ina schliata via.

Il president communal menziunescha ch'el hagi buca detg che letgs caulds en camps valien dapli che letgs freids en hotels. El seigi sereferius sin las habitaziuns. En hotels detti ei numnadamein negins letgs freids mobein mo letgs occupai bein ni meins bein.

Naturalmein fussy l'erecziun d'in hotel a Rueras ina sligiazion pli ideala. Ina tala offerta seigi denton buca avon maun. Plinavon seigi en rama d'in concept vegniu discussiunau davart mesiras per sustener la hotellaria.

Vigeli Giossi constatescha che la presenza tier las radunonzas da vischnaunca seigi gronda cu el mondi per temas brisants. El sedamondi tgei proposta che vali, tala el messadi per mauns dil pievel ni tala che la suprastanza communalia presenti questa sera. Ei stuessi era vegnir reglau tgi che paga ils cuosts per l'utilisaziun dalla halla suenter ils 5 onns.

La suprastanza communalia hagi retschiert dil cussegli da vischnaunca l'incarica d'elavurar in maletg empalont. Ei vali da risguardar tut ils fatgs per buca prender fallidas decisiuns.

La Prime Elements AG hagi fatg ina gronda lavur en quella direcziun e seigi era sepresentada avon il Cussegli da vischnaunca, la cumissiun da gestiun e la suprastanza dil vischinadi Rueras. La presentaziun seigi stada buna ed el hagi giu l'impressiun ch'ins hagi schau plascher tala. Cuort suenter hagi denton il cussegli da vischnaunca decidiu da vender la casa da scola senza far stem dalla Prime Elements. Quei hagi el buca capiu. La suprastanza communalia hagi da presentar in maletg empalont entochen il november. Entochen ch'il maletg empalont seigi buca avon maun, seigi da spitgar giu cun la vendita dalla casa da scola. La fatschenta seigi aunc buca madira per decider.

Il prezi da vendita seigi da metter en damonda sco era la midada dalla zona publica en ina zona dil vitg. La vischnaunca detti aschia buca mo ord maun la casa da scola mobein era ils avantatgs da quella zona. Il terren sper la casa da scola seigi valetaus memia fleivel. Plinavon seigi la munconza da parcadis per autocars in problem. Vigeli Giossi sedamonda daco ch'ins sappi buca vinavon metter a disposizion la casa da scola a tscheins. Igl object dueigi aunc inaga vegnir screts ora per veser sch'ei detti aunc ulteriurs interessents. El suppliceschi da sustener la proposta da René Epp da spustar la decisiun.

Proposta Vigeli Giossi:

Decider davart la vendita dalla casa da scola Rueras cun scrutini.

Tenor il president communal hagi la suprastanza communal a secret ora per vender igl object, silsuenter contrahau cugl offerent e lu presentau la fatschenta als gremis cumpetents. Il cussegl da vischnaunca hagi giavischau ch'il diever dalla halla vegni francois a liunga vesta cun ina servitut impurtada el cudisch funsil. El messadi permauns dil pievel stetti ei secret co ei vegni orientau davart ils resultats dallas contractivas cun la Spinatscha GmbH davart il diever dalla halla a caschun dalla radunanza da vischnaunca. Vid quei seigi la suprastanza setenida.

L'offerta dalla Spinatscha GmbH vali entochen il davos d'avrel 2012. Per quei motiv hagi la tractazion era fatg prescha. El cass che la decisiun vegni spustada seigi la fatschenta per quei motiv liquidada.

Pertuccont il parcadi per autocars detti ei era auters exempels da firmas e camps nua che quei seigi buca Il cass.

Sin la parcella fussy ei pusseivel dad ereger sper la casa da scola in ulteriur object. La qualitat da quel fussy denton buca fetg aulta.

Martin Cavegn vegn anavos sin la proposta da Rene Epp. El ponderassi bein da buca schar votar sur da quella. Ina proposta d'in vischin hagi aulta valeta e la dertgira dessi probabel raschun a René Epp. El cussegliassi da schar votar sur dalla proposta.

Decisiv seigi sut tgei circumstanças ch'ins sappi vender la casa da scola. Marcel Schmid fagessi segiramein ina buna caussa a Rueras. La vischnaunca stetti denton avon fetg Impurontas decisiuns. Il turissem piteschi fetg (-1% pernottaziuns) e quei seigi buca mo la cuolpa dallas grondas nevadas e dallas interrupziuns da menaschi dalla viafier sur il pass Alpsu. La plazza da golf stetti avon grondas sfidas. Era il Bogn Sedrun hagi da sbatter cun deficits. El hagi gia tier la decisiun davart l'erecziun dalla sparta da wellness detg ch'il bogn vegni a caschunar in deficit da frs. 500'000.00. Sedrun Muster Turissem, las Sedrun Pendicularas, la hotellaria, la prahotellaria sco era il sectur da baghegiar seigien confruntai cun grondas sfidas, surtut suenter il "gie" tier l'iniziativa davart las habitaziuns secundaras. Mo era els secturs dalla sanadad, il scolarescer (digren diember da scolars) e la cultura detti ei problems. Biaras damondas seigien aunc buca rispondidas. La vendita dalla casa da scola porti zuar entradas, ella sebasi denton buca sin ina strategia. Havessi la vischnaunca giu ina strategia fussy la sutgera da Cungieri forsa buca vegnida dismessa ed il wellness mo vegnius eregius en cumbinaziun cun in hotel. Il pievel stoppi semetter ensemen ed elavurar ina strategia. Ei vali da definar en tgei direcziun che la vischnaunca dueigi sesviluppar egl avegnir. Quei detti era segirtad als impressaris e simplificheschi la lavur politica. Oz seigi per exemplu buca enconuschen tgei effect che la vendita dalla maioritat dallas aczias dallas Sedrun Pendicularas hagi.

El seigi era surstaus che la cumissiun da gestiun fetschi politica entras prender posiziun tier la vendita dalla casa da scola. La cumissiun hagi mo il pensum da giudicar igl aspect finanzial. Martin Cavegn supplicescha da sustener la proposta da Rene Epp.

Tenor il president communal sappi ins sustener la proposta da Rene Epp entras dir 'na' alla vendita dalla casa da scola. La cumissiun da gestiun hagi era gia pli baul priu posiziun tier fatschentas. Quei seigi era siu pensum.

Gelgia Deplaz deplorescha ch'il president communal lai buca votar sur dalla proposta da Reneé Epp. Ella seigi dil meini ch'ei detti in artechel che lubeschi a mintga vischin da far

ina proposta a caschun d'ina radunonza da vischnaunca. René Epp s'engaschi cun tgierp ed olma ed hagi buca meritau quei. Ella seigi dil meini da schar votar sur dalla proposta.

Guido Friberg pren posiziun tiel votum da Martin Cavegn. La cumissiun da gestiun hagi el vargau buca fatg politica, fetschi oz buca quei e spera dad era egl avegnir buca far quei. El repeti aunc inagada ils davos patratgs. El hagi numnadamein detg il suandont. Prendezi oz la decisiun — tgeinina stueis Vus giudicar persunalmein, senza influenzas da tuttas varts. La proposta dalla suprastanza communal, sustenida dalla gronda part dil cusegl da vischnaunca, ei ina buna ed acceptabla soluziun. Vus decidis."

Votaziun davart la proposta da Vigeli Giossi da far scrutini:

La radunonza da vischnaunca decida cun gronda maioridad da votar davart la vendita della casa da scola Rueras cun scrutini.

Votaziun finala

La radunonza da vischnaunca decida cun 88 encunter 70 vuschs (2 cedels vits) da buca vender la casa da scola Rueras (parcella nr. 1339) alla Spinatscha GmbH per in prezi da frs. 1'100'000.00.